

## 福唐書

後晉 劉 眗 等撰

中 華 書

局

卷一一至卷一八下(紀)第二年 出

## 舊唐書卷十

## 本紀第十一

## 代宗

送,步出闕門,方始乘馬。<br />
迴紇葉護王子率兵入助,勇冠諸蕃,上接以優恩,結爲兄弟,故香 利,賊鋒方銳,屢來寇襲。上選求勇幹,頻挫其鋒,聖慮遑寧,士心大振。及師進討,百官辭 **積之戰,賊徒大敗,遂委西京而遁。雖子儀、嗣業之奮命,由上恩信結於士心,故人思自效。** 弱,上推心示信,招懷流散,比至彭原,兵衆數萬。及肅宗迴幸鳳翔,時房琯、郭子儀繼戰不 寬而能斷,喜懼不形於色。仁孝温恭,動必由禮,幼而好學,尤專禮、易,玄宗鍾愛之。 日生于東都上陽宮。初名俶,年十五封廣平王。玄宗諸孫百餘,上爲嫡皇孫。字量弘深, 祿山之亂,京城陷賊,從肅宗蒐兵靈武,以上爲天下兵馬元帥。時朝廷草創,兵募寡 代宗睿文孝武皇帝諱豫、肅宗長子。母日章敬皇太后吳氏、以開元十四年十二月十三

本紀第十一

代象

長驅 都恢復,二聖迴鑾,統率之功,推而不受。肅宗還京,大赦,改封楚王 旣收京城,令行禁止,民庶按堵,秋毫不犯,耆老歡迎,對之歔欷。 東趨號洛。 新店之役(1),一戰大捷,慶緒之黨,十殲七八。 數旬之間,河南底定,兩 聞賊殘衆猶保陝郊,即日

往來侍疾,躬嘗藥膳,衣不解帶者久之,及承監國之命,流涕從之。 乾元元年三月,改封成王,四月庚寅,立爲皇太子,改名豫。上元末年,兩宮不豫,太子

書、判元帥行軍、閑威等使李輔國進號尚父,飛龍閑威副使程元振爲右監門將軍。流宦官朱 用制於中權;存乎至公,豈慚於內舉。特進、奉節郡王适可天下兵馬元帥。」乙亥,以兵部尙 等禁錮之,幽阜后於別殿。丁卯,肅宗崩,元振等始迎上於九仙門,見羣臣,行監國之禮。己 至,卽衞從太子入飛龍廐以俟其變。是夕,勒兵於三殿,收捕越王係及內官朱光輝、馬英俊 圖廢立。乙丑,皇后矯韶召太子。中官李輔國、程元振素知之,乃勒兵於凌霄門,俟太子 光輝、啖庭瑤、陳仙甫等於黔中 巳,卽皇帝位於柩前。 甲戌,韶。"(國之大事,戎馬爲先,朝有舊章,親賢是屬。 故求諸必當, 寶應元年四月,肅宗大漸,所幸張皇后無子,后懼上功高難制,陰引越王條於宮中,將

荷或變革,何以教人?股醬此閔凶,攀號罔極,公卿固請,俾聽朝務,斬焉緩經,痛貫心靈, 五月己卯朔,以李輔國爲司空兼中書令,餘如故。 辛卯,制曰:「三年之喪,天下達禮,

字改封 行乾元 忍權 豈可便議公除,遽移諒闇。 道節度使並加實封,四月十七日立功 事 已下加階。諸州防禦使並停。 ,充度支轉運使。 奪。 建昌王追封齊王,崇恩王追封衞王,靈昌王追封鄆王。 故庶人皇后王氏、故庶人太子瑛、鄂王瑤、光王踞並宜 竊 鄒王, 錢, 凡庶在位,宜悉哀懷。」宰臣苗晉卿等三上表請依遺制行,方聽政。 惟哀思,深謂未可。 重稜小錢一當二, 奉節郡王适進封 改乾元大小錢並一當一。 昨見所司儀注,今月十三日大祥,十五日從吉。 其百僚並以此釋服,股將繼武丁之道,素冠之詩,恭默再周,不 內外官三考一 魯王,李光弼 重稜大錢一 `人並號「寶應功臣」。 內外文武官三品已上進爵,四品 當三。 進封臨淮王。 轉。 丁酉,御丹鳳樓,大赦。子儀、光弼、李光進諸 益昌郡王邈進封鄭王,延慶郡王迥進封韓 丙申, 以戶部侍郎元載同中書門下平章 **貶禮部尙書蕭華爲陝州司馬。** 復封 壬寅,以來與復爲襄州刺 號。 棣王琰、永王璘並 仰憑遺制,又欲 **丙戌**,嗣魯王 史、山 與昭 改

書,從之。 輔國爲博陸王〔三〕,罷中書令,許朝朔望。 辭見,先臨 六 、月己酉朔,百僚臨于西宮, 上不視朝。 西宫, 己未,罷尙父李輔國判元帥行軍及兵部尙書、閑廐 然後詣朝。 改豫州爲蔡州,避上名也。 壬申,以通州刺史劉晏爲戶部侍郎、兼御史大夫、 自是每朔望皆如之,迄于山陵。 侍中苗晉卿以老疾,請三日一入中 等使。 輔國 請遜位。 凡人臣有 辛 ·酉,以

南東道節度使。

本

紀第十一

代

京兆尹,充度支轉運鹽鐵諸道鑄錢等使。

保定郡開國公。 秋 七月己卯 朔。 乙酉,襄州刺史裴茙長流費州 辛巳, 觀軍容使魚朝 恩封 (四) 賜死於藍 馮翊 郡開國公, 田 驛。 宦官程元振 庚寅, 韶不許匭 爲鎭 軍 大 一使閱投 、將軍

匭人文狀。 賜道州司馬敬羽自盡。 來瑱自襄州來朝,郭子儀自河中來朝

東北,彌漫半天。 八月已酉朔。 貶太子少傅李遵爲袁州刺史。 自七月不雨,至此月癸丑方雨。 台州賊袁晁陷台州,連陷浙東州縣 庚午夜,西北有赤光亙天, 貫紫微 漸移

里 事 澈見底。 |可汗率衆來助國討逆,令御史大夫尚衡宣慰之。 ,節度如故。 九月丁丑朔,魯王适改封雍王。 甲午,秘書監韓穎、中書舍人劉烜配流嶺麦,尋賜死,坐狎昵李輔國 程元振進封邪國公。 以山南東道節度使來與爲兵部尚書、同中書門下平章 丙申,右僕射、山陵使裴冕貶施州刺史。 甲午,太州至陝州二百餘里黃河清 也。 戊戌,迴紇登

李輔國 義 東京、河陽、汴、鄭、滑、相、魏等州。 了,會軍 師 次 多十月辛 、洛陽 於其第,竊首而去。 於陝州。 北 ·酉,韶天下兵馬元帥雍王統河東、朔方及諸道行營、迴紇等兵十餘萬討史朝 郊。 。加朔方行營節度使、大寧郡王僕固懷恩 甲戌, 戰于橫水, 戊辰,元帥雍王率諸軍 乙酉,陝西節度使郭英乂權知東京留守。 賊大敗,俘斬六萬計。 一進發, 同中書門下平章事。 留郭英义、魚朝恩鎭陝州。 史 朝 義奔冀州。 乙亥,雍王奏收 丁卯夜, 盜殺 丁酉,偽恆州 壬申

節度使張忠志以趙、定、深、恆、易五州歸順,以忠志檢校禮部尚書、恆州刺史,充成德軍節 度使,賜姓名曰李寶臣。 於是河北州郡悉平。 賊范陽尹李懷仙斬史朝義首來獻,請降。

十二月庚戌,太子太師、邠國公韋見素薨。辛未, 僕固懷恩爲尚書左僕射、兼中書令、

靈州大都督府長史、河北副元帥。 邛州新置鎮南軍。

是歲,江東大疫,死者過半。 吐蕃陷我臨、洮、溱、城、渭等州。

峘卒。 故。 使、上柱國、領國公來與削在身官爵,長流播州,尋賜死于路。 壬寅,制開府儀同三司、行兵部尙書、同中書門下平章事、充山南東道節度觀察處置等 年春正月丁亥朔。 國子祭酒、兼御史大夫、京兆尹劉晏爲吏部尚書、同中書門下平章事,度支諸使如 甲午,戶部尚書、兼御史大夫、都統淮南節度觀察等使、越國公李

等州都防禦使。 部尙書、兼侍中、武威郡王、幽州節度使; 王,充成德軍節度使;薛嵩爲檢校刑部尚書、相州刺史、相衞等州節度使; **閨月戊申,以史朝義下降將李寶臣爲檢校禮部尚書、兼御史大夫、恆州刺史、** 田承嗣檢校戶部尚書、魏州刺史、鴈門郡王、魏博 李懷仙檢校兵 清河郡

二月甲午,迴紇登里可汗辭歸蕃。

紀

第十一

道 節 度使。 三月甲辰朔,襄州右兵馬使梁崇義殺大將李昭,據城自固,乃授崇義襄州 丁未,袁傪 破袁晁之衆於浙東。 玄宗、肅宗歸附山陵。 自三月一日廢朝 刺 史、山南東 至於

四月戊寅朔,太州依舊爲華州, 太陰縣爲華陰縣。 庚辰,河南副元帥李光弼奏生擒袁

晁 ,浙東州縣盡平。 辛巳,羣臣請上尊號

晦

日,百僚素服詣延英門通名起居。

|漸奏:「婚葬合給鹵簿,望於國立大功及二等已上親則給,餘不在給限。」從之。 五月癸卯朔。 丙寅,尙書省試制舉人,命左右丞、侍郎對試,賜食如舊儀。 太常卿杜鴻

甲午,觀軍容使魚朝恩自陝州入朝。 申,以前淮西節度使王仲昇爲右羽林大將軍,兼御史大夫。六軍將軍兼大夫,自仲昇始也。 昂檢校刑部尚書,封邓國公;同華節度使李懷讓檢校工部尚書:同日入省,宰相送上。 一殺,爲程元振所構 六月癸酉朔。癸未,以陳鄭澤路節度使李抱玉檢校司空,封武威郡王,河中節度使王 上御達禮門,命公卿百僚觀兵馬。 同華節度使李懷讓

政殿宣制,改元日廣德,大赦天下,常赦不原者咸赦除之。 切原発不問。 秋 七月壬寅朔。戊申,羣臣上尊號日寶應元聖文武皇帝,御含元殿受册。壬子,御宜 民戶三丁免一丁庸, 租稅依舊每畝二升。 男子二十成丁, 安祿山、史思明親族應在諸道, 五十入老。

自

試,不得釐務。 名太廟,畫像凌烟閣 帥 雍王兼尚書令,河北副元帥僕固懷恩加太保,廻紇登里可汗進徽號。 丁巳,僕固瑒兼御史大夫,充朔方行營節度。是月,吐蕃大寇河、隴,陷我秦、 刺史、縣令自今後改轉,刺史以三年爲限,縣令四年爲限, 功臣皆賜鐵劵, 員外及攝 藏

八月,以荆南節度使李峴爲宗正卿。

|成、渭三州,入大震關,陷蘭、廓、河、鄯、洮、岷等州, 盗有隴右之地。

九月壬戌朔,僕固懷恩拒命於汾州,遣宰臣裴瓊慶往宣撫之。己丑,吐蕃寇涇州,刺史

高暉以城降,因爲吐蕃鄉導。

兆尹、 街,藩 渭,循南山而東。 丙子,駕幸陝州。 知節、烏崇福、長孫全緒等率兵繼至,軍威遂振。 宏爲帝,仍逼前翰林學士于可封爲制封拜。辛巳,車駕至陝州。 無復儲擬。會魚朝恩領神策軍自陝來迎駕,乃幸朝恩軍。戊寅, 多十月庚午朔。辛未,高暉引吐蕃犯京畿,寇奉天、武功、盩厔等縣。蕃軍自司竹園渡 兼吏部侍郎 軍震懾,狼狽 從官多由南山諸谷赴行在。 嚴武爲黃門侍郎,朗州刺史第五琦爲京兆尹、兼御史大夫。 介滑。 庚寅,子儀收京城。 上出苑門,射生將王獻忠率四百騎叛,脅豐王已下十王 郭子儀收合散卒,屯於商州。 壬辰,以宰臣元載判天下元帥行軍司馬,京 舊將王甫誘聚京城惡少,齊擊街鼓於朱雀 , 吐蕃入京師, 立廣武王承 子儀在商州,會六軍使張 丁丑,次華州,官吏藏竄 癸巳,以郭子

儀爲京留守。 高暉聞吐蕃潰,以三百騎東奔至潼關,爲關守李伯越所殺

十一月辛丑朔,太常博士柳伉上疏,以蕃寇犯京師,罪由程元振,請斬之以謝天下。上

甚嘉納,以元振有保護之功,削在身官爵,放歸田里。

郡還京。辛卯,鄂州大風,火發江中,焚船三千艘,焚居人廬舍二千家。 婦人服入京城,京兆府擒之以聞,乃下御史臺鞫問。 上不悅,曰:「朕之涼德,信不及人,致勳臣顚覆,用增愧恧,何至賀焉!」程元振自三原縣衣 卿、梁國公李峴爲黃門侍郎、同中書門下平章事。丙申,放廣武王承宏于華州,一切不問。 乙未,以侍中苗晉卿爲太保,黃門侍郎、同平章事裴邈慶爲太子少傅,並罷知政事;宗正 丁酉,朔方行營節度使僕固瑒爲帳下梟首來獻。 十二月甲辰,宦官市舶使呂太一逐廣南節度使張休,縱下大掠廣州。 懷恩聞 場死,燒營遁入吐蕃。 吐蕃陷松州、維州、雲山城、籠城 甲午,上至自陝州 丁亥,車駕發陝 朝臣稱賀,

爲刑部尚書、兼御史大夫,充朔方宣慰使。癸亥,吏部尚書、同平章事、度支轉運使劉晏爲 遐裔,令於江陵府安置。甲辰,復置京畿觀察使,以御史中丞領之。癸卯,尚書右丞顔眞卿 太子賓客,黃門侍郎、同平章事李峴爲太子詹事,並罷知政事。以前右散騎常侍王縉爲黃 |年春正月己亥朔。壬寅,御史臺以程元振獄狀聞,配流溱州。 旣行,追念舊勳,特矜

門侍郎,太常卿杜鴻漸爲兵部侍郎,並同中書門下平章事。 奏諸道置常平倉使司,量置本錢和糴,許之。丁卯, 車 ,判度支及諸道鹽鐵、轉運、鑄錢等使。 甲子,元帥、尙書令遲三三上章讓皇太子。 司徒、兼中書令郭子儀充河東副元帥、 罷度支使,以戶部侍郎第五琦 第五琦

河中等處觀察,兼雲州大都督、單于鎭北大都護。

廟。 東都、河南、江南、淮南轉運使。乙未,第五琦開決汴河。 乙亥,祀昊天上帝於圓丘,卽日還宮。戊寅,以禮州刺史裴冕爲左僕射兼御史大夫,充 , 册天下兵馬元帥、尚書令、雍王适爲皇太子。 癸酉, 上親薦獻太清宮、太

史、單于鎭北副元帥、朔方節度使宜並停,其太保、兼尙書令、大寧郡王如故。」 使、知節度事、六城水運使、河北副元帥、上柱國、大寧郡王僕固懷恩,先任靈州大都督府長 靈州大都督府長史、單于鎭北副大都護、充朔方節度、關內度支營田鹽池押諸蕃部落副大 孝悌力田、童子等科。 甲子,禁鈿作珠翠等,委所司切加捉搦。 五月丁酉朔。 戊午,敕中書、門下兩省加置散騎常侍四員,官爲正三品。 癸未,制:「太保、兼中書令、 庚申,罷歲貢

七月已酉,河南副元帥、 太尉、兼侍中、臨淮王李光弼薨於徐州,廢朝三日。 判度支

第五琦兼京兆尹、御史大夫。

承紀

月丁卯,宰臣王縉爲侍中,持節都統河南、淮西、淮南、山南東道節度行營事,進封太

二七六

原郡 公。 固 護 侍中,從之。 宰相杜鴻漸判門下省事。 癸巳,王縉兼領東京留守。

道選事,幷觀農宣慰使;仍命洪州刺史李勉副知選事。 都分舉選,自此始也。辛酉,以太子詹事李峴爲吏部尚書、兼御史大夫,知江南東西及福建 嚴武攻拔吐蕃當狗城,破蕃軍七萬。尚書左丞楊綰知東京選,禮部侍郎賈至知東都舉, 道通和吐蕃使、鳳翔秦隴臨洮已東觀察使。子儀三表懇讓太尉,許之。己未,劍南節度 道邪寧、涇原、河西已東通和吐蕃及朔方招撫使;陳鄭、澤路節度使李抱玉進位司徒,充南 南西道觀察、洪州刺史張鎬卒。辛亥,河東副元帥、中書令、汾陽郡王郭子儀加太尉,充北 民家財產殆盡,皆重裝而行,吏不能禁。自七月大雨未止,京城米斗值一千文。蝗食田。丙 河東節度使辛雲京檢校尚書右僕射、同中書門下平章事、太原尹、北京留守。 九月乙未朔。 丙申, 韶徵河中兵討吐蕃, 將發, 是夜軍衆諠譟, 劫節 度使崔寓家財及 己酉、江 兩

是秋,蝗食田殆盡,關輔尤甚,米斗千錢。

丽 戒嚴。 多十月丙寅,僕固懷恩引吐蕃二萬寇邠州,節度使白孝德閉城拒守。 先鋒郭晞斬賊營於邠州西,俘斬 數百計。 子儀屯涇陽,蕃軍挑戰,子儀不出。 丁卯,寇奉天,京

十一月乙未,懷恩與蕃軍自潰,京師解嚴。 丁未,子儀自涇陽入覲,詔宰臣百僚迎之於

河南

尹蘇震卒。

劍南嚴武奏收吐蕃鹽川

城

開遠門,上御安福寺待之。

尹。子儀三表讓尙書令,詞情懇切,優韶從之。丁卯夜,星流如雨。戊辰,子儀於都省領副 元帥事,宰臣百僚送,仍令射生五百騎戎服自光範門送至省門,右僕射郭英乂以樂迎之。是 十二月乙丑,加子儀關內、河中副元帥兼尙書令,吏部侍郎暢璀爲左散騎常侍、河中

日便赴奉天。

是歲,戶部計帳,管戶二百九十三萬三千一百二十五,口一千六百九十二萬三百八十

六

永泰元年春正月癸巳朔,制曰:

年。飮至策勳,惟凶渠之授首;勞師黷武,豈人主之用心。軍役屢興,干戈未戢,茫茫 想安人之策。亦惟羣公卿士,百辟庶僚,咸聽股命,協宣乃力,履淸白之道,還淳素之 生靈,淪於溝壑,非朕之咎,孰之過敷? 股所以馭朽懸旌,坐而待曙,勞懷罪己之念,延 士庶,斃于鋒鏑。皇穹以股爲子,蒼生以股爲父,至德不能被物,精誠不能動天。俾我 之道,式受惟新之命。股嗣膺下武,獲主萬方,顧以薄德,乘茲艱運,戎麾問罪,今已十 叶五紀者,建號以體元;授四時者,布和而順氣。天心可見,人欲是從,爰立大中

紀第十一

宗

二七八

多抵犯,靜惟哀矜,實軫于懷。 風。率是黎元,歸于仁壽,君臣一德,何以尙茲。逎者刑政不修,惠化未洽,旣盡財力,良 今將大振綱維,益明懲勸,肇舉改元之典,弘敷在宥之

澤,可大赦天下,改廣德三年爲永泰元年。

興縣。 觀察處置等使,仍命四鎮行營節度使馬璘爲副和吐蕃使。癸丑,罷岐州之鳳翔縣,倂入天 獻誠加檢校工部尙書。以前太子少保王璵爲太子少師,前袁州刺史李遵爲太子少保,聽朝 是日雪盈尺。戊申,澤路李抱玉兼鳳翔隴右節度使,兼南道通和吐蕃、鳳翔秦隴臨洮已東 乙卯,左散騎常侍高適卒。戊午,劍南節度使嚴武加檢校吏部尙書,山南節度使張

富平,焚定陵寢殿。庚辰,儀王璲薨。諸陵署復隸太常寺。戊子,河西党項永、定等十二州 二月甲子夜,雷霆震擊。丁丑,內出宮女千人,品官六百人守洛陽宮。戊寅,党項羌寇

部落內屬,請置宜、芳等十五州,許之。

者,京師無職事,乃合於禁門書院,間以文儒公卿,寵之也。仍特給飧本錢三千貫。庚子 李季卿王延昌、禮部侍郞賈至、涇王傅吳令瑤等十三人,並集賢院待詔。上以勳臣罷節制 太子詹事臧希讓、左散騎常侍暢璀、檢校刑部尙書王昂高昇、檢校工部尙書崔渙、吏部侍郎 三月壬辰朔,韶左僕射裴冕、右僕射郭英乂、太子少傅裴邈慶、檢校太子少保白志貞、

夜,降霜,木有冰。歲饑,米斗千錢,諸穀皆貴。 同平章事。 庚戌, 吐蕃請和。 韶宰臣元載、杜鴻漸與蕃使同盟于興唐寺。 丙午,鳳翔李抱玉讓司徒,從之,授左僕射、 辛亥,大風拔木。

是春大旱,京師米貴,斛至萬錢。

夏四月己巳,乃雨。 戊子,太保致仕苗晉卿薨。 庚寅,劍南節度使、檢校吏部尚書嚴武

卒。

五月癸丑,以尙書右僕射、定襄郡王郭英乂爲成都尹、御史大夫,充劍南節度使。 是月

麥稔。 判度支第五琦奏請十畝稅一畝,效古什一而徵,從之。

而雷。 六月癸亥,吏部尙書李峴南選迴,至江陵,貶衢州刺史。 代州置代北軍,平州置柳城,析通州石鼓縣置巴渠縣。 自春無雷, 至此月甲申,

大風

秋七月辛卯朔,淄青節度使侯希逸爲副將李懷玉所逐。 制以鄭王邈爲平盧、淄青節度

大使,令懷玉權知留後事。 以久旱,遣近臣分錄京城諸獄繫囚。 甲午, 昇平公主出降駙馬

都尉郭曖。 庚子,雨。時久旱,京師米斗一千四百,他穀食稱是。

八月乙亥,河南道副元帥、涇原節度使馬璘封扶風郡王。

州,客將尙品息贊磨、尙悉東贊等寇奉天、醴泉,党項羌、渾、奴刺寇同州及奉天,逼鳳翔府 九月辛卯,太白經天。 丁酉,僕固懷恩死于靈州之鳴沙縣。時懷恩誘吐蕃數十萬寇邪

本紀

第十一

屯同州 橋 光以兵追擊于澄城,破賊萬計。 午至甲寅大雨,平地水流。丁巳,吐蕃大掠京畿男女數萬計,焚廬舍而去。 京城男子悉阜衣團結,塞京城二門之一。 士庶大駭, 有踰垣鑿竇出城者, 熱 髙 座講之。 屋縣,京師戒 李光進屯雲陽,馬璘、郝玉屯便橋, ,杜冕屯坊州。 及奴虜寇逼京畿,方罷講。 嚴。 時以星變,羌虜入寇,內出仁王佛經兩奧付資聖、西明二佛寺,置百尺 上親率六軍屯苑內。 己酉,郭子儀自河中至, 駱奉仙、 庚戌,下詔親征。 李伯越屯盩厔, 內官魚朝恩上言,請括 進屯涇陽, 李抱玉屯鳳翔 吏不能禁。 同華節度周智 李忠臣屯東渭 周智光 私馬, 自丙

絕。 饒、歙戶口於秋浦縣置池州,分信州弋陽置貴溪縣。 以賞迴紇。 儀先鋒將自元光合迴紇軍擊吐蕃之衆於靈臺縣之西原,斬首五萬級,俘獲人畜凡三百里不 辛巳,京師解嚴。壬午,僕固懷恩大將僕固名臣以千騎來降。 冬十月己未,復講仁王經於資聖寺。 癸亥,党項攻同州,焚州民廬舍。 乙酉,迴紇首領胡祿都督來朝。癸卯,朔方將李迴方奏收靈武郡。丁亥,分宣、 丁丑,郭子儀說諭迴紇,令與吐蕃疑貳。 吐蕃至邠州,與迴紇相遇,復合從入寇。 韶稅百官錢, 市絹十萬 庚辰, 仔 辛酉,逼

李國臣等十三人爲同姓王。丁未,百僚上表,以軍興急於糧餉,請納職田以助費,從之。戊 里 十月辛卯, 以京兆少尹黎幹爲京兆尹。 丙午,封朔方大將孫守亮等九人爲異姓王,

靈州大都督府長史,充關內副元帥,兼知朔方節度等使。 申,進封渭北節度使李光進爲武威郡王;以刑部侍郎路嗣恭檢校工部尙書、兼御史大夫、 劍南節度使郭英乂爲其檢校西山

兵馬使崔旰所殺,邛州柏茂林、瀘州楊子琳、劍南李昌巙皆起兵討旰,蜀中亂。

十一月,宰臣河南都統王縉請滅諸道軍資錢四十萬貫修洛陽宮,從之。

十二月己酉, 敕:「如聞諸州承本道節度、觀察使牒, 科役百姓, 致戶口凋弊, 此後委轉

運使祭訪以聞。」

二年春正月丁巳朔,大雪平地二尺。 壬申,減子孫襲實封者半租, 永爲常式。

制

備,方投戈而講藝,俾釋菜以行禮。使四科咸進,六藝復興,神人以和,風化浸美,日用 誦之地,寂寥無聲,函丈之間,殆將不掃,上庠及此,甚用閔焉。今宇縣乂寧,文武並 尤重儒術,先王設教,敢不虔行。頃以戎狄多虞,急於經略,太學空設,諸生蓋寡。絃 受業。修文行忠信之教,崇祗庸孝友之德,盡其師道,乃謂成人。然後揚于王庭,敷以 政事,徵之以理,任之以官,置於周行,莫匪邦彥,樂得賢也,其在茲乎! 朕志承理體, 治道同歸,師氏爲上,化人成俗,必務于學。俊造之士,皆從此途,國之貴遊,罔不

紀第十一

壆 官 奉 此 工,宜 義 消 欲附 方, 工集京 將 學 修 無 讀 德 師。 間 書者亦 立 然。 其 宰 身, 其諸道節度、觀察、都防禦等使,股之腹心, 是資 聽。 相朝官、六軍諸將子弟 人藝業。 其 學官委中 恐干戈之後, 書 門下選行業堪爲師範者充。 ,欲得習學, 學校尙微, 町 僻居遠方, 並 補 久鎭 國子 方面, 學生。 無 其學 所 容稟, 眷其子弟 ·生員 其中 數 負經 身 , 所 雖 來

平、鑄錢、 丙 戌, 以戶 鹽鐵等使,以戶 至是天下財賦, ,部尙書劉晏充 部侍 東都京畿、 郎第五琦充京畿、 河南、淮南、 關內、 江 南東西道、 河東、 劍南 湖南、 西道 荆南、 轉運、常 山南 平、 東道 鑄 轉 運 常

等使。

始分理

焉

經業,供

承

糧料,

增修學館,委本司條

奏以

聞

劍南 使, 南 安 西道節 介南 命黃門侍郎、同平章事杜鴻漸兼成都尹 劍南 都護府。 西川節度使, 月丁亥朔,釋奠於 度使、 西 1[] 兵馬使崔旰爲茂州 乙未,貶刑部尚書顏眞卿爲峽州員外別駕 梁州 以平郭英义之亂也。 刺史張 國學,賜宰臣 獻 誠兼充劍南 刺史、充劍南西山防禦使,從杜 一百官飧錢 以四鎮 東川節度觀察使, 持節充山南 行營節度使馬璘兼邠州刺 五百 貫, ", 以不 於國 西道、 學 邛州 附元載, 食。 劍南東川等道副元帥, 鴻漸請也 刺 壬辰,鎮南 史柏茂林充邛南防禦 載陷之於罪 史。 癸 都 護 丑 依 也 以 仍充 山 壬

三月辛未,張獻誠與崔旰戰于梓州, 爲旰所敗,僅以身免。

夏四月辛亥,韶尚書省郎中授中州刺史,員外郎授下州刺史,爲定制。

乾元已來,天下用兵,百官俸錢折,乃議於天下地畝青苗上量配稅錢,命御史府差使徵之, 五月丙辰,稅青苗地錢使、殿中侍御韋光裔諸道稅地迴,是歲得錢四百九十萬貫。自

以充百官俸料。每年據數均給之,歲以爲常式。

六月戊戌,以淮南節度使崔圓檢校尚書右僕射。 自春旱,此月庚子始雨。 丁未, 日重

輪。其夜,月重輪。

二十坊。 秋七月辛酉,檢校兵部尚書、衢州刺史李峴卒。 河南諸州水。 加荆南節度使衞伯玉檢校工部尙書。 自五月大雨,洛水泛溢,漂溺居人廬舍 癸未,太廟二室芝草生。

八月丁亥,國子監釋奠復用牲牢。

上元二年,韶諸祠獻熟,至是魚朝恩請復舊制。

壬

使、上柱國、馮翊郡開國公魚朝恩加內侍監、判國子監事,充鴻臚禮賓等使,進封鄭國公。辛 崔寓爲太子少傅。 史柏茂林爲邛南節度使,從杜鴻漸所請也。 寅,以茂州刺史崔旰爲成都尹、兼御史大夫、劍南 甲辰,以開府儀同三司、右監衞大將軍、觀軍容宣慰處置使、神策軍兵馬 癸卯,太子少保裴遵慶爲吏部尚書, 西川節度行軍 司馬,邛南防禦使、邛州 吏部尚書 刺

九月庚申, 京兆尹黎幹以京城薪炭不給,奏開漕渠,自南山谷口入京城, 至薦福寺東

亥,以檢校禮部尚書裴士淹充禮儀使。

第十一

街、北抵景風 史李佚坐贓二十四萬貫,集衆杖死,籍沒其家 、延喜門入苑,闊八尺,深一丈。渠成,是日上幸安福門以觀之。 丙子,宣州刺

多十月癸未朔。己丑,宗正卿吳王祗奏上皇室永泰新論二十卷,太常博士柳芳撰。

|蕃使楊濟與|蕃使|論位藏等來朝。 丙申,令宰臣宴論位藏於中書省。 十一月甲寅,乾陵令於陵署得赤兔以獻。丙辰,詔:

費,重困吾人。乃者遵冉有之言,守周公之制,什而稅一,務於行古。今則編戶流亡, 數內,宜減放一十七萬五千石,青苗地頭錢宜三分取一。在京諸司官員久不請俸,頗 從省約,稍冀蠲除,用申勤卹之懷,以救惸嫠之弊。京兆府今年合徵八十二萬五千石 斯誠弊法。所期折中,以便於時。億兆不康,君孰與足。故愛人之體,先以博施;富 以送上都,納青苗錢庫,以助均給百官。 開艱辛。 而墾田減稅,計量入之數,甚倍征之法,納隍之懼,當宁軫懷。慮失三農,憂深萬姓,務 思致和平。而邊事猶殷,戎車屢駕,軍興取給,皆出邦畿。九伐之師,尙勤王略;千金之 國之源,必均節用。股自臨宸極,比屬艱難,嘗欲闡淳朴之風,守冲儉之道,每念黎庶, 古者量其國用,而立稅典,必於經費,由之重輕。公田之籍,可謂通制;履畝 其諸州府縣官,及折衝府官職田,據苗子多少,三分取一,隨處糶貨,市輕貨 而稅,

甲子,日長至,上御含元殿,下制大赦天下,改永泰二年爲大曆元年。

張志斌、前號州刺史龐充,據華州謀叛。 十二月己亥,彗起匏瓜,其長尺餘,犯宦者星。 癸卯,同華節度使周智光專殺陝州監軍

是多無雪。

光爲澧州刺史。甲子,以兵部侍郎張仲光爲華州刺史、潼關防禦使,大理卿敬括爲同州刺 史、長春宮等使。 二年春正月壬子朔。丁巳,密韶關內、河東副元帥郭子儀治兵討周智光。壬戌,貶智 是日,周智光帳下將斬智光幷子元耀、元幹三首,傳之以獻。己巳,詔潼

關置兵三千。 癸酉,詔:

象器局、天文圖書、七曜曆、太一雷公式等,私家不合輒有。 傳委巷之譚,作僞多端,順非僥澤。熒惑州縣,詿誤閶閻,壞紀挾邪,莫逾於此。 自四方多故,一紀于茲,或有妄庸,輙陳休咎,假造符命,私習星曆。 共肆窮鄉之辯,相 故聖人以經籍之義,資理化之本,側言曲學,實紊大猷,去左道之亂政,俾彝倫而攸敍。 竈明徵,子產尙推之人事; 王彤必驗,景略獨置於典刑。况動皆訛謬,率是矯誣者乎 天文著象,職在於疇人;讖緯不經,蠹深於疑衆。 蓋有國之禁,非私家所藏。雖裨 今後天下諸州府,切宜禁 其 玄

紀第十一

二八六

斷, 給賞錢五百貫。兩京委御史臺處分。 本處分明牓示, 嚴加捉搦。 限 · 外隱藏爲人所告者,先決一百, 先藏蓄此等書者, 敕到十日內送官, 本處長吏集衆焚 各州方面 留禁奏聞。 [勳臣,洎百僚庶尹,罔不誠亮王室,簡于 所告人有官即 與超資注擬 無官者

**朕心,無近憸人,愼乃有位,端本靜末,其誠之哉** 

免。」庚辰,禁王公宗子郡縣主之家,不得與軍將婚姻交好,委御史臺察訪彈奏 一,升魏州爲大都督府。戊寅,敕:「同、華兩州,頃因盜據,民力凋殘,宜給復二年,一

斬智光之功也。郭子儀自河中來朝。癸卯,宰臣元載王縉、左僕射裴冕、戶部侍郎第五琦、 京兆尹黎幹各出錢三十萬,置宴於子儀之第。 二月壬午,幸昆明池踏青。丙戌,封華州牙將姚懷爲感義郡王,李延俊爲承化郡王,以

置酒連宴。 保李瓊永州司馬,坐贓也。甲戌,魚朝恩宴子儀、宰相、節度、度支使、京兆尹於私第。 亥,子儀亦置宴于其第。戊寅,田神功宴于其第。時以子儀元臣,寇難漸平,蹈舞王化,乃 夏四月己亥,以江南西道都團練觀察等使、洪州刺史李勉爲京兆尹(思),刑部侍郎魏少 三月辛亥夜,大風。丁巳,河中府獻玄狐。汴宋節度使田神功來朝。戊辰,貶太子少 酒酣,皆起舞。公卿大臣列坐於席者百人。子儀、朝恩、神功一宴費至十萬貫。

遊爲洪州刺史、兼御史大夫、江西觀察團練等使。庚子,宰臣內侍魚朝恩與吐蕃同盟於興唐

丙午,加田神功檢校右僕射。 癸酉,以工部侍郎徐浩爲廣州刺史、嶺南節度觀察使。

六月戊戌,山南、劍南副元帥杜鴻漸自蜀入朝。 壬寅, 荆南節度使衞伯玉封城陽郡王。

癸卯,御史大夫王翊卒。

節度行軍司馬崔旰爲劍南西川節度觀察等使,遂州刺史杜濟爲劍南東川節度觀察等使。以 多非正員,朝命正員者以知省事爲名。以中書舍人張延賞檢校河南尹。 杭州刺史張伯儀爲安南都護。癸酉,析道州延唐縣置大曆縣。 秋七月戊申朔,以右散騎常侍于休烈爲檢校工部尚書、知省事。 甲戌酉時,有白氣竟天。 時方面勳臣升八座者 丙寅,以劍南西川

災。 中鎮涇陽,京師戒嚴。戊午夜,白霧起西北竟天。子儀移鎭奉天。乙丑晝,有大流星出于 丙申,月犯畢。 壬寅,太常卿、駙馬都尉姜慶初得罪,賜自盡。 八月庚辰,鳳翔節度使李抱玉來朝。壬午,月入氐。丙戌,渤海朝貢。辛卯,潭、衡水 九月戊申朔,歲星守東井七日。甲寅,吐蕃寇靈州,進寇邠州。 敕陵廟署復隸宗正寺。 韶子儀率師三萬,自河

午,沒于亥。 命左丞李陋宜慰河北。 熒惑犯南斗。辛未, 靺鞨使來朝。 桂州山獠陷州城,

刺史李良遁去。

本

紀 第

+

10 宗

酉,醴泉出于樂陽, 十月戊寅, 靈州奏破吐蕃二萬, 、飲之愈疾。 迴紇、党項使來朝。 京師解嚴。 甲申,減京官職田三分之一,給軍糧。 癸卯,上御紫宸殿,策試茂才異行、安貧

樂道、孝悌力田、高蹈不仕等四科舉人。

轅一尺。己丑,率百官京城士庶出錢以助軍。 壬申,京師地震,自東北來,其聲如雷 中書侍郞升入正三品。」壬戌夜,月暈南北河、東井,鎭星入興鬼,久之方散。甲子,月去軒 品秩非崇。至于國朝,實執其政,當左輔右弼之寄,總代天理物之名,典領百僚,陶鎔景化。 豈可具膽之地,命數不加,固當進以等威,副其僉屬。其侍中、中書令宜升入正二品,門下、 益重其任。職有關於公府,事不係於尙書,雖陳啓沃之謀,未專宰臣之稱,所以委遇斯大, 者,三公之職。 漢制:中書令出納詔命,典司樞密; 侍中上殿稱制,參議政事。 十一月庚申,改黃門侍郞依舊爲門下侍郞。 十二月甲申,鳳翔李抱玉來朝。丁酉,太原節度使辛雲京來朝。熒惑入壁壘。戊戌, 韶曰:「春秋以九命作上公, 魏、晉已還, 而謂之宰臣

是秋,河東、河南、淮南、浙江東西、福建等道五十五州奏水災。

黑氣如塵,竟北方。

蘇州刺史韋元甫爲尚書右丞,左丞李涵、右丞賈至並爲兵部侍郎。乙亥,永和公主薨 甲子,册新羅國王金乾運母爲太妃。甲戌,以工部侍郎蔣渙爲尙書左丞,浙西團練觀察使、 三年春正月丙午朔。辛亥,劍南西山置乾州(も),管招武、寧遠二縣。 壬子夜,月掩畢。

月己卯,以常州刺史李栖筠爲蘇州刺史、兼御史中丞、浙西團練觀察使。

節 度使馬璘來朝

三月乙巳朔,日有蝕之。 壬申,割恆州行唐縣置泜州公,以靈壽、恆陽隸之。

夏四月戊寅,以山南西道節度使、鄧國公張獻誠爲檢校戶部尙書,以疾辭位也。右羽林

軍張獻恭爲梁州刺史、兼御史中丞,充山南西道節度觀察使,兄獻誠所薦也。

將

節度使令狐彰加檢校工部尚書。 劍南西川節度使、兼御史大夫崔旰來朝。

五月戊· (申,加崖旰檢校右散騎常侍。 乙卯,追諡故齊王倓爲承天皇帝,興信公主亡女

張氏 尹。 琳所攻,寧既入朝,子琳乘虛襲據成都府。 是日 爲恭順皇后,祔葬。 I地震。 戊辰,以劍南西川節度使崔旰檢校工部尚書,改名寧。 辛酉, ,改桂州臨源縣爲全義縣。癸酉,以左散騎常侍崔昭爲京兆 朝廷憂之,即日詔寧還成都。 寧爲柏茂林、楊子 庚午,以邛州刺史

鮮于叔明爲梓州刺史,充劍南東川節度使。

度使、檢校侍中、幽州大都督府長史李懷仙爲麾下兵馬使朱希彩所殺。 六月戊子,承天皇帝祔奉天皇帝廟,同殿異室。 庚寅,太子少師王璵卒。 庚子,淮南節度使、 壬辰, 幽州節

檢校尚書左僕射、知省 事、揚州大都督府長 史、趙國公崔圓卒。

閨 月已 酉, 郭子儀加 一司徒。 庚申,宰臣充河南副元帥王縉兼幽州節度使。 以尚書右丞

本

紀

第

<u>+</u>

代

宗

韋元 甫 揚州 大都督府長 史、兼御史大夫,充淮南節度觀察等使。 丁卯, 以幽州 節度 副使、試

太常卿朱希彩知幽州留後。 遺兵部侍郎李涵 兼御史大夫,使河北宣慰,以幽州亂故也。

庚

相州薛嵩、 魏州 田承嗣、 恆州李寶臣並加左右僕 射。

七月壬申,崔寧弟寬攻破楊子琳,收復成都府。 是月, 五星並聚於東井, 占曰:中國之

利也。乙亥,王縉赴鎭州。

使、太微宮使、弘文館 使、檢校左僕射、太原尹、同中書門下平章事主雲京卒。門下侍郎、 青苗錢使,給百官俸錢不平,詔尙書左丞蔣渙按鞫,貶崔渙爲道州刺史。 度,餘官使 幽州長史、 吐蕃寇邠州,京師戒嚴。戊辰,邪寧節度使馬璘破吐蕃二萬於邠州。 八月己未,月掩畢。 一杜鴻 並如如 、持節、 漸 兼東都留守 故。 河南 辛未,以門下侍郎、 大學士、 副元帥、 辛酉, 月入東井。 兼東都留守、齊國 都統 河南淮 同中書門下平章事、山劍副 壬戌,吐蕃十萬寇靈武。 西 山南東道諸節度行營、 [公王縉兼太原尹、北都留守, 元帥、太淸宮使、崇玄館 同中書門下平章事 熒惑犯太微垣 **兼幽州盧龍等軍節度** 御史大夫崔渙爲稅地 庚午,河東節· 充河 東軍節 丁卯 度

壬午, 九月壬 吐蕃寇靈州。 中, 郭 子儀 甲申, 自 河中移鎮 以尚書左丞蔣渙爲華州刺史,充鎭國軍潼關防禦使。 奉天。 歲星 入興鬼。 丁丑, 濟王 一環夢。 **熒惑入太微垣** 丙戌,檢

校戶部尚書、知省事、鄧國公張獻誠卒。丁亥,工部尚書趙國珍卒。 重光爲尙書左丞。壬辰,靈州將白元光破吐蕃二萬於靈武。 戊戌, 靈武奏破吐蕃六萬,百 庚寅,以前華州刺史張

僚稱賀,京師解嚴。

李勉爲廣州刺史,充嶺南節度使。 冬十月甲寅,朔方留後、靈武大都督府長史常謙光加檢校工部尚書。 丁卯,子儀自奉天來朝。 乙未,以京兆尹

十一月丁亥,幽州留後朱希彩爲幽州長史,充幽州盧龍節度使。癸巳,加廊下百官廚

料,增舊五分之一。

寧割隸朔方軍。 十二月壬寅,道州刺史崔渙卒。己酉,以邠寧節度使馬璘爲涇原節度,移鎭涇州,其邠 邠州將東以燒馬坊爲亂,兵馬使段秀實斬其兇首八人,方定。

中。 議親,宜賜自盡。 戊子,敕有司定王公士庶每戶稅錢,分上、中、下三等。宗室潁州刺史李帖專殺,法司以 四 年 ·春正月庚午朔。 乙未,福建觀察使李承昭請徙汀州於長汀縣之白石村,從之。 甲戌,大風。乙亥,大雪,平地盈尺。 甲申,日有蝕之。 子儀 黑衣大食 回河

國使朝貢。

本

第十一

代宗

二月乙巳,以瀘州刺史楊子琳爲陝州刺史。 乙卯,宰臣杜鴻漸讓山劍副元帥,從之。丙

是徙湖南軍於潭州。 辰夜,地震,有聲如雷者三。 江西團練使魏少遊來朝。 。辛酉,以湖南都團練觀察使、衡州刺史韋之晉爲潭州刺史,因

三月壬申,韶:

委吏部條件處分。 宜,式從省便。其京兆府長安、萬年宜各滅丞一員、尉兩員,餘縣各滅丞、尉一員。餘 職員如舊,何以堪之?豈可以重困之人,供不給之費。使人不倦,其在變通,制事之 乎! 古者縣置大夫一員,足以爲治,奚必貳佐分掌而後治耶?且京畿戶口,減耗大半, 猶有祿廩之煩,役使之弊;而況貪猾縱欲,而動踰典章,作威以虐下,厚斂以潤己者 流散,念之惻然。人寡吏多,困於供費,欲其蘇息,不可得也。設令廉恥守分,以奉科條, **兼省鄉邑,致理之道,此其一隅。今連歲治戎,天下凋瘵,京師近甸,煩苦尤重,比屋** 官稱其祿,祿當其秩,然後上下相樂,公私不匱。昔漢光武時及魏太和中,並減吏員, 夫計人而置官,度事而賦任,因時立制,損益在焉。 **吏足以理人,人足以奉吏,則** 

東部尙書裴邈慶爲右僕射, 劉晏改東部尙書。 庚寅, 江西團練使魏少遊封趙國公。 丙申,

**设置仙州**。

夏四月壬寅,陝州虞邑縣復爲安邑縣,虢州天平縣復爲湖城縣。

五 |月丙戌、京師地震。 辛卯,以僕固懷恩女爲崇徽公主,嫁迴紇可汗,仍令兵部侍郎李

涵往册命。

六月丁酉,以太子詹事臧希讓檢校工部尚書,充渭北節度;以渭北節度李光進爲太子

辛亥,升辰州爲都督府,析辰、巫、溪、錦、業等州置團練觀察使。

七月已已,以澧州刺史崔瓘爲潭州刺史、湖南都團練觀察使。癸未,以天下刑官濫

刑,詔

秋

時月, 卿士, 師旋 有冤濫,慘然憂傷,用明愼罰之典,俾弘在宥之澤。 網,戎士 由,豈天地父母慈愛之意也!朕主三靈之重,託羣后之上,夕惕若厲,不敢荒寧。 久遠,薄於教化,簡書填委,<br />
獄訟煩興。<br />
苛吏舞文,<br />
冤人致辟,<br />
思欲刷恥改行,<br />
厥路無 一以答災眚。 在 至理之代,先德後刑,上歡然以臨下,下欣然而奉上,禍亂不作,法令可施。 傷沮和 外容方岳,日不暇給,八年于茲,而大道淳風,鬱而不振。四郊多壘, [外,役費尤廣,賦役轉輸, 一在軍, 氣,屢彰咎徵。 人者君之支體,害之則君有所傷; 未習法令,犯禁抵罪,其徒實繁。 此皆股之不明,教之未至,上失其道而繩下以刑, 疾耗吾人, 困竭 刑者教之輔助,失之則人無所措。 狴犴之間,未詳事實,吏議不 《無聊,窮斯濫矣。 下庶暗昧, 不見刑 其天下見禁囚, 死罪降從流 連歲備邊, ·決,動淹 敢 內訪 流已 去聖 不罪 慮

二九三

本

二九四

格令,致使殞斃,深可哀傷。 下釋放,左降、流人、移隸等,委所司奏聽進止。 頻有處分,仍聞乖越。 如聞州縣官比來率意恣行粗杖,不依 自今已後,非灼然蠹害,不得輒加

非理,所司嚴加糾察以聞。

先是皇姨弟薛華因酒色之忿,手刃三人,棄屍於井,事發繫獄,賜自盡,故有是詔。

惠貧民。己卯,虎入長壽坊元載家廟,射生將周皓引弩斃之。

八月丙申朔。自夏四月連雨至此月,京城米斗八百文。

官出米二萬石,滅估而糶,以

多十月乙卯,以汝州刺史孟皥爲京兆尹。

以左僕射、冀國公裴冕同中書門下平章事,充東都留守、河南淮南淮西山南東道副元帥。 十一月辛未,禁畿內弋獵。乙亥,門下侍郎、同中書門下平章事、衞國公杜鴻漸卒。丙子,

酉,敕京兆府稅宜分作兩等,上等每畝稅一斗,下等稅六升,能耕墾荒地者稅二升。 十二月乙未,敕左右補闕、拾遺、內供奉員左右各置兩員,餘罷之。戊戌,裴冕卒。

翔節度使李抱玉判梁州事,充山南西道節度使。 五年春正月乙丑朔。 辛卯,以陝州節度使皇甫温判鳳翔尹,充鳳翔、河隴節度使;鳳 壬申, 河南尹張延賞兼御史大夫, 充東都

罷河南、淮西、淮南、山南東道副元帥,所管軍隸東都留守。

上田畝稅六升,下田四升。秋稅,上田畝五升,下田三升。荒田開墾者二升。己丑,敕: 縣 隸汝州。 二月戊戌,李抱玉移鎭盩厔,鳳翔軍忿,縱兵大掠,數日乃止。己亥,廢仙州,以襄城、葉 韶罷魚朝恩觀軍容使。己巳,朝恩自縊而死。 戊寅, 詔定京兆府戶稅。 夏稅,

從事 明畫一之法,大布惟新之命,陶甄化源,去末歸本。 也。 西伐 是乎在。 三公總務;至于領錄天下之綱,綜覈萬事之要,邦國善否,出納之由,莫不處正於會府 言,帝命惟允。 令、僕以綜詳朝政,丞、郎以彌綸國典,法天地而分四序,配星辰而統五行,元本於 ,且救當時之急,殊非致理之道。今外虞旣平,罔不率俾,天時人事,表裏相符。將 ,略無寧歲。內外荐費,徵求調發,皆迫於國計,切於軍期,率於權便裁之,新書 唐虞之際,內有百揆,庶政惟和。至于宗周,六卿分職,以倡九牧。書曰:龍作納 九卿之職,亦中臺之輔助,小大之政,多所關決。自王室多難,一紀于茲,東征 詩云:仲山甫,王之喉舌。皆尚書之任也。雖西漢以二府分理,東京以

使額 制,實曠司存。 劍 育 西川 ,參佐旣衆,簿書轉煩,終無弘益,又失事體。 魏、 晉有度支尚書,校計軍國之用,國朝但以郎官署領,辦集有餘。時艱之後,方立 ,轉運常平鹽鐵等使宜停。 委太常卿自舉本職, 其使宜停。 禮儀之本,職在奉常,往年置使,因循未改,有乖舊 漢朝丞相與公卿已下五日一決事,帝 其度支使及關內、河東、山 南西道、

本

紀

+

親斷 左右丞及九卿,多領要重,殷所親倚,固當朝夕進見,以之匡益也。 可否。 且國之安危,不獨注於將相;攷之理亂云,固亦在於庶官。 並宜詳校所掌,具 尙書、 侍郎、

陳損益,如非時宜,須有奏議,亦聽詣閣請對,當親覽其意,擇善而從。

舉,猶深鬱悼。思與百辟卿士,勵精於理,俾國經王道,可舉而行,各宜承式,以恭爾 `致使舊章多廢,至理未弘,其心愧恥,終食三歎。 股受昊天之成命, 承累聖之鴻業, 齊心滌慮, 夙夜憂勞。 雖詔書屢下,以申振卹,且朝典未 顧以不敏不明,薄於德

位。諸州置屯亦宜停。

于是悉以度支之務委於宰相。 辛卯,以兵部侍郎賈至爲京兆尹。以京西兵馬使李忠臣爲鳳

翔尹,代皇甫温;温移鎮陝州。

琳、道州刺史裴虬、衡州刺史楊濟出軍討玠。乙巳夜,歲星入軒轅。 壇,祀之。 夏四月庚子,湖南都團練使崔瓘爲其兵馬使臧玠所殺,玠據潭州爲亂。 丁未,封幽州節度使朱希彩爲高密郡王。己未夜,彗起五車,長三丈。庚申,宰 丙午, 復置先農、馬祖 澧州刺史楊子

臣太原尹王縉入朝。

方,其色白。庚辰,貶禮儀使、禮部尙書裴士淹爲虔州刺史,戶部侍郎、判度支第五琦爲饒 五月辛未,刑部侍郎黎幹爲桂州刺史、桂管防禦經略招討觀察等使。己卯夜, 彗起北

為潭州 州 刺史,皆魚朝恩黨也。 刺 史、湖南觀察使。 元載旣誅朝恩,下制罷使,仍放黜之。 甲申,西北白氣竟天。 徙置當、悉、炳、靜、恭五州於山險要害 癸未,以羽林大將軍辛京杲

地(10),備吐蕃也。

六月已未, 彗星始滅, 赦天下見禁囚徒。

秋七月丁卯,以浙東觀察使、越州刺史、御史大夫薛兼訓爲檢校工部尚書、太原尹、北

都留守,充河東節度使。是月,京城斗米千文。

惠。 疏入不報。 八月辛卯, 宰臣元載上疏請置中都於河中府,秋杪行幸,春中還京,以避蕃戎侵寇之 | 載疏大旨以關輔、河東等十州戶稅入奉京師,創置精兵五萬,以威四方,辭

練觀察使。 九月丁丑,以宣獻池等州都團練觀察使、 吐蕃寇永壽。 **汴州田** 神功來朝。 宣州刺史、 兼御史中丞陳少遊充浙江東道團

多捭闔,欲權歸於己也。

十二月乙未,改巫州爲溆州,業州爲蔣州。

六年春正 夏四月丁巳,上御宣政殿試制舉人,至夕,策未成者,令太官給燭,俾盡其才。 月已未朔。 戊寅,於鄜州之鄜城置肅戎軍口己。 二月乙酉,御史大夫敬括卒。

本

第

+

二九

州刺史楊子琳來朝,賜名猷。 天馬、辟邪、孔雀、仙鶴、芝草、萬字、雙勝、透背,及大繝綿、竭鑿、六破已上,並宜禁斷。 旅未息,黎元空虚,豈可使淫巧之風,有虧常制。 丁丑,改果州爲充州。 其綾錦花文所織盤龍、對鳳、 戊寅,詔:「纂組文繡,正害女紅。 一麒麟、 獅子、 今師 其

長行高麗白錦、大小花綾錦,任依舊例織造。 有司明行曉諭。」

五月癸卯,以河南尹張延賞爲御史大夫。

秋七月乙巳,月掩畢。

度使。 陽三城使。夏旱,此月已未始雨。庚午,以御史大夫張延賞爲揚州大都督府長史、淮南節 八月乙卯,淮南節度使韋元甫卒。丙辰,以東都副留守常休明爲檢校左散騎常侍、河 丙午,以蘇州刺史、浙江觀察使李栖筠爲御史大夫。丁丑,獲自冤於太極殿之內廊。

庚辰夜,月入紫微垣。

九月壬辰夜,熒惑犯哭星。 自八月連雨,害秋稼。戊申,於輪臺置靜塞軍。 辛亥,熒惑

入壁壘。

多十月壬午,滄州置橫海軍。

十一月己亥,文單國王婆彌來朝,獻馴象一十一。 十二月己未,江西觀察使、檢校刑部尚書魏少遊卒。 壬寅夜,月入太微,又掩氐。 庚午,制以文單王婆彌爲開府儀

同三司、試殿中監。

是歲春旱,米斛至萬錢。

未,月犯軒轅。庚子,以檢校戶部尙書路嗣恭爲洪州刺史、兼御史大夫、江西觀祭使。 丑,太常卿楊綰兼充禮儀使。甲辰,迴紇使出鴻臚寺劫掠坊市,吏不能禁止,復三百騎犯金 之淸豐店置淸豐縣,并割魏州之臨黃縣,並隸澶州。以貝州臨淸縣之張橋店置永濟縣。 七年春正月癸未朔。戊子,於魏州頓邱縣置澶州。以頓邱縣之觀城店置觀城縣,以張

二月甲寅,以兵部侍郎李涵爲蘇州刺史、兼御史中丞,充浙西觀祭使。 鎭星臨太微。戊

光、朱雀等門。是日皇城諸門皆閉,慰諭之方止。

午夜,月掩天關。

三月壬辰,詔諫議大夫置四員爲定。

夏四月甲寅,迴紇王子李秉義卒,歸國宿衞賜名也。

五月乙酉,雨雹,大風折樹。丙戌夜,月入太徼。辛卯,徙忻州之七聖容於太原府之紫

極宮。 乙未,韶:

紀第十一

躋於道者,化淳而刑措; 善於理者,綱舉而網疏。 股涉道未弘, 燭理多昧, 常亦遐

立防、務盡平恕、用申哀卹、又化淺而多犯也。 想太古, 、高挹玄風,保合太和,在宥天下,蓋德薄而未臻也。 加以邊虞未戢,徭賦適繁,荒廢之際,寇 是用因時以設教,便俗以

攘斯起。 遂令團土嘉石之下,積有繫囚,竹章牙簡之中,困於法吏。屬盛陽之候,大

暑方蒸,仍念狴牢,何堪鬱灼?所以汨傷和氣,感致咎徵,天道人事,豈相遠也! 如聞

天下諸州,或愆時雨,首種不入,宿麥未登。 哀我矜人,何時不恐?皆由朕過, 益用懼

惕然憂嗟,深自咎責。所以減膳徹樂,別居齋宮,禱于神明,冀獲嘉應。 仲夏之

斷薄決小,已過於麥秋;繼長增高,宜順乎天意。

可大赦天下,見禁囚徒,罪無輕重, 切釋放。 月,靜事無爲,以助晏陰,以弘長養。

癸亥,以檢校禮部尚書蔣渙充東都留守。

六月庚戌朔,有司言日蝕,陰雲不見。 丁丑,詔誡薄葬,不得造假花果及金手脫寶鈿等

物。

秋七月癸巳,迴紇蕃客奪長安縣令邵說所乘馬,人吏不能禁。

八月庚戌,賜北庭都護曹令忠姓名曰李元忠。

九月乙未,工部尚書于休烈卒。

冬十月壬子,上畋于苑中,矢一發貫二兔,從臣皆賀。 辛未,以權知幽州盧龍節度留後

朱泚檢校左散騎常侍,充幽州盧龍節度使。 丙子,以太府卿呂崇賁爲廣州都督, 充嶺南節

度使。

宜放二年租庸。 十一月庚辰, 詔: 甲申,以福建觀察使李承昭爲禮部尚書,華州刺史李琦爲福州刺 自頃審戎入寇,巴南屢多征役,其巴、蓬、渠、集、壁、充、 通、 史、福建 開等州,

都團練觀察使。 十二月丙寅,雨土。是夜,長星出於參。 辛卯,以嶺南節度李勉爲工部尚書。 辛未, 滑州置永平軍。 壬子, 禁鑄銅器。

酉、大雪。

是秋稔。 迴紇、吐蕃、大食、渤海、室韋、靺鞨、契丹、奚、牂柯、康國、石國並遣使朝貢。

青苗 地頭錢每畝 八年春正月丁丑朔。 (十五文, 率京畿三十文, 自今一例十五文。京官三品已上郞官御史, 每年 壬午,昭義軍節度、檢校右僕射、相州刺史薛嵩卒。 癸卯,敕天下

各舉一人堪爲刺史縣令者。

**尙書,封懷寧郡王。** 一月甲子, 御史大夫李栖筠彈吏部侍郎徐浩(三。丁卯, 徐浩、薛邕違格,並停知選事。 壬申,、 永平軍節度使、檢校右僕射、滑州 幽州節度使朱泚加檢校戶部

刺史、霍國公令狐彰卒,遺表薦劉晏、李勉代己。

本紀第

+

代

宗

三月丙子,以工部尙書李勉兼御史大夫、滑州刺史,充永平軍節度、滑亳觀祭等使。

夏四月戊申,乾陵上仙觀天尊殿有雙鵲銜紫泥補殿之隙缺臼,凡十五處。

戊午,以太

僕卿吳仲孺爲鄂州刺史、鄂岳沔等州團練觀察使。

也。 以太府卿于頎爲京兆尹。辛卯,鄭王邈薨,贈昭靜太子。 五月乙酉,貶吏部侍郎徐浩明州別駕,薛邕歙州刺史,京兆尹杜濟杭州刺史,皆坐典選 壬辰,曲赦京城繫囚。 癸卯,

韶赦天下繫囚,死罪降從流,流已下並放。

六月,隴州華亭縣置義寧軍。 癸亥,戶部侍郎、判度支韓滉奏安邑鹽池生乳鹽。

是夏,城率天以備蕃寇。

秋七月已卯,太白入東井。乙未,月掩畢。

辛未,幽州節度使朱泚弟滔率五千騎來朝,請河西防秋。韶千騎迓於國門,許自皇城南面出 八月甲寅,詔吏部尚書劉晏知三銓選事。己未,吐蕃寇靈武。庚午,靈武奏蕃軍退去。

開遠門,赴涇州行營。

未,晉州男子郇謨以麻辮髮,持竹筐及葦席,哭於東市,請進三十字,如不稱旨,請裹尸於席 九月癸酉, 臨晉公主薨。 壬午,嶺南節度使、廣州刺史呂崇賁爲部將哥舒晃所殺。

內二字曰「監團」,欲去諸道監軍、團練使也。丁亥,貶左巡

上召見,賜衣,舘之禁中。

桂州 己丑夜,太白入太微。 使、殿中侍御史楊護,以其抑郇謨而不上聞也。戊子,詔京官五品以上各上封事,言政得失。 刺史、桂管防禦觀察使。 甲午, 東都留守蔣瓊 大鳥見武功, 肉翅狐首,四足有爪,爪長四尺三寸,毛赤如蝙 兼知東都貢舉。 戊戌, 以辰錦觀察使李昌뼻爲

蝠,羣鳥隨而噪之。神策將張日芬射斃以獻。

月入羽林。 遊爲揚州 江 儀 西觀察使路 先鋒將渾瑊與吐蕃戰于宜祿, 冬十月癸卯,魏博田承嗣加同平章 大都督府長 癸巳,月入太徴。 嗣恭爲廣州刺史, 史,充淮南節度使。 我師 充嶺南 不利。 事。 節度使, 戊辰,郭子儀奏破吐蕃十萬,百僚稱賀。 丁巳夜,月掩畢。 **城與涇原馬璘極力追** 封翼國公。 以浙東觀察使、越州 吐蕃寇涇州、邠州。 躡, 蕃軍 一潰去。 刺史陳少 甲子,子 乙丑,以

十二月癸酉,月入羽林。 月壬寅朔。 庚戌,汴宋節度使田神功來朝。 辛酉,淮西節度使李忠臣來朝。

是多無雪。

是歲大有年。

九年 春正月庚子朔。 壬寅, 汴宋節度使、 太子少師、 檢校尙書右僕射、 兼御

本.

汴州 刺史田神功卒。 禮朗兩州鎭遏使、澧州刺史楊猷擅浮江而下,至鄂州。詔許赴汝州 遂

泝漢而上,復、郢、襄等州皆閉城拒之。

月己丑,以田神功弟神玉權知汴宋留後。 癸巳,郭子儀自邠州來朝,李抱玉自鳳翔

來朝。

三月丙午,禁畿內漁獵採捕,自正月至五月晦,永爲常式。戊子,以澧州刺史楊猷爲洮

州刺史。

備吐蕃 舍人常衮率兩省官一十八人詣閣請論事,詔三人各盡所懷。乙酉,詔郭子儀等大閱兵師以 夏四月丁丑,月入太微。己卯,以桂管觀察使黎幹爲京兆尹、兼御史大夫。 壬辰,詔赦大辟以下繫囚,無輕重釋放。 乙未,華陽公主薨, 上悲惜之,累日不聽 甲申, 中書

五月庚戌,廢泜州。 庚申, 韶度支使支七十萬貫、轉運使五十萬貫和糴, 歲豐穀賤也。

乙丑語

朝

,宰臣抗疏陳請。

後, 屬此人和,近於家給,而邊穀未實,戎備猶虛。 軍國空耗,躬率節儉, 四海之內,方協大寧,西戎無厭,獨阻王命,不可忘戰, 務勤農桑。 上玄儲休, 因其天時,思致豐積,將設平糴,以之餽 仍歲大稔, 尙勞邊事。 益用多愧, **股頃以兵革之** 不知其然。 雖

計,共佐公家之急,以資塞下之儲。每道歲有防秋兵馬,其淮南四千人,浙西三千人, 市輕貨送納上都,以備和糴,仍以秋收送畢。 色雜錢及迴易利潤、贓贖錢等,每人計二十貫。 千五百人。其嶺南、浙東、浙西,亦合準例。恐路遠往來增費,各委本道每年取當使諸 南西道二千人,劍南西川三千人,東川二千人,鄂岳一千五百人,宣獻三千人,福建一 魏博四千人,昭義二千人,成德三千人,山南東道三千人,荆南二千人,湖南三千人,山 然以中都所供,內府不足,粗充常入之數,豈齊倍餘之收。其在方面蓋臣,成茲大 每道據合配防秋人數多少,都計錢數,

幽州節度使朱泚遣弟滔奉表請自入朝,兼自率五千騎防秋。許之,詔所司築第待之。

六月己卯,月掩南斗。 庚辰,月入太微。

秋七月甲辰,月掩房,又入羽林。久旱,京兆尹黎幹歷禱諸祠,未雨。又請禱文宣廟,上

日:「丘之禱久矣。」

長

(史皇甫温爲|越州刺史,充浙東觀察使。 八月辛未,以虢州刺史宋晦爲同州刺史,充長春宮營田等使。戊寅,以陝州大都督府 辛卯,月掩軒轅。

九月庚子,幽州節度使朱泚來朝。 乙巳,潤北節度使、坊州刺史臧希讓卒。

紀第

+

代宗

是秋大雨。

冬十月壬申, 信王瑝薨。 乙亥,梁王璿薨。 以前宣州刺史季廣琛爲右散騎常侍。

月戊戌,大雪,平地盈尺。庚子,以商州刺史李國清爲陝州大都督府長史,充陝州

觀察使。

十二月庚寅,以中書舍人楊炎、秘書少監章肇並爲吏部侍郎,中書舍人常夜爲禮部侍

郎。 壬辰,赦京繫囚,死罪降從流,流已下並釋放。

也。 州留後,許之。 清率衆歸田承 戊申,遣使慰諭田承嗣,令各守封疆,承嗣不奉詔。 十年春正月乙未朔。 嗣。 以昭義將薛擇爲相州刺史,薛雄爲衞州 壬寅,壽王瑁薨。 己酉,昭義牙將裴志淸逐其帥薛屬。薛屬奔洺州,上章待罪。 乙未,朱泚抗表乞留京師,西征吐蕃,請以弟滔權爲幽 刺史,薛堅爲洺州刺史,皆嵩之族人 壬子, 充州復爲果州。 癸丑,田承

嗣盜取洺州,又破衞州。

制第四子述封睦王,充嶺南節度度支營田、五府經略觀察處置等大使。第五子逾 **充**潤北鄉坊等州節度大使。 二月乙丑,盜殺衞州刺史薛雄。丙寅,罷辰、錦、溪、獎、溆五州經略使曰,復隸黔中。辛 第六子連封恩王。 第七子韓王迥可充汴宋節度大使。 可封梆

渤海 雅王。 將王惟恭爲留後, 嘉王。十六子遇封端王。十七子遹封循王。十八子通封恭王。 八子遘可封鄜王。 時田承嗣 兩蕃等使、檢校工部尙書、一靑州刺史李正己檢校尙書左僕射,前隨右節度副使、 並可開府儀同三司,不出閣。 盡盜入相、衞所管四州之地,自署長吏。 第十三子造封忻王,充昭義節度大使。 軍士大掠數日。 休明奔東都。 丙子,以華州刺史李承昭爲相州刺史,知昭義兵馬留 甲申, 是日河陽軍亂,逐城使常休明,迫牙 以平盧淄青節度觀察海運押新羅 第十四子暹封韶王。 十九子達封原王。二十子逸封 。十五子運封

而定。 刺史馬燧爲商州刺史,充本州防禦使。 三月甲午,陝州軍亂,逐觀察使李國淸,縱兵大掠。 乙巳,薛粵、常休明至闕下,素服待罪。

方冤禍,

關防禦使。 庚戌,熒惑入壁壘。 丁未, 以左散騎常侍孟皥爲華州刺史,充潼 國淸卑詞遍拜將士, 從之。 乙丑,

制 宋、澤路、河陽道出師進討。 長史、上柱國、鴈門郡王 魏博節 刀口 ]月,太常寺奏:諸州府所用斗秤, | 度使、開府儀同三司、太尉、檢校尙書左僕射、 田 承 嗣 甲申、大雨雹、暴風拔樹、飄屋瓦、落鴟吻、人震死者十之二,京 可貶永州 當寺給銅斗秤,州府依樣製造而行。 刺 史。 仍詔 河東、 同中書門下平章 鎭冀、 幽州、 淄青、淮西、滑亳、汴 事、 魏州 大都督府

畿損稼者

七

縣。

三〇八

五. 月乙 田承嗣部將霍榮國以磁州歸。 癸卯,劍南置昌州。 罷兩都貢舉,都集上都,

停童子科。

六月辛未,田承嗣遣其黨裴志淸攻圍冀州,爲李寶臣所敗。

秋七月已未,戶部尙書暢璀卒。杭州大風,海水翻潮,溺州民五千家,船千艘。

八月丁卯, 田承嗣上表請束身歸朝。戊子夜,月入太微。己丑,田承嗣將盧子期攻磁州

捕之, 參、東井等星。 九月戊戌, ,拘於萬年獄。 癸丑,吐蕃寇隴州,鳳翔李抱玉擊退之。 ,荆南節度使衞伯玉來朝。 其首領赤心持兵入縣, 壬寅,宥京城繫囚。 劫囚而出, 斫傷獄吏。 戊午,幽州節度使朱泚鎮奉天。 "戊申, 月暈, 熒惑犯昴、五車、 迴紇白晝殺人於市,吏

薨,追贈日貞懿皇后。 昭義節度使李承昭與盧子期戰於磁州清水縣,大破之, 多十月辛酉,日有蝕之。癸亥,以商州刺史馬燧檢校左散騎常侍、河陽三城使。甲子, 己丑,尙書右僕射裴遵慶卒。十一月辛卯,新平公主薨。 生擒子期以獻。 丙寅, 貴妃獨孤氏

嗣所署瀛州刺史吳希光以城降。 丁未,路嗣恭攻破廣州,擒哥舒晃,斬首以獻。 丁酉、田承

辛亥,劍南節度使崔寧奏大破吐蕃二十萬,斬首萬級,生擒首領一千一百五十人,獻 年春正月庚寅朔,田承嗣上表請罪。 壬辰, 遺諫議大夫杜亞使魏州宣慰, 許其自

于闕下。

率兵斬其亂首,方定。 二月癸亥,荆南節度使衞伯玉卒于京師。 戊申,昌樂公主薨。辛亥,御史大夫李栖筠卒。 戊子,河陽軍復亂,大掠三日,監軍使冉廷蘭

夏四月戊午朔。 丙子,以浙西觀察使、蘇州刺史、御史大夫李涵知臺事,充京畿觀察

使。 己卯,以前淮南節度使、揚州大都督府長史、御史大夫張延賞爲江陵尹、兼御史大夫,

充荆南節度使。

靈耀專殺濮州刺史孟鑒,北連田承嗣,故命勉兼領汴州。 五月癸巳,以永平軍節度使李勉爲汴州刺史,充汴宋等八州節度觀察留後。 授靈耀濮州刺史,靈耀不受韶。 

六月戊戌,以李靈耀爲汴州刺史,充節度留後。

秋七月戊子夜,暴澍雨,平地水深盈尺,溝渠漲溢,壞坊民千二百家。 庚寅, 田承嗣兵

寇滑州,李勉拒戰而敗。

忠臣、滑州李勉公声、河陽馬燧三鎭兵討之。 八月丙寅,幽州節度使朱泚加同中書門下平章事。 李靈耀據汴州叛。 甲申,命推西李

閏月丁酉,太白經天。

九月乙 )丑,李忠臣等兵進營鄭州,靈耀之衆來薄戰。 淮西兵亂,乃退軍於榮澤。 戊辰,

淄青李正己奏取鄲、濮二州。

悦率兵三萬援靈耀。 之敗,棄城遁走。 多十月乙酉,忠臣等軍破賊於中牟,進軍,又敗賊於汴州郭外,乃攻之。乙丑,承嗣遣姪 **汴州平**。 丙午,淮西、河陽之師合擊田悅營,其衆大敗,悅脫身北走。 丁未,滑將杜如江生擒靈耀 而獻。 靈 耀開悅

訓病故也。 空、同中書門下平章事,成德軍節度使、太子太傅、檢校尙書左僕射、 戌,加淮西節度、檢校右僕射、安州刺史、西平郡王李忠臣檢校司空、同中書門下平章事,仍 丁酉,以涇原節度副使、試太常卿、張掖郡王段秀實權知河東節度留後(18), 司空、同中書門下平章事。 十二月丁亥,加平盧淄青節度使、檢校尙書左僕射、青州刺史、饒陽王李正己爲檢校司 昭義節度使李承昭抗表稱疾,以澤路行軍司馬李抱眞權知磁、邢兵馬留後。 庚寅,涇原節度使、檢校尚書左僕射、知省事、扶風郡王馬璘卒。 隴西郡王李寶臣檢校 北都留守薛兼 庚

實爲涇州刺史、兼御史大夫,充本州團練使。 酉夜,月掩心前大星,又入南斗魁。 十二年春正月甲寅朔。 辛酉,以四鎮北庭涇原節度副使、知節度使事、張掖 京師旱,分命祈禱。 月掩軒轅。 渤海使獻日本國舞女十一人。癸 郡王段秀

兼汴州刺史。

月戊子 ,淄青節度使李正己之子納爲|青州刺史, 充淄青節度留後。 丁未, 以朗州

史李國淸爲黔州刺史、經略招討觀察使。

守、 亥,以太原 下平章事、潞州 訊 並 鞫之。 如故。 河東 月 節度使。 乙卯, 承嗣 辛巳、制:中 小少尹、 姪悅、 河西 大都督府長 河東 戊辰夜,月逼心前星。 子綰緒綸 隴 書侍郎、平章 節度行軍 右 副 史、 元 帥、 並復舊官。 知 司 鳳翔府事、上柱國、凉國 鳳翔懷澤潞秦隴等州節度觀察等使、兵部尙書、同中書門 馬 事 (是) 元 載 庚午, 權 賜自盡, 庚辰,宰相元載、王縉得罪下 知 河東留後鮑防爲太原尹、御史大夫,充北都留 左降官永州刺 門下侍郎、平章 公李: 史田 抱玉 不嗣 ·事王縉貶括州 卒。 獄,命吏部尚書 復授魏博節度使,官 壬戌,月入太微。癸 刺 史。 劉

例 侍 院 落丐食江 理 少 鄓 學 賜田 卿裴翼 楊炎爲 士常衮爲門下侍郎 夏四 丁酉 承嗣鐵券。 一湖間 月壬 西川破吐蕃於望漢城, 道州 、、太常少卿王紞, 午, |載 誅, 司 以 馬,元載 癸巳,以 朝議大夫、守太常 方得爲 並 黨 同中書門下 前秘書監李揆爲睦州 起居 郡。 也。 [舍人韓會等十餘人, 皆坐元載貶 擒蕃將大籠官論器然以獻。 諫議 又召顏眞卿 卿、 大夫、 卒 - 章事。 、兼修國 知制語韓 がが、湖州 癸未, 史楊綰爲中書侍 刺史。 洄 以 亦 王定包信徐璜 (右庶 揆故宰相,爲元載所忌 載 所 忌斥外也。 壬寅, 子潘炎爲禮部 鄓, 定官也。 以前商州 <del>尚書禮部</del> 戶 給事 乙未, 部部 侍 侍 中 刺史烏崇福 息 郞 侍 月掩 杜亞 二十 趙縱,大 郎、集賢 貶 使魏 年流 吏部 前

本

紀

第

+

代

宗

爲安南都護、本管經略使。渤海、奚、契丹、室章、靺鞨並遣使朝貢。己酉,加京官料錢,文 武班諸司共二千七百九十六員,文官一千八百五十四員,武官九百四十二員,歲加給一十 五萬六千貫,幷舊給凡二十六萬貫。以關內副元帥、兵馬使渾瑊兼邠州刺史。

墳, 夫,充嶺南節度使。 丙辰夜, 月入太微。 辛酉, 貶刑部尚書王昂連州刺史, 昂至萬州卒。 庚午,敕毁元載祖、 父 剖棺棄骸,焚毁私廟主於大寧里。甲戌,以前安南都護張伯儀爲廣州刺史、兼御史大 五月辛亥,罷天下州團練守捉使名。 甲寅,諸道邸務在上都名日留後, 改爲進奏院。

六月癸巳,時小旱,上齋居祈禱,聖體不康,是日不視朝。

秋七月戊午,罷潤州丹陽軍、蘇州長洲軍公司 己已,中書侍郎、同中書門下平章事、集

賢殿崇文館大學士、兼修國史楊綰卒。

從之。 每日賜食,因爲故事。 九月乙卯,許以庶人禮葬元載。 八月癸巳,賜東川節度使鮮于叔明姓李氏。 甲辰,以湖州刺史顏眞卿爲刑部尚書。 至是,常衮等上表云:「飧錢已多,更頒御膳, 辛酉,以涇原節度副使段秀實爲四鎭北庭行營、涇原 乙巳,以久雨宥常參百僚,不許御史點班。 癸卯,宰臣讓賜食。 胡顏自安,乞停賜食。」 先是元載、王縉輔政,

鄭潁等節度使。 庚午,吐蕃寇坊州,掠党項羊馬而去。

是秋,宋、亳、陳、滑等州水。

趙計皆貶官。 渭南田,亦附滉云不損。 上曰:「水旱咸均,不宜渭南獨免。」復命御史朱敖檢之,渭南損田 千頃。度支使韓滉奏所損不多。兼渭南令劉藻曲附滉,亦云部內田不損。 夜,月掩昴,又入太微。乙巳,以滑州牙將劉洽爲宋州刺史。京兆尹黎幹奏水損田三萬一 三千頃。上歎息曰:「縣令職在字人,不損亦宜稱損,損而不聞,豈有卹隱之意耶! 多十月丁亥,戶部侍郎、判度支韓滉言解縣兩池生瑞鹽,乃置祠,號寶應靈慶池。 差御史趙計檢 」劉藻、

刑部尚書顏眞卿獻所著韻海鏡源三百六十卷。 十一月癸丑,太白臨哭星。乙卯夜,月入羽林。癸酉,以右散騎常侍蕭昕爲工部尚書。

靈迹禁樵捕。庚子,以幽州節度使朱泚兼隴右節度副大使,權知河西、澤潞行營兵馬事。京 十二月丁亥,西川崔寧奏於西山破吐蕃十萬,斬首八千,生擒九百人。己亥,天下仙洞

兆尹請修六門堰、許之。

魯郡公顏眞卿三抗章乞致仕,不允。 十三年春正月戊申朔。 辛酉,壞白渠碾磑八十餘所,以奪農溉田也。壬戌,刑部尙書、 淄青節度使李正己請附屬籍,從之。戊辰,迴紇寇太

本紀第十一

代

鮑防與之戰,我師不利。朱泚徙封遂寧郡王。

二月庚辰,代州都督張光晟擊迴紇,戰于羊武谷,破之,北人乃安。己亥,吐蕃寇靈武。

甲辰,太僕寺佛堂有小脫空金剛右臂忽有黑汗滴下,以紙承之,色類血。

三月甲戌,河陽將士劫迴紇輜重,因與相關,縱兵大掠,久之方定。

四月丁亥,以浙西觀察留後李道昌爲蘇州刺史、兼御史中丞,充浙西都團練觀察使。己

丑,以前浙西觀察使李涵爲御史大夫。 甲辰,吐蕃寇靈州,朔方留後常謙光擊敗之。

五月戊午,宦官劉淸潭賜名忠翼。

六月戊戌,隨右節度使失泚於軍士趙貴家得貓鼠同乳不相害,籠而獻之。

秋七月壬子,中書舍人崔祐甫知吏部選事。 癸丑,劍南節度使崔寧加檢校司空, 東川

李叔明加檢校工部尙書。 辛未,吐蕃寇鹽州、慶州。

八月甲戌朔,成德軍節度使李寶臣抗章請復本姓張氏,從之。

多十月丁酉,葬貞懿皇后於莊陵。

十一月丁卯,日長至,有司祀昊天上帝於南郊,上不視朝故也。

史中丞,充江西觀察使。 十二月丙戌,以吏部尙書劉晏爲左僕射,判使如故。 以給事中杜亞爲洪州刺史、兼御

以江西觀察使路嗣恭爲兵部尚書。

十四年春正月壬寅朔。 壬戌,以楚州刺史李泌爲澧州刺史。

二月癸未,魏博七州節度使、太尉、檢校尙書左僕射、同中書門下平章事、 魏州大都督

府長史田承嗣卒。 甲申,以魏博中軍兵馬使、左司馬田悅兼御史中丞,充魏博節度留後。

三月丁未,汴宋節度使李忠臣爲麾下將族姪李希烈所逐,忠臣狼狽歸朝。

上以忠臣立

伯爲河南尹。辛酉,以前容管經略使、容州刺史王翃爲河中少尹、知府事。 功於國,乃授檢校司空、同平章事。 庚戌,以河南尹嚴郢爲京兆尹,河中少尹、知府事趙惠

夏四月癸未,成德軍節度使張寶臣復請姓李,從之。

五月癸卯,上不康,至辛亥,不視朝。北都留守鮑防以北庭歸朝 1100。辛酉,詔皇太子

監國。 八月庚申,羣臣上尊諡日睿文孝武皇帝,廟號代宗。 是夕,上崩于紫宸之內殿。遺詔皇太子柩前卽位。 壬戌,遷神柩于太極殿,發喪。

十月已酉,葬於元陵。十二月丁酉,祔於太廟。

命將出軍,勞師弊賦者,蓋陽九之未泰,豈君道之過數! 雅,脩己以禳星變,側身以謝咎徵,古之賢君,未能及此。 自咎,亦立法念功之旨也。罪已以傷僕固,徹樂而悼神功,懲縉、載之姦回,重滚、縮之儒 黨革心,關輔載寧,獯戎漸弭。 旅,識人間之情僞,知稼穡之艱難,內有字、郭之効忠,外有昆成之幸利。遂得兇渠傳首,叛 失馭也,則懷恩鄉導於犬戎。 亦不能堙洪濤而撲烈焰者,何也?良以勢旣壞而不能遽救也。 相弔,人不聊生,而子儀號泣於用兵,元載殷憂於避狄。然而代宗皇帝少屬亂離,老於軍 可忽乎!明皇之失馭也,則豫山暴起於幽陵,至德之失馭也,則思明再陷於河洛,大曆之 合,駿奔百蠻;及天寶之亂也,天子不能守兩都,諸侯不能安九牧。是知有天下者,治道其 史臣曰:嗚呼,治道之失也,若河決金隄,火炎崑崗,雖神禹之乘四載,玄冥之灑八瀛, 自三盜合從,九州羹沸,軍士膏於原野,民力殫於轉輸,室家 至如稔輔國之惡,議元振之罪,去朝恩之權,不以酷刑,俾之 而猶有李靈耀作梗,田承嗣負恩, 觀夫開元之治也,則橫制六

贊曰:羣盜方梗,諸戎競侵。 猛士嘗膽,忠臣痛心。 掃除沴氣, 敷衍德音。 延洪納祉,

帝慮何深。

[1] 新店之役 「役」字各本原作「後」,據獅覽卷一一二改。

(三) 三上表 「上」字各本原作「十」,據合鈔卷一一代宗紀改。 。珊府卷一一作「表三上」。

(三) 博陸王 「陸」字各本原作「陵」,據本書卷一八四李輔國傳、通鑑卷二二二改。

(四) 裴莪 各本原作「裴義」,據本書卷一一四裴莪傳、新書卷六代宗紀、通鑑卷二二二改

(H) 李勉 各本原作「李冕」,據本書卷一三一李勉傳改。

(公) 興唐寺 各本原作「唐興寺」,據本卷上文、通鑑卷二二三改。

(七) 置乾州 「置」字各本原作「罷」,據新書卷四二地理志改。

(宋) 割恆州行唐縣置泜州 「行唐」各本原作「衞唐」。 唐會要卷七一:「泜州,大曆三年八月割恆州 行唐縣置。」新書卷三九地理志鎮州行唐下云:「大曆三年,以縣置泜州。」據改。

(丸) 攷之理亂 「攷」字至唐文卷四八作「政」。

徙置當悉柘静恭五州 在劍南道,相當作柘。」 「柘」字各本原作「相」,據冊府卷九九二改。校勘記卷五云:「所置皆

於鄜州之鄜城置肅戎軍 云:「有肅戎軍,大曆六年置,在鄜城。」據改。 「鄜城」各本原作「析城」,「戎」字原作「戍」,新書卷三七地理志鄜州注

本

紀

+

校勘記

(111) 徐浩 「浩」字各本原闕,據本書卷一三七徐浩傳補。

吕 天尊殿 「天」字各本原作「之」,據御覽卷九二一、冊府卷三七改。 冊府卷二五作「三尊殿」。

(回) 辰錦溪獎溆 業等州置團練觀察使。」大曆五年十二月云:「改巫州爲溆州,業州爲蔣州。」據補「溆」字。 「溆」字各本原無,本卷上文大曆四年六月云:「升辰州爲都督府,析辰、巫、溪、錦、

滑州 各本原作「渭州」,據冊府卷一二二、合鈔卷一一代宗紀改。

중 以涇原節度副使試太常卿張掖郡王段秀實權知河東節度留後 馬權知留後,皆十一年十二月事。 七云:「權知河東留後者乃鮑防,非秀實矣。蓋秀實由節度副使除知節度事,鮑防以河東行軍司 馬璘薨而以秀實代之,薛無訓病而以防代之,兩事本不相涉, 此處有脫文。廿二史考異卷五

中有脫交,後人誤連屬之。」

士

河東節度行軍司馬

云 蘇州 長洲軍 「長洲軍」各本原作「常州軍」,新書卷四一地理志蘇州下云:「有長洲軍,乾元二年

「河東」各本原作「河南」,據通鑑卷二二五改。

置,大曆十二年廢。」據改。

黄芩山崩 「芩」字各本原無,據新書卷六代宗紀、合鈔卷一一代宗紀補。

鮑防 以北庭歸朝 合鈔卷一一代宗紀「鮑防」下注云:「下闕文」;校勘記卷五云:「以北庭三字

直衍文。」

## 舊唐書卷十二

## 本紀第十二

## 德宗上

斬朝義首以獻,河北平。 十一月,破賊於洛陽,進收東都,河南平定。 元帥,改封魯王。八月,改封雍王。時史朝義據東都,十月,遣上會諸軍於陝州,大舉討賊。 安大內之東宮。其年十二月,拜特進,封奉節郡王。代宗卽位之年五月,以上爲天下兵馬 德宗神武孝文皇帝諱适,代宗長子,母日<u>睿眞皇后沈氏。</u>天寶元年四月癸巳,生於長 。以元帥功拜尙書令,食實封二千戶,與郭子儀等八人圖形凌煙閣。 朝義走河北, 分命諸將追之,俄而賊將李懷仙

廣德二年二月,立爲皇太子。

大曆 一十四年五月辛酉,代宗崩。 癸亥,即位於太極殿。

閏月壬申,貶中書舍人崔祐甫爲河南少尹。 甲戌,貶門下侍郎、平章事常衮爲潮州刺

改括州 爲東 歲貢 降城 中尹 |坊||丹 翮 加 振 夫、北都留守、 武 內 朝 故 出宮女百 召崔 察使、上柱國、汾陽郡王、山陵使、食實封一千九百戶郭子儀可加號尙叉,守太尉,餘官 春 都 戊寅、韶 河 延 軍 邠 定 加 東 酒 爲處州 留守,以常州刺 都 實 東中二受降城、鎭北 遠 十斛, 銀 站 寧、 團 副元帥、朔方節度、關內支度鹽池六城水運大使口、押諸蕃部落、 軍 封 器 市爲門下侍 練 山南枇杷、江南柑橘, 餘 慶、晉、絳、慈、隰等州節度觀察使;以朔方右留後常謙光兼靈州大都督,西受 通前二千戶,月給一千五百人糧、馬二百匹草料。 勿 ,罷之。 觀 天德、鹽、夏、 河東節度使。 括蒼縣爲麗水縣。 人。 以金飾 察使。 己 甲申, 史蕭復爲潭州刺史、湖南團練觀察使。辛巳,罷邕府 1 鄓、 辛 丁亥, 剪, 以右 豐節 同中書門 及綏、銀、麟、勝等軍 以司徒、兼中書令、 壬 以河 一辰,以河東節度留後鮑防爲京畿觀察使 羽 詔 度等使; 歲一 林大將軍 停棃園 文單國所 陽 下平章 貢 以 供 宗 城 .使及伶官之冗食者三百人,留者皆隸 以朔方左留後、 鎭 · 吳希· 獻 事 遏 舞 使 光檢校 廟, **、象三十二,令放** 州節度營田使。 丙子, 河中尹、靈州大都督、單于鎭北 馬燧 餘貢 檢 人散騎 詔 〈皆停。 校 諸 單于副都護渾瑊爲單于大都護, 工部 常侍、 州 府、 以朔方都虞候李懷光爲河 尙 荆 庚 丙戌,韶禁天下不得貢珍 書, 兼 寅, 新羅 山之陽, 御 以 史 兼 中丞 歳貢 兵 渤 陳州 太原 部 管內及河陽 海 五坊鷹犬皆放 尹 太常。 刺 奴 尙 歲貢 大都 婢。 書 充潤 史 路嗣 鷹 御 癸未 劍南 鶴皆 護 史 北 等

長流。 郎、判度支韓滉爲太常卿,吏部尙書劉晏判度支鹽鐵轉運等使。初,晏與滉分掌天下財賦, 亞爲陝州長史,充轉運使。 校太常少卿,爲河陽三城鎭遏使。 。旣行,俱賜死。丁酉,以京畿觀察使鮑防爲福州刺史、福建都團練觀祭使。以戶部侍 自開元以來,册禮多廢,天寶中楊國忠册司空,至是行子儀之册。 。丙申,韶兵部侍郎黎幹害若豺狼,特進劉忠翼掩義隱賊,並除名 癸巳,以壽州刺史杜亞爲江西觀察使。甲午,册太尉 以江 西觀察使杜

至是晏都領之。

四品已下加一階,致仕官同見任,百姓爲戶者賜古爵一級。加李正己司徒至了太大子太傅, 備顧問,仍以延英南藥院故地爲廨。 佐今後准式入計。諸州刺史、常參官,父在未有官,量與五品致仕官;父亡歿,與追贈。自 |崔寧、李勉本官同平章事。 天下進獻,事緣郊祀陵廟所須,依前勿闕,餘並停。 諸州刺史上 |王,諶爲||通王,諒爲||虔王,詳爲||肅王,並加開府儀同三司。乙巳,封皇弟||迺爲||益王,迅爲隨 長行用者編入格條。自今更不得奏置寺觀及度人。庚子,封元子|誦爲宣王,次子謨爲|舒 至德已來別敕,或因人奏,或臨事頒行,差互不同,使人疑惑,中書門下與詳定官決,取堪久 丙午,舉先天故事,非供奉侍衞之官,自文武六品已上清望官,每日二人更直待制,以 六月己亥朔,御丹鳳樓,大赦天下,罪無輕重,咸赦除之。內外文武三品已上賜爵一級, 癸丑, 韶皇族五服等已上居四方者, 家一人赴山陵, 縣

本紀第

+=

德 宗

£

不敢受賂。癸亥,詔中書門下、御史臺五品已上,諸司三品已上長官,各舉可任刺史縣令者 丞爲之。壬戌,處州刺史王縉、湖州刺史第五琦皆爲太子賓客,睦州刺史李揆爲國子祭酒, 岳沔二都團練觀察使,陝虢都防禦使,以其地分隸諸道。 次給食。 並留司東都。 己未,揚州每年貢端午日江心所鑄鏡,幽州貢麝香,皆罷之。辛酉,罷宜歙池、鄂 中官邵光超送淮西旌節,李希烈遺縑七百匹,事發,杖六十,配流。由是中官 復置東都京畿觀察使,以御史中

人,中書門下量才進擬,有犯坐舉主。

宮中服御常貢者千數。丁丑,復置廐馬隨仗於月華門外。己卯,詔王公卿士不得與民爭 省給食,橫費已甚,故罷之。壬申,毀元載、馬璘、劉忠翼之第,以其雄侈踰制也。癸酉,減 千斛。自永泰已來,或四方奏計未遺者,或上書言事忤旨者,及蕃客未報者,常數百人,於客 禁。辛未,以吏部侍郎房宗偃爲御史中丞、東都畿觀察使。罷右銀臺門客省歲給廩料萬二 諡爲定。」兵部侍郎袁傪議云:「陵廟玉册已刻,不可輕改。」罷。 慘妄奏,不知玉册皆刻初諡 利,諸節度觀察使於揚州置迴易邸,並罷之。庚辰,詔鴻臚寺,蕃客入京,各服本國之服。罷 而已。庚午,韶:邕州所奏金坑,誠爲潤國,語人以利,非朕素懷。 其坑任人開採,官不得 商州歲貢稱膠。辛卯,罷天下權酒。丁酉,詔國用未給,其宣王已下開府俸料皆罷給。 秋七月戊辰朔,日有蝕之。禮儀使、吏部尚書顏眞卿奏:「列聖諡號,文字繁多,請以初

下侍郎、平章事,以懷州刺史喬琳爲御史大夫、同平章事、京畿觀察使。 章倫使吐蕃,以蕃俘五百人還之,修好也。 癸亥,詔人死亡於外以棺柩還城者勿禁。 八月甲辰,以門下侍郎、平章事崔祐甫爲中書侍郎、平章事,以道州司馬同正楊炎爲門 乙巳, 遣太常少卿

九月甲戌,以淮西節度爲淮寧軍。辛巳,以檢校刑部尚書白孝德爲太子少傅。

秘書少監邵說爲東部侍郎,給事中劉迺爲兵部侍郎,中書舍人令狐峘爲禮部侍郎

發兵四千助蜀,大破之。 己酉,葬代宗於元陵。 戊午,九成宮貢立獸炭鑪,襄州貢種蔗蒻之 工,皆罷之。散官豢豬三千頭給貧民。 多十月丁酉朔,吐蕃合南蠻之衆號二十萬,三道寇茂州、扶、文、黎、雅等州,連陷郡邑。

畿觀 政事。 | 亞 為 劍南 南節 晟單于振武軍使、 影察使。 西川 l. 度使、檢校禮部尙書、兼江陵尹、御史大夫張延賞檢校兵部尙書兼成都尹、御史大夫、 河中尹、河中晉絳慈隰都防禦觀察使。 十一月辛未,以鴻臚卿賈耽爲梁州刺史、山南西道節度觀察使。丁丑,以陝州長史杜 加劍南 節度度支營田 癸巳,加崔寧兼靈州大都督、單于鎭北大都護、朔方節度等使,出鎭坊州。 西川節度觀察度支營田等使、檢校司空、平章事、成都尹崔寧兼御史大夫、原 東中二受降城綏銀鄜勝等軍州留後,延州刺史李建爲鄜坊丹延留後 . 觀察等使。 以朔方節度虞候杜希全爲靈州留後,以鄜州刺史張光 壬午,御史大夫、平章事喬琳爲工部尚書,罷知 以荆

本

紀

第

+

\_

徳 宗

上

楊炎素惡崔寧,雖授以三鎮,仍署此三人爲留後,奪寧之權也,人皆憤之。

寅晦,日有蝕之。詔元日朝會不得奏祥瑞事。 十二月己亥,南選使可以專達,勿復以御史臨之。乙卯,制:宣王某可立爲皇太子。 丙

年。股以征稅多門,鄕邑凋耗,聽于羣議,思有變更,將置時和之理,宜復有司之制。慢所領 防、湖南觀察使蕭復讓憲官,從之。自兵興已來,方鎭重任必兼臺省長官,以至外府僚佐, 等使、尙書左僕射劉晏,頃以兵車未息,權立使名,久勤元老,集我庶務,悉心瘁力,垂二十 是諸道非節度而兼憲官者皆讓。甲午,詔:「東都河南江淮山南東道等轉運租庸青苗鹽鐵 亦帶臺省銜。至是除韓滉蘇州刺史,杜亞河中少尹,而領都團練觀察使,不帶臺省兼官。自 縣有司可倂省及諸官減者,量事廢省。天下子爲父後者賜勳兩轉。己巳,福建觀察使鮑 代。其外官委長吏附送其表,付中書門下。每官闕,以舉多者授之。王府六品以上官及諸州 都知兵馬使、刺史、少尹、畿赤令、大理司直評事等,授訖三日內,於四方館上表讓一人以自 來,徵賦名目頗多,今後除兩稅外,輒率一錢,以枉法論。常參官、諸道節度觀察防禦等使、 朝太清宮。庚午,謁太廟。辛未,有事於郊丘。是日還宮,御丹鳳門,大赦天下。 建中元年春正月丁卯朔,御含元殿,改元建中,羣臣上尊號日聖神文武皇帝。己巳,上 自艱難以

使宜停,天下錢穀委金部、倉部,中書門下揀兩司郎官,准格式調掌。」是月,後豐州陵陽渠。

抱眞爲本道節度使。 節度使段秀實爲司農卿。 戶(三)。 |月丙申,遣黜陟使一十一人分行天下。 日本國朝貢。 甲寅, 癸亥、朱泚兼四鎭北庭行軍、涇原節度使。 己酉,貶尙書左僕射劉晏爲忠州刺史。 貶史館修撰、 禮部侍郎令狐峘郴州司馬, 癸卯,以戶部郎中韓洄爲諫議大夫,以涇原 癸丑 ,昭義軍節度留後李 右補闕柳冕巴州司

中杜 韓洄 放歸 法 冠 田 <sup>2</sup>彈中丞嚴郢浚陵陽渠匿詔不行,削郢官,著賜緋魚。 佑 [為戶部侍郎、判度支。時將貶]劉晏,罷使名,歸尙書省本司。今又命|泗判度支,令金部郎 里。 權勾當江淮水陸運使,一如劉晏、韓滉之則,蓋楊炎之排晏也。 月丙寅,禮儀使奏東都太廟闕木主,請造。詔下議之,不決。 甲戌,以前司農卿庾準爲江陵尹、兼御史中丞、荆南節度使。 辛未,左散騎常侍、翰林學士張涉 庚午,監察御史張著以 癸巳,以諫議大夫

之貢, 使,御史中丞 有何 可汗。戊申,以福建觀察使鮑防爲洪州刺 夏 功德? 唯李正己、田悅各獻縑三萬 四 **一月乙未朔**, 非吾所爲。」退 元全柔爲杭州刺史。 涇原裨將劉文喜據城叛。 還還之。 匹, 壬戌,以衡州刺史、嗣曹王阜爲潭州刺史、湖南團練觀祭 韶付度支。 史、江西團 己亥,地震。 妃父王景先、 練觀察使。 辛未,命江西觀察使崔昭册命 駙馬高怡獻金銅 癸丑,上誕日,不納 像,上日, 中外

本

紀

通爲黔州 五月 刺史、黔中經略招討觀察鹽鐵等使,潮州刺史常衮爲福建觀察使。 甲子朔。 戊辰,以太常少卿韋倫爲太常卿,復使吐蕃。 己卯, 右金吾衞大將軍|李 涇州將劉光國

殺劉文喜降,涇州平。

劉海賓 六月甲午朔,中書侍郎、同中書門下平章事崔祐甫卒。 (兼御史中丞,封樂平郡王。 海賓涇州將,賞殺劉文喜也。 辛丑,築奉天城。 乙卯,京兆尹源休使迴紇, 加試殿中監

册武義成功可汗。

丑,忠州刺史劉晏賜自盡。 秋七月丁丑,罷內出盂蘭盆,不命僧爲內道場。 壬申,以鴻臚寺左右威遠營隸金吾。

僰鳥蠻守來朝貢 中書令,餘官使並 匹。乃徵光晟歸朝,以彭令芳代之。乙未,河中晉絳觀察使杜亞爲睦州刺史。 八月甲午,振武軍使張光晟殺領蕃迴紇首頗突董統等千人(四),收駝馬千餘、繒錦十萬 て知り。 一如故。以舒王謨爲涇原節度大使,尙書右丞孟皥爲涇州刺史、知留後。 丁巳,遙尊上母沈氏日皇太后。 戊午,以吏部尚書顏眞卿爲太子少 丁未,加朱泚 東

千文,請皆罷,從之。已卯,雷。 九月戊辰,判度支韓洄奏請於商州紅崖冶洛源監置十鑓鑄錢,江淮七監每鑄一千費二

師,依前禮儀使。

改封嗣舒王藻爲嗣郢王

多十月甲午,貶尙書左丞薛邕爲連山尉,坐贓也。乙巳,太子少傅、昌化郡王白孝德卒。

庚寅,以睦王述爲奉迎皇太后使,工部尚書喬琳爲副。

者二十有五年,至此始復舊制。州府朝集者一百七十三人,詔每令分番二人待詔。 出嫁岳陽等一十縣主,皆在諸王院久而未適人者,上悉命以禮出降。 贈敬暉等五王官,又贈張九齡司徒,鍾紹京太子太傅。戊寅,諸王有官者初令出閣就班。又 十一月辛酉朔, 朝集使及貢使見於宣政殿。 兵興已來, 四方州府不上計、內外不朝會 乙丑,

令詳定國初以來將相功臣房玄齡等一百八十七人(云),據功績分爲三等。 十二月辛卯,韋倫使迴,與吐蕃宰相論欽明思等五十五人同至,獻方物,修好也。丁酉,

是歲,戶部計帳,戶總三百八萬五千七十有六,賦入一千三百五萬六千七十貫,鹽利不

仕此限。

門下平章事、恆州刺史、隴西郡王李寶臣卒。 恭爲鄭汝陝河陽三城節度、 部尙書、同平章事李勉爲永平軍節度、汴滑陳等州觀察等使;以兵部尙書、東都留守路嗣 二年春正月庚申朔。戊辰,成德軍節度、恆定等州觀察使、司空、兼太子太傅、同中書 東畿觀察等使;以宋州刺史劉洽爲宋亳潁節度使。 丙子,以汴宋滑亳陳潁泗節度觀察使、檢校吏 以鄭州隸

本

紀第

+

德

宗上

永 南 尹趙惠伯爲河中尹、河中晉絳慈隰都防禦觀察使,以前鄭州刺史于頎爲河南 自去年十月無雪,至甲申方雨雪。丁亥,檢校戶部尚書張獻恭爲東都 留守,

門下侍郎、 畿 防 兼 《觀察使。 御 觀察使。 ·史大夫、荆南節度等使,以前荆南節度使庾準爲左丞。 月乙未,以御史中丞盧杞爲御史大夫、京畿觀察使,以桂管觀察使李昌巙爲江 同中書門下平章事。 乙卯,振武 乙巳,以門下侍郎楊炎爲中書侍郎、 軍亂,殺其帥彭令芳、監軍劉惠光 丙午,以宋亳節度爲宣武軍。 同中書門下平章事 甲辰,以容州刺史盧嶽爲桂州 丁未, 以御史中丞袁高爲京 ,以御史大夫盧杞爲 陵

爲備 得位, 相、衞 辛巳,以汾州刺史王翃爲振武軍使、東中二受降城鎭北綏銀麟勝等州留後。 賜 而 興 諸 、徐、克、 盗完城繕 旣 以洛、貝、澶七州之地,梁崇義有襄、鄧、均、房、復、郢六州之地,各聚兵數萬。始因叛亂 故 、雖朝廷寵待加恩,心猶疑貳, 月庚申朔,築汴州 詔 歸, 、椰十五州之地(キ),李寶臣有恆、定、易、趙、深、冀、滄七州之地,田承嗣有魏、博、 ·分
汴、宋、滑爲三節度,移京 皆構怨言。 甲 略 無寧日。 先是汴州以城隘不容衆, 城。 至是田悅初稟命,劉文喜 初,大曆中李正己有淄、青、齊、海、登、萊、沂、密、德、棣、曹、 皆連衡盤結以自固。 西防秋兵 九萬二千人以鎭 請廣之。至是築城,正己、田悅移兵於境 一珍除, 羣兇震懼。 朝廷增一城,浚一池,便飛語有辭, 、關東。 又於郾城置溵州。 又奏計者還, 以萬年令崔漢 都無

**衡爲殿中少監,使吐蕃。** 

乙卯,併平寒州爲黨州。 夏四月己酉朔,省沔州。 庚寅,襄州梁崇義兼同中書門下平章事。 丁巳,貶禮部侍郎丁召桂州刺史,御史中丞袁高韶州長 已亥,省燕州 、順化 史。

城、懷州節度使,仍割東畿五縣隸焉。 刺史,充鎭海軍節度使、浙江東西道觀察等使。以御史中丞一員爲理匭使,諫議大夫一員 撫處置等使,封南平王。 庚寅,以浙江西道爲鎭海軍,加蘇州刺史韓滉檢校禮部尚書、潤州 校秘書少監鄭叔則爲御史中丞、東都畿觀察使。壬子,以懷鄭河陽節度副使李芃爲河陽三 知 | **匭使,給事中、中書舍人爲監考使。辛丑,尙父、中書令、汾陽郡王郭子儀薨。** 五月丙寅,以軍興十一而稅。已已,以淮寧軍節度使李希烈充漢南北諸道都知兵馬招 丙午,以檢

鎖節 輩皆遙 所致也。 歷迴紇諸蕃入 自 關 |度觀察使。」自河、隴陷虜, 、隴失守,東西阻絕,忠義之徒,泣血相守,愼固封略,奉遵禮敎,皆侯伯守將交修共理之 秋七月戊子朔,詔曰:「二庭四鎭,統任西夏五十七蕃、十姓部落,國朝以來,相奉率職。 領其節 伊西 奏 奏 北庭節度觀察使李元忠可北庭大都護,四鎭節度留後郭昕可安西大都護、四 度使名。 方知音信, 初,李元忠、郭昕爲伊西北庭留後, 上嘉之。 ,伊西北庭爲蕃戎所隔,間者李嗣業、荔非元禮、孫志直、馬磷 其伊西北庭將士敍官, 隔絕之後,不知存亡,至是遺使 仍超七資。庚申,

本

紀第

-|-

德宗

上

觀察使。 准陽郡王侯希逸卒。丁丑,以河中尹關播爲給事中, 丹延觀察留後李建徽爲坊州刺史、廊坊丹延都團練觀察使。 郎、平章事楊炎爲左僕射,以前永平軍節度使張鎰爲中書侍郎、同中書門下平章 辛巳,以邠寧節度使李懷光兼靈州大都督、單于鎭北大都護、朔方節度使。 同州刺史李承爲河中尹、 壬午,以幽州隴右節度使、中 晉絳 以脚坊 都防禦 司空、

戌, 以中書舍人衞晏爲御史中丞、京畿觀察使。 八月辛卯, 平盧淄青節度觀察使、司徒、太子太保、同中書門下平章事李正己卒。 壬子,推寧軍節度使李希烈攻襄陽,誅梁崇 庚

議, 斬其同惡三十餘人。

書令朱泚爲太尉。

田悅攻寇臨洺,守將張伾城守。

史、 中 ·書門下平章事。 山南東道節度觀察等使以之。 九月辛酉,以易州刺史張孝忠爲恆州刺史,充成德軍節度觀察使。 癸亥,兵部尚書、翼國公路嗣恭卒。 戊辰,以杭州刺史元全柔爲黔中經略招討觀察等使。 甲子,以晉絳觀察使李承爲襄州刺 壬戌, 加李希烈同

大夫。 多十月乙酉,尙書左僕射楊炎貶崖州 徐州 刺 史李洧棄其帥李納,以州來降 司 馬 尋賜死。 戊申, 加宣武軍節度使劉洽御史

度都知兵馬使、恆州刺史、襲隴西郡王李惟岳「な」, + 一月辛未,宣武節度劉治與神策將曲環 大破李納之衆於徐州。 以其父寶臣有忠勞於王室,惟岳隳墜父 己巳, 詔:「成德軍節

業,蔑棄國恩,緩經之中,擅掌戎務。外結兇黨,益固姦謀,不孝不忠,宜肆原野。削爾在身官 陝州長史、本州防禦、陸運使;以權鹽鐵使、戶部郎中包信充江淮水陸運使。李納將海州刺 略事。 丁丑, **爵。」乙亥,貶戶部侍郎、判度支韓洄蜀州刺史,以江淮轉運使、度支郎中杜佑代判度支、戶** 以陝州長史李齊爲河中尹, 充河中晉絳防禦觀察使;以商州刺史姚明敭爲

悦之功也。 十二月庚寅,河中節度使馬燧檢校左僕射,澤潞節度使李抱眞檢校兵部尚書,賞破田 丙申,太子賓客王縉卒。

史王涉以州降。

軍,從之。庚辰,追封皇叔僖爲宋王,贈皇弟選荆王。 韶供御及太子諸王常膳有司宜減省之,於是宰臣上言,減堂廚百官月俸,請三分省一以助 三年春正月乙卯朔。 丙寅,幽州節度使朱滔、張孝忠破李惟岳之兵於東鹿(10)。

辰,成德軍兵馬使王武俊殺李惟岳,傳首京師。 庚戌,馬燧、李抱眞、李芃破田悅兵於洹水, 閏月丙申,以文宣王三十七代孫齊賢爲克州司功,襲文宣公。辛丑,復置具員簿。

二月戊午, 木 紀 第十 惟岳將定州刺史楊政義以州降。 德 宗 Ŀ 加朱滔檢校司徒, 以張孝忠檢校兵部尚 進攻魏州

康日知爲趙州 易定滄 一州節度使, 刺史、深趙都團練觀察使。 以檢校太子賓客王武俊檢校秘書監、 恆州刺史、 恆冀都團練觀祭

承恩 略 城降。以嶺南節度使張伯儀 右 使 散 元秀 廬州 (騎常侍,故鞏縣主簿蔣淸禮部侍郎。 三月丁亥,贈故衞尉卿顏杲卿司徒,故常山太守袁履謙左散騎常侍,故許州長 為廣州 長史。 乙未,以徐州 刺史、嶺南 節度使。 檢校兵部尚 刺史李洧爲徐沂海團練觀察使。 書,兼 贈故驍衞將軍、代國公安金藏兵部尚書, 江陵 尹、御史大夫、荆南節度等使; 戊戌, 長 史。 田悅洛 州 刺 以 史 授其子 文史龐 田昂

都賓 貫, 支給 則 寅,以中書侍郎、平章事張鎰兼鳳翔尹、隴右節度使,以代朱泚。加泚實封五百戶,賜竇氏名 於坊市 百 入 國 數月。」甲子, 自吐蕃 用濟矣。 夏四 陳京以 ·搜索, 月,李納守德州將李士眞、 一禛 而還。 人不 軍 又取僦櫃 判 ·興庸調不 度支杜佑 ·勝鞭笞,乃至自縊。 京師囂然,如被盜 韶京兆尹、長安萬年令大索京畿富商, 壬戌, 質 封朱滔 給 「庫法拷索之,纔及二百萬。 日:「今諸道用兵,月費度支錢 ", 請借 爲通義郡王。 京城富商錢, 守棣州將李長卿皆以城降。 丙午, 貶京兆尹盧慧為撫州 大率 朱滔、王武俊與田 每商留萬貫,餘並 丁丑,彭王傅徐浩卒,贈太子 賊。 刑法嚴峻, 一百餘萬貫, 搜括旣畢, 悦合從而 庚申, 長安令薛苯荷校 若獲 入官,不一二十大商, 計 先陷蕃僧尼將 其所得 叛 五 百萬貫, 太常博士章 少 纔 八十萬 師。 (乘車, 纔可 土 戊

園 

杖殺左巡使、殿中侍御史鄭詹。郢歲餘卒口〕。

右散 歸州 僕射馬燧同平章事,澤潞李抱眞檢校右僕射, 牧守,至德已來陷吐蕃而歿故,至是西蕃通和,方得歸葬也。丁酉,加河東節度使、檢校左 宜加寵贈,以實幽泉。休明可贈司徒,鼎贈太保,秀璋贈戶部尚書,銑贈兵部侍郎。」皆隴右 鎭,時屬殷憂,固守西陲,以抗戎虜。歿身異域,多歷歲年,以迨于茲,旅櫬方旋,誠深追悼, 爲戶部侍郎、判度支。 西北庭節度使楊休明、故河西節度使周鼎、故西州刺史李秀璋、故瓜州刺史張銑等,寄崇方 (騎常侍,賞破田悅功也。 乙巳,貶戶部侍郎、判 刺史,卒於貶所。辛卯,詔朔方節度使李懷光率神策及朔方軍東討。 五 ||月丙戌,增兩稅、鹽権錢,兩稅每貫增二百,鹽每斗增一百。 丁亥,貶太子詹事邵說 辛亥,易定節度賜名義武軍 河陽李芃檢校兵部尚書,神策營招討使李晟 、度支杜佑爲蘇州刺史,以中書舍人趙贊 丙申, 詔:「故伊

京兆 朱滔、王武 少尹 朱滔等盧其掩襲,遽出兵,懷光與之接戰於連篋山之西,王師不利, 六月丁巳,尙書左丞庾準卒。 源休爲光祿 俊兵救 卿。 田悅,至魏州北。 戊寅, ,以前衢州刺史趙涓爲尙書左丞, 甲子, 是日李懷光兵亦至,馬燧、抱眞、李芃等盛軍容迓懷 京師地震。 以左散騎常侍李涵爲入迴紇弔祭使, 右庶子柳載爲右丞。辛 各還營壘。賊乃壅

本

紀第十

憁

宗

上

河 决水,絕我 糧道

章事,李芃封開陽郡王 牒,後准元數卻還。 五月不雨,甲辰始雨。宣武節度李勉爲檢校司徒,懷寧李希烈檢校司空,邠寧李懷光同平 以 )括率商戶,人情不安,癸巳,詔除已收納入庫外,一切停, 秋 七月甲申,以前振武軍使王翃爲京兆尹,以兵部郎中楊眞爲御史中丞、京畿觀察使。 。 甲午,以前同州刺史蕭復爲兵部侍郎。 庚子,馬燧、李懷光、李抱眞、李 朱滔、王武俊、田悦之衆亦屯於魏橋東南,與官軍隔河對壘。 已貯納者仍明置簿曆,各給文 自

卿爲太子太師。庚辰,除海沂都團 書。甲戌,以大理少卿崔縱爲汴西水陸運兩稅鹽鐵使印。 使、太常少卿包佶爲汴東水陸運兩稅鹽鐵使。己巳,加劍南西川節度使張延賞檢校吏部尙 子賓客第五琦卒于位。辛酉,以涇原節度留後姚令言爲涇原節度使。戊辰,以江淮鹽鐵 九月丁亥,以李洧部將高承宗爲徐州刺史、徐海沂都團 八月丁未,初分置汴東西水陸運兩稅鹽鐵事,從戶部侍郎、判度支趙贊奏也。 戊午,太 |練使||李洧卒。 江淮 | 訛言有毛人捕人,食其心,人情大恐。 丁丑,以禮儀使、太子少師顏眞

段絲麻,候貴則下價出賣,賤則加估收糴,權輕重以利民。從之。 都、江陵、成都、揚、汴、蘇、洪等州署常平輕重本錢,上至百萬貫,下至十萬貫,收貯斛斗匹 **贊乃於諸道津要置吏稅商** 

H練使。

判度支趙贊上言, 請為

兩

貨, 詰朝獲之。 每貫稅二十文,竹木茶漆皆什一稅一,以充常平之本。 己亥夜,有猛獸入宜陽里,傷二

播爲中書侍郎、同平章事。 多十月辛亥,以湖南觀察使嗣曹王阜爲洪州刺史、江西節度使。 都官員外郎樊澤使吐蕃迴,與蕃相尚結贊約來年正月望日會盟 丙辰, 以吏部侍郞關

清水。

丙子,肅王詳薨。

稱大冀王,武俊稱趙王,悅稱魏王。 節度使,以興鳳團練使嚴震爲梁州刺史、山南西道節度使。甲午,以前山南東道節度使李 丑,李希烈自稱天下都元帥、太尉、建興王,與朱滔等四盜膠固爲逆。 承爲潭州刺史、湖南觀察使。是月,朱滔、田悅、王武俊於魏縣軍壘各相推獎,僭稱王號。 十一月己卯,以山南西道節度使賈耽檢校工部尙書、兼襄州刺史、御史大夫、山南東道 又勸字納稱齊王。 僭署官名如國初親王行臺之制。 滔

龍武 察使常衮卒。 希烈陷汝州,執州將李元平而去四,東都震駭。 大將軍 四 年春正月戊寅朔。 哥舒曜爲東都畿汝節度使,率鳳翔、邠寧、涇原等軍, 丁亥,鳳翔節度使張鎰與吐蕃宰相尚結贊同盟于淸水。 甲午,遺顏眞卿宜慰李希烈軍。 東討希烈。 丙午, 福建觀 戊戌,以 庚寅,李

本

FIE

一月戊 申, 於河陽三城置河陽軍節度。 乙卯, 哥舒曜收汝州。 丁丑,以工部侍郎蔣鎮

充禮儀使。

<sup>鼻</sup>擊李希烈將陳質之衆,敗之,收復黃州。丁酉,荆南張伯儀與賊戰,敗績。 三月已卯,復置沔州。 癸未,以左散騎常侍孟皡爲福建都團練觀察使。 嗣曹王收復蘄 辛卯, 嗣曹王

夏四月庚申,以永平宣武河陽等軍節度都統、檢校司徒、平章事李勉爲淮西招討使,

陽帥賈耽、江西嗣曹王等爲之副。甲子,京師地震,生黃白毛,長尺餘。丙子,哥舒曜進軍

至潁橋,大震雷,人死者十之三四,乃退保襄城。

六月庚戌,初稅屋間架、除陌錢。 時馬燧、李懷光、李抱眞、李芃屯魏縣,李晟屯易定, 五月辛巳夜、京師地震。乙酉、潁王璬薨。乙巳、滑、濮二州黃河淸。 滑州馬生角。

筆持算(回,入人廬舍而抄計,峻法繩之,愁嘆之聲,徧於天下。 食出界糧,月費錢一百三十萬貫,判度支趙贊巧法聚斂,終不能給。 李勉、陳少遊、哥舒曜屯懷汝間,神策諸軍皆臨賊境。凡諸道之軍出境,仰給於废支,謂之 至是又稅屋,所由吏秉

秋七月甲申,以國子祭酒李揆爲禮部侍郎,復其爵。 甲午,以李揆爲左僕射、兼御史大

八月丁未,李希烈率衆三萬攻哥舒曜於襄城。 湖南觀察使李承卒。

九月戊寅,龍見於汝州之城濠。 丙戌,<u>李勉將唐漢臣、劉德信喪師於扈澗,</u>汴軍自此不

振,東都危急。

之,方退,大將呂希倩死之。 尚書蕭復、刑部侍郎劉從一、諫議大夫姜公輔並以本官同中書門下平章事。 令狐建爲中軍鼓角使,金吾將軍侯仲莊爲奉天防城使。亂兵旣剽京城,屯於白華,乃於晉 都虞候渾瑊以子弟家屬至,乃以瑊爲行在都虞候,神策軍使白志貞爲行在都知兵馬使,以 | 褒與論惟明率兵三千至,纔入奉天,賊軍亦至,乃出拒之,王師不利。 **鎰**,乃止。 昌里迎朱泚爲帥,稱太尉,居含元殿。上以奉天隘,欲幸鳳翔,壬子,鳳翔軍亂,殺節度使張 於軍中,聞難,聚射士得四百人扈從。其夕至咸陽,飯數匕而過。戊申,至奉天。己酉,元帥 促神策軍拒之,無一人至者。 水,倒戈謀叛,姚令言不能禁。 殺傷殆半,會有草車在門外,渾城令焚之,賊衆遂退。 多十月丙午,韶涇原節度使姚令言率涇原之師救哥舒曜。 癸丑,李希烈陷襄城,哥舒曜走洛陽。 賊自丁未攻城,至己巳二十餘日,矢石不絕。 與太子諸王妃主百餘人出苑北門,右龍武軍使令狐建方敎射 上令載繒綵二車,遣晉王往慰諭之,亂兵已陣于丹鳳闕下, 乙卯, 賜檢校司空崔寧死。 癸巳,泚城三面攻城,渾城力戰禦 丁未,涇原軍出京城,至滻 賊乘勝攻門, **邠寧節度韓遊** 丁巳, 自 以吏部 加至

方節 相顧 疑 泚據乾陵作樂,下瞰城中,詞多侮慢。戊子,賊造雲橋,攻東北隅,兵仗不能及,城中憂恐, 漢谷,爲賊所敗而退。賊由是攻城愈急,矢石雨下,死傷者衆,人心危蹙,上與渾瑊對泣。 奉義軍節度使。靈武留後杜希全、鹽州刺史戴休顏、夏州刺史時常春合兵六千來援 懼 失色。 緩 |度||李懷光遣兵馬使||張韶奉表,||言大軍將至,乃令舁||韶巡城,||呼歡聲動地,賊不之測, 十一月乙亥,以隴右節度判官、隴州留後、 攻。 ' 渾瑊預爲地道,及雲橋傅城,脚陷不得進,瑊命焚之,風迴焰轉,橋焚而賊退。 搠 癸巳,懷光軍次醴泉,是夜賊解圍而去。 殿中侍御史章阜爲隴州 神策將李晟自定州率師赴難,軍於渭 刺 兼 御 史大 公馬,至 朱

方郎中 齊運 橋。 事 祭留後趙憬爲湖南 司 馬 뎲 爲 播 甲午, 十二月壬戌, 一戶部侍郎、判度支趙贊爲播州司馬。 宗 爲刑部尙書,司封郎中杜黃裳爲給事中。 翰林學士並 Ī 以商州 卿。 庚午, 都虞侯王仙鶴權商州 貶門下侍郎、平章事<u>盧</u>杞爲新州司馬, 貶行在都知兵馬使白志貞爲恩州 觀察使。 如 故。 李希烈陷汴州 以侍御 乙丑,以祠部 史吳通玄爲起 防禦使。 以 員外郎陸贄爲考功 石庶子崔縱爲京兆 癸亥,以京兆 居舍 命給事中孔巢父淄靑宣慰,華州刺史董晉 入, 少尹裴腆判度支。 充翰林學士。 鄓 尹 中, 0 癸酉, 金部員外郎吳通 己已, 以中 甲子 書侍郎、平章 以河中 」, 以 微 湖 爲 护 南 **|李** 職 觀

河北宣慰。

興元元年春正月癸酉朔,上在奉天行宮受朝賀,詔曰:

省,良所瞿然。 牙宣力,羣盜斯屏,皇維載張。 庶。 猶昧省己,遂用興戎,徵師四方,轉餉千里。 賦車籍馬,遠近騷然,行賫居送,衆庶勞 卿百僚用加虚美,以「聖神文武」之號,被蒙暗寡昧之躬,固辭不獲,俯遂羣議。 乘釁,肆逆滔天,曾莫愧畏,敢行凌逼。萬品失序,九廟震驚,上累於祖宗,下負于蒸 丘墟,人煙斷絕。天譴于上而朕不寤,人怨于下而朕不知。馴致亂階,變起都邑,賊臣 止。 危,不知稼穡之艱難,不恤征戍之勞苦。致澤靡下究,情不上通,事旣壅隔,人懷疑阻 越在草莽。不念率德,誠莫追於既往;永言思咎,期有復於將來。明徵其義,以示天 小子懼德不嗣,罔敢怠荒。然以長於深宮之中,暗於經國之務,積習易溺,居安忘 力役不息,田萊多荒。暴令峻於誅求,疲民空於杼軸,轉死溝壑,離去鄉里,邑里 痛心靦面,罪實在予,永言愧悼,若墜泉谷。賴天地降酤,人祇協謀,將相竭誠,爪 立政興化,必在推誠;忘已濟人,不吝改過。 股嗣服丕構, 君臨萬邦, 失守宗祕, 自今已後,中外書奏不得言「聖神文武」之號。 將弘遠圖,必布新令。 **股** 是 與 夕 惕,惟省前非。 乃者公 昨因內

本 紀第 今上元統曆,獻歲發祥,宜革紀年之號,式敷在宥之澤,可大赦天下,改建中五年 + = 德 宗上

其疑 使宣 爲 興 朱泚 等, 兪 懼 元 並 從 皆由 原宥。 子孫過犯, 反易天常, 朱滔以泚 上失其道 應赴 連 盜竊 坐, 奉天丼進收 減罪二等。 而 路遠 名器, 下 ·罹其災。 必不同謀, 暴犯 先稅除陌、 京城將士, 陵寢, 一切並 永念舊勳, 與洗 間架等錢, 所不忍言, 並賜名「奉天定難功臣」, 滌 務存 復其爵位, 竹木茶漆等稅 獲罪 弘貸, 祖宗, 待之 如 肸 能 如 身 不 効 敢 順, 有 並 杒 過 赦 犯 仍 亦 除 與 卽 惟 减 泚

判度支。 復爲門下侍郎、同平章事,以吏部侍郎盧翰爲兵部侍郎、 分命朝臣諸道宣諭。 知 Ш 南 兵馬使; **荆南、湖南、江西、鄂岳、浙江東西、福建等道**宜慰。 丙申,以山南東道行軍司馬樊澤爲襄州刺史、山南東道節度使;以渾瑊爲行 以前 避州觀察使康日知兼同州刺史,充奉誠軍節度使。 以奉天行營都團練使楊惠元檢校工部尙書口古。 己丑,以京兆尹裴腆爲戶部侍郎、 同平章事。 辛丑,詔六軍各置統軍 戊子, 丙戌, 以 命宰臣 吏部侍郎蕭 蕭復往 在都

升為

冷赤縣

使 賈隱林左僕射, |月戊寅,詔故司農卿張掖王段秀實贈太尉,諡曰忠烈, 以滑州刺史李澄兼汴州刺史、汴滑節度使。 賜實封五百戶。 是日,李晟自咸陽移兵東渭 贈滑州兵馬

員,秩從二品;左右常侍各加一員;太子賓客加四員

度使, 李晟 所 必 加 、將兵, 矣 (李懷光太尉,仍賜鐵券,赦三死罪。 避 大集兵 懷光 令討朱滔。 」乃投之於地。 惠元被害。 也。 、賦,以收復爲已任。 晟以 吐蕃遣使來朝,請以兵助國討 丁卯, 懷光反狀已明,請上幸蜀。 上命翰林學士陸贄曉諭之。是日人心恐駭。 車駕幸梁州, 李懷光患之,移軍涇陽, 懷光怒曰:「凡人臣反逆, 留戴休顏守奉天, 逆,乃令御史大夫于頎入藩宣諭之。 王武俊効順,加中書門下平章事 連朱泚, 以御史中丞齊映爲沿路置頓使。 乃賜鐵券,今賜懷光, 欲同滅晟。 懷光奪楊惠元、 晟卑詞厚意, , 兼幽州節 李建徽 甲子 是反

天行營副元帥。 公主薨,上愛女,悼惜之甚。 行在都知兵馬使渾瑊檢校左僕射、同平章事、靈州大都督,充朔方節度使、邠寧振武永平率 南 走 致書諭之,冀其感悟,懷光頗增愧懼 河清, 歸 節 河中。 度使,加神策節度使李晟兼京畿渭北鄜坊丹延節度觀察使。 三月甲申,以秘書監崔漢衡爲上都留守,右散騎常侍于頎爲京兆尹。 ,自稱留後。 其將孟涉、段威勇等千人奔歸李晟。 是日, 韶授李懷光太子太保,其餘官職並罷。 壬申,至梁州 丁丑 丙戌, 以前饒州 宣武節度使劉治加同平章事 涇州亂,牙將田希鑒殺其帥 刺史杜佑爲廣州 庚寅,車駕次城固。 是日, 懷光燒營, 刺刺 已亥,以 史、 唐安 嶺

几 月辛 1: 朔。 時將士未給春衣,上猶夾服,漢中早熱,左右請御暑服,上曰:「將士未易

本

紀

第

+

德

宗上

功,斬首 公輔 其 使 號 と唐朝 元元 分帥 ,入蕃使、 田 爲左庶 從功臣」。 獨 悅 臣爲河中尹、河中同晉絳節度使,御史大夫李齊運兼京兆尹。 日萬級。 御 韶贈 春 子,加劍南節度使張 左僕射李揆卒於鳳州。 衫衫 丙寅 悦太尉, 可乎! 以邠寧兵馬使韓遊瓌爲邠寧節度使。 加李納平章事。 俄而貢物繼至, 先給諸軍而始御之。 壬 以緒爲魏州長史、魏博節度觀察使。 延賞同平 乙丑,渾瑊與吐蕃將論莽羅之衆破賊將韓旻之衆於武 丁卯, 章事 義王 了,以前 山南東道節 尚書左丞趙涓卒。己巳,以陝虢 甲寅, 一寅, 度使買耽爲工部尚書。 ,以諫議大夫、平章事 魏博行軍 韶奉天隨從將士並賜 司 馬田緒 防 姜 遏 甲

未, 村 元 贈 右僕射。 武 李正 |泰門,斬馘數千 忠加左右 開苑牆二百餘步,賊樹栅當之。我軍爭栅,雲合電擊,與賊血戰,賊黨大敗,追擊至白華 岳州 俊 五 月, 破朱滔於經城 李兼、黔南元 癸酉 淮南 僕射。 涇王 節度使陳少遊加 壬 計, 辰, 是夜, 一挺薨。 東南 全柔、桂管盧嶽 賊黨慟哭而 商州 李晟 三分, 徐沂海 尙 自渭北移 可孤 斬首三萬級,擒僞 加檢校司 入白華。 吸破賊於 團 [練使高承宗卒,以其子明應 加御史大夫, 徒, 軍於光泰門外。賊來薄 藍 戊辰, 東川節度使李叔 田 相朱良祐、李俊以獻。 列陣 嶽 加 中丞口記。 於光泰門外。 安西四 明太子 鎭 我軍 知徐州 庚寅, 節度使 大傅, 爭 遣騎將 丁奮擊, 朱滔 事 李納 郭昕、北庭都護李 鎮海軍韓滉檢校 丙子 史萬頃往 遁歸幽州。 大敗之, 上章稟命 ,李抱眞 蹙入

泚 、姚令言率衆萬餘遁去。晟收復京城。 是日 ,渾瑊與戴休顏亦破賊三千於咸陽,韓遊瓌

追朱泚於涇州。

天助。 百戶。 加渾 使。 賞軍士。從之。戊午,車駕還京,發興元,是日大雨,及入斜谷,晴霽, 收京城露布,上覽之,涕下霑襟。 見任 駱元光、尙可孤 辰,斬僞 連爲禮部郎中:並 首至行在。乙巳,遣吏部侍郎班宏入京宣諭。 瑊 官 癸丑,韶以梁州爲興元府,南鄭縣爲赤畿 六 、月庚子朔,升恆州爲大都督府。 考功郎中、知制誥陸贄, 侍中,實封 員 相李忠臣,籍沒其家。 加 兩階,耆老與版授, 加檢校左右僕射,皆實封五百戶。 八百戶; 依前充翰林 韓遊瓌檢校左僕射, ` 李晟奏受賊僞署同惡抵法之家,所沒財物、牛馬、奴婢,請以 學士。 司對 南鄭縣令賜緋。 涇州 鄭中、知制誥吉中孚,並爲諫議大夫; 行在左右廂兵馬使令狐建、時常春並 田希鑒斬姚令言,幽州 癸卯, 《二也, 贈神策兵馬使楊惠元右僕射。 已酉,加李晟司徒、兼中書令,實對一千戶; 加興元尹嚴震檢校右僕射,賜實封 實封四百戶; 官名品制視京兆、河南, 以涇州將田希鑒爲涇州 軍士韓旻於彭原斬朱泚,並 戴休顏檢校右僕射, 從官將士權然以爲 加散 水部 刺史、涇原節度 百姓給復二年, 是日,李晟上 騎常侍。 員 外 一百戶。 實封二 ,鄓顧少 丙 傳

秋 七月 丙子,車駕次鳳翔府。詔放管內今年秋稅;耆壽侍老八十巳上,各與版授刺史,

本

紀

第

+

德宗上

賜紫,其餘版授上佐,賜緋;府、縣置頓官,考滿日放選。 受僞署官喬琳、蔣鎭、張光晟、李 通 、蔣鑑伏誅。 朱泚害郡王、王子、王孫七十七人於馬璘宅,丁丑, 令所司具凶禮收殮於淨

域寺。 庚辰、韶:

之効,以功贖罪,務在優恩。 然以解圍奉天,其功不細,昨又遣男璀謝罪,請束身歸朝。殷憫其知過之心, 以眇身,獲承鴻業,務全大計,移幸山南,倉皇之間,備歷危險。 光並不令宣;三軍咸欲收城,懷光並不令出。 在推誠,事皆掩覆,禮遇轉厚,委任益隆。 受朱泚姦兇之說,聽張侶罔惑之言,曾不沈思,遂生疑阻,交通逆孽,殘害忠良。 親,人臣之榮,孰可爲比?非股於懷光不厚, 社再寧,保佑股躬,厥功甚茂。 河朔不寧,俾令征討,任兼將相,恩極丘山。及朱泚猖狂,擾亂京邑,懷光迴軍赴難,宗 李懷光往因職任,頗著幹能,殷嗣位之初,首加拔擢,託爲心膂,授以節旄。 今遣給事中孔巢父賫先授懷光太子太保敕牒, 故元帥、河中之權、太尉、中書之秩,仍加實封, 懷光都不改圖,愈深不軌。敕書慰問將士,懷 **豈朕報懷光不崇! 賊寇未除,猜嫌已構,** 。自云已共朱泚定約,不能更事 據其罪狀, 情實難容, 往河中宣 國家。 念其赴難 爱及宗 股志 頃歳

畏威 比者君臣阻隔,只爲懷光一人,懷光旣請入朝,尙捨其罪,況諸將士並是功臣,各 `望風奔遁,永言勞績,股不暫忘。 。將士各竭忠謀,中遭迫脅,殷每念及,痛心自

宜坦然,勿更憂慮。先賜官封,一切如舊。

步騎 鳳樓 伏地請罪,上慰勞遣之。 一午,至自興元。 (,大赦天下。賜<u>李晟永崇里</u>第,女樂八人。甲午,命宰臣諸將送晟入新賜第,敎坊樂 [110] 十餘萬,旌旗連亙數十里,都民僧道,歡呼感泣。 時渾瑊、韓遊瓌、戴休顏以其衆扈從,李晟、駱元光、 丁亥,河中宣慰使孔巢父、中官啖守盈並爲懷光所害。 李晟見於三橋, 自陳收城遲晚之咎, 尚可孤以其衆奉迎, 辛卯,御丹

京兆府供帳食饌,鼓吹導從,京城以爲榮觀。

內行營兵馬副元帥,改封咸寧郡王(El)。時方命城與馬燧各出師討懷光故也。 節度使、侍中、兼靈州大都督、樓煩郡王渾瑊爲河中尹、晉絳節度使、河中同陝虢等州及管 留守、檢校司徒、平章事、北平郡王馬燧爲奉誠軍晉絳慈隰節度行營兵馬副 度等使、涇原四鎮北庭行營兵馬副元帥,改封西平郡王。 兩蕃等使,宜令李納兼之。 .月辛丑,韶所司爲贈太尉段秀實樹碑立廟。 癸卯,加司徒、中書令、 合川 淄青節度使承前帶陸海運、押新羅渤海 郡王李晟兼鳳 河東保寧軍節度使、太原尹、北都 翔尹 , 充鳳翔隴右節 元帥; 以靈鹽 甲辰,以金吾

本

紀

第

+ =

德宗

上

朝臣 節度使、 大將軍杜希全爲 爲鄭坊丹延等州節度使;以保義 隴州刺史韋皐爲左金吾衞大將軍。戊申,以奉天行營節度戴休顏爲左龍武統軍。 靈州大都督、 西受降城天德軍靈鹽豐夏節度營田等使,以同絳節度使唐 軍節度使、 鳳翔尹李楚琳爲金吾大將軍,以奉義軍

己酉,以延王玢、隨王迅、西平長公主薨,廢朝。己未,前湖州刺史袁高爲給事中。

論奏,自今每正衙及延英坐日,常令朝臣三兩人面奏時政得失,庶有弘益也。」 度支。丁亥,上顧謂宰臣曰:「今大盜雖除,時猶多難,宜廣延納,以達下情。 檢校司空,並賜實封五百戶,賞破朱滔之功也。 李晟入第故事。 九月庚午,宗正卿李琬卒。 壬午,贈故右僕射致仕李涵太子太保。 賜渾瑊大寧里第,丼女樂五人,詔宰臣諸將賜樂饋贈如送 甲申,以前嶺南節度使元琇爲戶部侍郎、判 乙亥,王武俊加檢校司徒,李抱眞 近日諫官都無

是秋;螟蝗蔽野,草木無遺。

閨 多十月乙丑,馬燧收絳州。 .月庚午,詔:「殷臨御萬方,失於君道,兵革不息,于今五年。 閔衆庶之勞, 戊辰,令中官竇文場、王希遷監左右神策軍都知兵馬使。 悔征伐之

特布新令,赦其殊死,待以至誠。使臣纔及於郊圻,互猾已聞其僭竊,酷烈滋甚,吞噬無厭。將 事。而李希烈蔑義棄德,反道虐人。朕哀彼生靈,陷于塗炭,苟存拯物,不憚屈 相 身。故於歲首 本紀第十二 德宗上

服

、班序,

宜同諸司官知制誥例

使。 節度使田希鑒,罪其殺馮河淸也。戊子,希烈將李澄以滑州歸國。 孽自一夫,而毒流萬姓,爲人父母,寧不愧懷 史、汴滑節度使,封武威郡王。神策行營節度使、檢校尙書右僕射、馮翊郡王尙可孤卒。 每節度賜米五萬石,河陽、東畿各賜三萬石,所司般運,於楚州分付。 言念勳臣,橫遭脅制,雖思改革,厥路無由。 乙亥、詔宋亳、淄青、澤潞、河東、恆冀、幽、易定、魏博等八節度, 一切不問。」唐朝臣奏收永樂縣。癸酉,以右龍武大將軍李觀爲涇州 受汚終身,銜冤沒代,淪胥以逞,誠可痛傷。 !! 宜令諸道節度使明行曉諭, 罪止元兇,脅制 甲午,以李澄為汴州刺 螟蝗爲害, 蒸民饑饉 丁丑,李晟至涇州,誅 刺史、涇原節度

暉以獻。戊午,劉洽大破希烈之衆,擒其僞相鄭賁等五人以獻。希烈遁歸蔡州,汴州平。 十一月癸卯,宋亳節度使劉洽與曲環破希烈之衆於陳州,俘斬三萬級,生擒賊將翟崇

丑,宰相蕭復三上章乞罷免,許之。

史張 部郎中崔造爲給事 建封爲豪壽都團練使。 十二月乙亥,淮南節度使、檢校司空、平章事陳少遊卒。贈蕭定太子太師。 中。 辛卯,以諫議大夫陸贄爲中書舍人,依前翰林學士。 詔翰林學士朝 庚辰,以刑部侍郎杜亞爲揚州長史、淮南節度使。 戊子, 以吏 以壽州刺

刺史、福建觀察使。癸丑,始聞太子太師、魯郡公顏眞卿爲希烈所害曰,追贈 日,諡曰文忠。仍特授男顒、碩等官。壬戌,以吉州長史盧杞爲澧州別駕, 貞元元年正月丁酉朔,御含元殿受朝賀,禮畢,宣制大赦天下,改元貞元。 去秋螟蝗,冬旱,至是雪,寒甚,民饑凍死者踣於路。 丁未,以饒州 尋卒。 刺史盧惹爲 司徒, 戊戌, 廢朝五 大風 福

千錢。 相爲檢校太尉、使持節、大都督、雞林州刺史、寧海軍使,襲封新羅王。 一月丙寅朔,遣工部尚書賈耽、侍郞劉太眞分往東都、兩河宣慰。 月丙申朔, 癸未,李抱眞、嚴震來朝。 寒食節,上與諸將擊鞠於內殿。 ,以蜀州刺史韓洄爲兵部侍郎,以汴東水陸運等使、左庶子包佶爲刑部侍 丙戌,以檢校秘書監金良 辛卯,大雨 河南、河北饑, 米斗

司空; 甲寅 鄓。 辛丑,戶部侍郎、判度支元秀兼諸道水陸運使。丁未,李希烈陷南陽,殺守將黃金嶽。 韶宰臣宣諭 以汴滑節度使李澄爲滑州 御史,今後上封彈奏,人自陳論,不得羣署章疏。 戊午, 宣武帥劉洽檢校 刺 史,充鄭滑節度使。 癸酉,鄂岳觀察使李謙爲洪州刺史、江西都團練觀 加李納司空。

察使。 江 一陵度支院失火,燒租 T 丑,以江西節度使嗣曹王阜爲江陵尹、 一賦錢穀百餘萬。 時關東大饑,賦調不入,由是國用益窘。關中饑 荆南節度使。

己卯,改滑州永平軍名日義

民蒸蝗蟲而食之。汴帥劉治賜名玄佐

夏四月乙丑朔,

普王誼改封舒王。

Ŧī. 月 、癸卯 分命朝臣禱 羣 本神以祈 雨 蝗自 海 而 至, 飛 蔽 天, 每下則草木及畜 毛 無復孑

遺。 穀 價 (騰踊。 辛 酉 ,以河陽都知兵馬使雍 希顏爲河陽懷都團練使

爲 衞 賈 左 大將軍章阜 耽 金 兼 六月 吾 御 安大 衞 丙子,以兵部侍郎韓洄爲京兆 大 將 檢校戶部尚書,兼成都尹、御史大夫、劍南 一夫、東都留守、都畿汝州防禦使,以汴州 軍 幽州朱滔卒,贈司徒。 尹 ٥ 辛 Ė, 劉玄佐兼汴州 刺史薛珏為 西川節度觀察使。以國子祭酒董晉 刺史。 河南 尹 0 壬 土午, 辛 卯,以左 以 工 一部尙書 金吾

常 甲子 契丹 不 劉 檢 含含 校尚 降 怦 侍 李泌 辛亥 經 爲 秋 綿 詔 書左 略 经经 1 歷 為陝州 ; 夫 州 月甲午 關中 盧 · 加 僕射、同平章事 長 譄 一時 檢校 、人事失於下, 等軍使。 、史、御史大夫、 蝗食草木 ·朔, 蟲 長史、陜虢 工 蝗繼 一部尙書王士眞爲德棣都 河東節度使馬燧自 臻, 都 丁巳 盡 則 彌 、江淮轉運使,以河南尹薛珏 都防禦觀察陸運使。 天 幽州 早甚, 以 瓦 變形 千里。 左 盧龍節 散 濔水 於 騎 上,咎徵 「河中行營來朝。 常侍柳 菽栗翔貴,稼穡枯瘁, 將竭 度副大使, 團 之作, 練 渾 井多 觀 爲 丙午, 監察使。 兵部侍 無 兼 必 水。 有 知 以鎭海軍、浙江東西道節 庚子, 爲河南水陸運使。 、壬子 節度 由 郎。 有 然。 嗷嗷蒸 一 ,以前 管理度支營田 大風 庚申,以 計 自 度 頃 以拔樹。 涿州刺 支錢穀, 已來,災沴仍 談議 聚泣 辛丑 史、兼 戊申,馬燧還 觀察 大夫高參爲中 田 纔 畝 可支七 CIE、押溪 御 度使韓滉 以左散 集,雨澤 史 興 (言及 中 旬。 騎 丞

本

紀

第

+

嫵 宗

F

之務,一 俟歲豐登, 次**貶食**,節用緩刑,側身增修,以謹天戒。 當 此 自 E, 而横 [刻責。 實 (切痛 切停罷。 得 即令復舊。」 非 刑法舛繆,忠良鬱湮,暴賦 徧祈 。除諸軍將士外,應食糧人諸色用度,本司本使長官商量滅罷,以救兇荒。 有一於茲,足傷和 百神,曾不獲應,方悟禱祠非救災之術,言詞非謝譴之誠。 氣。 。本其所以,罪實在予,萬姓何辜,重罹饑 未蠲,勞師靡息。 朕自今視朝不御正殿, 事 **事或無益** 有司供膳並 一,而 重爲. 煩 宜 憂心如焚,深 費; 一減省, 任或 所宜 出

中行營將士,共賜二十萬端匹以充宴賞,放歸本道。」新除中書侍郎、平章事張延賞爲尙書左 勳,所宜有後。 其昔居將相,嘗寄腹心,罪雖挂於刑書,功已藏於王府。以干紀之迹,固合滅身,以赴難之 並 諸 未著,撫御失宜,致使功臣陷於誅戮,謂之克敵,能不愧心!然以懷光一家,在法無捨; 戌,朔方大將牛名俊斬李懷光,傳首闕下。 馬燧收復河中。 中,城可 兒兒 典洗雪。 甲子, 女,遞送澧州 檢校 河中、絳百姓、給復一年。 李懷光大將尉珪以焦籬堡降。 司空。 宜以懷光男一人爲嗣,賜莊宅各一區。仍還懷光屍首,任其收葬。 委率鼻逐便安置,使得存立。 駱元光、韓遊瓌、唐朝臣各賜實封二百戶,與一子六品正員官。 北平王馬燧、咸寧王渾瑊並與一子五品正員官。 丁卯, 其出嫁女、諸親並釋放。陷賊將士,一切 懷光將徐庭光以長春宮兵六千人降。 丁丑,始雨。 己卯,韶:「殷誠信 昨 燧 河 念 甲

僕射。 行至興元,改授左僕射。戊子,前河陽節度使、檢校尙書左僕射、開陽郡王李芃卒(ie)。 時宰相劉從一病,韶徵延賞。李晟與延賞有隙,自鳳翔上表論之。 延賞罷鎭 西川還,

奚契丹兩蕃等使。 等三科舉人。辛亥,宰相劉從一以疾辭任,授戶部尙書。庚申,劉從一卒。幽州節度使劉 舊貫,以適時宜,更待事平,然後經度。」制從之。乙巳,上御正殿,策賢良方正、能直言極諫 員,實恐未便於事,非但承優者無官可授,抑又敍進者無路可容,本冀便人,翻成斂怨。事仍 仍招怨望。 仕 史。 1進頗多,在官者旣合序遷,有功者又頒褒賞。 御史大夫崔縱奏:「准制勘會內外官員,商量倂省停減,詳議聞奏者。 九月己亥,幽州節度劉怦病,請以子濟權知軍州事,從之。 況有恩韶,甄錄功勞,諸道敍優,人數甚廣,見須處置,不可稽留。 今若停減吏 丙戌, 渾瑊自河中來朝。 比來每至選集,不冤據闕留人,嘗歎遺才, 癸卯,以牛名俊爲丹州刺 伏以兵戎未息,

還宮,御丹鳳樓,大赦天下。 抱眞、山南嚴震、同華駱元光、邠寧韓遊瓌、鄜坊唐朝臣、奉誠康日知等大將侍祠。 十一月癸巳朔,山南嚴震來朝。癸卯, 丁丑,詔文武常參官共賜錢七百萬貫,以歲凶穀貴,衣冠窘乏 上親祀昊天上帝於圓丘。時河中渾城、 郊壇畢, 澤路李

故也。

十二月戊辰,韶延英視事 ,日,令常參官七人引對,陳時政得失。 自是羣官互進,有不達

理道者,因多詆訐,不適事宜,上亦優容遣之。

院、江淮轉運等使並停。 寅, 鹽鐵、権酒。 縱為吏部侍 子祭酒包佶知禮部貢舉。以江陵少尹李復爲容州刺史、本管經略使。癸丑,以御史大夫崔 郎、平章事盧翰爲太子賓客。丁未,以禮部侍郎鮑防爲京兆尹,京兆尹韓洄爲刑部侍郎,國 壬寅,以散騎常侍劉滋、給事中崔造、中書舍人齊映並守本官,同中書門下平章事。門下侍 糧 5米都一千五百石,飛龍馬減半料;臺鄓御史與兼官出爲畿赤令。 韶天下兩稅錢物, 二年春正月壬辰朔,以歲饑罷元會,禮也。 息 韶宰相齊映判兵部,李勉判刑部,劉滋判吏部、禮部,崔造判戶部、工部。 諫議大夫、知制誥、翰林學士吉中孚爲戶部侍郎、判度支兩稅,元畴判諸道 委本道觀察使、刺史差人送上都;其先置諸道水陸轉運使及度支巡 時崔造專政,改易錢穀,職事多隳敗;造尋以憂病歸第。 丙申, 韶以民饑, 御膳之費減半, 宮人月共 庚子,大雪,平地尺餘。 甲

士執之。

甲戌,

戸部

月癸亥,

山南樊澤奏破希烈將杜文朝之衆五千,擒文朝以獻。乙丑,鹿入含元殿,衞

侍郎元琇爲尙書左丞,京兆少尹李竦爲戶部侍郎、判鹽鐵権

乙巳,以司農卿李模爲黔中觀察使。

三月壬寅,滑州李澄奏破希烈之衆於鄭州。

DU 月 、丙寅,淮西李希烈爲其牙將陳仙奇所酖,幷誅其妻子,仙奇以淮西 歸順。 戊辰,以

蔡功也。 貢奉。上曰:「瑟瑟不產中土,有則與民共之,任人採取。」甲申,詔以淮西牙將陳仙奇爲<u>蔡</u>州 前黔中觀察使元全柔爲湖南觀察使。 刺史、淮西節度使,都統劉玄佐、李澄、曲環、李皋、賈耽、張建封各與一子正員官,賞平准、 丁未,以劍南東川節度使李叔明爲太子太傅,以東川兵馬使王叔邕爲梓州刺史、 辛巳,陝州觀察使李泌奏盧氏山冶出瑟瑟,請禁以充

劍南東川節度使。

以其子 亥,百僚 丁酉, 贈司空。 五 懐直 以伊 一月丙申,自癸巳大雨至於茲日,饑民俟夏麥將登,又此霖澍,人心甚恐,米斗復千錢。 、請上復常膳;是時民久饑困、食新麥過多、死者甚衆。 辛酉,大風雨,街陌水深數尺,人有溺死者。 薩 西北庭節度留後楊襲古爲北庭大都護、 知 軍 一州事 伊西北庭節度度支營田瀚海等使。 癸未,橫海軍使、滄州刺史程日華卒, 伊西北庭節度使李元忠卒,

為陳許節 刺 未 史、 福 秋 知 建 七月戊子, 節 觀察盧瑟卒。 度使。 度留後, 戊午,以鄜坊節度唐朝臣爲單于大都護、 黔中觀察使理所復在黔州。 加東都留守賈耽 己酉,以虔王諒爲申光隨察節度大使, 東都畿唐汝鄧都防禦觀察使,以隴右行 辛卯, 以開州別駕白志貞爲果州刺史。乙 振武綏銀節度使, 以淮西兵馬使吳少誠爲蔡州 '營節度使 右金吾大將軍 曲環

本

紀

第

+

樜

宗上

論 散騎常侍蔣沈卒。 惟明爲鄜州 刺史、鄜坊都防禦觀察使。 丙戌,<u>吐蕃寇涇、隴、</u>洲、寧,諸鎮守閉壁自固,京師戒嚴。 己巳,以金吾大將軍董晉爲尙書右丞。 遣河中節度駱

元光鎭咸陽〔邑。

武威 李晟 防禦觀察使。 軍節度、鄭滑等州觀察使。戊戌,以吏部侍郎崔縱檢校禮部尚書、東都留守、東都畿唐鄧汝 遞遷,不全限隔。自今內外文武缺官,於文武班中量才望相參敍用。 將軍一人,秩從二品;左右金吾上將軍,俸料次於六統軍支給。 並宜加給料錢及隨身糧課,仍舉故事,置武班朝參,其廊下食亦宜 之後,衞兵雖然廢闕,將軍品秩尤高。此誠文武勳臣出入轉遷之地, 衞 兵。 部將王佖 九月,詔:「左右金吾及十六衞將軍,故事皆擇勳臣,出鎭方隅,入居侍從。 所司條件以聞。」丁酉,義成軍節度、鄭滑觀察等使、檢校尙書左僕射、 ||本澄卒。以東都畿唐鄧汝等防禦觀察使||賈耽檢校尙書右僕射,兼滑州刺史、義成 擊吐蕃於汧陽城,敗其中軍。辛亥,寇鳳翔,李晟出師禦之,一夕而退 己亥、敕左右衞上將軍、大將軍並於衙內宿。 乙巳,吐蕃寇好畤, 欲求致理,必藉棄才,文武 加 宜增祿秩, 給。 仍依 其十六衛各置上 故事,於本衞量 ,以示優崇。 自天寶艱難 滑州 京師戒嚴。 刺史、

便民,從之。 多十月壬午,奏關內、河中、河南等道秋夏兩稅、青苗等錢,悉折納粟麥,兼加估收糴以 是月,李晟破吐蕃摧沙堡。

是日后崩,諡曰昭德。辛丑,吐蕃陷鹽州。 十一月甲午,册淑妃王氏爲皇后。 乙未, 兩浙節度使韓滉來朝。丁酉, 册皇后王氏, 壬寅、劉玄佐、曲環、鄂岳盧玄卿並來朝

罪,諫官屢論之。辛未,鳳翔李晟來朝。 中、 戶差役,從度支奏也。 同平章事崔造爲右庶子。貶尚書右丞、度支元琇爲雷州司戶,爲韓滉誣奏,人以爲非 十二月丁巳,以韓滉兼度支、諸道鹽鐵轉運使。 壬申,京城畿內権酒,每斗権錢一百五十文,蠲酒 吐蕃陷夏州,又陷銀州。庚申,以給事

州刺 察使。 |滋守本官,罷知政事;中書舍人、平章事齊映貶夔州刺史。 戊寅,度支鹽鐵轉運使、鎭海軍 節度、浙江東西道觀察等使、檢校左僕射、同中書門下平章事、晉國公韓滉卒,贈太傅。以果 辛亥,以戶部侍郎李竦爲鄂岳觀察使。壬子,以兵部侍郎柳渾同中書門下平章事 史白志貞爲潤州刺史、兼御史大夫、浙西觀察使,宣州刺史皇甫政爲越州刺史、浙東觀 三年春正月丙戌朔。 壬寅,以左僕射張延賞同中書門下平章事。乙巳,禮部侍郎薛播

翔都虞候邢君牙爲鳳翔尹、 三月庚寅,詔今年朝集使宜停。 本府團練使。 丙午, 鳳翔隴右元帥副兵馬使吳詵爲福建觀察使, 鳳 丁未, 制鳳翔隴右涇原四鎭北庭管內兵馬副元

本紀第十二

德

宗上

帥 誠,不允,故燧自將論頰熱入朝,盛言蕃相請盟,可以保信。上乃從之,許盟于平凉 河東馬燧來朝。時蕃相尙結贊使大將論頻熱卑辭厚意告馬燧,請兩國同盟和好,上 千五百戶李晟可太尉兼中書令。 鳳 翔 隴右道節度使、奉天靖難功臣、司徒兼中書令、鳳翔尹、上柱國、西平郡王、 庚戌,以晟甥元帥兵馬使王佖爲右威 衛上將 疑其不 食實封

所見封進以聞。」入蕃使崔翰奏於蕃中誘問給役者,求蕃國人馬眞數,云凡五萬九千餘人, 馬八萬六千匹,可戰者僅三萬人,餘悉老幼。庚午,御麟德殿,試定難樂曲,馬燧所獻。 夏四月庚申,詔:「蕃寇雖退,疆理猶虞,安邊之策,必有良算,宜令常參官各陳邊事,

萬往 尚結贊請改會盟之所於原州之土棃樹,神策將馬有麟奏:「上棃地多險阨,恐蕃軍隱伏;不 丙午,以嶺南節度使杜祜爲尚書右丞,以容管經略使李復爲廣州刺史、嶺南節度使。 如平凉川,其地坦平,又近涇州。」乃改盟於平凉川。 一會盟所。 五月丁亥,以侍中渾瑊爲吐蕃清水會盟使,兵部尚書崔漢衡副之;城與駱元光率師二 丁酉,以左丞暢悅爲湖南觀察使。戊戌,左右神策、左右龍武各加將軍一員。 十月(云)、東都、河南、江陵、汴州、揚州

庚申, 里 一月乙卯,以國子司業裴胄爲潭州刺史、湖南觀察使。 韶省州縣官員,上州留上佐、錄事、參軍、司戶、司士各一員,中州上佐、錄事、參 戊午,陝虢李泌獻瑞麥,一 大水,漂民廬舍。

荆 于虚危。 免,崔漢衡已下將吏陷沒者六十餘人。癸酉,遣使齎書以讓結贊,蕃界不受。戊寅,枉矢墜 爲襄州刺史、山南東道節度、襄鄧郢安隨唐等州觀察使,以山南東道節度使樊澤爲江陵尹、 蕃故也。 簿、尉量 軍、司戶、司兵各一員,下州上佐、 南節度使。辛未,侍中渾瑊與吐蕃宰相尙結贊同盟于平凉,爲蕃兵所劫,瑊狼狽遁而獲 一留一半, 辛巳,以少府監盧嶽爲陝虢觀察使。是月,太白晝見,凡四十餘日。 壬戌,日有黑暈,自辰及申方散。 諸赤畿縣留令、丞、尉各一員。時宰相張延賞請減官收俸料以助軍討吐 錄事、司戶各一員,京兆河南兩府司錄、判司及四赤丞 癸亥,以荆南節度使、檢校戶部尙書、嗣曹王阜

節度使。 陝虢觀察使李泌爲中書侍郎、平章事,以左龍武將軍李自良爲檢校工部尚書、太原尹、河東 六月丙戌,以檢校司徒、侍中馬燧爲司徒兼侍中,以贊吐蕃之盟失策而罷兵柄也。以 乙巳,浙西觀察使白志貞卒。是月,吐蕃驅鹽、夏二州居民,焚其州城而去。

所,衣冠之弊,流寓何依?其先敕所減官員,並宜仍舊。」初旣減員,內外咨怨張延賞,李泌 初入相,乃諷諫官論之,乃下此詔。丙辰,平涼陷蕃官員崔漢衡已下各與一子正員官。 權議減官,以務集事。近聞授官者皆已隨牒之任,扶老攜幼,盡室而行。俸祿未請,歸還無 左羽林大將軍 七月甲寅,渾瑊自盟所來,素服待罪,釋之。乙卯,詔:「朕頃緣興師備邊,資用不給,遂 |韓潭爲夏州刺史、夏綏銀等州節度使。 壬申,賜駱元光姓曰李元諒(w)。

紀

+ =

樜

上

三五八

書左僕射、同中書門下平章事張延賞薨,贈太保。癸酉,復置吏部小選。

柳渾爲散騎常侍,罷知政事。 安置,坐宗人位、佩、儒、偲、鼎等連郜國長公主姦蠱事也。戊辰,吐蕃犯塞,諸軍戒嚴 劉贊爲宣州刺史、宣獻池觀察使。戊戌,貶前門下侍郎、同平章事蕭復爲太子左庶子,饒州 八月辛巳朔,日有蝕之。 丁亥,陷蕃兵部尚書崔漢衡得還。 壬申,以給事中王緯爲潤州刺史、浙西觀察使 GEO,常州 己丑,以兵部侍郎、平章事 刺史

州之連雲堡。甲戌,吐蕃退,俘掠邠、涇、隴等州民戶殆盡。自是蕃寇常至涇、隴。 亥,迴紇可汗遣使合闕將軍請昏於我,許以咸安公主降之(云)。 丙寅, 吐蕃陷華亭, 又陷涇 九月丁巳,吐蕃大掠汧陽、吳山、華亭界民庶,徙於安化峽西。 庚申,左庶子崔造卒。 癸

大舉,已署置將相名目。」詔捕劾之,連坐死者百餘人;欽緒,遊瓌之子,特赦之。是月,復 「射生將韓欽緒等十餘人與資敬寺妖僧李廣弘同謀不軌,廣弘自言當爲人主,約十月十日 多十月,吐蕃修原州城,屯據之。丁亥,太子太傅李叔明卒。丙戌,神策將魏循上言:

商 .人不得以口馬兵械市於党項。辛丑,鄜坊節度使論惟明卒。是歳,作玄英觀於大明宮 十一月丁丑,以湖南觀察使趙憬爲給事中。是夜,京師地震者三,鳥巢散落。壬申,禁

北垣。

降魚書停刺史務。

## 校勘記

- 關內支度鹽池六城水運大使 「度」字各本原無,據唐大詔令集卷六一補。
- $\Xi$ 加李正己司徒 **删府卷八九「司徒」下有「兼太子太保實臣爲司空兼」十一字。**
- 을 柳冕 各本原作「柳晃」,據新書卷一三二柳冕傳改。
- (图) 首頗 局本作「首歸」,合鈔卷一二德宗紀作「首領」。
- (至) 東僰鳥蠻守 鳥蠻也。」 冊府卷九七二作「東爨鳥蠻守愈等」。 **蠻害**名類卷云:「西爨, 白蠻也。
- (元) 國初以來 會要、冊府「三等」均作「二等」。 「初」字各本原無,據唐會要卷四五、冊府卷一三三改。下文「據功績分爲三等」,唐
- [4] 淄青齊海登萊沂密德棣曹濮徐兗鄆十五州之地 「徐」字各本原無,據本書卷一二四季正己傳 補。
- **3** 山南東道 「東道」二字各本原無,據本書卷一一五季承傳、通鑑卷二二七補。
- (元) 襲隴西郡王 「隴西」,各本原作「高麗朝鮮」,據本書卷一四二李寶臣傳改。
- 8 쩞 本 州 紀 節度使朱滔張孝忠 第 += 校 勘 記 合鈔卷一二德宗紀「朱滔」下有「成德軍節度使」六字。

郢歲餘卒 「郢」字各本原作「尹」,據本卷上文、新書卷一四五嚴郢傳改。

 $\stackrel{\triangle}{=}$ **汴西水** 陸運 兩稅鹽鐵使 「陸」字各本原無,據本書卷一〇八崔渙傳、唐會要卷八四補

李元平 各本原作「李元吉」,據本書卷一三〇關播傳、新書卷七德宗紀、通鑑卷二二八改。

所由吏 「由」字各本原無,據本書卷四九食貨志、冊府卷五 一〇補

至 時常春 「時」字各本原無,據本卷下文、通鑑卷二二九補

二古 楊惠元 本書卷一四四陽惠元傅作「陽惠元」。

全 經城 各本原作「京城」,據本書卷一三二李抱眞傅、新書卷七德宗紀改。

云 岳州李兼黔南元全柔桂管盧嶽加御史大夫嶽加中丞 上,下嶽字行。」 校勘記卷六說:"加御史大夫當在桂管

二芒 南鄭縣 「南」字各本原無,據本書卷三九地理志、陸宣公翰苑集卷四改。

晉 教坊樂 本書卷一三三季晟傅作「賜教坊樂具」。

自「河東保寧軍節度使」至「改封咸寧郡王」一段內,先云馬燧爲「晉絳慈隰節度」,後又云渾瑊爲 晉絳節度使」, 明顯有矛盾。據唐大詔令集卷五九所記,馬燧當是「晉慈隰節度」,渾滅當是

河河中 魯郡公 絳 州 「公」字各本原作「王」,據本書卷一二八顏眞卿傳、唐會要卷八〇改。 節度」。

開 **哈陽郡王** 「開陽」,各本原作「開封」,據本卷上文、合鈔卷一二德宗紀改。

量 遣河中節度駱元光鎭咸陽 **碱、華州駱元光」。** 「河中節度駱元光」中有脫誤,新書卷二一六下吐蕃傳作「河中渾

물 十月 合鈔卷一二德宗紀作「是月」。十七史商権卷七三亦云:「此十月當作是月。」

물 賜駱元光姓日李元諒 通鑑卷二三二、合鈔卷一二德宗紀「姓」下有「名」字。

둜 浙西觀察使 「浙西」,各本原作「江西」,據本書卷一四六王緯傳改。

둗 咸安公主 「咸」字各本原作「盛」,據冊府卷九七九、新書卷八三德宗十一女傳改

本

紀

## 舊唐書卷十三

## 本紀第十三

## 德宗下

**|丹延節度使。丁卯,京師地震,戊辰又震,庚午又震。以宣武軍行營節度使劉昌爲|涇州刺** 十餘人。京師地震,辛亥又震,壬子又震。壬戌,以左龍武大將軍王栖曜爲麟州刺史、鄜坊 大赦天下,大辟已下罪咸赦除之。」是日質明,含元殿前階基欄檻壞損三十餘間,壓死衞士 獲已。今三陽布和,萬物資始,思與羣公兆庶,惟新政理,宜敷在宥之澤,以覃作解之恩。可 疆。元元何辜,皆朕之失。乃者輦轂之下,兇狂結構,上帝垂祐,悉自伏誅,刑以止殺,諒非 序,虔奉祖宗之訓,遐想至理,思臻大和。而誠不感物,化不柔遠,聲教猶鬱,征賦仍繁。 者務於安人,不憚屈己,與西蕃結好,申以齊盟。而戎心不厭,背義虧信,幼脅士庶,屢犯封 貞元四年春正月庚戌朔,上御丹鳳樓,制曰:「朕以菲薄,託於王公之上, 恭承天地之

本

紀第十三

德

宗下

隴右 城。 察使。 僕郊 州爲大都督府。 辰, 過五 以 午, 臣 木如大指,長寸餘,有孔通中,下而植於地,凡十里許。 蕭復卒於饒州。 用除陌 題日懷忠 給 屬 地震。 四鎮北庭行軍涇原等州節度使。 和 節 牛生犢六足,又豕生兩首四足。 一十萬,常有二百餘萬以資 京官月俸, 丁巳,右龍武統軍 鹿 錢, 改左右射生爲左右神威軍 |度使、臨洮軍使。 乙亥,地震,金、房尤甚, 江溢 入京師 、及闕官俸外一分職田、額內官俸,及刺史執刀司馬軍事等錢,令戶部別庫貯之, 詔 涇原劉昌於平凉會盟所收被害將士骸骨,葬於淺水原, 市門。 辛未, 令御史中丞竇參專掌之。 歲得錢三百萬貫, 謂之戶部別處錢, 朝臣歲支不 地震。丁卯 丙寅,地震,丁卯又震。 壬 一戌,加置諫議大 地震。 甲寅, 張伯儀卒。 行有司 地震。 中書省梧樹有鵲 國用。 ?條奏省官,其左右常侍、太子賓客請依前置四員,從之。 庚 八夫八 辛酉, 宴羣臣於麟 癸酉, 福 築延喜門北複道屬永春門。涇原劉昌復築連雲堡。戊 壬午,地震,甲申又震,乙酉又震,丙申又震。甲辰,太 建 入 員, 月犯歲星。辛未,太子賓客吳凌爲福建觀察使。 兵 以 亂, 吉州 分中 京師地震。 以 泥爲巢。 德殿,設九部樂, 逐觀 書 刺 中張庭 四員爲右, 察使吳詵。 一山裂,廬舍多壤,居人露處。 辛巳,李泌以京官俸薄,請取中外給 甲戌,以華州潼關節度使李元諒兼 癸巳,以太子左庶子暢悅爲桂管觀 爲安南 門下 內出舞馬,上賦詩一章,羣 丁未, 都護、 四員爲左。 爲二冢,立石 隴右 本管經 李元 略使。 檢 校左庶 諒築 良原 堠志之, 陳留 升脚 雨

將閉城自固。賊驅人畜三萬計,凡二旬而退。一吐蕃入寇以秋冬,今盛暑而來,華人陷下者道 亥,熒惑、歲、鎭三星聚營室,凡二十日。 是月,吐蕃寇涇、邠、寧、慶、鄜等州,焚彭原縣,邊

皇子、皇弟邕王謜等七人爲王,兼卿、監、祭酒等官。 防禦觀察使暢悅卒。 夏縣處士先除著作郞陽城爲諫議大夫。城以褐衣詣闕,上賜之章服而後召。 六月丁丑,鄂岳觀察使李竦卒。 乙未,以諫議大夫何士幹爲鄂岳沔蘄黃等州都團練觀察使。 乙酉,以尙書左丞杜祜爲陝州長史、陝虢觀祭使。 癸卯,熒惑退行入羽林。 乙丑,桂管都 乙亥,封 徴

察使。 尙書, 諸司 倫爲容州 朝命仍以希朝副獻甫。 帥 長子愿爲銀靑光祿大夫、太子賓客,賜勳上柱國,與晟門並列戟。 , 縱兵大掠,仍脅監軍楊明義奏請范希朝爲帥。 四品之上,今在少卿之下,非也,宜改之。」乙亥,以蘇州刺史孫晟爲桂州刺史、桂管觀 秋 充長武城及諸軍行營節度使。癸丑,邠寧軍因韓遊瓌受代,憚張獻甫之嚴, 壬 七月庚戌, 刺刺 申,韶:「嗣王、郡王朝會,班位在本官班之上。 史、兼御史中丞、本管經略使。 ,以左金吾將軍張獻甫爲邠寧節度使;陳許防禦兵馬使韓全義檢校工部 己未,溪、室章寇振武軍。 丁丑,以兵部尚書崔漢衡爲晉州刺史、晉慈隰觀 都虞候楊朝晟斬其亂首二百餘人,方定。 壬戌,詔以太尉、中書令、西平郡王李晟 左右庶子准令在左右丞侍郎之下、 乙丑,以前無州 刺 史戴叔 乘其無

本

紀

第

**+** =

總宗

下

察使。 田緒、李納之境,衡柴爲城,方十餘里,高二三尺,緒、納惡而去之,信宿復如之,烏口皆流 荆河自陜州至河陰,水色如墨,流入汴口,至汴州,一宿而復。 又汴鄭管內烏皆入

八月,以權判吏部侍郎吉中孚爲中書舍人。乙酉,檢校司徒、兼太子太師、汧國公李勉

薨。 甲午,京師地震,其聲如雷。

助 等 州 常參官共賜錢五百貫文,翰林學士一百貫文,左右神威、神策等軍每廂共賜錢五百貫文,金 付,永爲常式。」戊申,晉慈隰觀察使崔漢衡加都防禦使名。癸丑,賜百僚宴於曲江亭,仍作 吾、英武、威遠諸衞將軍共賜錢二百貫文,客省奏事共賜錢一百貫文,委度支每節前五日支 康,其正月晦日、三月三日、九月九日三節日,宜任文武百僚選勝地追賞爲樂。每節宰相及 張濛、殷亮等二十人又次之,唯<u>李晟、馬燧、李泌三宰相之詩不加優劣。</u>庚申,吐蕃寇**邠、寧、** 重陽賜宴詩六韻賜之。羣臣畢和,上品其優劣,以劉太眞、李紓爲上等,鮑防、于邵爲次等, 九月丙午,詔:「比者卿士內外,左右股躬,朝夕公門,勤勞庶務。今方隅無事,烝庶小

前任有治迹,韶頎等於左右丞廳各言政要,左右丞條奏,上乃御宣政殿親試其言而後用之。 多十月, 韶中書門下選常參官曾爲牧宰有理行者以名聞。宰臣奏于頎、董晉等十二人

十餘人、馬二千匹來迎咸安公主,命刑部尚書關播送公主歸蕃。 丙戌,以右神策將軍<u>李長榮爲河陽三城懷州</u>團練使,仍賜名元。 戊子, 迴紇公主將妾媵六

十二月辛巳,少府監李觀卒。

昭蘇,宜助暢茂。 自今宜以二月一日爲中和節,以代正月晦日,備三令節數,內外官司休假 除,雖因舊俗,與衆共樂,咸合當時。 朕以春方發生,侯及仲月,勾萌畢達,天地和同, 子,以大理卿董晉爲門下侍郎、同中書門下平章事,以御史中丞竇參爲中書侍郎、平章事, 尺相問遺,村社作中和酒,祭勾芒以祈年穀,從之。丁卯,右散騎常侍宜城縣子柳渾卒。 **兼轉運使;以戶部侍郎班宏爲戶部尙書,依前度支轉運副使。** 一日。」宰臣李泌請中和節日令百官進農書,司農獻穜稑之種,王公戚里上春服,士庶以刀 五 二月己丑,貶京兆尹鄭叔則爲永州長史。戊戌,以滄景留後程懷直爲滄景觀察使。庚 |年春正月壬辰朔。乙卯,詔:「四序嘉辰,歷代增置,漢崇上巳,晉紀重陽。 或說釀 俾其

薛珏爲京兆尹,以大理卿李速爲黔州刺史、黔州觀察使。癸亥,以資州刺史龐復爲安南都 護、本管經略使。 三月甲辰,中書侍郎、同平章事李泌卒。乙卯,以兵部郎中姚南仲爲御史中丞,司農卿 丙寅, 貶禮部侍郞劉太眞爲信州刺史。以給事中杜黃裳爲河南尹。 戊辰,

本紀第十三

德

三六八

詔以李懷光外孫燕八八爲左衞率府胄曹參軍,賜姓名曰李承緒,仍賜錢千貫,俾自營居業。 夏四月乙未,以太子少師蕭昕爲工部尙書,致仕,給半祿、料,永爲常式。初,致仕官只

給半祿,無料,上加之以待老臣,半料自盺始也。

五月戊辰,宋州麥一莖九岐者百餘本。

六月乙未,以光祿卿裴腆爲桂管觀察使。

秋七月,以嗣滕王湛然爲太子賓客、入迴紇使。

八月辛未,以同州刺史竇覦爲戶部侍郎。

九月壬戌,詔以褚遂良已下至李晟等二十七人,圖形於凌煙閣,以繼國初功臣之像。

銳,竟復巂州。 庚午,百僚請復徽號,不允。己丑,易定節度使、檢校司空、平章事張孝忠以

多十月丙午,西川章臯奏與東蠻合力大破吐蕃於故屬州,擒其將臧遮遮。

自是吐蕃挫

擅出兵襲蔚州, 降檢校司空爲左僕射。 桂管觀察、御史中丞孫晟卒。 癸巳,以戶部侍郎竇

一般為場州長史、兼御史大夫、淮南節度使。

守、畿汝州都防禦使,兵部侍郎裴諝爲河南尹,司農卿李翼爲陝號都防禦觀祭使。 十二月庚午, 迴紇汨咄祿長壽天親毘伽可汗卒。 辛未, 以淮南節度使杜亞爲東都留 壬申,以

陝虢觀察使杜祐檢校禮部尙書,兼揚州長史、淮南節度使。

六年春正月戊辰朔。 戊申,大雪。

三卷,可農獻黍栗各一斗。岐州無憂王寺有佛指骨寸餘,先是取來禁中供養,乙亥,詔送還 二月戊辰朔,百僚會宴於曲江亭,上賦中和節羣臣賜宴七韻。 是日,百僚進兆人本業

本寺。丙戌,以中書舍人陸贄權兵部侍郎。甲午,以吏部侍郎劉滋爲吏部尚書。丁酉,王

武俊守棣州將趙鎬以郡歸李納,武俊怒,以兵攻之。

柯蠻來朝。甲子,以旱,日色如血,無光。 三月庚子,百僚宴于曲江亭,上賦上巳詩一篇賜之。 壬寅,渾瑊自河中來朝。 戊午,胖

夏四月甲辰,大風雷。

閏月庚申,太白、辰星聚東井。 戊午,始雨。

日受朝。 五月丙寅朔,上御紫宸受朝。上以是月一陰生,臣子道長,父子必以是朔面焉,故取朔 壬午,以寧州刺史范希朝爲單于大都護、麟勝節度使。

是夏,淮南、浙東西、福建等道旱,井泉多涸,人渴乏,疫死者衆。

八月丁未,工部尚書致仕鮑防卒。 秋七月丙寅,淮南節度使竇觀卒。 癸酉,復呼親王母日太妃,公主母日太儀。

本 紀 第 + Ξ 徳 宗 ፑ

從官吏將士等,一切並令自備食物。 九月乙丑,收諸道進奏院官印,悉毀之。 其諸司先無公廚者,以本司闕職物充。 己卯, 韶:「十一月八日, 有事於南郊太廟, 其王府官, 行

支量給廩物。其儀仗禮物,並仰御史撙節處分。」

俱錄忠貞毘伽可汗之喪。 辛亥,迴紇弔祭使、鴻臚卿郭鋒復命,迴紇遣達北勒梅錄將軍來,告九姓迴紇登里邏沒密施 祈禱,獲降甘雨,旣致豐穰,告謝郊廟。 多十月己亥,文武百僚京城道俗抗表請徽號,上曰:「殷以春夏亢旱,粟麥不登,殷精誠 **股倘因禋祀而受徽號,是有爲爲之。勿煩固請也** 

州還王武俊,幷其兵士三千。 罪一等。 十一月庚午,日南至,上親祀昊天上帝於郊丘。 立仗將士及諸軍兵,賜十八萬段匹。今後刺史、縣令以四考爲限。 禮畢還宮,御丹鳳樓宣赦,見禁囚徒減 青州李納以棣

收復北庭, 是歲, 乃殺襲古,安西因是阻絕, 吐蕃陷我北庭都護府,節度使楊襲古奔西州。迴紇大相頡干迦斯紿襲古,請合軍 唯西州猶固守之。 迴紇亦爲吐蕃所逼,取浮圖川,乃

遷部落羊馬於牙帳之南以避之。

七年春正月壬戌朔。 己巳,襄王僙薨。 庚辰,以湖南觀察使裴胄為洪州刺史、江西觀

察使,以常州刺史李衡爲潭州刺史、湖南觀察使。 蔡州置汝南縣。 黑衣大食遣使朝貢。 以

中書舍人韓皐爲御史中丞。

之衝要。昌復狹辰而功畢,分兵戍之,邊患稍弭。 庚子,侍中渾瑊自河中來朝。 二月己巳,涇原帥劉昌復築平涼城。城去故原州一百五十里,本原之屬縣,地當禦戎

節度使、檢校司空、平章事張孝忠卒。 與百姓相訟,委府縣推劾;小事移牒,大事奏取處分,軍司、府縣不得相侵。癸未,義武軍 使以諸道兩稅錢買牛,散給畿民無牛者。辛巳,詔神威、神策六軍將士自相訟,軍司推劾; 度使宜以鶻銜綬帶,觀察使宜以鴈銜威儀。」威儀,瑞草也。 關輔牛疫死,十亡五六。上遣中 戌, 左龍武統軍戴休顏卒。甲子, 涇原節度使劉昌築胡谷堡, 改名彰義堡。堡在平凉西三 十五里,亦禦戎之要地。壬申,詔:「頃來賜衣,文彩不常,非制也。 股今思之,宜有定制,節 三月辛酉,陳許節度使曲環奏請權停當道冗官,待一二年後,民力稍給,則復之。壬

易。 事之情,豈隔於君臣之際。 德方茂,陰事始承。 昔者觀于法象,因天地交會之序,爲父子相見之儀,沿習成風,古今不 王者制事,在於因人,酌其情而用中,順其俗以爲禮。咸觀之義,旣行於父子之間;資 夏四月庚子,太子少師致仕蕭昕卒。 申恩卿士,自我爲初。起今年五月朔, 御正殿, 召見文武百官, 汴州獻白鳥。戊午,詔:「仲夏之時,萬物敷暢,陽

本紀第十三

瘀

余下

三七二

外官因朝奏,咸聽就列。仍編禮式,以爲常典。」己未,安南首領杜英翰叛〔〕,攻都護府,

護高正平憂死。

王遇薨。 五月庚申朔,上御宣政殿見百官,從新制也。 許州獻白鳥。 戊子,以衡州刺史齊映爲桂管觀察使。 辛未,置柔遠軍於安南都護府。 甲申,端

六月庚子朔。 乙巳,太常卿崔縱卒。

與羣臣畢和,題之寺壁。戊寅,以邕王謜爲義武軍節度使、易定觀察等大使,以定州刺史張 秋七月庚午,以信州刺史鄭叔則爲福建觀察使。 癸酉,上幸章敬寺,賦詩九韻,皇太子

昇雲爲留後。庚辰,以虔州刺史趙昌爲安南都護、經略招討使。

宗正卿李翰爲雅王傅;翰林學士陸贄爲兵部侍郎,罷學士。 庚戌,夏州奏開延化渠,引鳥 八月己丑,以翰林學士歸從敬爲工部尚書。甲午,給事中鄭瑜爲中書舍人。丙申,貶

水入庫狄澤,溉田二百頃。

九月庚申,兵部尚書致仕馬炫卒。

冬十月癸丑,每御延英令諸司官長二人奏本司事。 尋又敕常參官每一日二人引對,訪

以政事,謂之巡對。

十一月乙丑,令常參官趨朝入閣,不得奔走。 周親已下喪者禁慘服,朝會須服本色綾

枹金玉帶。 丁酉 以前福建觀察使吳凑爲陝州長史、陝虢觀察使。

是冬無雪。

八年春正月丙辰朔。癸酉,罷桂管經略招討使。

祿, 爲潭州刺史、湖南觀察使。 已,以同州 道鹽鐵轉運使。 使,以江西觀察使裴胄爲江陵尹、荆南節度使。以戶部尚書班宏判度支,戶部侍郎張滂爲諸 盡,都將徐誠斬其亂首楊淸潭,方止。 度使、司徒、平章事劉玄佐卒。癸酉,劍南西川節度使韋臯奏請, 酉 吏部尚書李紓卒。乙丑, 從之。 |月丁亥,許州人李狗兒持杖入含元殿,擊欄檻,又格擒者。誅之。 庚子,京師雨土。 己 己亥,以湖南觀察使李衡爲洪州刺史、江西觀察使。 刺史姚南仲爲陝虢觀祭使。 己卯,以陝虢觀察使吳湊爲汴州刺史、宣武軍節度、汴宋等州觀察使。 山南東道節度使、檢校戶部尚書嗣曹王皇薨。 庚午,宣武軍節 丙子,以荆南節度使樊澤爲襄州刺史、山南東道節 壬午,以左庶子李充爲京兆尹 有當道閑員官吏,增其俸 襄州軍亂, (三)以蘇州刺 掠府庫民財殆 史齊抗 辛 度

泉州 司馬,給事 夏 四 7月丁 Ξ; 中 竇申道州 貶左金吾大將軍嗣虢王則之爲昭州 司 馬。 戊子,以雅王傅李翰爲金吾衞大將軍。 司馬, 左諫議大夫、知制誥 翰前為竇參所惡 吳通玄爲

冰

紀

鄭

+

=

微宗下

以東都、河南、淮南、江南、嶺南、山南東道兩稅等物,令戶部侍郞張滂主之;以河內(三)、河 給事中草夏卿左遷常州刺史,坐交諸竇也。是月,吐蕃寇靈州(四)。 東、劍南、山南西道等財,戶部尙書、判度支班宏主之。一遵大曆故事,如劉晏、韓滉分掌焉。 郎陸贄爲中書侍郎、同中書門下平章事。 平章事實參爲郴州別駕,實申景州司戶。尋杖殺申。諸竇皆貶。以尙書左丞趙憬、兵部侍 劉士寧爲汴州刺史、宣武軍節度使。時吳湊行次汜水,聞其有變而還。 貶官,至是參敗,上遽召翰,口授將軍,便令金吾仗上事,翌日除書方下。 丁酉,章臯請十二而稅,以給官吏,從之。丙午, 乙未, 眨中書侍郎、 庚寅,以汴州長史

酉,平盧淄青節度使、檢校司徒、平章事李納卒。癸未,前太僕少卿劉士幹有罪賜死,劉玄 書、丞、郎各舉其可, 缺,大夫、中丞舉之,詔書不具所舉。及趙憬、陸贄爲相,建議郎官不宜專於左右丞,宜令尙 午,以光祿少卿崔穆爲黔州觀察使。已未,大風,吹壞廬舍、門闕。丙寅,以大理卿王栩爲 福建觀察使。戊辰,初令授臺省官者各具舉主於授官詔。先是郎官缺,左右丞舉之,御史 五月乙卯朔,上御宣政殿受朝。丙辰,初增稅京兆青苗畝三錢,以給掌閑曠騎。戊 韶書具所舉官名,御史亦如之,異日考殿最以舉主能否。從之。癸

六月,吐蕃寇涇州。

佐養子也。

秋 、七月甲寅朔,戶部尙書、判度支蕭國公班宏卒。 以桂管觀察使齊映爲洪州刺史、江

西觀察使;以翰林學士歸崇敬爲兵部尚書,致仕。辛巳,大雨。

漂溺死者二萬餘人。辛卯,以青州刺史李師古爲鄆州大都督府長史、平盧淄靑等州節度觀 八月乙丑,以天下水災,分命朝臣宣撫賑貸。河南、河北、山南、江淮凡四十餘州大水,

祭海運陸運、押新羅渤海兩蕃等使。 丁未,韶以歲凶罷九日賜宴。 九月丁巳,章阜攻吐蕃之維州,獲蕃將論莽熱以獻。貶太子賓客于邵江州別駕,尋卒。

乙亥,以太子賓客薛珏爲嶺南節度使。

十一月壬子朔, 多十月已亥,追封故皇弟遐爲均王。 庚戌,復命金吾置門籍。 日有蝕之。 己巳 貶右庶子姜公輔泉州別駕。 嚴震奏破吐蕃於芳州。

壬申,韶自今死刑勿決,先杖。

十二月庚寅,詔賜遭水縣乏絕戶米三十萬石。 丁未,以給事中字巽爲潭州刺史、湖南

觀察使。

詣州府納之 閏月癸酉 別給俾還朝。常參官在外除授及分司假寧往來,並給券。」從之。 門下省奏:「郵驛條式,應給紙券。除門下外,諸使諸州不得給往還券,至所 甲戌,牂柯、

室韋、靺鞨皆遣使朝貢。

本

朝。 賣劍銅器。天下有銅山,任人採取,其銅官買,除鑄鏡外,不得鑄造。 癸卯,初稅茶,歲得錢四十萬貫,從鹽鐵使張滂所奏。 九年春正月庚辰朔,朝賀畢,上賦退朝觀仗歸營詩。 乙酉, 茶之有稅, 劍南 東川節度使王叔邕來 自此始也。 甲辰, 禁

宴會, 武軍節度使。 ,從之。 二月庚戌朔。先是宰相以三節賜宴,府縣有供帳之弊,請以宴錢分給,各令諸司選勝 是日中和節,宰相宴于曲江亭,諸司隨便,自是分宴焉。易定留守張昇雲爲義 辛酉, 韶復築鹽州城。 貞元三年, 城爲吐蕃所毁, 自是塞外無堡障, 犬戎入

寇, 旣城之後, 邊患息焉 三月已亥,以駕部郎中、知制誥張式爲虢州刺史。

夏四月辛酉,地震,有聲如雷,河中、關輔尤甚,壞城壁廬舍,地裂水涌

蕃俘器仗來獻。 右僕射,以司農少卿裴延齡爲戶部侍郎、判度支。 乙巳,章臯奏,遣軍出西山,破吐蕃峨和城、定廉城、通鶴軍,凡平堡五十餘所。 五 月 庚 申, 以尙書左丞盧邁本官同平章事。 廢諸州府執刀。 丙戌,以門下侍郎、平章事董晉爲禮部尚書,罷知 甲辰,以義成軍節度使、檢校右僕射賈耽爲左僕射、同中書 以鄭州刺史李融爲滑州刺史、義成 庚申,以給事中本衡爲戶部侍郎、諸道鹽 政事。 甲寅,加韋 皐 是 軍節度 日以 檢

鐵轉運使。

僚 六國君王,自來朝貢。 志公司、哥鄰王董臥庭、白狗王羅陀忽、弱水王董避和、逋租王弟鄧告知、南水王姪尙悉囊等 經 此略使。 以有所 秋 、關白,更相讓而不言。 始詔令旬日秉筆,後詔每日更秉筆。 (七月乙未,敕縣令以四考爲限,無替者宜至五考。 故事,宰相秉筆決事,每人十日一易。 六國初附吐蕃,章阜出西山討吐蕃,故六蠻內附,各授官秩遣之。 至是賈耽、趙憬、陸贄、盧邁同平章政事 庚子,以信州刺史孫公器爲邕管 劍南西山羌女國王場立 , 百

八月庚戌,太尉、中書令、西平郡王李晟薨,贈太師,廢朝五日。 己巳, 皇太子長男廣陵

王淳納妃郭氏

九月己卯、罷九日宴,以太師晟喪也。

之曰:「前日卿與太尉晟俱來,今公獨至。」因歔欷泣下。及燧退,上送及階。 多十月已酉,侍中馬燧對于延英。 燧足疾,詔令不拜,行仆於地,命宦者扶持之。 癸酉,環王 一國獻

犀牛,上令見于太廟。

勵 製豐阜,荒服會同, 精 理道, 十一月乙酉,日南至,上親郊 十有五 年。 遠至邇安,中外咸若。永惟多祐,實荷玄休。 夙夜惟寅,罔敢自逸, 八圓丘。 是日還宮,御丹鳳樓,制日:「殿以寡德,祗膺 小大之務,莫不祗勤。 是用虔奉禮章,躬薦郊廟, 皇 靈 懐 顧,宗社 垂 武祐,年 大寶

本紀

第十三

德

宗 下

令御史一人爲監試。 | **檢統**| 元諒之衆,戍良原。 壬寅,河南尹、東都留守裴諝卒。 甲辰,制以多薦官(kì,宜令尚書 丞、郎於都堂訪以理術,試時務狀,考其通否及歷任考課事迹,定爲三等,丼舉主姓名。 惠澤,可大赦天下。」辛卯,華州潼關鎭國軍、隴右節度使李元諒卒於良原,以其部將阿史那 克展因心之敬,獲申報本之誠。 慶感滋深,悚惕惟勵,大福所賜,豈獨在予,思與萬方,均其 。如授官後政事能否,委御史臺、觀察使以聞,而殿最舉主。

州觀察留後。朔方靈鹽節度副大使、太子少師、檢校左僕射、餘姚郡王杜希全卒。 戌,以<u>通王</u>諶爲宣武軍節度使,以宣武軍節度副使李萬榮爲汴州刺史、宣武軍節度、汴宋等 不合集於吏部選,任準罷使郎官、御史例,冬季聞奏。」丙辰,宣武軍亂,逐節度使劉士寧。壬 十二月丙午朔,制:「今後使府判官、副使、行軍已下,使罷後,如是檢校試五品以上官、

平章事李抱眞請降官,乃授檢校左僕射。時抱眞病,巫祝言宜降爵,故有是請。 十年春正月乙亥朔。乙酉,以虔王諒爲朔方靈鹽豐節度大使,以朔方等道行軍司馬李

**乙卯,以給事中齊抗爲河南尹。乙丑,義成軍節度使、鄭滑觀察使|李融卒。丁卯,韶:「君臣** 一月丙午,以瀛州刺史劉遜爲秦州刺史、隴右經略軍使,理普潤縣,仍以普潤軍爲名。

之際,義莫重焉,每聞薨殂,良深悼惻。 應文武朝臣薨卒者,其月俸、料宜全給,仍更准本官

月俸、料,以爲賻贈。」

懷直來朝,賜安業坊宅,妓一人,復令還鎮。 六,擒其王五人,降其民衆十萬口。 三月乙亥,黃霧四塞, 日無光。 以華州刺史李復爲滑州刺史、義成軍節度使。 壬申,以同州刺史盧徵爲華州刺史、潼關防禦、鎭國軍 庚辰,南韶異牟尋攻收吐蕃鐵橋已東城壘一十 滄州程

等使。 夏四月戊辰, 辛丑,以延州 地震, 刺史李如暹所部蕃落賜名曰安塞軍 癸丑復震。 恆州奏見巨人迹。 丁,以 以雲南告捷使高細龍爲左武衞將 如暹爲軍使。

軍。 是月,太白晝見。 有大鳥飛集宮中,食雜骨。

是春霖雨,罕有晴日

其將王延貴權知昭義 庚午,度支使裴延齡兼靈、鹽等州鹽池井権使。 州 刺刺 史房孺復爲容管經略使。 六月壬寅朔, 昭義軍節 軍事。 度使、檢校左僕射、同中書門下平章事、義陽王李抱眞卒, 癸丑,以祠部郎中袁滋兼御史中丞,爲册南韶 丙寅, 章阜奏西山峨和城擊破吐蕃 辛未晦,有水鳥集於左藏庫, 城栅, 斬首二千八百級。 使。 是夜暴雨,大 甲寅,

秋 七月壬 本 紀 第 申朔,以邕王源爲昭義軍節度使,以昭義軍押衙王延貴爲潞府左司馬, + = 德 宗 下 三七九

風

行折木。

充昭

義節度留後, | 一次
 州節度使劉士寧宜於郴州安置。欽州守鎭黃少卿叛,攻邕管經略使孫公器,又陷欽、橫 皐因其舊而請之。 汴州軍亂,攻節度留後李萬榮,不勝而潰,萬榮悉捕斬其孥。 庚辰,賜南詔異牟尋金印銀窠,其文曰「貞元册南詔印」。先是, 賜名虔休。 抱眞別將權知洺州事元誼不悅虔休爲留後,據洺州叛,陰結田 吐蕃以金印授南韶, 己亥,前汴

卯,南韶獻鐸樂、浪人劍、吐蕃印八紐。戊戌,定州張昇雲改名茂昭(も)。 九月辛未朔,以袁州刺史董鎭爲邕管經略使。戊子,賜百僚九日宴,上賦詩賜之。 官,以授四夷歸附者,仍定懷化大將軍已下俸錢。

多十月癸卯,御宜政殿,試賢良方正、能直言極諫等舉人。 壬戌,刑部尚書劉滋卒。 十一月乙酉,諸道鹽鐵轉運使張滂爲衞尉卿,以浙西觀察使王緯爲諸道鹽鐵轉運使。

庚寅,秘書監致仕穆寧卒。

十二月庚子朔。壬戌,貶中書侍郎、平章事陸贄爲太子賓客。

觀察使,衞尉少卿武少儀爲邕管經略使。丙申,以邕管經略使王鍔爲廣州刺史云、嶺南節 十一年春正月庚午朔。乙亥,嶺南節度使薛珏卒。乙未,以秘書少監王礎爲黔中經略

忽汗州都督。 月癸卯, 以衢州刺史李若初爲福建觀祭使。 乙卯,於涇州彰信堡置潘原縣。 甲子,九姓迴紇骨咄祿毘伽奉誠可汗卒。 乙巳, 册渤海大欽茂之子嵩爲渤海郡

乙丑,以吏部侍郎鄭瑜爲河南、淮南水陸轉運使。 三月庚午,司徒兼侍中馬燧以疾請罷侍中,不許。 辛未, 丙申, 賜宰臣兩省供奉官宴於曲江 諸州準例薦隱居丘園不求聞

達蔡廣成等九人,各授試官,令給公乘,到京日量才敍用。

復舊制也。 滂汀州長史。癸亥,以兵部侍郎韓皐爲京兆尹。 夏四月,早。 丙寅,幽州劉濟奏大破奚王啜刺等六萬餘衆。 壬戌,貶太子賓客陸費爲忠州別駕,京兆尹李充信州長史(4), 甲子,賜南詔敕書,始列中書三官奉宣行, 衞尉卿張

使、知節度事、管內度支營田、路澤磁邢洛觀察使。 節度副使、 蕃落等使。 朔方靈鹽豐夏四州受降定遠城天德軍節度副大使、 羽 五月丁卯朔。 錄沒密施合胡六骨咄祿毘伽懷信可汗。癸巳,以通王諶爲河東節度使,以河東行軍 甲申,河東節度使、檢校工部尚書、太原尹李自良卒。 知節度事。以昭義軍節度留後王虔休爲潞州大都督府長史、昭義軍節度副大 庚午,命有司慮囚,旱故也。丁丑,以宣武留後李萬榮爲汴州刺史、宣武 又以朔方留後李欒爲靈州大都督府長 知節度事、管內度支營田觀察押 庚寅, 遣使册九姓迴紇騰

紀第

+

=

德宗

司馬李悅爲河東節度營田觀察留後、北都副留守。 甲午,初鑄河東監軍印。監軍有印, 自王

定遠始也。

六月,河陽獻白鳥。 甲辰, 晉慈隰觀察使崔漢衡卒。 癸丑, 以絳州刺史姚齊梧爲晉慈

隰都防禦觀察使。

秋七月丙寅朔, 右諫議大夫陽城爲國子司業。 河東監軍王定遠配流崖州, 坐專殺也。

辛卯,江西觀察使、洪州刺史齊映卒。

八月辛亥, 司徒兼侍中、北平郡王馬燧薨,贈太傅。 丙辰, 以楚州刺史路寰爲洪州刺

史、 江西觀察使。

閏月己丑, 國子司業養澄表上乘輿月令十二卷, 禮典十二卷。

九月已卯,賜宰臣兩省供奉官宴於曲江,賦詩六韻賜之。丁巳,加章阜統押近界諸蠻

及西山 八國、雲南安撫等使。 滄州大將程懷信逐其帥程懷直。

多十月丁丑,以虔王討爲橫海軍節度大使,以兵馬使程懷信爲留後。

十一月丙申,日南至,不受朝賀, 以司徒馬燧葬也。 辛丑, 太常定馬燧諡曰「景武」,上

日:「景,太祖諡,改莊武可也。」己酉,潭州獻赤烏。

十二月戊辰,上獵苑中,戒多殺,止行三驅之禮,勞士而還。

以前滄州節度使程懷直爲左龍武統軍。 於是方鎭皆敍進兼官。 書令(10); 十二年春正月甲午朔。庚子,元誼、李文通率洺州兵五千、民五萬家東奔田緒。 興元節度使嚴震、魏博田緒、西川韋阜並加檢校左右僕射、同中書門下平章事。 。上制貞元廣利藥方五百八十六首,頒降天下。 乙丑,成德軍節度使、檢校司徒、兼侍中渾瑊兼中 壬子,

州都防禦使。 戶 ,部侍郎裴延齡爲戶部尙書。戊申,以兵部尙書董晉充東都留守、判東都尙書省、東畿汝 三月癸巳朔。甲午,章阜奏收降蠻七千戶,得吐蕃所賜金字告身五十五片。乙巳,以

尉、鴈門郡王田緒卒。庚辰,上降誕日,命沙門、道士加文儒官討論三教,上大悅。 聖迹。從之。庚午,魏博節度使、度支營田觀察使、檢校左僕射、平章事、魏州長史、駙馬都 四月壬戌朔。戊辰,左右十軍使奏:去年冬車駕幸諸營,欲於銀臺亭子門外立碑以紀

**邠寧慶節度使。銀夏節度使韓潭讓所授禮部尙書,乞雪崔寧,許其家收葬。丁巳,駙馬郭** 五月辛卯朔。 丙申, 邠寧節度使張獻甫卒。 甲辰, 以邠寧都虞侯楊朝晟爲<u>邠州</u>刺史、

曖、王士平、曖弟煦暄,坐代宗忌辰飮宴,貶官歸第。

本紀

+==

徳

下

六月壬 一戌,故驩州 司戶竇參,許其家收葬。乙丑,初置左右護軍中尉監、中護軍監,以

進、焦希望爲左右神威中護軍監。 辛巳,宣歙觀察使、宣州刺史劉贊

故命董晉帥之。以太子賓客王翃爲東都留守、判東都尚書省事、東畿汝都防禦使。 武軍節度使、宋亳潁觀察使。 汴州節度使李萬榮卒。 七月乙未,以東都留守、兵部尚書董晉檢校左僕射、同中書門下平章事、 時李萬榮病,萬榮子迺自署爲兵馬使,軍人又逐迺, 汴州刺史、 , | | | | | | | | 、 宜

等使。 使,以乞髯子湯忠義爲歸德將軍。 八月辛未朔,日有蝕之。己巳,以前魏博節度副使田季安爲魏州長史、魏博節度觀察 庚午,增修望仙門,廣夾城、十王宅、六王宅。 癸酉,以號州刺史崔衍爲宣獻池觀察 丙子,以汝州刺史陸長源爲宣武行軍司馬。 丙戌,

九月甲午, ,部尙書、判度支裴延齡卒。 以河東行軍司馬李景略爲豐州刺史、 庚戌,幸魚藻宮,即日還內。 天德軍豐州西受降城都防禦使。 壬子, 吐蕃寇慶州 内

侍郎、

平章事趙憬薨。

平章事, 俱賜金紫。 多十月壬 一戌,韶以京畿旱,放租稅。 以少府監崔穆爲晉州 甲戌,諫議大夫崔損、給事 刺史、晉慈隰觀察使。 ,中趙宗儒並同中書門下

十一月辛卯,昭義王虔休造誕聖樂曲以獻

十二月己未,大雪平地二尺,竹柏多死。 環王國所獻犀牛, **甚珍愛之**,是冬亦死。 上

著刑政箴一首。 癸未,迴紇、南詔、劍南西山國女國王並來朝賀。

以聞,上以犬戎負約,不受其使。 十三年春正月戊子朔。 庚寅,太子少師致仕關播卒。 東都尚書省火。 壬寅, 吐蕃贊普遣使修好,

二月丁巳,賜宰臣、兩省供奉官宴於曲江亭。 乙亥,度支郎中蘇弁爲戶部侍郎、 判度

支,兵部郎中王紹判戶部(11)。

三月戊子,造會慶亭於麟德殿前。 乙巳,以福建都團練使李若初爲明州刺史、浙東觀

察使,以婺州刺史柳冕爲福建觀察使。

以陝虢都防禦觀祭轉運等使姚南仲爲滑州刺史、義成軍節度、鄭滑觀祭使。 田、檢校左僕射、滑州刺史李復卒。己卯,以大理卿于顧爲陝州長史、陝虢觀察使。 夏四月壬戌,上幸興慶宮龍堂祈雨。乙丑,大雪。庚午,義成軍節度使、鄭滑觀察營

五月丙戌朔,韋阜收復巂州,畫圖來上。 壬子,以庫部與中、翰林學士鄭餘慶爲工部侍

愈、知吏部選事。

紀第十三

德宗下

六月己卯朔,以衡州刺史陳雲爲邕管經略使。 辛巳,引龍首渠水自通化門入,至太清

宮前。 壬午, 章阜奏於篱州破吐蕃,生擒大籠官七人口,馬畜器械不可勝紀。

永爲常式 右神策中尉霍僊鳴病,賜馬十匹,令於諸寺齋僧。 甲辰, 秋 七月丙戌,宰相盧邁請告累月,四表避相位,是日,命宰臣問疾於盧邁私第。 以兵部與中、判戶部王紹爲戶部侍郎。 乙丑, 韶今後嗣王薨葬, 所司並供鹵簿, 壬辰,後湖渠、魚藻池,深五尺。 乙未,地

八月丁巳,詔京兆尹韓阜修昆明池石炭、 賀蘭兩堰兼湖渠。 壬午, 容管經略使房孺復

卒

史、江西觀察使,以禮部侍郎呂渭爲潭州刺史、湖南觀察使。 九月己丑、盧邁懇讓相位,乃授太子賓客。辛卯九日,宴宰臣百官於曲江,上賦詩以賜 江西觀察使路實卒。 甲辰, 升定州爲大都督府。 以湖南觀察使李巽爲江州

徐泗 訴,被前刺史魏從琚於兩稅外, 准西吳少誠 節度使張 冬十月癸丑朔, /擅開淘刁河 🖙 、汝河,詔使不能禁。 建封來朝,上嘉之,次日於延英召對。癸巳,贈太傅馬燧祔廟,命所司供少牢 以前滁州 每年加進朱砂一千觔、水銀二百馱,戶民疾苦,請停。」從之。 刺史房濟爲容管經略使。 癸酉,宰相賈耽以疾避相位,不允。 丙辰, 黔中觀察使奏:「溪州人戶 丁丑,

祭,仍給鹵簿、從宅至廟。

# 十二月庚辰,右龍武統軍韓遊瓌卒。

腹內者,總五百六十萬七千貫,並除放。 如是親故,或嘗同僚,伏臘歲時,須有還往,亦人倫常禮,今後不須奏聞。」因張建封奏議也。 十四年春正月壬午朔。 庚寅,詔諸道州府應貞元八年至十一年兩稅及権酒錢,在百姓 甲午,敕:「比來朝官或相過從,金吾皆上聞。 其間

以雨雪,改用此日。上又賦中春鱗德殿宴羣臣詩八韻,羣臣頒賜有差。乙亥,賜光蔡節度 妓十數人列於庭。 日彰義軍。 二月壬子朔。戊午,上御麟德殿,宴文武百僚,初奏破陣樂,徧奏九部樂,及宮中歌舞 先是上制中和樂舞曲,是日奏之,日晏方罷。 比韶二月一日中和節宴,

右神策將軍張昌爲鳳翔尹、右神策行營節度、鳳翔隴右節度使,仍改名敬則。 三月丙申,右神策行營節度、鳳翔隴右觀察使、檢校尙書右僕射、鳳翔尹邢君牙卒。 以

是獻、昭、乾、定、泰五陵各造屋三百八十間,橋、元、建三陵據闕補造。 夏四月乙丑,以左諫議大夫、平章事崔損爲修奉八陵使。先是昭陵寢殿爲火所焚,至

侍郎、判度支蘇升爲太子詹事。 五月庚辰朔。 甲午,前東都留守、東畿汝都防禦使、檢校吏部尚書杜亞卒。丙午,戶部 上特召度支郎中于碩于延英,兼御史中丞,賜金紫,令判度

支。

貶太子詹事蘇弁爲汀州 閨 月 庚 中,以左神策行營節度韓全義爲夏州 司戶,兄贊善大夫滾爲永州司戶,前京兆府士曹冕爲信州司戶。 刘刺史, 兼鹽夏綏銀節度使,以代韓潭。

六月癸卯,太子賓客盧邁卒。乙巳,以旱儉,出太倉粟賑貸。

秋 七 月,以吉州 刺史杜春爲邕管經略使。乙卯,貶京兆尹韓阜爲撫州司馬。 召右金吾

將軍吳湊于延英,面授京兆尹,即令入府視事。

給 軍 夫、平章事 視 中尉霍 是夏, 軍 僊 統 崔損爲門下侍郎、平章事 熱甚。 鳴卒。 軍 例 壬申 甲午, T 丑,以宦者第五 以給事中、同中書門下平章事趙宗儒爲太子左庶子,以左諫議大 崔損修奉八陵寢宮畢, 了,以工部侍郞鄭餘慶爲中書侍郞、 守亮代僊鳴爲中尉。 羣臣於宣政殿行稱 己卯, 左右 賀。 同平章事。 神策置統軍 浙 西觀察使、 左神 品 策 秩

觀察使于頔爲襄州刺史、 西 刺 觀 史崔宗爲 影察使 九月 及 J. 諸 陝州大都督 未朔。己酉,山南 道 鹽鐵 轉 運使, 府 山南東道節度使。 長 史、 東道節度使、檢校尚書右僕射、襄州 又以常州 陝虢觀察水 刺 史 灸装 丁卯, 陸轉運使, 肅 爲 杞王倕薨。 越州 以浙東觀察李若 刺 史、 浙東觀察使。 以太常卿杜確爲同州刺史、 刺史樊澤卒。 初爲潤 丙辰, 乙卯,以同 州 刺 以陝號 州

刺

史王

緯

本州防禦、長春宮使。 癸酉,諫議大夫田登奏言:「兵部武舉人持弓挾矢,數千百人入皇城,

恐非所宜。」上聞之瞿然,乃命停武舉。

多十月癸酉,以歲凶穀貴,出太倉粟三十萬石,開場糶以惠民。 庚子,夏州韓全義奏破

十一月己未,章事進開西南蠻事狀十卷,敍開復南韶之由。

吐蕃鹽州

十二月戊子,太子少師致仕郢國公章倫卒。 癸酉, 出東都含嘉倉粟七萬石, 開場糶以

惠河南饑民。己亥,南韶異牟尋遣使賀正旦。 明州鎮將栗鍠殺刺史盧雲。

董晉卒。乙酉,以行軍司馬陸長源檢校禮部尚書、汴州刺史、御史大夫、宣武軍節度度支營 日,汴州軍亂,殺陸長源及節度判官孟叔度、丘穎,軍人臠而食之。監軍俱文珍以宋州刺史 田、汴宋亳潁觀察等使。以常州刺史李錡爲潤州刺史、浙西觀察使及諸道鹽鐵轉運使。 十五年春正月丙午朔。甲寅,雅王逸薨。 二月,罷中和節宴會,年凶故也。 。丁丑,宣武軍節度使、檢校左僕射、平章事、汴州刺史 。甲戌,浙西觀察使李若初卒。

劉逸準久爲汴之大將,以書招之,俾靜亂。 刺史、宣武軍節度使,仍賜名全諒。乙未,裴肅奏於台州擒栗鍠以獻,斬於獨柳樹。 乙丑,以宋州刺史劉逸準檢校工部尚書、兼汴州

本紀第

+==

徳

ъ

罷三月羣臣宴賞,歲饑也。出太倉粟十八萬石,糶於京畿諸縣。

犪州 陽三城節度使李元爲潞州長史、昭義軍節度、澤潞磁邢洺觀察使,以河陽節度押衙衡濟爲 于碩爲戶部侍郎,依前判度支。戊午,昭義軍節度使、檢校工部尙書王虔休卒。戊辰,以河 刺史、河陽三城懷州節度使。辛未,太子少師致仕于頎卒。 三月甲寅,吳少誠寇唐州,殺監軍邵國朝,掠居民千餘而去。丁巳,以度支郎中、兼中丞 壬申,於易州滿城縣置永

癸酉,令江淮歲運米二百萬石。雖有是命,然歲運不過四十萬石。

七十一人,宜令每人賜栗一石。乙未,特進、兵部尚書歸崇敬卒。 刺 史伊愼爲安黃節度營田觀察使。 四月丁丑,以久旱,令陰陽人法術祈雨。壬午,內侍省加置內給事二員。癸未,以安州 庚寅,應京城內外諸軍縣鎭職員官,見共五萬八千二百

五月甲辰朔。戊辰,宗正卿嗣吳王巘薨。

六月己卯,黔中觀察使、御史中丞王礎卒。 癸巳,山南西道節度使、檢校尚書左僕射、

平章事嚴震卒。

營田 廢朝一日。觀察使卒廢朝,自礎始也。 戊午,貶諫議大夫苗拯萬州刺史,左拾遺李繁播州參 觀祭等使。 秋七月乙巳,以興州刺史、興元都虞侯嚴礪爲興元尹、兼御史大夫、山南西道節度度支 丙午,故唐安公主賜諡曰莊穆。公主賜諡, 自唐安始也。 丁未, 以王礎卒,

軍,以私議除拜嚴礪不當而無章疏,而僞言累上疏故也。 鄭、滑大水。

革,尙議優容。幸鄰境之喪,吳貪亂之志,焚略縣邑,殘暴吾民。 股尤冀知非,爲之忍恥,亟 之體,務於含垢。 劉全諒卒。 使。 部尚書,兼汴州刺史、御史大夫、宣武軍節度使。 自今中和、重陽二節,每節只禁屠一日。辛酉,以大理評事宣武軍都知兵馬使韓弘檢校工 興言致討,實悼于懷。 頒恩命,未許出師。 園,輒縱凌奪;唐州詔使,潛搆殺傷。干犯國章,罪在無赦。朕以王者之德,在乎好生;人君 效,奉我典章,而秉心匪彝,自底不類。兇狡成性,扇構多端,擅動甲兵,暴越封壤。壽州茶 史章士宗爲黔中觀察使。丙午,以陳許兵馬使、前陳州刺史上官稅爲許州刺史、陳許節度 吳少誠謀逆漸甚,陷臨潁,進圍許州。 八月壬申朔。 丙辰、制:「吳少誠非次擢用,授以節旄,秩居端揆之榮,任總列城之重。 寧屈已以宥罪,不殘人以興師。以上稽宗社之威,外抑忠賢之請,庶有悛 丙申,陳許節度使、檢校尙書右僕射、許州刺史曲環卒。 至乃攻逼許州,肆其蠆毒,恣行殺戮,流害黎蒸。惡稔禍盈,人神同棄, 宜令諸道各出師徒,掎角齊進。 庚戌,宣武軍節度使、檢校工部尚書、汴州刺史 吳少誠在身官爵,並宜削奪。」己已, 丁酉,以洋州刺 期申報

多十月己丑,邕王颠薨。吏部侍郎奚陟卒。

本

第

† =

徳

十一月乙巳,多至,罷朝會,兵興也。壬子,襄州于頔奏,于朗山破淮西賊三千人。

州觀察使。

三九一

乙未,戰准西賊於小澱河,王師不利, 十二月庚午,朔方等道副元帥、河中絳州節度使、檢校司徒、兼奉朔中書令渾減薨(四。 諸軍自潰。 丁酉,以同州刺史杜確爲河中尹、河中絳

十六年春正月庚子朔。 乙巳,恆冀、定州、許、河陽四鎭之師與賊戰,皆不利而退。 南

詔獻奉聖樂舞曲,上閱於麟德殿前。

子,以尙書右丞袁滋爲華州刺史、潼關防禦、鎭國 **茂副之。己丑,左龍** 二月己酉,以左神策行營、 武統軍程懷直卒。 銀夏節度等使韓全義爲蔡州行營招討使, 己酉, 華州 軍 刺史、 使。 潼關防禦、 鎭國 陳許節度使上官 軍使盧徵卒。

僕射江西。 成 軍 行 夏四月丁亥,黔中知宴設吏傅近逐觀察使韋士宗。 軍 司馬盧羣爲滑州刺史、兼御史中丞、義成軍節度使。 以權知新羅國事金俊邕 |襲祖開府檢校太尉、雞林州 己丑,以義成軍節度使姚南仲爲右 都督、新羅 壬申,檢校兵部尙書、京兆尹 國王。 辛卯,以養

**豫節度使、檢校尚書右僕射、徐州刺史張建封卒。** Ŧī. 月 戊戌朔,以雨罷朝。 庚戌, 韓全義 與蔡賊將吳少誠戰於溵水南,王師 壬子,徐州軍亂,不納行軍司馬韋夏卿, 敗績。 徐泗

吳湊卒。

迫建 封子愔爲留後。 丙寅,章士宗却入黔州。 丁卯,以吏部侍郎顧少連爲京兆尹

張愔 起復聽衞將軍,兼徐州刺史、御史中丞、本州團練使、知徐州留後。 六月丙午,鄆州李師古、淮南杜祜 並加同平章事,以祐兼領徐泗濠節度,以前虢州參軍

秋七月,湖南觀察使呂渭卒。

八月癸酉,以河中尹王□爲潭州刺史、湖南觀察使。

州, 抗爲中書侍郎、同平章事。 度支,以戶部郎中崔從質爲戶 書門下平章事鄭餘慶爲郴州 戊辰,以左丞李元素爲滑州刺史Clao、兼御史大夫、義成軍節度使。 諸軍散還本道 九月, 有吳少誠。 了官軍不振。 駙馬都尉郭曖卒。 癸亥,以虔王諒爲徐州節度使,張愔爲留後。 司馬,戶部侍郎、判度支于碩爲泉州司戶。 、部侍郎。 以河南 少尹張式為 癸酉, 義成軍節度使盧羣卒。 吳少誠賊迫官軍溵水砦下營, 河南尹、水陸轉運使。 丙午, 庚戌,貶中書侍 。以戶部侍郞王紹 前太常卿裴郁卒。 庚申,以太常卿齊 韓全義 郎、同中 退保 陳 判

校禮 部尙書、太原尹 吳少誠引兵歸蔡州 多十月辛 未, 興元嚴礪希監 兼御史大夫、北都留守李悅卒。 上表待罪。 軍旨, 戊子,詔雪吳少誠, 誣奏流 人通州別駕崔 甲午,以河東行軍司馬鄭儋檢校工部 復其官爵。 河圖 長流崖州, 乙丑, 河東節度使、檢 賜死,人士傷

本

尚書、 太原尹

、河東節度使。

十一月癸卯,泗州、濠州宜隸淮南觀察使。戊申,以太府卿章渠牟爲太常寺卿。

十二月戊寅,罷吏部復考判官及禮部別頭貢舉行也。

十七年春正月甲午朔。甲寅,韓全義自蔡州行營還,詔歸鎮華州。

二月癸巳朔,賜羣臣宴於曲江亭,上賦中和節賜宴曲江詩六韻賜之。丁酉,雨雹。

亥,雨霜。 戊申夜,雷震,雨雹。 庚戌,大雨雪兼雹。

刺史鄭式瞻進絹五千匹,銀二千兩,上曰:「式瞻犯贓,已詔御史按問,所進宜付左藏庫。」丁 丑,省天下州府別駕、司馬、田曹、參軍;京兆、河南、太原三府外,諸府判司雙曹者省一。 三月乙丑,賜羣臣宴於曲江亭。己巳,黔中觀察使韋士宗復爲三軍所逐。癸酉, 衢州

夏四月丁未,始命駙馬及郡縣主壻無子者,養男不用母蔭。 辛亥,以諫議大夫裴佶爲

黔中觀察使。

戌,以工部侍郎趙植爲廣州刺史、兼御史大夫、嶺南節度使。 五月壬戌朔,日有蝕之。乙酉,邠寧節度使、檢校工部尚書、邠州刺史楊朝晟卒。

以中官楊志廉爲右神策護軍中尉。 六月戊戌,以定平鎭兵馬使李朝寀檢校工部尚書, 兼邠州刺史、朔方邠寧慶節度使, 浙西人崔善眞詣闕上書,論浙西觀察使李錡罪狀。上覽

邠寧兵馬使高固爲邠州刺史、兼御史大夫、邠寧慶節度使。 **德棣觀察等使、恆州大都督府長史、檢校太尉、中書令、琅邪郡王王武俊薨,贈太師,諡曰忠** 晏不悅,令械善眞送於李錡。爲鑿坑待善眞,旣至,和械推而埋之。由是屬恣橫叛。 丁巳,成德軍節度使、恆冀深趙 己酉,以

郡王王士眞起復授恆州長史,充成德軍節度使。 秋七月戊寅,吐蕃寇鹽州。辛巳,以前成德軍節度副使、檢校工部尙書、知恆府事、淸河 乙酉,太常卿韋渠牟卒。 己丑, 吐蕃陷臟

州,殺刺史郭鋒,毀城壘而去。

九月壬戌,韋皐奏大破吐蕃於雅州。戊辰,羣臣宴曲江,上賦九日賜宴曲江亭詩六韻 八月戊午,以河東行軍司馬嚴緩檢校工部尚書、兼太原尹、御史大夫、河東節度使。

賜之。丁丑,禮部尚書李齊運卒。

待詔 尹 先委城奔慶州。 戴少平死十六日復生。 淮南節度使杜祐進通典,凡九門,共二百卷。 辛未,宰相賈耽上海內華夷圖及古今郡國縣道四夷远四十卷。甲戌,翰林 庚戌,以京兆尹顧少連爲吏部尚書,以吏部侍郎章夏卿爲京兆

多十月,加章舉檢校司徒、中書令,封南康郡王,賞破吐蕃功也。戊午,鹽州刺史杜彥

三九六

一曲與樂工三十五人。乙亥,章阜以所擒蕃相論莽熱來獻。 十八年春 ·正月戊午朔,大雨 雪,罷朝賀。 乙丑,驃國王遣使悉利移來朝貢,并獻其國樂 庚辰,以常州刺史賈全為越

二月戊子朔,賜羣臣宴於馬璘之山池。

州刺史、浙東觀察使。

三月癸未,以劍南東川行軍司馬李康爲梓州刺史、 兼御史大夫、劍南東川節度使。

以浙東團練副使齊總爲衢州刺史,總以橫賦進奉希恩,給事中許孟容封還制書。 丑,賜羣臣宴於馬璘之山池。己巳,以蘄州刺史鄭紳爲鄂州刺史、鄂岳蘄沔觀察使。 丙戌,以 癸酉,

河中行軍司馬鄭元爲河中尹、兼御史大夫、河中絳節度使。

五月癸亥,以竇羣爲左拾遺。 庚辰,以祠部員外郎裴泰爲檢校兵部郎中,充安南都護、

本管經略使。

六月癸巳,以吏部尚書顧少連爲兵部尚書、東都留守、東都畿汝防禦使。 前東都留守、

檢校禮部尚書王翊卒。

秋 (七月庚辰,蔡、申、光三州春水夏旱,賜帛五萬段,米十萬石,鹽三千石。

記、試大理評事張正元爲邕州刺史、御史中丞、邕管經略使,給事中許孟容以非次遷授口也, 八月壬寅,以邕管經略使徐申爲廣州刺史云、嶺南節度使。甲辰,以嶺南節度掌書

封還詔書。 丁未,以戶部侍郎、判度支王紹爲戶部尙書、判度支。

九月乙卯朔,以太常少卿楊憑爲潭州刺史、湖南觀察使。癸亥,賜羣臣宴於馬璘山池,

上賦九日賜宴詩六韻賜之。

多十月丁亥,以刑部尚書王鍔爲淮南節度副使兼行軍司馬。 己酉,鄜坊丹延節度使、

檢校禮部尚書王栖耀卒。

十一月丙辰,以同州刺史劉公濟爲鄜州刺史、鄜坊丹延節度使。

十二月乙巳,貶大理卿李正臣爲衞尉少卿,正臣爲御史彈劾下獄,不堪其辱而死。 戊

申,黎州蠻、牂柯使入朝。

十九年春正月癸丑朔。

留後韋武爲桂州 二月壬午朔,賜宴馬璘山池。 刺史、桂管觀察使。 丁亥,修含元殿。 己亥,安南經略使裴泰爲州將王季元所逐。 賜安黃節度日奉義軍。 丙申, 甲辰, 以桂管

南節度使杜祐來朝。

檢校尚書右僕射,兼揚州大都督府長史、淮南節度使。 三月壬子朔,以杜祐檢校司空、同中書門下平章事、太淸宮使。 丁卯,以今年孟夏禘饗, 以淮南行軍司馬王鍔 前議太祖

本紀第

+=

懿、獻之位未決,至此禘祭,方正太祖東向之位,已下列序昭穆。其獻祖、懿祖祔于德朗、興

聖之廟,每禘祫年就本室饗之。乙亥,以司農卿李實爲京兆尹。

夏四月乙未,涇原節度使劉昌奏請移行原州於平涼城,從之。戊戌,百官以祔廟畢,蹈

舞稱賀。

使。乙亥,吐蕃遣使論頻熱入朝。甲辰,以陳許行軍司馬劉昌裔檢校工部尚書,兼許州刺 江陵尹、兼御史大夫、荆南節度使。 史、陳許節度使。自正月至是未雨,分命祈禱山川。 史劉昌卒。 五月辛亥,荆南節度使、檢校工部尚書、江陵尹裴胄卒。乙未,以荆南行軍司馬裴筠爲 甲戌,以涇原節度留後段佑爲涇州刺史、兼御史大夫、四鎭北庭行軍涇原節度 甲子,四鎮北庭行軍涇原節度使、檢校右僕射、涇州刺

客,病免也。甲戌,始雨。乙亥,尚書右僕射姚南仲薨。 秋七月戊午,以關輔饑,罷吏部選、禮部貢舉。己未,中書侍郎、平章事齊抗爲太子賓 貸京畿民麥種。

八月乙未,大雨霖。

多十月乙未,以太子賓客章夏卿爲東都留守、東都畿汝都防禦使。

**閏月丁巳,門下侍郎、同平章事崔損卒。** 

十一月戊寅朔,以鹽州兵馬使李興幹爲鹽州刺史,許專達于上,不隸夏州。 丙午,振武

武麟勝節度使。 麟 勝節度使范希朝來朝。戊午,以振武行軍司馬閻巨源檢校工部尚書,兼單于大都護、 · 庚申,以太常卿高郢爲中書侍郎、同中書門下平章事。 壬申, 監察御史崔 振

遠入臺近,不練故事,違式入右神策軍,上怒,答四十,配流崖州。

簡代領其任。 二十年春正月丁丑朔。 己亥,以鄜坊丹延節度使劉公濟爲工部尙書,以其行軍司馬裴玢代領其任。 丙申,天德軍防禦團練使、豐州刺史李景略卒,以其判官任迪

二月丙午朔,罷中和節宴,歲儉也。 庚戌,大雷震,雨雹

三月甲申,以吐蕃贊普卒,廢朝。 己亥,以國子祭酒趙昌爲安南都護、御史大夫、本管

經略使。

夏四月辛酉, 太子賓客齊抗卒。 丙寅, 吐蕃使臧河南觀察使論乞冉等五十四人來朝

貢。陳許節度賜號忠武軍。

五月甲戌朔,罷御宣政殿cioo。 乙亥,以史館修撰、秘書監張薦爲工部侍郎、兼御史大

夫,充入吐蕃弔祭使。

七月癸酉朔、大雨雹。 辛卯,福建觀察使柳冕奏置萬安監牧於泉州界,置羣牧五,悉索

部內馬牛羊近萬頭匹,監吏主之。

八月戊申,以房州刺史鄉士美爲黔中觀察使。己未,以昭義兵馬使盧從史爲檢校工部

倚書, 棄路州長史、昭義軍節度、 澤路磁邢洛觀察使。

九月庚辰,賜羣臣宴於馬璘山池。

多十月甲辰,於景州南皮縣置唐昌軍。辛亥,易定節度使張茂昭來朝。

十一月丁酉,以監察御史李程、秘書正字張聿、藍田縣尉王涯並爲翰林學士。

十二月,吐蕃、南韶、日本國並遣使朝貢。 庚午,以桂管防禦使顏証爲桂州刺史、桂管

觀察使。

年九月丁卯,羣臣上諡曰神武孝文,廟號德宗。十月己酉,葬于崇陵,昭德皇后王氏祔焉。 寧殿,享壽六十四。 甲午,遷神柩於太極殿。 丙申,發喪,羣臣縞素。 皇太子卽位。 永貞元 麥準爲翰林學士。癸巳,會羣臣於宣政殿,宣遺韶:皇太子宜於柩前卽位。 是日,上崩於會 二十一年春正月辛未朔,御含元殿受朝賀 (11)。 是日,上不康。 丙子,以浙東觀祭判官

思求於多士。其始也,去無名之費,罷不急之官;出永巷之嬪嬌,放文單之馴象;减太官之 史臣曰:德宗皇帝初總萬機,勵精治道。思政若渴,視民如傷。 凝旒延納於識言,側席 窮矣。 經綸。 怨,奪李晟之兵符;取延齡之奸謀,罷陸贄之相位。知人則哲,其若是乎!貞元之辰,吾道 之何益。 地,愁歎連甍,果致五盜僭擬於天王,二朱憑陵於宗社。奉天之窘,可爲涕零,罪已之言,補 舉恆陽之伐。 茂,文思雕華。灑翰金鑾,無愧淮南之作,屬辭鉛槧,何慙隴坻之書。 騰,誠服玩之奢;解鷹犬而放伶倫,止権酤而絕貢奉。 良,輟廷臣而治畿甸。 取鄙夫之論,歷觀近世,靡不敗亡。 二南三祖,豈盛於茲。 然而王霸迹殊,淳醨代變,揆時而理,斟酌斯難。 故從初罷郭令戎權,非次聽楊炎謬計,遂欲混同華裔,束縛奸豪,南行襄漢之誅, 所賴忠臣戮力,否運再昌。雖知非竟逐於楊炎, 。出車雲擾,命將星繁, 此皆前王之能事,有國之大猷,率是而行,夫何敢議。 德宗在藩齒胄之年,曾爲統帥 ,及出震承乾之日,頗負 罄國用不足以餽軍, 竭民力未聞于破賊。 百神咸秩,五典克從,御正殿而策賢 而受佞不忘於盧杞。用延賞之私 文雅中興, 夐高前代, 荷於交喪之秋, 加以天才秀 一旦德音掃 輕 北

徒矜篇咏。 贊曰:聰明文思,惟睿作聖。 保姦傷善,聽斷不令。 御曆三九,適逢天幸。 賜宴之辰,

### 校勘記

(1) 杜英翰 「翰」字各本原作「輪」,據新書卷七德宗紀、通鑑卷二三三改。

李充 各本原作「李允」,據本書卷一三五裝延齡傳及卷一三九陸贊傳、通鑑卷二三五改。

(三)河內 校勘記卷六云:影宋本作關內。

靈州 各本原作「雲州」,據本書卷一九六下、吐蕃傳、通鑑卷二三四改。

**E** 劍南西山羌女國王湯立志 「山」字各本原作「川」、「湯」字原作「楊」、據本書卷一四〇章臯傳及

卷一九七東女國傳、通鑑卷二三四改。

**公** 制以冬薦官 「以」字各本原無,「冬」字原在「制」上,今據冊府卷六三〇補改。

(子) 張昇雲 各本原作「張雲昇」,據本卷上文及本書卷一四一張孝忠傳改

(大) 邕管 本書卷一五一王鍔傅作「容管」。

べえし 李充 各本原作「李元」,據本書卷一三五菱延齡傳及卷一三九陸贄傳、通鑑卷二三五改。

8 成德 德軍 軍節度使檢梭司徒兼侍中渾瑊兼中書令 節度 【檢校司徒王武俊兼中書令,下乃云河中絳州節度檢校司徒兼侍中渾瑊中書令。」 校勘記卷六云:「按此有脱文。 **删游一七六以成** 

王紹 各本原作「王召」,據本書卷一二三王紹傳改。 下同。

三 七人 各本原作「士人」,據本書卷一九六下吐蕃傳改。

(18) 兼奉朔中書令、合鈔卷一三德宗紀無「奉朔」二字。

金色 義成軍 各本原作「昭義軍」,據本卷上文、通鑑卷二三五改。

음 李元素 「元」字各本原作「光」,據本書卷一三二一李澄傳、新書卷一四七李元素傳改。

全 別頭貢舉 「頭」字各本原作「項」,據唐會要卷七六、冊府卷六四〇改。

[12] 徐申 各本原作「徐中」,據新書卷一四三徐中傳改。

会选 非次遷授 各本原作「非先賜授」,據唐會要卷五四改。十七史商權卷七三云:「當作非次越授。

[110] 罷御宣政殿 「罷」字各本原無,據冊府卷一〇七補。

一受朝賀 「賀」字各本原作「貢」,據海覽卷一一三、冊府卷一〇七補。

## 舊唐書卷十

### 本紀第十四

### 順宗 憲宗上

順宗至德大聖大安孝皇帝諱誦,德宗長子,母昭德皇后王氏。 上元二年正月生於長安

大曆十四年六月,封宣王。建中元年正月丁卯,立爲皇太子。

言,暨德宗不豫,諸王親戚皆侍醫藥,獨上臥病不能侍。德宗彌留,思見太子,涕咽久之。 真元二十一年正月癸巳,德宗崩,丙申,即位於太極殿。 上自二十年九月風病,不能 上力疾衰服,見百僚於九仙門。旣卽位, 知社稷有奉,中外始安。 大 庚

子,羣臣上書請聽政。

行發喪,人情震懼。

罷翰林醫工、相工、占星、射覆、冗食者四十二人。已酉,以易定張茂昭兼同平章事,以來 二月辛丑朔。 甲申,以河陽三城行軍司馬元韶爲懷州刺史、河陽懷州節度使。 丙午,

文 紀 第 + ρŲ 願 宗

待詔 甲寅, 郡君。 権稅 林學 出外 事。 朝,故寵之。是夜,太白犯昴。 國、新羅王 君,仍令本部長 辛酉,貶京兆尹李實通州長史,尋卒。 士。 王伾爲左散騎常侍,充翰林學士。以前司功參軍、翰林待詔王叔文爲起居舍人,充翰 ,故囚之仗內,至是方釋之。 並 釋仗內囚嚴懷志、呂温等一十六人。平凉之盟陷蕃,久之得還,以習蕃中事,不欲令 戊辰 二宜禁斷 以鴻 金 ,以開府儀同三司、檢校太尉、使持節、大都督雞林州諸軍事、雞林州刺史、上柱 重 | 臚卿王權爲京兆尹。甲子,御丹鳳樓,大赦天下。諸道除正敕率稅外,諸色 ; 《吏就家存問;百歲已上,賜米五石,絹二匹,綿一屯,羊酒,版授下州刺史、 |熙兼寧海軍使,以||重熙母和氏爲太妃,妻朴氏爲妃 除上供外,不得別有進奉。百姓九十已上,賜米二石,絹兩匹,版授上佐、縣 辛卯,以吏部郎中韋執誼爲尙書左丞(1)、同 日本國王幷妻還蕃,賜物遣之。壬寅,以太子侍書、翰林 壬子,淄青李師古以兵寇滑之東鄙,聞國 中書門下平章 一喪也。

空,鄭瑜吏部尚書,高郢刑部尚書,韋執誼中書侍郎,鎭冀王士眞、淮南王鍔、魏博田季安皆 林學士王叔文爲度支鹽 事杜佑 戊寅,以章皇兼檢校太尉,李師古、劉濟兼檢校司空,張茂昭 三月庚午,出宫女三百人于安國寺,又出掖庭教坊女樂六百人于九仙門,召其親族歸 爲度支鹽鐵使。 E 鐵轉運 戊子, 使副 徐州節度賜名武寧軍。 杜佑 雖 領使名, 其實 蔡州 叔文 (專總。 吳少誠 司徒。 宰相 兼 丙戌,檢校司 《同平章》 買耽 事。 兼 檢 空、 以 校 翰 同 ᆔ

檢校司空。 癸巳,韶册廣陵郡王淳爲皇太子,改名純

河東郡 雲安郡 漢東郡 |牧。 中陸質、中書舍人崔樞並爲太子侍讀。 並 食邑三千戶。戊申,詔以册太子禮畢, 七男輝封翼王。 ·食邑三千戶。癸丑,贈入吐蕃使、工部侍郎、兼御史大夫張薦禮部尚書。 丙寅,罷<u>萬安監</u> III 郡 戊辰,以杭州刺史韓皐爲尚書右丞。 夏 男紘封 王浥封和王, 王滋封宋王 王沔封均王 四 王泳封密王,改名綢; 月 主 撫王, 寅 彌臣國嗣王道勿禮封彌臣國王。西平郡王晟男左羽林大將軍愿襲封岐公, ,制第十弟諤封欽王 ,改名結, 一,改名緯; 改名綺。 二十三男縄封岳王,二十四男紳封袁王, 宣城 晉陵 蹜 十七男絢封衡王,十九男纁封會王, 淮郡王洵封繳王三,改名縱; 那 郡王淮封集王 一,第十一 王湜封郇王 庚戌、封太子男寧、寬、宥、察、寰、寮等六人爲郡王, 赦京城繫囚,大辟降從流,流以下減一等。 弟蔵封珍王。男建康郡王渙封郯王, 改名網; 德陽郡王湑封冀王, 改名縁; 改名總; 高平郡王激封 弘農王浼封莒王 二十五男論封桂王,二十 二十男 邵王, 紹封 , 改名約; 改名) 改名經; 以給事 福王

未 ·, 以 節度使。 五 が郴州 月已已,以右金吾衞 司馬鄭 丁丑,以邕管經略使韋丹爲 餘 慶爲尚書 大將軍范希 左丞。 甲辰,以檢校司空、忽汗州都督、渤海 河南少尹 朝爲右神策統軍,充左右神策、京西諸城鎭行營兵 ,以萬年縣令房啓爲容管經略招討使。 大嵩磷檢校

紀

第

+

νų

順宗

張 司 徒。 氏 可 美人。 承 、徽王氏、趙氏 以右丞韓阜爲鄂岳沔蘄都團練觀察使。 可昭儀,崔氏、楊氏可充儀,王氏可昭媛, 丁亥, 升襄州爲大都督府。 王氏可昭容, 牛氏 可修儀, 臨漢縣

四十一貫、石、匹、東,並宜除免。 六月丙申, 韶二十一年十月已前百姓所欠諸色課利、租賦、錢帛, 共五十二萬六千八百

仍徙于鄧城。

辛卯,以鹽鐵轉運使副王叔文爲戶部侍郎

和糴 來十五 萬務 子副 軍國政事, 之憂,夙 度支鹽鐵 荷萬邦之重。 〕之殷,不躬不親,慮 二百萬石,以救農傷之弊。」乃下百僚議, 使 兵部尚書,諡曰宣 七月戊辰朔, 车, 為恭起復滄州刺史、横海軍節度使。 夜祗 《轉運使副。 ,宜令皇太子勾當。」時上久疾,不復延納宰臣共論大政。 東渭橋米四十五萬石,支諸軍皆不悅。 一動,如臨淵谷。 顧以寡德,涉道未明,虔恭寅畏, 吐蕃使論悉諾來朝貢。丙子, 丙戌,關東蝗食田稼。 有 了,贈故道州刺史陽城爲左散騎常侍。戊寅,以戶部侍郎潘孟陽 曠 廢。 而積疾未復, 加以 山陵有日,霖潦踰旬, 至于經時,怡神保和 甲午, 癸巳,横海軍節度使、滄州刺史程懷信卒,以其 議者同異不決而止。 `懼不克荷。 今歲豐阜,請權停北河轉運,於濱河州 度支使杜佑奏:「太倉見米八十萬石, 鄆州李師古加檢校侍中。 是用 ,常所不暇。 恐上墜祖宗之訓, '做于股心,以答天戒。 乙未, 韶:「朕承九聖之 事無巨細皆決于李忠 永惟 贈故忠州別駕 四方之大, 下貽 府 貯 其

**瑜爲吏部尙書,高郢刑部尙書,並罷知政事。皇太子見百僚於朝堂。丙申,皇太子於麟德** 太常卿杜黃裳爲門下侍郎,左金吾衞大將軍袁滋爲中書侍郎,並同中書門下平章事;鄭珣 1言、王伾、王叔文。物論喧雜,以爲不可。藩鎭屢上牋於皇太子,指三豎之撓政,故有是詔。以

殿西亭見奏事官。

流,流以下遞減一等。」誥立良娣王氏爲太上皇后,良媛董氏爲太上皇德妃。壬寅,貶右散 祖宗之重光,荷天地之休命,奉若成憲,永綏四方。宜令皇太子卽皇帝位,朕稱太上皇,居 神明,格于上下。是用法皇王至公之道〔三〕,遵父子傳歸之制,付之重器,以撫兆人。必能宣 以久曠;天工人代,不可以久違。皇太子純睿哲温文,寬和仁惠,孝友之德,愛敬之誠,通乎 禮!疇咨庶尹,對越上玄,內愧于朕心,上畏于天命。夙夜祗慄,深惟永圖。一日萬機,不可 辰,光膺册禮,宜以今月九日册皇帝於宣政殿。國有大命,恩俾惟新,宜因紀元之慶,用覃 光,用體文德。殷獲奉宗廟,臨御萬方,降疾不瘳,庶政多闕。乃命元子,代予守邦,爰以令 | 輿慶宮,制稱誥。」辛丑,誥:「有天下傳歸於子,前王之制也。 欽若大典,斯爲至公,式揚耿 在宥之澤。宜改貞元二十一年爲永貞元年。自貞元二十一年八月五日已前,天下死罪降從 人,獲纘丕業,嚴恭守位,不遑暇逸。而天佑不降,疾恙無瘳,將何以奉宗廟之靈,展郊禋之 八月丁酉朔。庚子, 詔:「惟皇天佑命烈祖, 誕受方國, 九聖儲祉, 萬邦咸休。 肆予一

29

順宗

騎常侍王伾爲開州司馬,前戶部侍郎、度支鹽鐵轉運使王叔文爲渝州司戶。

宮之咸寧殿,享年四十六歲。六月乙卯,皇帝率羣臣上大行太上皇諡曰至德大聖大安孝皇 元和元年正月丙寅朔,皇帝率百僚上太上皇尊號日應乾聖壽。 甲申,太上皇崩於興慶

帝、廟號順宗。 秋七月壬申,葬于豐陵。

惜乎寢疾踐祚,近習弄權;而能傳政元良,克昌運祚,賢哉! 詩人「好樂無荒」爲對。 年爲相。嘗侍宴魚藻宮,張水嬉,綵艦雕靡,宮人引舟爲楹歌,絲竹間發,德宗歡甚,太子引 等,因間用事,刻下取功,而排陷陸贄、張滂輩,人不敢言,太子從容論爭,故卒不任延齡、渠 督勵將士,無不奮激。 德宗在位歲久, 稍不假權宰相。 左右倖臣如裴延齡、李齊運、韋渠牟 命書之。性寬仁有斷,禮重師傅,必先致拜。從幸奉天,賊泚逼迫,常身先禁旅,乘城拒戰, 史臣韓愈日:順宗之爲太子也,留心藝術,善隸書。德宗工爲詩,每賜大臣方鎭詩制,必 每於敷奏,未嘗以顏色假借宦官。居儲位二十年,天下陰受其賜。

### 憲宗上

之東內。 而憐之。 軍國政事。 憲宗聖神章武孝皇帝諱純,順宗長子也,母曰莊憲王太后。大曆十三年二月生于長安 貞元四年六月,封廣陵王。順宗卽位之年四月,册爲皇太子。七月乙未,權勾當 六七歲時,德宗抱置膝上,問曰:「汝誰子,在吾懷?」對曰:「是第三天子。」**德宗**異

南康 申報有司, 所以光武形於韶令,春秋不書祥瑞,殷誠薄德,思及前人。 「殷以寡昧,纂承丕業,永思理本,所寶惟賢。 人情欣悅。丙午,昇平公主進女口十五人,上曰:「太上皇不受獻, 股何敢違!其還郭氏。 丁未,始御紫宸對百僚。己酉,以道州刺史路恕爲邕管經略使。 郡王韋辠薨。 己未,以中書侍郎、平章事袁滋爲劍南東西兩川、山南西道安撫大使,時章阜本, 八月丁酉朔,受內禪。乙巳,卽皇帝位於宣政殿。先是,連月霖雨,上卽位之日晴霽, 不得上聞,其奇禽異獸,亦宜停進。」癸丑,劍南西川節度使、檢校太尉、中書令、 甲寅,以常州刺史穆贊爲宣歙池觀察使,以前宣歙觀察使崔衍爲工部尚 至如嘉禾神芝,奇禽異獸,蓋王化之虛美也。 自今已後,所有祥瑞,但令准式 庚戌,荆南獻龜二,詔曰: 劉闢

紀

第十四

憲宗上

夔州

,刺史唐次爲吏部郎中,並知制

誥

據蜀 輕 邀節鉞 車 都尉、賜紫金魚袋鄭餘慶同中書門下平章事。 故 也 辛 酉 了,太上皇誥册良娣王氏爲太上皇后**。** 丙寅, 癸亥, 以饒州刺史李吉甫爲考功郎 以朝請大 夫、 守尙 書左

定
早
, 禮部 以 韶還之。 陳州 宜 月丁 加加 員 刺 外郎柳宗元 賑 卯朔。 己卯,京西神策行營節度行 恤,申光蔡賑米十萬石,陳許五萬石。丁丑,前戶部侍郎蔡弁卒。 史孟元陽爲懷州刺史、河陽三城孟懷節度使。 己巳,罷敎坊樂人授正員官之制。 | 貶邵州刺史,屯田員外郞劉禹錫貶連州刺史,坐交王叔文也。 軍司馬韓泰貶撫州刺史,司封郎中韓曄貶池州 辛未, 丙子,敕申光蔡、陳許 河陽三城節度使元韶卒。 襄州 兩道比 于頔 刺 遭 進

下平 東觀察使。 服。 同 声 事 書門 中 南 太常上 陸質 十 ·月丙 使趙迦寬 下平章事、魏國公賈耽卒。戊戌,以宰臣 成都 一大行曾太皇太后沈氏諡 丁未,改桂州純化縣爲慕化縣, 申 尹 朔。 來赴 劍南 丁酉,集百僚發曾太皇太后沈氏哀於肅章門外。 山 西川 陵。 節度觀察等使,以 浙 東觀察使 日睿眞 《皇后。 賈全卒。 蒙州純義縣爲正義縣。 西川 劍南 丙午,以 行 辛丑. 安撫 軍司 華州 馬 使袁滋檢校吏部 吐蕃 劉闢 刺 使論. 爲給 史楊於陵爲 己酉,葬德宗皇帝于崇 乞縷貢 事 檢校司空兼右僕射、 中。 尚書、 舒王 助 越州 Ш 陵 同中書門 刺 金銀 史、 浙 衣 庚

爲洪州 連州 京兆 元衡 巳,宜、撫、和、郴、郢、遠、衢七州旱。 史 慰 主、德宗皇帝神主于太 柳 撫三川 叔 宗元 為海 文文也。 尹王權 甲寅 口 馬 刺史、江西觀察使,以魏州刺史薛苹爲潭州刺史、 逗留 爲永州 史中丞。 岳 以 潤、池、揚、楚、 爲雅王 |州刺史程异郴州司馬,皆坐交王叔文。 刑 **示進** 部 司馬, 尚書 高野為 華州 己卯, 故也。 一傅。 連州刺史劉禹錫朗州司馬, 廟。 久 再貶撫州刺史韓泰爲虔州 湖、 以左聽衞將軍李演爲夏州刺史、夏綏銀等州節度使,以右庶子武 雨 壬 , 杭、睦、江等州旱。 中, 京 師 貶正議 刺 鹽 壬午, 史、潼關 貴, 大夫、中書侍 出 吏部尚書鄭珣瑜卒。 庫 防禦、鎭 鹽 貶劍南 池州刺史韓曄饒州司 初貶刺 司馬, 萬 國 郞 石 軍 , 西川節度使袁滋爲吉州刺史,以其 湖南觀察使。 平章事章執誼爲崖州 糶 一使, 河中少尹陳諫台州司 史,物議罪之,故再加貶竄 以 御 惠 史中丞 甲申, 民。 乙 以湖南觀察使楊 李鄘 |影 巨, 馬, 岳、婆、衡等州 和 耐 爲 州刺 睿眞 京 馬 司馬 兆 邵州 史凌 、皇后 尹 以 憑 交 神 貶 刺

JII 頔 度使。 加 ,改淳州爲巒州, 十二月丙申朔。 平 歲 星 犯 丙 太微 申 還淳縣爲清溪縣 庚子,以東都留守 草夏卿爲太子少保, 月犯畢。 西垣。 庚戌,金州復析漢陰縣置 己酉, (日),淳 以新 除給 風 縣 事 中、 爲從化縣,姓 西川 石泉縣 行 以兵 軍 淳 司 于 壬子 部尚書王紹爲東都 馬 者改 劉 開爲 以 姓 右諫 成 于。 都 議大夫章丹 甲辰 尹 劍 留守。 襄陽 南 四

癸巳,宣歙觀察使穆贊卒。

太

紀

第

+

74

擹

Ŀ

爲梓州 中、知制誥李吉甫爲中書舍人,以考功員外郞裴垍爲考功郞中、知制誥,並充翰林學士 請大夫、守中書舍人、翰林學士、上柱國鄭絪爲中書侍郎、同平章事、集賢殿學士。 刺 史,充劍南東川節度使,以常州刺史路應爲宣州刺史、宣歙池觀察使。 壬戌,以朝 以考功郎

委之旄鉞。 尉。壬午,成德軍節度使、檢校司空王士眞同中書門下平章事。癸未,詔以太上皇舊恙愆 罪已下,常赦不原者,咸赦除之。辛未,以鄂岳沔觀察使韓阜爲鄂岳蘄安黃等州節度使。丁 卯,御含元殿受朝賀。禮畢,御丹鳳樓,大赦天下,改元日元和。 俗路館驛。 宰相杜佑攝冢宰,杜黃裳爲禮儀使,右僕射伊愼大明宮留守,視事於尚書省。壬辰,復置斜 和,親侍樂膳,起今月十六日已後,權不聽政。以左神策長武城防秋都知兵馬使高崇文檢 丑,太子少保韋夏卿卒。辛巳,以興元元從功臣、右神策護軍使副薛盈珍爲右神策護軍中 睦,劉闢乃因虛構隙,以忿結讎,遂勞王軍,兼害百姓。 股志存含垢,務欲安人,遣使諭宣, 校工部尚書,充神策行營節度使。甲申,太上皇崩于興慶宮,遷殯于太極殿,發喪。乙酉, 元和元年春正月丙寅朔,皇帝率羣臣於興慶宮奉上太上皇尊號日應乾聖壽太上皇。丁 戊子,制:「劍南西川,疆界素定,藩鎮守備,各有區分。 頃因元臣薨謝,鄰藩不 如聞道路擁塞,未息干戈,輕肆攻圍,擬圖吞倂。爲君之體,義在勝殘,命將興 自正月二日昧爽已前,大辟

崇文之師由斜谷路,李元奕之師由駱谷路,俱會于梓潼。 元奕 師 ,蓋非獲已。 《率步騎之師,與東川、興元之師類會進討。其糧料供餉,委度支使差官以聞。」 甲午, 高 宜令興元嚴礪、東川李康掎角應接,神策行營節度使高崇文、神策兵馬使李 辛卯,羣臣請聽 政

堪 ; 耳目之主同年而語哉!但人主常勢,患在不能推誠,人臣之弊,患在不能自竭。由是上疑下 |舜之德日:『夫何爲哉?恭已南面而已!』誠以能舉十六相,去四兇也。 煩祭。 皇自程決事,見嗤前代;諸葛亮王霸之佐,二十罰以上皆自省之,亦爲敵國所誚,知不久 有綱領小大,當務知其遠者大者;至如簿書訟獄,百吏能否,本非人主所自任也。 之務,在於修己簡易,擇賢委任,宵旰以求民瘼,捨己從人以厚下, 射,贈故吉州刺史姜公輔禮部尙書。甲辰,以錢少,禁用銅器。 落可銀青光祿大夫、檢校司空,封饒樂郡王,放還蕃。 事。戊戌,謂宰臣曰:「前代帝王,或怠于聽政,或躬決繁務,其道如何?」杜黃裳對曰:「帝王 禮貌或虧,欲求致理,自然難致。 苟無此弊,何患不至於理。」上稱善久之。 魏明帝欲省尙書擬事,陳矯言其不可;隋文帝日旰聽政,令衞士傳餐,文皇帝亦笑其 一月乙未朔,以度支鄓中敬寬爲山劍行營糧料使。 爲人主之體固不可代下司職,但擇人委任,責其成効,賞罰必信,誰不盡心。 癸卯,贈宣武軍節度使陸長源爲右僕 嚴礪奏收劍州。 癸丑,以魏博田季安同平章 固不宜怠肆安逸。 豈與勞神疲體自任 乙丑,入朝奚王梅 以京兆尹李 昔秦始 傳稱帝

紀第十

四

癥宗上

鄘爲尚書右丞,以金吾大將軍鄭雲違爲京兆尹,

嚴礪 使張 歸休, 朝參。 中有 韶除 校兵部尚書、梓州 史、諸衞將軍三品已上官除授,皆入閤謝,其餘官許於宣政南班拜訖便退。」詔曰:「如 三品職事 御 丞日嘗論 : 史中丞武元衡奏: 「中書門下御史臺五品已上官、尙書省四品已上、諸司正三品已上、從 承金 李演爲節度,代全義。 收梓州。 加 三月乙丑朔。 又許分日,一月之內,纔奉十日朝參,甚暑甚寒,又蒙矜放。 若 《使及職掌並准此。」又「兵部、吏部、禮部貢院官員,每舉選限內,有十月至二月不奉 **"其事**, 斬 稱 ,官、東都留守、轉運鹽鐵節度觀察使、團練防禦招討經略等使、河南尹、同譁州刺 惠琳 事繁, 丁丑,制削奪 舉對甚群。 ,傳首以 刺 則中書門下、御史臺、度支、京兆府公事至重,朝謁如常。 戊辰,韶常參官寒食拜墓,在畿內聽假日往還,他州府奏取 史、劍南 獻。 劉闢在身官爵。 演赴任,惠琳據城叛, 伏請准貞元十二年四月二十七日敕,永爲常式。」從之。 丙子, 東川 壬辰,大行太上皇德妃董氏卒。 節度 先是,韓全義入朝,令其甥楊惠琳知留後,俄有 ,韶發河東、天德兵誅之。辛巳,夏州兵馬 以右神策行營節度高崇文檢 臣求故實,以爲王顏任中 進止。 況旬節已賜 辛未, 此 例

丹爲晉絳觀察使。 戊 戊,以安南 經略副使張舟爲安南 壬寅,以前安南經略使趙昌爲廣州刺史、 都護、 本管經略使。 嶺南節度使。 己亥,以前劍南東川 癸卯, 節度使章 前嶺南節

度使。 制印,退朝,韶於延英候對。」從之。 多不奏事。 在本品同類之上。壬戌,邵王約薨。武元衡奏:「正衙待制官,本置此官以備問。比來正衙 從其讓也,仍以兵部侍郎李巽代領其任。 以檢校司空、平章事杜佑爲司徒,所司備禮册拜,平章事如故,罷領度支、鹽鐵、轉運等使, 度使徐申卒。 **賑浙東米十萬石。** 自今後請以尙書省六品以上職事官、東宮師傅賓詹、王傅等,每坐日令兩人待 丙午,命宰臣監試制舉人於尙書省,以制舉人先朝所徵,不欲親試也。 己未,武元衡奏,常參官兼御史大夫、中丞者,准檢校省官例,立 。戊申,以隴右經略使、秦州刺史劉澭爲保義軍節 丁未,

軍節度使。 一申,貶劍南東川節度使李康爲雷州司馬。陳、許、蔡等州旱。以橫海軍留後程執恭橫海 五月甲子朔。丁卯,京兆尹鄭雲達卒。辛未,以兵部侍郎章武爲京兆尹兼御史大夫。 庚辰,左丞、同平章事鄭餘慶爲太子賓客,罷知政事。 辛卯,册太上皇后王氏爲

崇文破賊萬人於鹿頭關。 加 ?邑號,太后諸親,量與優給。 六月癸巳朔,以册太后禮畢,赦天下繫囚,死罪降從流,流以下遞減一等。 加幽州劉濟侍中,淄青李師古檢校司徒。 丙申,册德宗充容武氏爲崇陵德妃。 戊辰,以祕書監董叔經爲京兆尹。 癸卯,高崇文收漢州。 大風折樹。 壬午,諫議大夫去 文武內外官 丁酉,高

本 第 + 29 鰵 宗 L

琞

六月壬子朔,淄青李師古卒。

四一八

左、右字,只置四員。 以前司封員外郎韋況為諫議大夫。甲申,吐蕃論勃藏來朝貢。

秋七月壬辰朔。 壬寅,葬順宗于豐陵。己酉,太子少保致仕韓全義卒。

未,京兆尹董叔經卒。甲申,御史臺奏,常參官在城未上及在外未到、假故等,在外未到,計 章執誼、韓泰、陳諫、柳宗元、劉禹錫、韓曄、凌準、程异等八人,縱逢恩赦,不在量移之限。癸 氏爲貴妃。 王察爲深王,高密郡王寰爲洋王,文安郡王寮爲絳王,第十男審爲建王。己巳,以建王審爲 之。丁卯,封王子平原郡王寧爲鄧王,同安郡王寬爲澧王,建安郡王宥爲遂王〔六〕,彭城郡 許氏爲美人,尹氏、段氏爲才人。潯陽公主母崔昭訓爲太妃。韓全義子進女樂八人,韶還 子,郇王母王昭儀、宋王母趙昭儀、郯王母張昭訓、衡王母閻昭訓等,各以其王並爲太妃。以 水陸程外,滿百日,並停解,從之。丙戌,以尚書右丞李鄘爲京兆尹。 鄆州大都督、平盧淄青節度使;以節度副使李師道權知鄆州事,充節度留後。乙亥,册妃郭 八月辛酉朔。 靈武李欒奏,黃河岸場處得古錢三千三百,其形小,方孔,三足。 壬午,左降官 。癸亥,以左衞大將軍李愿檢校禮部尙書、夏州刺史,充夏綏銀節度使。甲

子,易定張茂昭來朝。 九月辛卯朔。 辛亥, 高崇文奏收成都,擒劉闢以獻。 癸卯, 丙寅,以劍南東川節度使、檢校兵部尚書、梓州刺史、封渤海郡王高 詔自今後兩省官每坐日一人對。丙午,以太子賓客鄭餘慶爲國 癸丑,以山人|李渤爲左拾遺,徵不至。甲

本紀第十四 憲宗上

海、

牂柯、

迴紀各遣使朝貢

以山 青節度使留後李師道檢校工部尚書,兼鄆州大都督府長史,充平盧淄青節度副 元尹,充山南西道節度使。庚辰,以吉州刺史袁滋爲御史大夫,充義成軍節度使。 使、處置統押近界諸蠻及西山 **崇文檢校司空,兼成都尹、御史大夫,充劍南** 事。 [南西道節度使嚴礪爲梓州刺史、劍南 丙戌,以渤海國王大嵩璘檢校太尉。 「八國兼雲南安撫等使, 東川節度使; 西川節度副大使、知節度事、管內度支營田觀察 戊子,斬劉闢丼子超郎等九人於獨柳樹下 仍改封 以將作監柳晟檢校工部 南 平郡王,食邑三千戶。 大使、 壬午 尚書, -, 以淄 戊戌 兼興 知節

留守、東畿 僕射、兼徐州刺史、武寧軍節度使、徐泗濠等州觀察等使。 關 督府長史,充陝虢觀察使。 防禦、鎭 十一月庚寅朔。 國軍等使。 汝防禦使,以國子祭酒鄭餘慶爲河南尹。 己巳, 丙辰,以內常侍吐突承雖爲神策護軍中尉。 甲申,以武寧軍節度張愔爲工部尚書,以東都留守王紹檢校右 以簡王傅王權爲河南尹。 甲寅,以給事中劉宗經爲華州刺史、潼 丁未, 庚戌,以吏部侍郎趙宗儒爲東都 以司農卿李上公爲陝州大都

九太子陵,代數已遠,官額空存,今請陵戶外並停。 十二月丙申朔、太常奏隱太子、章懷、懿德、節愍、惠莊、惠文、惠宣(も)、靖恭、昭靖以下 乙亥,工部尙書張愔卒。 丙戌,新羅、渤

鳳樓,大赦天下。先是,將及大禮,陰晦狹辰,宰臣請改日,上曰:「郊廟事重, 中書舍人、翰林學士李吉甫爲中書侍郎、同平章事。丁巳,停中和、重陽二節賜宴;其上巳 諸陵留守。 同平章事、南陽郡開國公杜黃裳檢校司空、同平章事,兼河中尹、河中晉絳等州節度使。 便於中書商量政事。庚子,迴紇請于河南府、太原府置摩尼寺,許之。 宴,仍舊賜之。 可遽更。」享獻之辰,景物晴霽,人情欣悅。丁酉,司徒杜佑辭知政事, 一年春正月已丑朔,上親獻太淸宮、太廟。 己卯,以戶部侍郎、賜緋魚袋武元衡爲門下侍郎、同平章事、賜紫金魚袋,以 辛卯,祀昊天上帝于郊丘,是日還宮,御丹 韶令每月三度入朝, 乙巳,以門下侍郎、 齋戒 有日

觀象曆。 宣與兩省供 林軍應管月番飛騎總五千六百一十三人,並停。 二月辛酉, 壬申夜, 奉官,自今已後,有事卽進狀,次對官宜停。 韶僧尼道士全隸左右街功德使, 月掩歲星。 丁丑,寒食節,宴羣臣於麟德殿,賜物有差。 己巳,起居舍人鄭隨次對,面受進止,令 自是祠部司封不復關奏。 庚午,司天造新曆成,詔題爲元和 壬午, 以第五 丙寅, 左右羽

月辛卯, 賜羣臣宴於曲江亭。 癸卯, 判度支李巽爲兵部尚書, 依前判度支鹽鐵轉 **軫**爲右神策軍

一中尉

節度使。 夏四月甲子,禁鉛錫錢。以右金吾衞大將軍范希朝爲檢校司空、靈州長史、 戊寅,近置英武軍額,宜停。 庚辰,嶺南節度使趙昌進瓊管儋、振、萬安六州六十 朔方靈鹽

**二洞歸降圖。** 

課陪廚 使織 與諸 始令有司據班品置院。 造 [坊門同時。至德中有吐蕃囚自金吾仗亡命,因敕晚開門,宰相待漏於太僕寺車坊。至是 六月丁巳朔,始置百官待漏院於建福門外。 辛巳,以京兆尹李鄘爲鳳翔尹、鳳翔隴右節度使。 戶,並委府縣收管。乙亥,停潤州丹陽軍額。 《戶及捉錢人,並歸府縣色役。 己巳,停舒、廬、滁、和四州團練使額。 癸酉,東都莊 戊午,鳳翔節度使張敬則卒。 故事,建福、望仙等門,昏而閉,五更而啓, 丙子,左神策軍新築夾城,置玄化門晨 乙丑,五坊色役戶及中書門下兩省納 蔡州水,平地深七八尺。

已,太僕寺丞令狐丕進亡父峘所撰代宗實錄四十卷,詔贈峘工部尚書。 具狀奏聞。 多有前却,今後諸親委宗正寺,百官母妻委臺司,如有違越者,夫子奪一月俸,頻不到,有司 秋七月丙戌朔,敕刑部侍郎許孟容等删定開元格後敕。丁亥,敕外命婦朝謁皇太后, 戊子,錄配享功臣之後,得蘇瓌孫繫,用爲京兆府司錄,崔玄暐孫元方、張說孫

八月丙辰朔。 辛酉,宰相武元衡兼判戶部事。 壬戌,刑部奏改律卷第八爲關競律。

本

紀

第十四

鰵

宗上

祥瑞。伏以所獻祥瑞,皆緣臘饗、告廟、元會奏聞,今後諸大瑞隨表聞奏,中瑞、下瑞申有 良闡等四百五十人自蕃中還。 子,以職方員外郎王潔爲嶺南選補使,監察御史崔元方監之。甲戌,中書奏:「先停諸道奏 司,其元日奏祥瑞,請依令式。」從之。辛巳,封杜黃裳爲邠國公,于頗爲燕國公。 沒蕃僧惟

九月乙酉,密王綢薨。

以 節 兵 事、成都尹,充劍南西川節度使,仍封臨淮郡公。將行,上御安福門慰勞之。 癸酉,潤州大將 宜 命見脅。 旅,用之以亂常。 詔:「李錡屬列宗枝,任居方伯,窮赫奕之貴,飽綢繆之恩。 心之師, 度使。 八士亂 一削奪。」以淮南節度使王鍔充諸道行營招 日逞淫刑,月興 十月己酉,以浙 ,殺瘡、畸,遂令蘇、常、杭、湖、 取宣州路進討。 朕切於含垢,未忍發明,累降中人, 令瓊前旨。 庚申,李錡據潤州反,殺判官王澹、大將趙琦。 人暴賦。 累獻表章,亟請朝會,初則 西節度使李錡爲左僕射,以御史大夫李元素爲潤州刺史,鎮海軍、浙西 丁卯,以門下侍郎、平章事武元衡檢校吏部尙書、兼門下侍郎、平章 股爲人父母,聞甚惻然,顧惟紀綱,焉敢廢墜! 睦五州戍將殺刺史,修石頭故城, 討使,內官薛尙衍爲監軍,率汴、徐、鄂、淮南、宣 (詐疾,後乃縱兵。 時衛詐請 無軺車之戒路, 待以親賢,報之以逆節;授其師 僚佐以獻規受屠,王 入朝,署澹爲留後, 李錡在身官爵, 有珍氣之滔天,加 謀欲僭逆。 臣以 壬戌, 因諷 傳 並

張子良云、李奉僊等執李錡以獻。辛巳、錡從父弟宋州刺史銛、通事舍人銑坐貶嶺外。

吾衞將軍,封南陽郡王;田少卿、李奉僊等爲羽林將軍,並封公。甲辰,詔司徒杜佑筋力未 十一月甲申,斬李錡於獨柳樹下,削斷屬籍。 丙戌, 以擒李錡潤州牙將張子良爲左金

衰,起今後每日入中書視事。

子,令宰臣宣敕: 軍都 丙寅 行立 坐失儀諠鬧;入朝及退朝不從正衙出入;非公事入中書等:每犯奪一月俸。班列不肅,所 由 有過差,諫臣論諍,往復數四。況朕之寡昧,涉道未明,今後事或未當,卿等每事十論,不可 三月十四日敕,如有朝堂相弔慰及跪拜、待漏行立失序,語笑諠譁;入衙入閣,執笏不端, 一二而止。」丁巳,東都國子監增置學生一百人。癸亥,御史臺奏:「文武常參官准乾元元年 指 統 |遲慢;立班不正,趨拜失儀,言語微諠,穿班穿仗,出入閣門,無故離位;廊下飮食,行 " 以 .摘,獨或飾非,即具聞奏貶責。臣等商量,於舊條每罰各滅一半,所貴有犯必舉。」從之**。** 十二月甲寅,宰相李吉甫封贊皇侯。丙辰,上謂宰臣曰:「朕覽國書,見文皇帝行事,少 7科罰 劍南西川節度使高崇文檢校司空、同平章事,兼邠州刺史、邠寧慶節度使,充京西諸 壬申,禮部舉人,罷試口義,試墨義 一,曾任州縣 百僚遊宴過從餞別, 小吏,雖有辭藝,長吏不得舉送,違者舉送官停任,考試官貶黜。丙 此後所由不得奏報,務從歡泰。 (十條,五經通五,明經通六,卽放進士。 舉人曾 保義軍節度使劉確

本

紀

第

十四四

鰵

宗上

其事,成書十卷。 士馬,則三分加一,率以兩戶資一兵。 其他水旱所損,徵科發斂,又在常役之外。 吉甫都纂 戶。比量天寶供稅之戶,則四分有一。天下兵戎仰給縣官者八十三萬餘人公, 辦,止於浙江東西、宣歙、淮南、江西、鄂岳、福建、湖南等八道,合四十九州,一 東、易定、魏博、鎭冀、范陽、滄景、淮西、淄青十五道,凡七十一州,不申戶口。 四百五十三,戶二百四十四萬二百五十四,其鳳翔、鄜坊、邪寧、振武、涇原、銀夏、靈鹽、河 己卯,史官李吉甫撰沅和國計簿,總計天下方鎭凡四十八,管州府二百九十五,縣一千 每歲賦入倚 百四十四萬 比量天寶

是歲,吐蕃、迴紇、溪、契丹、渤海、牂柯、南韶並朝貢。

丹鳳樓,大赦天下。庚子,涇原段祐請修臨涇城,在涇州北九十里,扼犬戎之衝要,詔從之。 三年春正月癸未朔。 癸巳,羣臣上尊號日睿聖文武皇帝。御宣政殿受册,禮畢,移仗御

戊申,罷左右神威軍,合爲一,號天威軍。

坊節度使裴玢爲興元尹、山南西道節度使。丙子,以右金吾衞大將軍路恕爲鄜州刺史、鄜 節度、浙西觀察使日日。 一月丙申,宰相李吉甫進封趙國公。己丑,以武昌軍節度使韓阜爲潤州刺史、鎭海軍 辛未,贈故布衣崔善眞睦州 司馬, 忠諫而死於李錡也。癸丑,以鄜

坊節度使。戊寅,咸安大長公主卒於迴紇。

三月癸巳,郇王總薨。 庚子,以定平鎮兵馬使朱士明爲四鎮北庭涇原等州節度使。

已,御宣政殿試制科舉人。

裴均於尚書省都堂上僕射。其送印及呈孔目唱案授案(11),皆尚書郞爲之,文武三品已上升 使。丁丑,以|荆南節度使|裴均爲右僕射、判度支。敕五月一日御殿受朝賀禮宜停。 亥,以嶺南節度使趙昌爲江陵尹、荆南節度使,以戶部侍郎楊於陵爲廣州刺史、嶺南節度 階列坐,四品五品及郞官、御史拜於廳下,然後召御史中丞、左右丞、侍郞升階答拜。雖修故 科第三等,策語太切,權倖惡之,故涯坐親累貶之。 日忠亮。 事行之,議者論其太過。 夏四月癸丑,中使郭里旻酒醉犯夜,杖殺之,金吾薛伾、巡使韋纁皆貶逐。 乙丑,貶翰林學士王涯號州司馬,時涯甥皇甫湜與牛僧孺、李宗閔並登賢良方正 壬申,大風毀含元殿欄檻二十七間。 賜朱士明名 己卯,

萬貫修尙書省,從之。丙午,正衙册九姓迴紇可汗爲登囉里汨密施合毗伽保義可汗。 三千七百三十人,隨畿汝界分留守及汝州防禦使分掌之。辛丑,右僕射裴均請取荆南雜錢 五月壬辰,兵部請復武舉,從之。甲午,敕東都畿汝州都防禦使及副使宜停,所管將士

六月戊辰,詔以錢少,欲設畜錢之令,先告諭天下商賈畜錢者,並令逐便市易,不得畜

本

紀

十四四

鰵

Ŀ

四二大

原蠻 一個也 天下銀坑,不得私採。 貞元中屢寇邕管,至是歸款。乙丑,罷江淮私堰埭二十二,從轉運使奏也。 癸亥,以邕管將黃少卿爲歸順州刺史,弟少高、少温並授官, 西

丁丑,沙陀突厥七百人攜其親屬歸振武節度使范希朝,

乃授其大首領曷勒河波陰山府都督。

以河南尹鄭餘慶爲東都留守。

秋 、七月辛巳朔, 日有蝕之。 己亥,復以度支安邑、解縣兩池留後爲権鹽使。 丁未,涪州

復隸黔中道

八月庚申,復置東都防禦兵七百人。

尙書、 丙申,以戶部侍郎裴垍爲中書侍郎、同平章事。 右僕射裴均檢校左僕射、同平章事、襄州長 河中尹、河中晉絳慈隰節度使。 九月己丑,淮南節度使王鍔來朝。庚寅,以山南東道節度使于頔守司空、同平章事;以 兼中書侍郎、平章事、揚州大都督府長史、淮南節度使。以淮南節度使王鍔檢校司徒、 河中節度使、檢校司空、同平章事邠國公杜黃裳卒。 史,充山南東道節度使; 戊戌,以中書侍郎、平章事李吉甫檢校兵部 加宣武韓弘同平章事。

是秋、京師大雨。

使,既行,改爲黔中觀察使。 十月已酉朔。癸亥, 以太常卿高郢爲御史大夫。 **羣初爲李吉甫擢用,及持憲,反傾吉甫,** 甲子, 以御史中丞竇羣爲湖南 吉甫劾其陰事 故貶 觀察

之。 丁卯,度支使下判案官,以四員爲定。

十一月甲午,橫海軍節度使程執恭來朝。

塞。 甲子,南韶異牟尋卒。 十二月庚戌,以臨涇縣爲行原州 辛未,以諫議大夫段平仲使南韶弔祭,仍立其子驃信苴蒙閣勸 命鎮將郝毗爲刺史引到。 自玼鎭臨涇, 西戎不敢犯

是歲、淮南、江南、江西、湖南、山南東道旱。

爲南韶王台。

藏庫。 部侍郎權德輿爲 雜李夷簡 籍。 張洪騎牛冠履,獻書於光順門,書不足採,遣之。庚子,制故太尉、西平郡王李晟宜編附 以太常卿李元素爲戶部尙書、判度支,以商州刺史元義方爲福建觀察使。 夏四月丙子朔。戊寅,國子祭酒馮伉卒。壬午,裴均進銀器一千五百兩,以違敕,付左 甲申,令皇太子居少陽院。武功人張英奴撰迴波辭惑衆,杖殺之。丙申, 爲御 史中丞。 太常卿,仍賜金紫。 以御史大夫高郢爲兵部尚書,以刑部郎中、侍御史知 丁卯,鹽鐵使、吏部尚書李巽卒。 甲辰,以兵 無州山人 屬

六月乙亥朔。 丁丑 ,以河東節度使李鄘爲刑部尙書,充諸道鹽鐵轉運使;以靈鹽節度

五

本

紀 第 +

四

癥 宗

上

一月丙午朔。

辛酉,刑部尙書鄭元卒。

四二人

使范希朝爲 太原 尹、北都留守、河東節度使,以右衞上將軍王佖爲靈州大都督府長史日子、

靈 節 渡使。 辛丑,五嶺已北銀坑任人開採,禁錢 不過嶺 南

藩等表謝之。 統軍高固卒。 秋 七月乙巳朔,御制前代君臣事迹十四篇, 丁未, 壬戌, 渭南暴水,壞廬舍二百餘戶 御史中丞李夷簡彈京兆尹楊憑前爲江西觀察使時贓罪, () 溺死六百人, 命府司 書於六扇屛風。 是月,出書屏以示宰臣,李 賑 給。 乙卯, 貶憑臨賀尉。 右羽林

戊辰,以尚書右丞許孟容爲京兆尹,賜金紫。

太尉段秀實宜配享德宗廟庭。 餘人,獲戰象、兵械,并王子五十九人。癸卯,贈太師裴冕宜配享代宗廟庭,贈太師李晟、贈 八月甲戌朔。癸未,兗州魚臺縣移置於黃臺市。 丙申, 安南都護張舟奏破環王國三萬

朝,薛嵩之子,婚於王氏,時爲德州刺史。朝廷以承宗難制,乃割二州爲節度,以授昌朝。制 成德軍節度使;以德州刺史薛昌朝檢校左常侍,充保信軍節度、 九月甲辰朔。 庚戌,以成德軍都知兵馬使、鎭府右司馬王承宗起復檢校工部尚書,充 德棣等州觀察等使。

纔下,承宗以兵虜昌朝歸鎭州。 丁卯,邠寧節度使、檢校司空、同平章事高崇文卒。

州刺史、本州防禦、長春宮等使。 多十月癸酉朔,以右羽林統軍閻巨源爲邠州刺史、邠寧慶節度使,以少府監崔頲爲同 癸未,韶:「成德軍節度使王承宗頃在苫廬,潛窺戎鎮。而

郎歸登、給事中呂元膺爲皇太子諸王侍讀。己亥,吐突承璀軍發京師,上御通化門勞遣之。 死罪降從流,流以下遞降一等。 文武常參官、外州府長官子爲父後者, 賜勳兩轉。 工部侍 守本官,仍令士則各襲武俊之封公惠。庚寅,册鄧王寧爲皇太子。 慰,獨存招討之名。 孟容與諫官面論,征伐大事,不可以內官爲將帥,補闕獨孤郁其言激切。詔旨祇改處置爲宣 承宗在身官爵,並宜削奪。」以神策左軍中尉吐突承璀爲鎭州行營招討處置等使,以龍武將 授命之中。加以表疏之間,悖慢斯甚,義士之所興嘆,天地之所不容。恭行天誅,蓋示朝典, 誠厚澤,外雖兩鎭,內是一家。而承宗象恭懷姦,肖貌稔惡,欺裴武於得位之後,囚昌朝於 授節制於舊疆,齒勳賢於列位。 內外以事君之禮,叛而必誅;分土之儀,專則有辟。股念其先祖嘗有茂勳,貸以私恩,抑於 軍趙萬敵爲神策先鋒將,內官宋惟澄、曹進玉、馬朝江等爲行營館驛糧料等使。 公議。使臣旁午以告論,孽童俯伏以陳誠,願獻兩州,期無二事。 股亦收其後効,用以曲全, 十一月癸卯朔,浙西蘇、潤、常州旱儉,賑米二萬石。甲子,河南尹杜康卒。己巳,彰義 己丑,詔軍進討,其王武俊、士眞墳墓,軍士不得樵採,其士平、士則各 況德、棣本非成德所管,昌朝又是承宗懿親,俾撫近鄰,斯 癸巳,以册儲,肆赦繫囚 京兆尹許

以陝虢

軍節度使、檢校司空、同平章事吳少誠卒。 十二月壬申朔,以戶部侍郎張弘靖爲陝府長史、陝虢觀祭陸運等使,賜金紫。

本

紀第十四

癥 宗 上

觀察使房式爲河南尹。 中丞李夷簡奏:「諸州府於兩稅外違格科率、請諸道鹽鐵、 轉運、度

支 巡院祭訪報臺司,以憑舉奏。」從之。

五 |年春正月壬寅朔。 己已,浙西觀察使韓皐以杖決安吉令孫獬致死,有乖典法,

月俸料。

王官爵士無例輒改,從之。東臺監察御史元稹攝河南尹房式於臺,擅令停務,貶江陵府士 二月辛未朔。戊子,禮院奏東宮殿閣名及宮臣姓名,與太子名同者改之,其上臺官列、

光察節度留後。甲子,大風折木。丁卯,宰相于頔請依杜佑例一月三朝,從之。 尙書、廣州刺史、嶺南節度使。己未,制以遂王宥爲彰義軍節度使,以申州刺史吳少陽爲申 夷簡爲戶部侍郎、判度支,以兵部侍郎王播爲御史中丞。癸巳,以太子賓客鄭絪檢校禮部 三月辛丑朔,宰相杜佑與同列宴於樊川別墅,上遣中使賜酒饌。 乙巳, 以御史中丞李

縣,建州置將樂縣。 度使盧從史,載從史送京師。丁亥,河東范希朝奏破賊於木刀溝。 夏四月庚午朔。癸酉,戶部尙書李元素卒。甲申,鎭州行營招討使吐突承雅執昭義節 壬申,以昭義都知兵馬使、潞州左司馬烏重胤爲懷州刺史、河陽三城懷 福州復置侯官、長樂二

州節度使,以河陽節度使孟元陽爲潞州長史、昭義軍節度、澤潞磁邢洛觀察使。 戊戌,貶前

昭義節度使盧從史爲驩州司馬。

五月庚子朔。乙巳,昭義軍三千人夜潰奔魏州。 右神策軍使段祐卒。 庚申, 吐蕃使

論思即熱朝貢,并歸鄭叔矩、路泌之柩。

百兩; 赋。 癸巳,應給食實封例,節度使兼宰相,每食實封百戶,歲給八百端匹,若是絹, 六月庚午朔。戊寅,以太府卿李少和爲洪州刺史、江西觀察使。 節度使不兼宰相, 每百戶給四百端匹公司,軍使諸衞大將軍, 溪、 迴 紇、 每百戶給三百五十 室章寇振 加給綿六

端匹。 李師道 乃歸 招討非其人,諸軍解體,而藩鄰觀望養寇,空爲逗撓,以弊國賦。而李師道、劉濟亟請昭雪, 韶昭洗王承宗,復其官爵,待之如初。 諸道行營將士,共賜物二十八萬四百三十端匹。 時 罪盧從史而宥承宗,不得已而行之也。幽州劉濟加中書令,魏博田季安加司徒,淄青 秋 加僕射,並以罷兵 七月己亥朔。 庚子,王承宗遣判官崔遂上表自首,請輸常賦,朝廷除授官吏。丁未, 加賞也。 乙卯, 幽州節度使劉濟爲其子總鴆死。 庚申,以虔州刺

八月乙巳朔。 本 紀 第 + 74 乙亥,上顧謂宰臣曰:「神仙之事信乎?」李藩對曰:「神仙之說,出於道 鰵 宗 上

史馬總爲安南

都護、本管經略使。

帝服胡 家; 秦始皇遣方士載男女入海求仙,漢武帝嫁女與方士求不死藥,二主受惑,卒無所得。 者,但務求理,四 浙西 起居舍人裴度爲司封員外郎、 所宗老子 僧長生藥,遂致暴疾不救。 觀察使, 五 [海樂推,社稷延永,自然長年也。] 上深然之。 一千文爲本。 以常州 刺史李遜 老子指歸,與經無異。 爲越州刺史、 古詩云:『服食求神僊,多爲藥所誤。』誠哉是言也。 知制誥。 癸巳, 浙東觀察使。 後代好怪之流,假託老子神仙之說。 以鄧州刺史崔詠爲邕州刺史、本管經 以浙東觀察使薛苹爲潤州刺 以都官郎中章貫之爲中書舍 君 故

略使。 州長史,充幽州盧龍軍節度使。 夫、守太常卿、上柱國、襄武縣開國侯、 上宥之,降承璀爲軍器使。 丁卯,翰林學士獨孤郁守本官起居,以妻父權德興在中書,避 九月戊戌朔。 辛亥,以吐突承璀復爲左軍中尉。諫官以承璀建謀討伐無功,請行朝典。 乃以內官程文幹爲左軍中尉。 癸亥, 賜紫金魚袋權德輿可守禮部尙書、同中書門下平章 以兵部尚書高郢爲右僕射致仕。 壬戌,以瀛州刺史劉總起復受幽 嫌 也。 丙寅, 制以正議大

平大長公主薨。庚辰,宰相裴垍進所撰德宗實錄五十卷,賜垍錦綵三百匹、銀器等,史官蔣 武、韋處厚等預賜有差。辛巳,定州將楊伯玉誘三軍爲亂, 多十月戊辰朔,以京兆尹許孟容爲兵部侍郎,以中丞王播代孟容,又以呂元膺代播。昇 拘行軍司馬任迪簡。 別將張佐

五 元 殺 軍 位上 節 度 觀察、北平軍 迪簡謀歸朝,三軍懼,乃殺佐元。 一等使。 甲午,以前義武軍節度、檢校太尉、 壬辰, 制以迪簡檢校工部尚書、 兼太子太傅、 定州長史,充義 同平章事張

茂昭 檢校太尉、兼中書令、河中尹 , 充河中晉絳慈隰節度使。

侍郎、 代州 薨。 使撫勞之。 軍 伊愼 一承宗虜之,囚於鎭州,至是歸朝故也。 庚戌,以前 刺 + 平章事 降爲右 史阿跌 月戊戌朔,浙西奏當鎭舊 裴垍爲兵部尚書。 光進 衞 河中節 將軍 (為單于大都護、 ,以行略三十萬與中尉第五從直 度使王鍔檢校司空、兼 以前保信軍 1有丹陽軍,今請倂爲鎭海軍,從之。 振武麟勝節度度支營田 丙寅, 節 太子太傅、太原尹、北都留守、 度使、 吏部郎中柳公綽獻太醫箴 徳州 求爲 刺史薛昌朝爲右武 觀察押蕃落等使。 河東節度故也。 庚子, 上深喜納, 河 右金吾衞 衛將 東 甲 庚 莀, 節度使。 中 ,以中 軍 會王 遣中 大 前 以 將 爲 書 纁

元膺 爲刑 准 南 八夫蔣武 爲 部侍郞,充諸道鹽鐵轉運使。 節度使。 十二月丁卯朔。 鄂州 刺史、 請改名乂。 以河南尹房式爲宣州刺史、宣歐池觀察、采石 鄂黃岳沔蘄安黃等州觀察使。 癸酉,諸道 以吏部侍郎崔邠爲太常卿 鹽鐵轉運使、 壬午,以吏部郎中柳公綽爲御 刑部尚書李鄘 以鄂岳觀察使都士美爲河南尹。 軍等使。 檢校吏部 史中丞。 尚書, 以前宣歙觀察使盧 以前 兼揚府 御 史中 長 新授諫 、史,充 丞呂 坩

本

察等州觀 翻譯大乘本生心地觀音經。 六 、年春正月丙寅朔。 際祭使。 敕諫議大夫孟簡、給事中劉伯芻、 丙申,以彰義軍留後吳少陽檢校工部尚書, 庚申,以淮南節度使、中書侍郎、同平章事、趙國公李吉甫復知 工部侍郎歸登、 右補闕蕭倪等於豐泉寺 充彰義軍節度、申光

政事、集賢殿大學士、監修國史。

節度使, 觀察使。 事, 故罷藩相位。 二月丙寅朔。 以右丞衞次公爲陝府長史、陝虢觀察使。以中書舍人、翰林學士李絳爲戶部侍郎。 己丑,忻王造薨。 丙子,河中節度使、檢校太尉、中書令張茂昭卒。 壬申,門下侍郎、同平章事李藩爲太子詹事。 。癸巳,以陝虢觀祭使張弘靖檢校禮部尙書、河中尹、晉絳慈等州 藩與吉甫不叶, 以太府卿裴次元爲 吉甫既 福建 用

以京畿民貧,貸常平義倉粟二十四萬石,諸道州府依此賑貸。

校右僕射嚴綬爲江陵尹、荆南節度使。 三月乙未朔,以河南尹都士美檢校工部尚書,兼潞府長史、昭義軍節度使。丁未,以檢 河東舊使錫錢,民頗爲弊,宜於蔚州置五鑪鑄錢。乙

卯,畿內軍鎮牧放,駙馬貴族略獲,並不得帶兵仗, 恐雜盜也。

午,以戶部侍郎、判度支李夷簡檢校禮部尙書、襄州大都督府長史、山南東道節度使;以刑 夏四月乙丑朔。戊辰,兵部尚書裴垍爲太子賓客。 以諫議大夫裴堪爲同州防禦使。庚

房。 改法已前四倍擡估,虛錢一千七百四十六萬三千七百貫。除鹽本外,付度支收管。從之。辛 奏:江淮河嶺已南、兗鄲等鹽院,元和五年都收賣鹽價錢六百九十八萬五千五百貫。校量未 使;以福建觀察使元義方爲京兆尹。 部侍郎、鹽鐵轉運使盧坦爲戶部侍郎、判废支;京兆尹王播爲刑部侍郎,充諸道鹽鐵轉運 以前荆南節度使趙宗儒爲刑部尙書。東都留守鄭餘慶爲兵部尙書,依前留守。 癸酉,以張茂昭家妓四十七人歸定州。 己卯, 月近

子,以振武節度阿跌光進夙彰誠節, 、部尙書、鳳翔尹、隴右節度使。丙午,前山南東道節度使、檢校左僕射、平章事裴均卒。壬 五月甲午朔,取受王承宗錢物人品官王伯恭杖死。庚子,以左金吾衞將軍李惟簡檢校 久立茂勳,宜賜姓李氏。弟洛州刺史光顏,已從別敕

卯,戶部奏置巡官。

六月甲子朔,减教坊樂人衣糧。丁卯,中書門下奏:

入色役,不歸農桑者,又十有五六。 國家自天寶已後,中原宿兵,見在軍士可使者八十餘萬。其餘浮爲商販,度爲僧道,雜 官省則事省, 今內外官給俸料者不下一萬餘員,其間有職出異名,奉離本局,府寺曠廢,簪 事省則人淸;官煩則事煩,事煩則人濁。淸濁之由,在官之煩省。 則是天下常以三分勞筋苦骨之人,奉七分坐衣待

本

組 置,吏員可倂省者倂省之,州縣可倂合者倂合之,每年入仕者可停減者停減之。 利廣而易求,官少而易理,稍減冗食,足寬疲甿。 廣,所制全輕。 理。今天下三百郡,一千四百縣。故有一邑之地,虚設羣司,一鄕之甿,徒分縣職,所費 安得不煩。 有名存職廢,額去俸存,閑劇之間,厚薄頓異。 將爲永式,須立常規。 於是增置使額,厚請俸錢。故大曆中權臣月俸有至九千貫者,列郡刺史無大小給皆千 三十千,其餘職田祿米,大約不過千石,自一品以下,多少可知。 艱難已來,禁網漸弛, 因循者甚衆。 常衮爲相,始立限約,至李泌又量其閑劇,隨事增加,時謂通濟, 漢初置郡不過六十,文景醲化,百王莫先,則官少不必政紊,郡多不 伏請敕吏兵部侍郎、郎中、給事中、中書舍人各一人,錯綜利病,詳定廢 況斂財日寡而授祿至多,設官有限而入色無數, '又國家舊章,依品制俸,官一品月俸 九流安得不雜, 理難減削。然猶 萬物 此則 必事

從之。 甲申,以御史中丞柳公綽爲湖南觀察使。 乃命給事中段平仲、中書舍人章貫之、兵部侍郎許孟容、戶部侍郎李絳等詳定減省。 丁亥,太白近右執法。戊子,賜御史中丞竇易直

秋 七月癸巳朔,尚書右僕射致仕高郢卒。 庚申, 贈銀青光祿大夫、太子賓客裴垍太子

少傅。

緋魚袋。

以備水旱賑貸。」從之。 八月癸亥朔,戶部侍郎李絳奏:「諸州闕官職田祿米,及見任官抽一分職田, 、乙丑,以天德軍防禦使張煦爲夏州刺史、夏綏銀等州節度使。丁 請所在收

卯, 荆南先制永安軍,宜停。 辛巳,以常州刺史崔芃爲洪州刺史、江西觀察使。

投獄請罪。特敕冤死,決杖一百,配流循州。職方員外郎韓愈獻議執奏之。 九月癸巳朔,以蜀州刺史崔能爲黔中觀察使。 戊戌,富平縣人梁悅爲父復仇,殺秦杲, 減諸司流外總一

千七百六十九人。

貶 黔中觀察使 竇 羣爲開州

刺史,以爲政煩苛,辰、錦二州蠻叛故

軍使。 效。 貫。又諸道都團練使,足修武備以靖一方;而別置軍額,因加吏祿,亦旣虛設,頗爲浮費。思 部尚書韓阜爲東都留守,判東都尚書省事。 去煩以循本,期省事以便人。 多十月,以前夏州節度使李愿檢校兵部尚書、徐州刺史,充武寧軍節度使。 運 以東都留守鄭餘慶爲吏部尙書。 )重務,專委使臣,每道有院,分督其任;今|陝路漕引悉歸|中都,而尹守職名尙仍舊 其河南水陸運、陝府陸運、潤州鎮海軍、宣州采石軍、越州義 己巳,詔:「殷於百執事、羣有司,方澄源流,以責實 以太子詹事李藩爲華州刺史、潼關 防禦、鎭國 戊辰,以戶

勝軍 ·Clab、洪州南昌軍Clab、福州靖海軍等使額,並宜停。 所收使已下俸料一事已來,委本道

代百姓闞額兩稅,仍具數奏聞。」戊寅,詔:

本紀

第

十四四

憲宗上

王 |者之牧黎元也,愛之如子,視之如傷。 苟或風雨不時, 稼穡不稔, 則必除煩就

之制猶廣。 簡,惜力重勞,以圖便安,以阜生業。 況邦畿之內,百役所叢,雖勸卹之令亟行,而供億 或徇利以剝下,吐剛而茹柔,使閶井咸安,惸嫠獲濟。各勉忠孝,宜悉朕懷。 尹京宰邑之臣,實爲親人阜俗之寄,必當詢其疾苦,奉我詔條。恤隱爲心,無怠於事,罔 于太倉請受。遭水旱處,通計所損,便與除破,不得檢覆。爲理之本,在乎安人。 外牽王徭,豈惟轉輸之虞,慮有餒殍之患。斯蓋理道猶鬱,和氣未通,永言於茲,良所 百官職田,其數甚廣,今緣水潦,諸處道路不通,宜令所在貯納,度支支用,令百官據數 今春所貸義倉粟,方屬歲饑,容至豐熟歲送納。 京兆府每年所配折糶栗二十五萬石宜放。於百姓有粟情愿折納者,時估外特加 重以經夏炎嘆,自秋霖澍,南畝虧播植之功,西成失豐登之望。內乏口食, 元和五年已前諸色逋租並放。 容爾

丙戌,以諫議大夫孔戣爲皇太子諸王侍讀。

十一月壬辰朔。癸巳,新授華州刺史李藩卒。 乙巳,以工部尚書趙昌檢校兵部尚書,

**兼華州刺史,充潼關防禦、鎭國軍等使。** 

郎、守尙書戶部侍郎、驍騎尉、賜紫金魚袋李絳爲朝議大夫、守中書侍郎、同中書門下平 尹元義方、戶部侍郎判度支盧坦以違令立戟,罰一月俸,收奪所請門戟。已丑,制以朝義 十二月癸亥朔。壬申,詔委宗正卿選人門嫁十六宅諸王女,仍封爲縣主。甲申, 京兆

#### 章事。

無太子薨禮,國子司業裴茝精禮學,特賜於西內定儀。 **閏十二月辛卯朔,右衞上將軍伊愼卒。** 辛亥,皇太子寧薨,諡曰惠昭,廢朝三日。 國典

### 校勘記

- (1) 尚書左丞 「左丞」,各本原作「右丞相」,據本書卷一三五章執誼傳、新書卷七順宗紀改。
- (三) 臨淮郡王洵 「洵」字局本作「詢」,餘各本均作「涧」,據本書卷一五〇激王縱傳改。
- [三] 是用法皇王至公之道 「法」字各本原無,據御覽卷一一三補。 唐大韶令集卷三〇作「舉」字。

「清」字各本原作「青」,據本書卷四〇地理志、寰宇記卷九五、冊府卷三改。

(語) 令兩人待制 「制」字各本原無,據冊府卷一〇七、新書卷七憲宗紀補。 (18) 清溪縣

- [\*] 建安郡王 「建」字各本原作「延」,據本書卷一六穆宗紀、唐會要卷一改。
- (中) 惠宣 「宣」字各本原無,據本書卷九五、惠宣太子業傳補。
- 張子良 下同 「子」字各本原作「文」,據本書卷一一二李國貞傳、御覽卷一一四、通鑑卷二三七改。
- 本紀第十四 校勘記(4)天下兵戎 计记史商榷卷七四云:"戎當作戍"。

8 浙西 各本原作「浙江」,據本卷下文及本書卷四〇地理志改。

加那 其送印及呈孔目唱案授案 各本原作「郝玭」,據本書卷一五二郝班傳、新書卷一七〇高固傳、 「及」字各本原爲闕文,據唐會要卷五七補。 通鑑卷二三七改。下

同。

 $\stackrel{ ext{d}}{=}$ 

吕 爲南韶王 聞本無「王」字,餘各本原皆作「等爲王」,今據唐會要卷九九改。

王佖 各本原作「王泌」,據本書卷一三三李晟傳、新書卷一五四李晟傳改。

呈 仍令士則各襲武俊之封 册府卷一六五作「其武俊實封仍特賜士則承襲」。

公公 四二端四四二 「四」「端」二字各本原無,據冊府卷五〇七補

읈 글 南昌軍 義勝軍 「軍」字各本原作「府」,據唐會要卷七八、新書卷四一地理志改。 「勝」字各本原作「成」,據唐會要卷七八、新書卷四一地理志改。

# 書卷十

## 本紀第十五

### 憲宗下

州盈川縣。 節 觀察使,以司農卿李銛爲京兆尹。 腹使。 元和七年春正月辛酉朔。己巳,以刑部尚書趙宗儒檢校吏部尚書、興元尹、山南 庚午,以兵部尚書王紹判戶部事。 癸酉,振武河溢,毀東受降城。 是夜,月掩熒惑。 辛未,以京兆尹元義方爲鄜州刺史、鄜坊丹延 壬申,廢信州永豐縣、越州山陰縣、

西

衢

私 河 + 南尹。 覿。 ·四萬石,並宜放免。 二月庚寅朔。 舊使絕 辛亥,山南 域 (者, 許賣正員官十餘員, 取貨以備私觀, 壬辰, 韶以去秋旱歉, 賑京畿粟二十萬石, 其元和六年春賑貸百姓粟二 西道節度使裴玢卒。 辛丑,尚書省重定左、右僕射上事儀注。 癸丑, 入蕃使不得與私覿正員官, 雖優假遠使, 壬寅,以兵部侍郎許孟容爲 殊非典法,故革之。 量 別 支給以充

本

紀

第

+

五

鰵

宗 下

四四四

敕:「錢重物輕,爲弊頗甚。 詳求適變,將以便人。 所貴緡貨通行, 里閻寬恤。 宜令零臣各

隨所見利害狀以聞。」

三月己未朔。辛酉,以惠昭太子葬,罷曲江上巳宴。庚午,以旱,敕諸司疏決繫囚。

辛亥,鹽鐵使王播奏元和六年賣鹽鐵,除峽內井鹽外,計收六百八十五萬九千二百貫。 夏四月戊子朔。癸巳,敕天下州府民戶,每田一畝,種桑二樹,長吏逐年檢計以聞。

臣。 小臣言間之。 至爲災,人非甚困。」李絳對曰:「臣得兩浙、淮南狀,繼言歉旱。 方不稔,即宜賑救,濟其饑寒,況可疑之也!向者不思而有此問,朕言過矣。」絳等拜賀。 御史非良,或容希媚,此正當姦佞之臣。況推誠之道,君人大本,任大臣以事,不可以 五月戊午朔。 庚申,上謂宰臣曰:「卿等累言吳越去年水旱,昨有御史自江淮迴, 伏望明示御史姓名, 正之典刑。」上曰:「卿言是也。 方隅授任,皆朝廷信重之 朝廷大體,以恤 人爲本,

岐國公杜佑爲光祿大夫、守太保致仕,宜朝朔望,佑累表懇請故也。己亥,月近南斗魁第四 入浮塘陂。 鎭州甲仗庫一十三間災,兵仗都盡。 六月丁亥朔 癸巳,以金紫光祿大夫、守司徒、同平章事、崇文館大學士、太淸宮使、上柱國 舒州 .桐城梅天陂內,有黃白二龍,自陂中乘風雷躍起,高二百尺,行六里, 王承宗常畜叛謀,至是始懼天罰,兇氣稍奪,仍殺

癸亥,熒惑近太微右執法。

卯,以新羅大宰相金彥昇爲開府儀同三司、檢校太尉、使持節、大都督雞林州諸軍事、雞林州 主 庫更百餘人。乙丑,以兵部員外郎王涯知制誥。乙亥,制立遂王宥爲皇太子,改名恆。己

刺史,兼寧海軍使、上柱國,封新羅國王;仍册彥昇妻貞氏爲妃。

轉改。 年冬季 爲宣歙觀察使。戊申、制:「諸州府五品已上官替後,委本道長官量其才行、官業、資歷,每 使田季安卒。辛丑,廢蓬州宕渠縣。甲辰,宣歙觀察使房式卒。丙午,以蘇州刺史范傳正 軍薛平爲滑州刺史、義成軍節度使。 元授官月日計,如是五品已上官及臺省官,經三十箇月外,任與轉改; 餘官經三十六箇月奏 八月丁亥朔,新除新羅國大宰相金崇斌等三人,宜令本國准例賜戟。 如未經考便有事故及停替官,本限之外更加十箇月,卽任申奏。」辛亥,以左龍武大將 一度聞薦。其罷使郎官、御史,許朝臣每年冬季准此聞薦。諸使府參佐、檢校官,從 戊戌,魏博節度

使、 青光祿大夫、檢校工部尚書,兼魏州大都督府長史,充魏博節度使。 旷 頓仆於地,軍衆不散。 知軍 多十月乙未,魏博三軍舉其衙將田興知軍州事。時田季安死,子懷諫年十一,爲副大 卽 H 府事、軍政一 1移懷諫於外,令朝京師。 決於家僮蔣士則,數易大將,軍情不安。 興日:「欲聽吾命,勿犯副大使。」衆曰:「諾。」但殺蔣士則等十數 甲辰,以魏博都知兵馬使、兼御史中丞、沂國公田興爲銀 因田興入衙,兵環而劫請,興 庚戌,澧王寬改名惲 入而

深王察改名悰, 尚 洋王寰改名忻,絳王寮改名悟,建王審改名恪〔〕。 以鄭滑節度使袁滋爲戶

副使 部尚書鄭餘慶請復置吏部考官三員, 人祇考及第科目人,其餘吏部侍郎自定。 畫工圖之以獻。 東川觀察使潘孟陽奏龍州武安縣嘉禾生,有麟食之。麟之來,羣鹿環之,光彩不可正視。使 囚徒。」及度至魏州,田興禮待甚恭,仍請度至六州諸縣宣達朝旨。辛未,太保致仕杜佑卒。 三軍賞錢一百五十萬貫,以河陰院諸道合進內庫物充。 田 慢懷 (諫爲右監門衞將軍,賜宅一區、芻粟等。 月丙辰朔。 乙亥,以給事中李逢吉、司勳員外郎李巨並充皇太子諸王侍讀。 乙丑,詔:「田興以魏博請命,宜令司封郎中、知制誥裴度往彼宣慰,賜 吏部郎中楊於陵執奏以爲不便。 己卯, 江西觀察使崔芃卒。 甲申,以同州刺 六州百姓給復一年,兼赦管內見繫 史裴堪爲江西觀察使。 辛巳,以前 乃韶考官章顕等三 魏博節 戊寅,吏 度

官員二百五十三員,請吏部銓注。 禮 會院,貶國子主簿分司。 月丙戌朔,以吏部尙書鄭餘慶爲太子少傅。 戊戌, 以京兆尹裴向爲同州防禦使。 丙辰,· 左拾遺楊歸厚以自娶婦,進狀 己亥,魏博奏管內州縣

八年春正月乙卯朔。 庚午,册大言義爲渤海國王,授秘書監、忽开州都督。 辛未,制以

TF. 議 以山南 大夫、守禮部尙書、同平章事、上柱國、扶風郡開國公權德興守禮部尙書,罷知政事。癸 東道節度使李夷簡檢校戶部尚書、成都尹 , 充劍南 西川節度使。 以戶部尚書遠

滋檢校兵部尚書、襄州刺史,充山南東道節度使。

書 梁正言,及交構權貴僧鑒虛,並付京兆府杖死。 發,頗與男季友素服待罪。貶頗恩王傅。 略三十卷,又爲十道州郡圖五十四卷。 檢校吏部尚書、兼門下侍郎、同平章事、上柱國、臨淮郡開國公、食邑二千戶武元衡復入中 在家修省。贊善大夫于正、秘書丞于方並停見任、皆順之子也。 于季友誑罔公主,藏隱內人,轉授兇兄,移貯外舍,傷風黷禮,莫大於茲,宜削奪所任官, 丙 1子,大風壞崇陵寢殿鴟尾,折門戟六。 知政事、兼崇玄館大學士、太淸宮使。 月乙酉朔。 辛卯,田興改名弘正。 宰相于頔男太常丞敏專殺梁正言奴, 辛未,上以久旱,親於禁中求雨,是夜, 宰相李吉甫進所撰元和郡國圖三十卷,又進六代 于敏長流雷州,錮身發遣。殿中少監、駙馬都尉 甲子,以劍南西川節度使、 捕獲受于頔路爲致出鎭人 銀青光祿大夫、 棄滷中。 澍雨霑足。

略 夏四 鄜坊觀察使元義方卒。 月癸未朔。 丙戌,以錢 重貨輕 乙酉, 以邕管經略使房啓爲桂管觀察使,以開州刺史竇羣爲邕管經 出庫錢五十萬貫, 令兩常平倉收市布帛, 辛卯,以將作監薛伾爲鄜坊觀察使。 乙未,長安西市豕生三 每段 匹於舊估 加十

本紀

第十五

憲宗下

賜魏博田

.弘正錢二十萬貫,收市軍糧。

庚申,河中尹張弘靖奏修古舜城

錢與黃 耳八足二 成裳男載 尾。 僧 鑒虛爲高崇文納賂四萬五千貫與宰相杜黃裳,共引致人永樂縣令吳憑,付 敕吳憑配流昭州,黃裳、崇文已薨歿, 所用錢不須勘問, 杜載釋放。

各奉韶令進舊詩。 宮人二百車,任從所適,以水災故也。 武軍節度使。 來。」乙酉,工部尚書致仕襲佶卒。 六月辛巳朔。 庚寅,京師大風 時積 雨, 延英不開十五日。 (雨,毀屋飄瓦,人多壓死。 所在川瀆暴漲,行人不通。 丙戌,以東都留守韓皐檢校吏部尚書,兼許州刺史,充忠 壬寅,宰臣武元衡李吉甫李絳、舊相鄭餘慶權德興 是日, 上謂宰臣曰:「今後每三日, 辛 雨 主,出 亦對

張動爲安南都護、本管經略招討使。 矣。」上怒,杖吏部令史,罰郎官,啓亦卽降之。以安南都護馬總爲桂管觀察使,以江州刺史 城,開複道以通行幸。 進爲靈州大都督府長史、靈武節度使。 初拜|桂管,|啓吏賂吏部主者,私得官告以授||啓。俄有詔命中使賷告牒與||啓,曰:「受之五 秋七月辛亥朔。 癸丑, 是夜,月近五諸侯。丁丑,新授桂管觀察使房啓降爲太僕少卿。 以權德興檢校吏部尙書、東都留守。 鄭坊觀察使薛伾卒。 癸酉, 命中尉彭中獻修興唐觀, 壯其規制, 丁卯,以振武節度使李光 北拒 日

八月辛巳朔。癸未,以蘄州刺史裴行立爲安南都護、本管經略招討使,以張勔耄年也。

丁亥, 宜甄獎。 以 司農卿裴武爲鄜坊觀察使。 甲午,太白近軒轅。 辛丑,以東川節度使潘孟陽爲戶部侍郎、判度支,盧坦爲梓州 庚寅, 韶毀家徇國故徐州刺史李洧等一十家子孫,並

刺史、劍南東川節度使。 乙巳,廢天武軍,併入神策軍

紫。 府, 分。 入,翰林草制,謂之白麻。 前代美政,量其遠邇,亦有便宜。今後兩京、關內、河南、河東、河北、淮南、山南東西道州 丑,詔:「比聞嶺南五管幷福建、黔中等道,多以南口餉遺,及於諸處博易,骨肉離析,良賤難 除大辟罪外,輕犯不得配流天德五城。」戊辰,以給事中寶易直爲陝號防禦使, 此後嚴加禁止,如違,長吏必當科罰。」淮西吳少陽獻馬三百匹。 壬申,以恩王傅于頔爲太子賓客。 九月庚戌朔。 丙辰(三),淄青李師道進鶻十二,命還之。戊午, 至佖,奏罷中書草制,因爲例也。 。以前朔方靈鹽節度使王佖爲右衞將軍 。太常習樂,始復用大鼓。 丙寅,詔:「減死戍邊, 賜羣臣宴於曲江。 ·(E)° 將相出 仍賜金

申,以大雪放朝,人有凍踣者,雀鼠多死。戊戌,以神策普潤鎭使蘇光榮爲涇州刺史、四鎭 蘄安黃觀察使。 北庭行軍涇原節度使。 多十月庚辰朔。 以宗正少卿李道古爲黔中觀察使,以蘇州刺史張正甫爲湖南觀察使。 辛卯,涇原節度使朱忠亮卒。壬辰,汴州韓弘進所撰聖朝萬歲樂譜(書),共 己丑,熒惑近太微西垣南首星。 庚寅,以湖南觀察使柳公綽爲岳鄂沔 翰林學士、司封員外郎韋弘景守本官,以草光榮韶漏敍功勳故也。

本

紀

+

Ŧī.

憲宗

下

壬辰, 振武奏迴紇千騎至鸊鵜泉。

昭義郗士美奏諸軍就食于臨洺。 至豐州,初置八驛。 十一月庚戌朔。丙辰,以福建觀察使裴次元爲河南尹。 丁卯,以泗州刺史薛謇爲福建觀察使。 京畿水、旱、霜,損田三萬八千頃。 右龍武統軍劉昌裔卒。癸酉, 丙寅,以鹽州隸夏州。 自夏州

度使。 收管。」敕:「張茂昭立功河朔、舉族歸朝、義烈之風,史册收載。 南北長十四里,東西闊六十步,深一丈七尺,決舊河水勢,滑人遂無水患。 **張煦代進賢,率兵二千赴鎭,許便宜擊斷。** 寅,以夔州刺史馬平陽爲邕管經略使。振武軍亂,逐其帥李進賢,屠其家。乃以夏州節度使 丙戌,以<u>桂管觀察使馬總爲廣州刺史、嶺南節度使,以邕管經略使</u>崔詠爲<u>桂管觀察使</u>。 追 王公、公主、百官等莊宅、碾磑、店鋪、車坊、園林等,一任貼典貨賣,其所緣稅役,便令府縣 懷舊勳,特越常典,宜歲賜絹二千匹,春秋二時支給。」羣臣上表,請立德妃郭氏爲皇后。 十二月庚辰朔,以京兆尹李銛爲鄜坊觀察使,以代裴武入爲京兆尹。辛巳, 以河溢浸滑州羊馬城之半,滑州薛平、魏博田弘正徵役萬人,於黎陽界開古黃河道 丙午,以金吾衞將軍田進爲夏州刺史、夏綏銀節 如聞身歿之後,家無餘財, 敕:「應賜 庚

九年春正月己酉朔。 乙卯,大霧而雪。 李吉甫累表辭相位,不許。 乙亥,張煦入單于

都護府,誅作亂軍士蘇國珍等二百五十二人。

粟,赈常平義倉粟三十萬石。 賢爲通州刺史,監軍路朝見配役于定陵公司。丁未,詔以歲飢,放關內元和八年已前逋租錢 大夫、守中書侍郎、同平章事、上柱國、高邑男李絳守禮部尚書,累表辭相位故也。 月己卯朔,戶部侍郎、判度支潘孟陽兼京北五城營田使。丁丑,貶前振武節度使李進 丙申,賜振武軍絹二萬匹。 丁酉,月近心大星。 癸卯,制朝議

棠棣男損、前昭應令杜式方男悰見于麟德殿前,各賜緋,許尙公主。 校右僕射、興元尹、山南西道節度使,代趙宗儒爲御史大夫。丁卯,隕霜殺桑。召大理卿裴 來,授書與吏部侍郎楊於陵,使爲己輔。於陵執之以告,殺之。辛酉,以太子少傅鄭餘慶檢 三月己酉朔。 丙辰,巂州地震,晝夜八十震,壓死者百餘人。 庚申,妖人梁叔高自廣州

夏四月戊寅朔。庚寅,詔贈太師咸寧王渾瑊宜配享德宗廟庭。

以旱,免京畿夏稅十三萬石、青苗錢五萬貫。 隸 夏州觀察使。 五 一月丁未朔,以嶺南節度使鄭絪爲工部尙書。 是月旱,穀貴,出太倉粟七十萬石,開六場糶以惠飢民。 庚申,移宥州於經略軍,郭下置延恩縣, 乙丑,桂王綸薨。

庚辰,以義武軍節度副使渾鎬檢校工部尚書,兼定州大都督府長史,充義武軍節度使、易定 六月丙子朔。 戊寅,以天德軍經略使周懷乂卒,廢朝一日。經略使廢朝,自懷乂始也。

本紀第十

五

憲宗下

禦押蕃 鎭 觀察使、 國 軍等使。 落等使。 北平 軍等使。 壬寅, 乙未,置禮賓院於長興里之北。 制河中晉絳慈隰等州節度使張弘靖守刑部尙書、同中書門下平章 丙戌, 以左龍武將軍燕重旰爲豐州 丙申,以左丞孔戮爲華州刺 刺史、 天德 軍豐州 史、潼關防禦 西城中城都防

節 度使。 秋 七月丙午朔。 戊辰,以太子司議郎杜悰爲銀青光祿大夫、殿中少監、駙馬都尉,尚岐陽公主 乙未, 以御史大夫趙宗儒檢校尚書右僕射, 兼河中尹 、河中晉絳等州

田 郎 中章 閨 一般爲 月乙巳朔。 為皇太子 ,諸王 辛酉, 一侍讀。 以 河陽節度使烏重胤兼汝州 己巳,加田 弘正檢校右僕射,賞三軍錢二十萬 刺 史。 壬戌,以中書舍人王涯、屯 貫

乃焚 史、 節 王 鍔 度使袁滋檢校兵部 Ш 檢 劫 九 南 月 舞 校 東道節度使。 陽 甲 冒 空、同平 等四縣。 戌 (朔, 以洺州 章事 尚書, 朝 己丑 延遣 丁,以給 刺 史李光顏爲陳州 使用 月掩 兼江 事 中孟 祭,拒 軒轅。 陵 争 簡 、荆南 而不納。 為越州 淮 西 節度使。 刺史、忠武 節 刺 度使吳少陽卒, 壬辰, 史、 以荆 浙東觀察使,贈 真臘國 軍 都知兵馬使。 南節 朝貢。 度使嚴緩檢校 其 子 元濟 吳少陽 戊戌, 丙戌, 匿 喪 尚書右 加 司 河東 以 空、 自總兵柄 Щ 、襄州 南 僕 節度使 東道 射 刺

軍節度使韓阜爲吏部尚書,以忠武軍節度副使兼陳州刺史李光顏爲許州刺史、忠武軍節度 柱 國 趙國公李吉甫 卒。 甲寅, 以刑部 員外郎令狐楚為職方員 外 郎、 知 制 誥。 壬 戌, 以忠 武

十月甲

莀

朔。

丙

午,

金紫光祿大夫、中書侍

鄓、

同平

章事

工集賢

大學士、監修國

史、上

常侍崔潭峻爲監軍。 使。 旗甲與方鎭同,及元膺受命,不賜。諫官援譁、汝、壽三州例有賜,居守之重,不宜獨闕,上 思去三面之羅,庶瓊兩階之義。宜以山南東道節度使嚴緩兼充申光察等州招撫使。」仍命內 食,意屬於此。 曰:「此三處亦宜停賜。」 甲子,制:「朕嗣膺寶位,于茲十年。 今准西一道,未達朝經,擅自繼襲,肆行寇掠。 戊辰,以尙書左丞呂元膺檢校工部尙書、東都留守。 每推至誠,以御方夏,庶以仁化,臻于太和,宵衣旰 將士等迫於受制,非是本心。 舊例,命留守賜

誥令狐楚爲翰林學士。 丞;以左金吾大將軍郭釗檢校工部尚書、邠州刺史,充邪寧節度使;以職方員外郎、知制 都護、振武麟勝等軍節度使。丁酉,太子太傅范希朝卒。戊戌,以中書舍人裴度爲御史中 月甲戌朔。甲申,以吏部尚書韓皐爲太子賓客。甲午,以御史中丞胡証爲單于大

中大夫、守尙書右丞、上騎都尉、賜紫金魚袋韋貫之本官同中書門下平章事。 癸丑,兵部尚書王紹卒。 十二月甲辰朔。丁未,振武節度使張煦卒。辛亥,邠寧節度使、檢校右僕射閻巨源卒。 己未,右羽林統軍孟元陽卒。 丙寅,太子少保趙昌卒。

十年春正 月癸 一酉朔。 乙酉, 宣武軍節度使韓弘守司徒,平章事並如故。 丙申, 嚴綬帥

本

紀第

+

五

癥宗

下

丽 次蔡州 己亥, 制削奪吳元濟在身官爵。 庚子,桂管奏移富州治於故 城。

秋將劉輔殺豐州刺史燕重旰。 各率師隸李光顏討賊。 月癸卯朔。 甲辰,嚴綬 辛亥, 軍爲賊所襲,敗於磁丘,退守唐州 以禮部尙書李絳爲華州潼關防禦鎭軍等使。 己巳,以羽林將軍李彙爲涇原節度 使。 田 弘正子布、 韓弘子公武 河東防

常卿 劍南 州 永州 將殺之。 米二萬四 司 崔邠 馬 司馬柳宗元爲柳州刺史,饒州司馬韓曄爲汀州刺史,朗州司馬劉禹錫爲播州 西川節度行軍司馬李程爲兵部郎中、知制誥。 三月壬申朔,以右金吾將軍李奉仙爲豐州刺史、天德軍 陳諫爲封州刺史。 自盜 禮部尙書。 千八百石、倉室五十五間。 火發河陰,人情駭擾。 李光顏破賊於南頓。 御史中丞裴度以禹錫母老,請移近處,乃改授連州刺史。 防院兵五百人營於縣南, 盜火發而不救, 壬戌,以長安縣令徐俊爲邕管經略使。 辛亥,盜焚河陰轉運院,凡燒錢帛二十萬貫匹、 乙酉,以虔州司馬韓泰爲潭州刺史,以 西城中城都防禦使。 呂元膺召其 刺史,台 己 贈故太 卯, 以

蔡,未立 五月辛 I,故以 一未朔。 戦 兼官寵之。 功。 辛巳,御史中丞裴度兼刑部侍郎。時度自淮 裴度使還,奏曰:「臣觀諸將,惟光顏見義能勇,必能立功。」至是告捷,京 丙申,李光顏大破賊黨於洄曲 自徵兵討賊,凡十餘鎭之師,環於 西行營宜慰還,所言軍機,多

師

:相賀,上尤賞度之知人。

遭 守御史中丞、兼刑部侍郎、飛騎尉、賜紫金魚袋。裴度爲朝請大夫、守刑部侍郎、同中書門下 從 |土則、王士平以盜名上言,且言王承宗所使,乃捕得張晏等八人誅之。 乙丑,制以朝議郎、 泣 元衡死數日,未獲賊。 「極言,上爲之憤歎。 加加 盗 金吾騎 ||於通化坊刺御史中丞裴度,傷首而免。是日,京城大駭,自京師至諸門加衞兵, 宰相導 乃積錢二萬貫於東西市。 六月辛丑朔。 ;士,出入則彀弦露刃,每過里門,訶索甚誼 癸卯,鎭州節度使王承宗遣盜夜伏於靖安坊, 兵部侍郎許孟容請見,奏曰:「豈有國相橫屍路隅,不能擒賊!」因灑 乃韶京城諸道,能捕賊者賞錢萬貫,仍與五品官, 京城大索,公卿節將複壁重轑者皆搜之。 ·,公卿持事柄者,以家僮兵仗自隨。武 刺宰相武元衡,死之;又 敢有蓋藏, 全家誅 庚戌,神策將士王

機,盈 兇残, 任,待以忠正之徒。 辱無畏。 定遠城節度觀察使。 秋 無所 而 七 自覆。 以其 月庚午朔, 顧 望。 (先祖 乃敢 推 一,嘗立忠勳,每念含容,庶聞悛革。 窮 輕肆指斥,妄陳表章 謂懷君父之恩,克勵人臣之節。 甲戌、韶:「成德軍節度使王承宗,自滌瑕疵,累加獎拔, 靈武節度使李光進卒。 辛未, 事 迹,罪狀昭明,周覽讞詞,良用驚歎。 ·,潛遣姦 人,內懷兵刃,賊殺元 以神策軍長武城使杜叔良爲朔方靈鹽 而動思棄命,恣逞非心, 傲狠 曾不知陰謀逆狀,久則逾彰; 宜令絕其朝貢 (輔, 毒傷憲臣, ,其所部博野 列在維藩之 反常,横 凶德

平章事

本

紀

第

+

Ŧī

度使。 官,羣臣皆請問罪。 等,並宜遠郡安置。」先是,承宗上表怨咎武元衡,留中不報。 樂壽兩縣本屬范陽, 乙未,以京兆尹裴武爲司農卿,以捕賊弛慢故也。 丙戌,經原節度使李彙卒,以將作監王潛爲**涇州刺史、四鎭北庭**涇原節 宜却隸劉總。 駙馬都尉王承系、太子贊善王承迪、 又肆指斥,上使持其表以示 丹王府司馬王承榮

流血 出 欲竊發焚燒宮殿而肆行剽掠。 丁未,淄青節度使李師道陰與嵩山僧圓淨謀反,勇士數百人伏於東都進奏院,乘洛城無兵, 入嵩岳, 八月己亥朔,日有蝕之。 山棚盡擒之。 訊其首, 丙寅,訶陵國遣使獻僧祗**僮及五色鸚鵡、頻伽**鳥拌異香名寶。 小將楊進、李再興告變,留守呂元膺乃出兵圍之,賊突圍而 僧圓淨主謀也。 僧臨刑歎曰:「誤我事,不得使洛城

九 月癸酉,以宣武軍節度使韓弘充淮西行營兵馬都統。 丁酉,以太子賓客韓皐爲兵部

尙書。

度使; 删定敕格三十卷,從之。 以右羽林將軍高霞寓爲唐州 ,十月庚子,始析山南東道爲兩節度, 壬子,以太子賓客于頗爲戶 刺史, 充唐隨鄧節 以戶部侍郎李遜爲襄州刺史,充襄復郢均房節 、部尙 度使。 書。 刑部尙書權德奥 奏請 行用新

十一月戊辰,韶出內庫繒絹五十五萬匹供軍。 乙亥,以山南東道節度使嚴綬爲太子少

保。 戊寅,盜焚獻陵寢宮。 韶發振武兵二千,會義武軍以討王承宗。

都留守呂元膺請募置三河子弟以衞宮城(七)。甲寅,越州復置山陰縣。庚申,新造指南車、 記里鼓。出宮人七十二人置京城寺觀,有家者歸之。乙丑,河東節度使王鍔卒。是歲,渤 十二月壬寅夜,太白犯鎭星。甲辰,李愿擊敗李師道之衆九千,斬首二千級。 壬子,東

海、新羅、溪、契丹、黑水、南韶、牂柯並遣使朝貢。

鎭加兵進討。 攻守之宜,罰宥之要,宜各具議狀以聞。」庚辰,翰林學士錢徽、蕭俛各守本官,以上疏請罷 兵故也。 吏部尚書,兼太原尹、北都留守、河東節度使。戊寅,詔羣臣曰:「今用兵已久,利害相半。其 十一年春正月丁卯朔,以宿師于野,不受朝賀。己巳,以中書侍郎、平章事張弘靖檢校 癸未,削奪王承宗在身官爵,所襲封邑賜武俊子金吾將軍士平。令河東、河北道諸 甲申,盜斷建陵門戟四十七竿。 甲子,李光顏奏破賊。

平章事,賜紫金魚袋。 丙辰,月掩 二月癸卯,吐蕃贊普卒。 نار 戊午,南詔蠻酉龍蒙盛卒以。 以內庫絹四萬匹賞幽、魏將士。 以中書舍人、權知禮部貢舉、賜緋魚袋李逢吉爲門下侍郎、同 甲寅,以華州刺史李絳爲兵部尙書。

三月庚午,皇太后崩于興慶宮之咸寧殿。 是日,羣臣發喪於西宮兩儀殿,以宰臣裴度

本

紀

第十

五

鰵

宗下

處分。 爲禮儀使,吏部尙書韓皐爲大明宮留守,設次于中書。 癸酉,分命朝臣告哀于天下。甲戌,見羣臣于紫宸門外廡下。 辛未,敕諸司公事,宜權取中書門下 己卯, 以宰臣李逢吉

貶戶部侍郎、判度支楊於陵爲郴州刺史,坐供軍有闕也。丁巳,以徐、宿飢,賑栗八萬 夏四月壬寅,西川節度使李夷簡遣使告哀於南詔。 后喪,邊鎭告四夷,舊制 也。 庚戌,

充大行皇太后山陵使,出內庫繒帛五萬匹充奉山陵。

己丑,月近鎭星。

五 |月丁卯夜, 辰、 歲二宿合于東井。 **宥州軍亂,逐刺史駱怡。** 壬申, 李光顏破賊于凌

雲栅。

耳。」是夜, 曰:「勝負兵家常勢,不可以一將失利,便沮成計。 六月甲辰, 高霞寓敗于鐵城, 退保新興栅, 是日人情悚駭, ,月掩心後星。庚戌,田弘正軍討王承宗,次于南宮。辛酉,羣臣上大行皇太后諡 今但議用兵方略,朝廷庶務, 宰相奏對,多請罷兵。上 制置可否

唐州 道節度使; 以 史,充行營都知兵馬使。 爲 秋 運所 1 月丁丑,貶隨唐節度使高霞寓爲歸州刺史。以河南尹鄭權爲襄州刺史,充山南東 以華州 刑南節度使袁滋爲唐州刺史、彰義軍節度使、申光唐蔡隨鄧州觀察使, 刺史裴武爲江陵尹,充荆南節度使。 以滋儒者,故復以旻將其兵。壬午,宣武軍奏破賊。 戊寅,以隨州刺史楊旻爲唐州刺 權以

餉 · 請緩承宗而專討<u>元濟,與</u>裴度爭論上前故也。 月壬寅,以宰臣韋貫之爲吏部侍郎 ,罷知政 事 戊申,容州奏颶風海水毀州城。 貫之以淮西、 河北兩處用兵,勞於供 甲申、祔

莊憲皇后於豐陵。

故也。 郎中韋 部 郎 中李正辭爲金州刺 九月丁卯,饒州奏浮梁、樂平二縣,五月內暴雨水溢,失四千七百戶,溺死者一百七十 乙酉,蔡州軍前奏拔凌雲栅 處厚爲開州刺 新除吏部侍郎章貫之再貶湖南觀察使。 史,禮部員外郎崔韶爲果州刺 史,度支郎中薛公幹爲房州刺史, 辛未, 史, 並爲補闕張宿所構,言與貫之朋黨 屯田郎中李宣為忠州刺史, 考功 貶吏部侍郎韋顗爲陝州刺史,刑

營諸 驛馬。 幽州 使。 命。 庚 劉 軍 以遂、翛常歷計 冬十月丁巳,以 ,仍以空名 午 總 T 加平章 以 出 司 7 農卿 內 事 告告 ."庫 , 身 錢 司, 王遂爲宣州 鄆州 刑部尚書權德輿檢校吏部尚書,兼興元尹,充山南西道節度使。 五 五 能聚斂,方藉 一十萬貫 百 李師 通 及 道 (供軍 刺 金帛付之。 加加 史、宣歙池觀察使,以京兆尹李脩 檢 供 校司空。 戊寅夜, 軍 一,故有 戊子夜、土、火合于 師道聞拔凌雲栅, 斯授。 月犯 歳。 壬 中, 辛巳, 敕諸道 虚、危。 命內常侍梁守謙 乃懼,僞貢款誠, 爲潤州 奏事官,非急 刺 史、浙 監 切不 故有是 准 西 丙寅, 得 觀 西 祭 乘

十二月丙 午,以易州 刺史陳楚爲定州刺史、義武軍節度使。 丁未,以翰林學 士、尙書工

本

紀

第

+

五

癥

宗

下

部侍郎、知制誥王涯爲中書侍郎、同平章事。 鄧州刺史,充唐隨鄧等州節度使。初置淮潁水運使,運揚子院米,自淮陰泝流至壽州,四 央宮及飛龍草場火。京畿水害田、潤、常、湖、衢、陳、許大水。 里入潁口,又泝流至潁州沈丘界,五百里至于項城,又泝流五百里入溵河,又三百里輸于郾 。得米五十萬石,茭一千五百萬束。省汴運七萬六千貫。己未,邕管奏黃洞賊屠巖州。 甲寅,以開廐宮苑使李愬檢校左散騎常侍,兼

是歲多雷,桃、杏花。迴鶻、靺鞨、溪、契丹、牂柯、渤海等朝貢。

討賊失律也。 十二年春正月辛酉朔,以用兵不受朝賀。癸未,貶義武軍節度使渾鎬爲循州刺史,坐 甲申,貶唐鄧節度袁滋爲撫州刺史,以上疏請罷兵故也。乙酉夜,星見而雨。

戊子夜,彗出畢南,長丈餘,指西南,凡三日,南近參旗而沒。

吏也,搜索不足以爲防。 飛書,恐駭京國,故搜索以防姦。及賊平,復得淄青簿領,中有賞瀟潼關吏案,乃知容姦者關 家相保,以搜姦慝。 二月壬申, 出內庫絹布六十九萬段匹、銀五千兩,付度支供軍。庚子,敕京城居人五 時王承宗、李師道欲阻用兵之勢,遣人折陵廟之戟,焚獨藁之積,流矢 庚申,敕宜於許汝行營側近置行郾城,以處賊中歸降人戶。甲寅,

岳鄂團練使李道古師攻申州,克羅城,賊力戰,道古之衆大敗。

定李吉甫諡曰「敬憲」,度支郎中張仲方非之。上怒,貶爲遂州司馬。賜吉甫諡曰忠氏之。丁 三月壬戌,昭義都士美兵敗於柏鄉,兵士死者千人。戊辰, 滄州程執恭改名權。太常

丑,月犯心後星。 癸未,賊將吳秀琳以文城栅兵三千降李愬。

令董昌齡以郾城降。 四十,配流連州;于頗不能訓子,削階。已酉,出太倉粟二十五萬石糶于西京,以惠飢民。 馬都尉于季友居嫡母喪,與進士劉師服歡宴夜飮。季友削官爵,笞四十,忠州安置;師服笞 庚戌,敕改蔡州吳房縣爲遂平縣,移置於文城栅南新城內。丁卯,賊郾城守將鄧懷金與縣 夏四月辛卯,李光顏破賊三萬於郾城,殺其卒什二三,獲馬千匹、器甲三萬。 甲戌、渭南雨雹、中人有死者。丙子、詔權罷河北行營、專討准蔡。 辛丑,駙

許孟容爲東都留守〔10〕,充都畿防禦使。時東畿民戶供軍尤苦,車數千乘相錯于路,牛皆饋 五月庚寅朔。癸巳,隨唐節度使李愬奏敗賊於吳房,獲賊將李佑。 已亥,以尙書左丞

軍,民戶多以驢耕。己酉,作蓬萊池周廊四百間。

蹙,實欲歸朝,而制於左右,故不果行。乙酉,京師大雨,含元殿一柱傾,市中水深三尺,壞 錢一百八十五萬以進,故得代播。壬戌,賊吳元濟上表,請束身歸朝。時連破三栅,賊勢迫 六月己未朔,以衞尉卿程异爲鹽鐵使,代王播。 時异爲鹽鐵使副,自江南收拾到供軍

本紀第十五 憲宗下

坊民二千家。

征。 使。 司勳員外郎李正封、都官員外郎馮宿、禮部員外郎李宗閔皆兼侍御史,爲判官書記:從废出 大夫,充准西行營諸軍宣慰副使,以太子右庶子韓愈兼御史中丞,充彰義軍行軍司馬,以 侍郎、上護軍、賜紫金魚袋崔羣爲中書侍郎、同中書門下平章事。以刑部侍郎馬總兼御 史,充彰義軍節度、申光蔡觀察處置等使,仍充淮西宣慰處置使。以朝散大夫、守尚書戶部 分;如犯十惡大逆、臟賄緣坐,奏取進止。」庚戌,以國子祭酒孔殼爲廣州刺史、 後左降官及責授正員官等,宜從到任經五考滿,許量移;如未滿五考遇恩赦者,從節文處 甚,平地或深二丈。 丙辰,制以中書侍郎、平章事<u>裴</u>度守門下侍郎、同平章事、使持節<u>蔡州</u>諸軍事、<u>蔡州</u> 韶以郾城爲行蔡州治所。 秋七月戊子朔。 甲辰,戶部尚書于頔請致仕,不允。 壬辰,詔以定州飢,募人入粟受官及減選、超資。 嶺南節度使崔詠卒。乙酉,敕:「今 河北水災,邢、洛尤 嶺南節度 刺

土美爲工部尙書, 門再拜,銜涕而辭,上賜之犀帶。以河南尹辛秘爲潞府長史、昭義軍節度使,代都士美。 八月戊午朔。 庚申,裴度發赴行營,敕神策軍三百人衞從,上御通化門勞遣之。 废望 孟簡爲戶部侍郎。戊辰,以同州刺史張正甫爲河南尹。 裴度至

**劉城** 

九月丁亥朔。戊子,出內庫羅綺、犀玉、金帶之具,送度支估計供軍。甲午,御史臺奏:

校兵 上日 也。 定。」戊戌,劍南東川節度盧坦卒。 同同 撫 已,以刑部郎中知雜崔元略爲御史中丞。丁未,以朝議大夫、門下侍郎、同平章事李逢吉檢 孙 制 辛丑 部 「爲先後。」敕曰:「名在前,上日在後,未逾月,不在 刺 除官,承前以名字高下爲班位先後。 尚書、使持節梓州諸軍事、梓州刺史,充劍南東川節度副大使,知節度事。 史袁滋爲湖南觀察使。 ,以御史中丞爲京兆尹(11)。 己亥,貶京兆尹竇易直爲金州刺史,以鞫獄得贓不實故 壬寅,以湖南觀察使韋貫之爲太子詹事分司 (II)。 或名在前身在外,及到,却在舊人之上。今請以 此限。 行立班次,即宜以敕內前後爲 庚子,以

弘、 DD 檢 飆 《校左僕射李鄘爲門下侍郎、 路,大敗之。 、裴度條 隨 多十月壬 唐節 疏 度使李愬率師入蔡州, 奏聞。 一申,裴度往沲口觀板築五溝,賊遽至,注弩挺刃將及度,而李光顏、田布扼其 是日,度幾陷。 准 西 軍 癸 同中書門下平章 切不問。 執吳元濟以獻,淮 一酉,內出元和辯謗略三卷付史館。 宜 |準元敕給復 事 西 以左丞衞次公代鄘爲淮南節度使。 平。 二年。」 甲申 , 韶二淮 甲申, 西立功將士,委韓 以淮南節度使、

庭 左散騎常侍李愬檢校尚書左僕射、襄州刺史, 弟二 十 一 人、子三人, 月丙戌朔, 御興安門受淮西之俘。以吳元濟徇 配流、尋誅之; 判官劉協等七人處斬。 充山南東道節度、襄鄧隨唐復郢均房等州觀 兩市 錄平 斬於獨柳樹; 妻沈氏,沒 准 西 功隨唐 節度使、檢校 入掖

本

紀

第

+

Ŧī

鰵

宗

下

兵馬 司空。 察等使; 西平、遂平三縣隸焉。 使田布爲右金吾衞將軍,皆賞破賊功也。 以宣武軍都虞侯韓公武檢校左散騎常侍、鄜州 加宣武軍節度使韓弘兼侍中,忠武軍節度使李光顏、 戊申,以淮西宣慰副使、刑部侍郎馬總爲彰義軍節度留後。 、甲午, 恩王連薨。 刺史、廊坊丹延節度使,以魏博行營 河陽節度使烏重胤並檢校 以蔡州郾城爲澱州 ,析上

|州| 柱國、晉國公、食邑三千戶;以蔡州留後馬總檢校工部尚書、蔡州刺史、彰義軍節度使、澱 陳許節度使。 十二月壬 一戌,以彰義軍節度、淮西宣慰處置使、門下侍郎、同平章事裴度守本官,賜上 丙子,以右庶子韓愈爲刑部侍郎。

是歲,河南、河北水。

彼宣慰。 三十八代孫 ·三年春正月乙酉朔,御含元殿受朝賀,禮畢,御丹鳳樓,大赦天下。 辛亥,以禮部尚書王播爲成都尹、劍南 孔惟晊襲文宣公。 庚寅,敕李師道頻獻表章, 西川節度使。 披露 認誠, 宜令諫議大夫張宿往 己丑, 以文宣王

二月乙亥,御麟德殿,宴羣臣,大合樂,凡三日而罷,頒賜有差。

守、都畿汝防禦使。 三月庚寅,以前劍南西川 庚子,以御史大夫李夷簡爲門下侍郎、同平章事。 節度使李夷簡爲御史大夫。 丙申,以同 州 宰相李鄘守戶部尚 刺史鄭絪 爲東都

獻德、棣二州,兼入管內租稅公司。 書,罷知政事 日久,宜令逐司各收職田草栗都數,自長官以下,除留闕官物外分給公司。」至銀臺待罪,請 丁未,以太子少師鄭餘慶爲左僕射。 壬戌,前東都留守許孟容卒。 辛亥、韶:「百司職田, 庚辰,韶復王承宗官爵。以 多少不均, 爲弊

華州刺史鄭權爲德州刺史、橫海軍節度、德棣滄景等州觀察使。

刺 仁秀檢校秘書監、忽汗州都督,册爲渤海國王。 祭等使。 爲 滑州 史、山南東道節度使。 五 刺史、義成軍節度使,以彰義軍節度使馬總爲許州刺史、忠武軍節度使、陳許澱蔡觀 一月乙酉, 戊戌,以山南 鳳翔節度使李惟簡卒。乙未,月近心後星。丙辰,以忠武軍節度使李光顏 東道節度使李愬爲鳳翔尹、鳳翔隴右節度使。辛丑,知渤海國務大 丙午,以戶部侍郎孟簡檢校工部尚書、襄州

刺 史、邪寧節度使。 六月癸丑朔, 日有食之。 出內庫絹三十萬匹、錢三十萬貫,付度支供軍 乙丑,湖南觀察使袁滋卒。 丁丑,以滄景節度使程權爲邠州

等五 校司 都督府長 空。 鎭 秋七月癸未, 、之師,分路進討。辛丑,以門下侍郎、同平章事 乙酉, 史、淮南節 韶削奪淄青節度使李師道在身官爵, 以新除鳳翔節度使李愬爲徐州 度使。 已酉、韶諸道節度使先帶度支營田使名者,並罷之。 刺 史、武寧軍節度使。 李夷簡檢校左僕射、同平章事、揚州 仍令宣武、魏博、義成、武寧、三、横海 甲申,以 庚戌,以左 田弘正檢

本

僕射鄭餘慶爲鳳翔隴右節度使。

興元 郎,遂以近例避嫌,請出省,不從,因有是敕。 連判及勾檢之官丼官長, 官度使權德興卒。 尹、山南西道節度使。 、月壬子,以中書侍郞平章事王涯爲兵部侍郞,罷知政事。 則不在迴避改換之限。 甲戌,太白近左執法。 丁丑,木、金、水三宿聚於軫。戊寅,前山南 時刑部員外郎楊嗣復以父於陵除戶部侍 乙亥,敕應同司官有大功已上親者,但非 戊午,以尚書右丞崔從爲

道節

驚駭, 度支皇甫鎛同中書門下平章事, 郎、同中書門下平章事,依前充使。 九月甲申 宰臣裴度、 以左衞將軍高霞寓爲單于大都護、振武麟勝節度使。 **崔羣極諫**, 不納。 依前判度支。以衞尉卿充諸道鹽鐵轉運使程异爲工部侍 是時,上切於財賦, 二人請退。 熒惑近哭星。 故用聚斂之臣居相位。 丁未, 甲辰,以戶部侍郎、判 出內庫絹十萬匹給 韶下,羣情

爲許州刺史,充忠武軍節度使、陳許觀察等使。 衞 金吾衞 次公卒。 一十月 !大將軍薛平檢校刑部尙書、滑州 伊寅, 甲子,平凉鎭遏兵馬使郝玼奏收復原州,破吐蕃 吐蕃寇宥州。 壬戌, 靈武奏破吐蕃二萬於定遠城。 刺史,充義成軍節度使; 二萬。 以義成軍節度使李光顏 是夜,月近昴。 癸亥, 前淮南 丙子,以 節度使

爲滄州刺史、橫海軍節度、滄景德棣觀察等使。丁未,以華州刺史令狐楚爲懷州刺史,充河 台州刺史,爲上於天台山採仙藥故也。 十一月辛巳朔,夏州破吐蕃五萬。 制下,諫官論之,不納。 靈武奏攻破吐蕃長樂州羅城。丁亥,以山人柳泌爲 壬寅,以河陽節度使烏重胤

陽三城懷孟節度使。

當自區別矣。」上曰:「凡好事口說則易,躬行則難。 黨。殷甚惡之!」裴度對曰:「君子小人,未有無徒者。 臣等亦願陛下每言之則行之。」上頗欣納。 謝日:「陛下處分,可謂至矣,臣等敢不激勵。 是爲朋黨。」上曰:「他人之言,亦與卿等相似,豈易辯之哉?」度曰:「君子小人,觀其所行, 賊中者,則量事優給放還。 縣收管。戊寅,軍前擒到李師道將夏侯澄等四十七人,詔並釋付魏博及義成軍收管,要還 十二月辛亥,敕左右龍武軍六軍及威遠營應納課戶共一千八百人衣糧並停,仍付府 上顧謂宰臣曰:「人臣事君,但力行善事,自致公望,何乃好樹朋 然天下之人,從陛下所行,不從陛下所言口言, 卿等既言之,須行之,勿空口說。」度等 君子之徒,則同心同德;小人之徒,

是歲,迴紇、南韶蠻、渤海、高麗、吐蕃、奚、契丹、訶陵國並朝貢。

十四四 年 春正月庚辰朔,以東師宿野,不受朝賀。 壬午,復置仗內敎坊於延政里。

本

紀第

十五

憲宗下

陽穀 代, Ti. 走 萬 捨 州 旣 施 於 軍 而 東 破 加 爲三 阿 不 皮。 軍所逐, 一萬 辛巳, 於 刑 金 部 侍郎 斬前滄州 鄉 乃入朝, 韓愈上 迎 鳳翔法門寺佛骨至京師 刺史李宗 故誅之。 一疏極 陳其弊。 爽於獨柳 癸卯夜, 癸巳,貶愈爲潮州刺史。 月近 樹。 ,留禁中三日 朝廷 南斗魁。 初除鄭權 丙午, 乃送詣寺, 滄州 魏博軍 丙申 宗 王 ·破賊萬人於 醎 魏 公公 博 拒 一士庶 軍 詔 不受 破 賊

午, 州 綾 不得妄行傷殺 校 充 壬 義成 紹絹 戌 制以 徒、同中書門 萬 田 一月已 甲子, 軍節度使, γL 淄青兵馬 弘 正奏,今月九日 辛 一酉朔,以商州刺史嚴謨爲黔中觀察使。 上御宣政殿受賀。 酉 ,及焚燒廬舍,掠 襄陽 封彭 使、金紫光祿 下平章 城 節 郡王 事 度使孟 淄青都 , 大夫、試殿中監、 奪民財, 食邑三千戶, 簡 己巳 舉鄖 知兵 上 〈馬使劉 鄉鎭遏使趙 開發墳墓。 御 興安門受田弘正 賜錢二萬貫、莊宅各 悟 兼監察御 斬李師道 潔爲 乙卯,敕淄青行營諸軍,所至收下城邑, 宜嚴 鄭鄉 加 史劉悟檢 并男二 止 所獻 縣令 絕。 賊 一人首 ,有虧常式,罰 以鎭 校工 晶 俘 一請降,師道 部 奉臣賀 冀水災, 癸酉 尚書、 於樓下。 田 滑州 一月俸料。 賜王承宗 弘正加檢 所管十二 刺 庚

馬總 |**鄆濮曹等州觀察等使;己丑,以義成軍節度使薛平爲青州刺史,** 月已 卯 朔。 Ţ 酉, E 以 齊、 魯初 平 宴羣臣於麟德殿, 賜物 有 差。 充平盧軍 戊子, 以 節度、淄青 華州 刺 史

司

蓋以 合盡 書 觀載籍,以廣 於行爲,務欲詳審。 防禦、鎭 氏 觀 梅 曰:「無情曲直,辯之至易; 「一言通 、丼男沒 察等使 ·登萊等州觀察等使;以淄青四面行營供軍使王遂爲沂州刺史, 盛 心; (曖昧難辯故也。 前刺 國軍等使。 及至所行,臨事 入掖庭, · 析李師道所據十二州爲三鎭也。 史壽州 、聰明,實天下幸甚。」丁未,以撫州 堂弟師賢師智、姪弘巽配流。乙未,以中書舍人衞中行華州刺史、潼關 辛丑 ,用兵失律,未宜獎用。 比令學士集前代昧政之事 若擇賢而任之,待之以誠,糾之以法,則人自歸公,孰敢行僞? 了,上顧謂宰臣曰:「聽受之間,大是難事**。** 不無偏黨。 稍懷欺詐,審之實難。 **股臨御已來,歲月斯久,雖不明不敏,然漸見物情,每** 庚寅, 浙西觀察使李翛卒。 上令宰臣諭植,以通父彰有功,不忍遂棄其子。 ,爲辯謗略,每欲披閱,以爲鑒誠耳。 司馬令狐通爲右衞將軍 故孔子有衆好衆惡之論,浸潤膚受之說, 推誠選任,所謂委寄, 充沂海克密等州都團練 。給事中崔植 辛卯, 李師道妻魏 」崔羣對 陛下群 封還制

加 **遏、守捉、兵馬者,** 右 無別使, 節度使。 夏 回 1月戊 即屬軍 丙寅,詔:「諸道 中朔。 並合屬 乙卯, 其有邊於谿洞連接蕃蠻之處,特建城鎭,不關州郡者,不在此限。」辛 刺刺 節度、 史。 太白順行近東 如刺史帶本州團練、防禦、鎭遏等使, 都團練、 井。 防禦、經略等使所管支郡, 戊午,以刑部尚書李愿爲鳳翔 除本軍州 其兵馬額 尹 外, , 充鳳翔隴 便隸此使。 別置鎭

其制方行

本

紀

第

+

五

癥

宗

中書門下平章事 未,工部侍郎、 下侍郎、平章事、太原尹、北都留守,充河東節度觀察處置等使。 同平章 ,兼弘文館大學士、上柱國、晉國公、食邑三千戶裴度可檢校左僕射,兼門 事 、諸道鹽鐵轉運等使程异卒。 丙子,制金紫光祿大夫、門下侍郎、同

坐李師 韓弘 牧, **郗士美檢校刑部尚書、許州刺史,充忠武軍節度使。是夜,月近心大星。己亥,置臨海監** 書;以忠武軍節度使李光顏爲洲寧慶節度使,仍以忠武軍六千人赴鎭。 史、夏綏銀宥等州節度使。丙戌,以河東節度使、檢校吏部尚書、同平章事張弘靖爲吏部尚 進 命淮南節度使兼之。敕李師古妻裴氏、女宜娘於鄧州安置,李宗奭妻韋氏放出掖庭, 五月戊寅朔,以刑部侍郎柳公綽充鹽鐵轉運等使。 助平淄青絹二十萬匹,女樂十人。女樂還之。 道族人籍沒,上愍之,宥以輕典。以宜歙觀察使竇易直爲潤州刺史,充浙西觀察使。 庚辰, 以楚州刺史李聽爲夏州 庚寅,以工部尚書 刺

上 郎 州。 歸登爲工 六月丁未朔。 甲子 ,以前兵部尙書李絳檢校吏部尙書、河中尹,充河中晉絳慈隰觀察使。 一部尙書。 癸丑,以福建觀察使元錫爲宣州刺史、宣獻池觀察使。 以鄭州刺史裴义爲福州刺史、福建觀察使。辛酉,敕定州大都督府復 庚申,以戶部侍

秋七月丁丑朔。 戊寅、汴州韓弘來朝。 己卯,左散騎常侍致仕薛萃卒。 乙酉夜,月掩 左金吾大將軍胡証充京西北巡邊使,所經鎭戍,與守將審量利害,具事

寶奏聞

朝議 州 中書侍 賦 丹鳳樓, 心 觀察使 刺刺 並 放。 史曹華爲沂州刺 郎、使持節懷州諸軍事、守懷州刺史、兼御史大夫、賜紫金魚袋令狐楚可朝議大夫、守 魏 ?郎、同中書門下平章事。 `大赦天下。京畿今年秋稅、青苗、権酒等錢,每貫量放四百文; 元和五年已前逋租 義通爲懷州刺史、河陽三城懷孟節度使。沂州軍亂,殺節度使王遂。甲辰,以棣 甲午,韓弘進絁絹二十八萬匹,銀器二百七十事。丁酉,以河陽三城懷州節度使、 辛巳,羣臣上尊號日元和聖文神武法天應道皇帝。 史,充沂海克密等州都團 壬寅,以永州刺史韋正武爲邕管經略使。 **|練觀察使。** 乙巳,罷晉州防禦使。 是日,御宣政殿受册,禮畢 癸卯,以前黔中 ー, 御

書令, 府儀同 使。 德殿,賜物有差。 可曠 史、宣武 戊午,王承宗進位檢校左僕射。 廢。 八 一見卿等, 弘 八月丁 .三司、守司徒、兼侍中、汴州 軍節度使。 堅辭戎鎭 若遇連假不坐, ,未朔。 ,時雖 戊辰,陳許節度使、檢校刑部尚書都士美卒。 数故也。 己酉,制宜武軍節度副大使、知節度事、汴宋亳潁等州 甲寅, 暑熱,股不爲勞。」久之方罷。 有事 癸丑,以吏部尚書張弘靖爲檢校尚書左僕射、同平 於襄州穀城縣置臨漢監以牧馬, 即詣延英請對。」崔羣以殘暑方甚, 、刺史、上柱國、許國公、食邑三千戶韓弘 己未, 田 弘正 來朝。 丁亥,宴田 上謂宰臣曰:「天下事 仍令山南東道節 弘正與大將判官二百人於麟 目同列將退。 、觀察處置等使、開 可守司 度 章事、汴州刺 使兼 重 上止之日: 徒、兼中 充監牧 日不

本

紀

**孜獻納** 李林 刑部尙書,兼太子賓客,分司東都。甲辰,以魏博節度使、光祿大夫、檢校司徒、同平章事、 入寇故也。甲午,以太子少師鄭餘慶兼判國子祭酒。 右衞大將軍田縉爲衡王傅。 稷 身經迍難,故卽位之初,知人疾苦,躬勤庶政。加之姚崇、宋璟、蘇頲、盧懷愼等守正之輔,孜 意求理,至十六年已後,稍似懈倦,開元末又不及中年,何也?」崔羣對曰:「玄宗少歷民間, 百戶。 兼 《魏州大都督長史、上柱國、沂國公、食邑三千戶田弘正依前檢校司徒、 兼侍中,賜實封三 無疆之福也。」時皇甫鎛以諂刻欺蔽在相位,故羣因奏以諷之。 ,以國子祭酒李遜檢校禮部尙書、許州刺史、忠武軍節度、陳許溵察等觀察使。 甫以奸邪惑上意,加之以國忠,故及於亂。願陛下以開元初爲法,以天寶末爲戒,卽社 九月丙子朔。戊寅,考功郎中蕭祐進古畫、古書二十卷。斬沂州亂首王弁于東市。 時弘正三上表乞留闕庭,不許。 乙巳,上顧謂宰臣曰:「殷讀玄宗實錄,見開元初銳 ,故致治平。及後承平日久,安於逸樂,漸遠端士,而近小人。宇文融以聚斂媚上心, 縉前鎭夏州,私用軍糧四萬石,強取党項羊馬,致党項引吐蕃 、辛丑,以田弘正兄相州刺史田融檢校 庚寅,貶

唐州 刺史桂仲武爲安南都護,潮州刺史韓愈爲袁州刺史。 千 ·月丙 午朔。 壬戌,安南軍亂,殺都護李象古,并家屬、部曲千餘人皆遇害。丙寅,以 是月,吐蕃寇鹽州

十一月乙亥朔,以戶部尙書李鄘爲太子賓客、東都留守。辛卯,靈武大將史敬奉破吐蕃

若金丹已成,且令方士自服一年,觀其效用,則進御可也」。上怒。己亥,貶裴潾爲江陵令。 上服方士柳泌金丹藥,起居舍人裴潾上表切諫,以「金石含酷烈之性,加燒鍊則火毒難制。 於鹽州城下口,賜敬奉實封五十戶賞之。丁酉,以原王傅鄭權爲右金吾大將軍,充右街使。

每月於所請料錢每貫抽十文,修國子監,從之。乙卯,以諫議大夫、守中書侍郎、同中書門 下平章事 及羣被貶,人皆切齒於鎛。 で、上柱 國、賜紫金魚袋崔羣爲潭州刺史、兼御史大夫,充湖南觀察使。爲皇甫鎛所

十二月乙巳朔。

庚戌, 國子祭酒鄭餘慶奏見任文官一品至九品, 外使兼京正員官者,

明, 深趙等州,每州請置錄事參軍一員,判司三員,每縣請置令一員,從之。 察使崔俊權知戶部侍郎、判度支。 **兗州刺史**。 ,凡十七日方澄霽。丙申,月犯心大星,光彩相及。 十五年春正月甲戌朔,上以餌金丹小不豫,罷元會。 乙未,命邠寧李光顏修築鹽州城。 **丙戌,沂海四州觀察使府移置於兗州** 此月七日已後, 畫常陰晦, 廢齊州豐齊縣入長淸,廢全節縣入歷 庚辰, 鎭冀觀察使王承宗奏鎭冀 壬午, 改觀察使曹華爲 微雨 以前 雪; 夜則晴 湖南觀

第十五 意宗下

本

紀

不佳,數不視朝,人情恟懼,及悟出道上語,京城稍安。

城,廢亭山縣入章丘縣口也。

義成軍節度使劉悟來朝。

戊戌,

上對悟於麟德殿。

上自服藥

庚子,以少府監韓璀爲鄜州刺史、鄜

坊 丹 延 節 度 使。 是夕,上崩於大明宮之中和殿,享年四十三。 時以暴崩,皆言內官陳弘志

**弑逆**,史氏諱而不書。 辛丑,宣遺韶。壬寅,移仗西內。

五月丁酉,羣臣上諡曰聖神章武孝皇帝,廟號憲宗。 庚申,葬于景陵。

軍國樞機,盡歸之於宰相。由是中外咸理,紀律再張,果能剪削亂階,誅除羣盜。 裴延齡輩數人,得以錢穀數術進,宰相備位而已。及上自藩邸監國,以至臨御, 十年已後,朝廷威福日削,方鎭權重。德宗不委政宰相,人間細務,多自臨決,姦佞之臣,如 宰執臣僚同心輔助,豈朕今日獨能爲理哉!」自是延英議政,畫漏率下五六刻方退。自貞元 曰:「太宗之創業如此,玄宗之致理如此,旣覽國史,乃知萬倍不如先聖。 近古罕傳,唐室中興,章武而已。任异、餺之聚斂,逐羣、度於藩方,政道國經, 惜乎服食過當,閹豎竊發,苟天假之年,庶幾于理矣! 史臣蔣係日:憲宗嗣位之初,讀列聖實錄,見貞觀、開元故事,竦慕不能釋卷,顧謂丞相 當先聖之代,猶 訖于元和, 未至衰 睿謀英

贊曰:貞元失馭,羣盜箕踞。 章武赫斯,削平嘯聚。 我有宰衡,耀德觀兵。 元和之政,

聞于頌聲。

(1) 建王審 「審」字各本原作「密」,據本書卷一七五憲宗二十子傳改。

(N) 以邕管經略使房啓爲桂管觀察使以開州刺史寶羣爲邕管經略使 書卷一三九房琯傳、韓愈唐國子司業寶公墓誌銘,此處兩見「邕管」均當作「容管」。本卷下文又 據本書卷一五五竇羣傳、新

云:「邕管奏黃洞賊屠巖州。」按巖州屬容管,通鑑卷二三九「邕管」作「容管」,是。

吕 丙辰 各本原作「景辰」,史文係避唐高祖父李昺諱改「丙」爲「景」,今改回。

(1) 右衞將軍 「將軍」二字各本原無,據唐會要卷五七補。

(至) 汴州韓弘 「韓」字各本原作「劉」,據冊府卷五六九、合鈔卷一五憲宗紀改。

路朝見 通鑑卷二三九作「駱朝寬」。

(4) 三河子弟 龍蒙盛 各本原作「展龍盛」,據本書卷一九七南韶蠻傳、冊府卷九六五改。 據唐會要卷六七、通鑑卷二三九,「三河」疑當作「山棚」。

一日忠 「忠」字本書卷一四八齊吉甫傳作「忠懿」,唐會要卷八〇作「恭懿」。

6 賜吉甫諡 以御史中丞爲京兆尹 東都留守 「東都」各本原作「河東」,據本書卷一五四許孟容傳、新書卷一六二許孟容傳改 「中丞」下無人名,當是脫文。

S 湖南觀察使 本 紀 第 + Ŧ 「南」字各本原作「廣」,據本書卷一五八章貫之傳、新書卷一六九章貫之傳改。 校 勘 記 四七三

合 除留闕官物外分給 各本原作「除留守」,據冊府卷五〇七補改。 唐會要卷九二與冊府同,唯無

「物」字。

至銀臺待罪請獻德棣二州兼入管內租稅 詣闕 |請罪事,具見本書卷一四二汪武俊傳、通鑑卷二四○。 此句上有脫文。 此處當是敍述王承宗遣其子及牙將

会 武寧 各本原作「義寧」,據通鑑卷二四〇、合鈔卷一五憲宗紀改。

公 不從陛下所言 「不」字各本原無,據經覽卷一一四補。

읈 金 廢亭山縣入章丘縣 史敬奉 戶口凋穫,幷入章丘縣,因廢亭山。」唐會要卷七〇、寰宇記卷一九所記同,據改。 各本原作「史奉敬」,據本書卷一五二史敬奉傳、新書卷一七〇史敬奉傳改。 各本原作「廢章丘縣入亭山縣」。本書卷三八地理志:「亭山、元和十五年以

## 售唐 書卷十六

## 本紀第十六

## 穆宗

大使。 明宮之別殿。 穆宗睿聖文惠孝皇帝諱恆,憲宗第三子,母日懿安皇后郭氏。貞元十一年七月,生於大 七年十月,册爲皇太子,改今諱。 初名情,封建安郡王。元和元年八月,進封遂王。 五年三月,領彰義軍節度

守御史中丞、飛騎尉、襲徐國公、賜緋魚袋蕭俛爲朝散大夫、守中書口;舍人、 杜元穎沈傳師李肇、侍讀薛放丁公著對於思政殿,並賜金紫。 武騎尉、賜紫 貶門下侍郎、同平章事皇甫鎛爲崖州司戶。 十五年正月庚子, 金魚袋段文昌爲中書侍郎:同平章事。 憲宗崩。 丙午, 即皇帝位於太極殿東序。 戊申,上見宰臣於紫宸門外。 上始御延英對宰臣。 丁未,集羣臣班於月華門外。 是日,召翰林學士段文昌 辛亥,以朝議郎、 韶曰:「山人柳泌 翰林學士、

本紀

學士。 輕懷 李道 泌於合州爲上鍊神丹,上服之,日加躁渴, 檢校禮部尚書、梓州刺史,充劍南東川節度使。 司舉舊典葬祭之。 午,册大行皇帝貴妃郭氏爲皇太后。 武 が一般 爲 古貶循州 旣 左 道 勝節度使。 曲陽縣。 丁巳,以劍南東川節度使李逢吉爲襄州刺史,充山南東道節度使,以吏部侍郎王 延 禍 釁,俱是 司馬。 先朝。 恆王房子孫改爲泜王房。丙寅,以右神策大將軍張維淸爲單于大都護,充 以監察御史李德裕、右拾遺李紳、 丁卯,上及羣臣皆釋服從吉。 姦 憲宗 固求 邪。 、末年, 牧人,貴欲 邦國 銳於服餌, 固 「有常刑, 貶諫議大夫李景儉爲建州 疑 衆, 遽棄萬國。 皇甫鎛與李道古薦術人柳泌、僧大通待韶翰 自知 神 己未,改恆岳爲鎭岳,恆州爲鎭州, 所宜 虚 戊辰,羣臣始朝於宣政衙。 誕,仍更遁逃。 禮部員外郎庾敬休並守本官, **一共棄**, 甲寅,二王後介國公宇文仲達卒,有 付京 刺史。 兆府決杖處死。」金吾將軍 僧大通醫方不精, 是夜地震。 定州 充翰林 薬術皆

與八員。 史,充桂 丁亥, U 月癸酉朔。 桂 管 庚子,太子賓客呂元膺卒。 幸左 觀 管 祭 觀 使。 一神策軍 察使裴行 丁丑, 丙申 觀 角抵 立爲安南都 御丹鳳樓, 丹王逾薨。 及雜戲 辛丑, 護 , 日 昃 而 罷 。 大赦天下。 T 酉 充本管經略使。 一,敕 以戶部侍郎楊於陵爲戶部尙書。 入迴紇使宜 宣 癸巳, 制 畢, 罷邕管經略使, 乙未, 陳俳優百戲於丹鳳門內,上縱觀 與私 覿正 以太僕卿杜式方爲 員官十三員,入吐蕃 所管州縣隸邕府。 壬寅 桂州 敕舉賢 刺 使

良方正、直言極諫等科目人,宜令中書門下尙書省四品已上於尙書省同試。

數。 州歲貢茶。 庶政惟新,況山陵日近,公務繁迫,待問之士,就試非多。臣等商量,恐須停罷。」從之。罷申 數。」從之。戊午,吏部尙書趙宗儒奏:「先奉敕,先朝所放制科舉人,令與中書門下四品已 此後敕未便事宜,請自今後三院御史職事行立, 御史中丞崔植奏:「元和十二年敕, 馬進潭、梁守謙、魏弘簡等請立門戟,從之。以太子詹事分司東都韋貫之爲河南尹。 學士韋處厚、路隨於太液亭講託詩關雎、尚書洪範等篇。旣罷,並賜緋魚袋。左右軍中尉 上官同於尙書省就試者。臣伏以制科所設,本在親臨,南省策試,亦非舊典。今覃恩旣畢, 工部尙書。 又准其年九月十七日敕,踰一箇月不在此限,行立班次,即宜以敕內先後爲定。臣觀 三月癸卯朔,贈皇太后父郭曖太傅,母虢國大長公主贈齊國大長公主。 乙丑,以皇太后兄司農卿郭釗爲刑部尚書兼司農卿,右金吾衞大將軍郭鏦檢校 丁卯,貶太子賓客留司東都孟簡爲吉州員外司馬。 御史臺三院御史據除拜上日爲先後,未上日不得計月 一切依敕文先後爲定,除拜上日便爲月 戊辰夜、大風雹 壬子, 召侍講 丁巳,

高品官白 夏 四月壬申朔。 身,都四千六百一 丁丑,澧王寬薨。 十八人,除官員一千六百九十六人外,其餘單貧,無屋室居止, 乙酉,三恪酅國公楊造卒。 丁亥,敕:「內侍省見管

本紀第十六 穆宗

宜每人加

衣

糧半分。」

等錢 所給校薄,亦不在抽取之限。」壬子,詔:「入景陵玄宮合供千味食, 度支收管,待國用稍充,即依舊制。 令尙藥局 貫除舊墊 **一,兼諸道雜権** 五月壬 以香藥代食。」庚申,葬憲宗於景陵。 一陌外,量抽五十文。仍委本道、本司、本使據數逐季收計。 一寅朔。 ·税等,應合送上都及留州、留使、諸道支用、諸司使職掌人課料等錢,並 癸卯,詔:「以國用不足,應天下兩稅、鹽利、權酒、稅茶及戶部闕官、除陌 其京百司俸料,文官已抽修國學,不可重有抽取; 魚肉肥鮮,恐致薰穢,宜 其諸道錢便差綱部送付 武官 存

州 州刺史,坐與李景儉相善故也。癸未,倂兗州萊蕪縣入乾封縣。己丑,工部尚書歸登卒。壬 萬三千五百六十貫,宜委令狐楚,以楚山陵用不盡綾絹,准實估付京兆府,代所放青苗錢。 中書舍人王仲舒爲洪州刺史、御史中丞,充江西觀察使。 沉設官求理,頒祿責功,教旣有常,寧宜就減。 近以每歲經費,量入數少,外官俸料,據數收 辰,韶··「帝王所重者國體,所切者人情。 苟得其體,必臻於大和;如失其情,是由於小利。 庚辰,加洲寧慶節度使<u>李光顏特進,以城鹽州之功也。以考功員外郎、</u>史館修撰<u>李翺爲</u>朗 南都護桂仲武奏誅賊首楊淸,收復安南府。 六月辛未朔。丁丑,以司徒、兼中書令韓弘爲河中尹,充河中晉絳慈隰等州節度使。 戊寅,以金吾將軍李佑檢校左散騎常侍,兼夏 己卯,放京兆府今年夏青苗錢八

左右軍及御宸暉、九仙等門,觀角抵、雜戲。 居興慶宮,皇帝與六宮侍從大合宴于南內,迴幸右軍,頒賜中尉等有差。自是凡三日一幸 下,人皆咎之,以至譴逐。至是宰臣創抽貫之利,制下,人情不悅,故罷之。癸巳,皇太后移 **倂停抽。」仍出內庫錢三十七萬五千貫,付度支給用。** 股再三思度,終所未安。 臨軒載懷,實所增愧。 其今年五月敕應給用錢每貫抽五十文,都計一百五十萬貫,宜 今則歲屬豐登,兵方偃息,自宜克已以足用,何得剝下以爲 初,憲宗用兵,擢皇甫鎛爲相,苛斂剝

觀 使到任日,具見在錢帛、斛斗、器械數目分析以聞。 之,宰臣以古無降誕受賀之禮,奏罷之。丁未,苑內假山毁,壓死役者七人。 度賜號天平軍,從馬總奏也。丙午,敕:乙巳詔書載誕受賀儀宜停。先是,左丞韋綬奏行 六日是股載誕之辰,奉迎皇太后於宮中上壽。 股既深歡慰,欲與臣下同之。 |州刺史、湖南觀察使。 乙巳,韶:「皇太后就安長樂,朝夕承顏,慈訓所加,慶感兼極。 今月 婦宜於光順門進名參賀,股於光順門內殿與百僚相見,永爲常式。」非典也。 至此月壬子始雨。 盂蘭盆。 秋七月辛丑朔。壬寅,以河中晉絳觀察使李絳爲兵部尚書。甲辰,以大理卿孔戢爲潭 邕管經略使楊旻卒。 甲寅,御新成永安殿觀百戲,極歡而罷。 平盧軍新加押新羅、渤海兩蕃使, 安南都護裴行立卒。 乙卯,敕自今後新除節度、觀察 賜印一面,許置巡官一 是日, 其日,百僚、命 自五月不雨, 上幸安國寺

本紀第

十六

穆宗

下,不給工徒價錢,積留錢十五萬貫,爲羨餘以獻,故及于貶。 郎、平章事令狐楚爲宣州刺史、兼御史大夫,充宣歙池觀察使。 吐蕃使者觀之。丙寅,以新成永安殿,與中宮貴主密宴以樂之,嬪妃皆預。丁卯,以門下侍 新作寶慶殿。 庚申夜,熒惑入羽林。 壬戌,盛飾安國、慈恩、千福、開業、章敬等寺,縱 |楚爲山陵使, 縱吏于暈刻

平章事。已亥,宣歙觀察使令狐楚再貶衡州刺史。 戌,以朝議郎、守御史中丞、武騎尉、賜紫金魚袋崔植爲朝散大夫、守中書侍郎、同中書門下 軍韋正牧專知景陵工作,刻削廚料充私用,計臟八千七百貫文;石作專知官奉仙縣令于翬 桂仲武斬叛將楊淸首以獻,收復安南府。乙亥,賜敎坊錢五千貫,充息利本錢。御勤政樓, 等,悉以布帛任土所產物充稅,並不徵見錢,則物漸重,錢漸輕,農人見免賤賣匹段。 刻削,計贓一萬三千貫,並宜決重杖處死。壬辰,幸魚藻池,發神策軍二千人浚魚藻池。 問人疾苦。 書門下、御史臺諸司官長重議施行。從之。癸酉,太子少傅致仕李鄘卒。甲戌,安南都護 八月庚午朔。辛未,兵部尚書楊於陵總百僚錢貨輕重之議,取天下兩稅、權酒、 前江西觀察使裴次元卒。己卯,月掩牽牛。同州雨雪害秋稼。 京兆府戶曹參 鹽利

光顏入朝,欲於重陽日宴羣臣。 九月庚子朔,改河北稅鹽使爲権鹽使。辛丑,大合樂於魚藻宮,觀競渡。又召李愬、李 拾遺李珏等上疏諫云:「元朔未改,園陵尚新。 雖易月之

使,以將作監崔能爲廣州刺史,充嶺南節度使。丁卯, 州大都督府長史,充昭義軍節度、澤路磁邢洛觀察處置等使。夏州奏移宥州于長澤縣置。 辰,以前嶺南節度使孔戣爲吏部侍郎。 賜金紫。 辛酉,宴李光顏、李愬於麟德殿,頒賜優厚。以袁州刺史韓愈爲朝散大夫、守國子祭酒,復 使、檢校尙書左僕射、徐州刺史、上柱國、凉國公、食邑三千戶李愬爲同中書門下平章事、潞 開國公、 戶襲度守司空、門下侍郎、同平章事。 十五六。以吏部侍郎崔羣爲御史大夫。 節曲宴郭釗兄弟、貴戚、主壻等於宣和殿。 期,俯從人欲;而三年之制,猶服心喪。 夫、檢校尙書右僕射、兼門下侍郎、同平章事、太原尹、北都留守、上柱國、晉國公、食邑三千 乙巳,以駕部郞中、知制誥李宗閎爲中書舍人。 丙寅,以御史大夫崔羣檢校兵部尙書、徐州刺史,充武寧軍節度、徐泗宿濠觀察等 食邑二千戶李光顏並同中書門下平章事。又以武寧軍節度、徐泗濠等州觀察等 。以邪寧節度使、檢校司空、邪州刺史、上柱國、武威郡 。滄、景水,損田。戊午,加河東節度使、金紫光祿大 夫遏密弛禁,蓋爲齊人,合樂內庭,事將未可。」不 己酉,大雨三日,至是雨雪,樹木無風而摧仆 宋州大水,損田六千頃。 以兵部尚書李絳爲御史大夫。 戊申,以重陽 者

萬貫, 仰御史臺據司額大小、公事閒劇均之。 冬十月庚午朔,闍婆國遣使朝貢。 庚辰,宰相與吐蕃使於中書議事。 成德軍節度使王承宗卒,其弟承元上表請朝 京百司共賜錢

本

紀

第十六

穆宗

弘正 等州 州,命中尉梁守謙將神策軍四千人及八鎭兵赴援。乙酉,以魏博等州節度觀察等使、光祿 州大都督府長史,充昭義節度、澤路邢洺磁等州觀察等使。 光祿大夫、檢校工部尚書、使持節滑州諸軍事、守滑州刺史、御史大夫,充義成軍節度、鄭滑 西川 節度使田縉貪猥,侵刻党項羌,羌引西蕃入寇,賴郝毗〔三、李光顏奮命拒之,方退。 騎常侍、兼懷州刺史、御史大夫,充河陽三城懷孟節度使。 大夫、檢校司徒、兼侍中、 大都督府長史, 觀察等使。 帥 奏吐蕃侵雅州,令發兵鎭守。 以鎭冀深趙等觀察度支使、朝議郎、試金吾左衞胄曹參軍、兼監察御史王承元可銀青 可檢校司徒、兼中書令、鎭州大都督府長史、成德軍節度、鎭冀深趙等州觀察處置等 遣起居舍人柏耆宣慰之。辛巳,金公亮修成指南車、記里鼓車。壬午, 充魏博等州節度、觀察等使。 以昭義節度使、檢校尙書左僕射、同中書門下平章事李愬可本官, 魏博大都督府長史、上柱國、沂國公、食邑三千戶、實封三百戶田 東川節度使王涯陳破吐蕃策,言以厚賂北蕃,俾入西蕃, 以養成軍節度使劉悟依前檢校右僕射、兼路 乙酉,涇州奏吐蕃退去。 以左金吾將軍田布爲檢校左散 吐蕃寇涇 爲魏州 時夏州

乃睠虞方,初喪戎帥,念乎三軍之事,洎于四州之人。或懷忠積誠,而思用莫展; 或災荒兵 十一月乙亥朔。 癸卯,制:「朕聞帝王丕宅四海,子育羣生,如天無不覆, 如 日無不燭。 據地得人多少賞之。

李絳、 長史, 使、諸王 役,而 涇原行營兵馬使、保定郡王郝雖爲慶州刺史。 日, 吾 兵二千人赴鎭滑州。 務令周厚。」丁未,對王承宗祖母李氏爲晉國太夫人。辛亥,田弘正奏王承元以今月九日領 亦克立効。 罪無輕重,並宜釋放。朕以武俊之勳勞,光于彝鼎;士眞之恭恪,繼被節旄。 鎭州宣慰,賜錢一百萬貫。 能,各宜列之爵秩。大將史重歸、牛元翼已超授寵榮,今更都加厚賜。宜令諫議大夫鄭覃往 固君臣之義,已加殊獎,別委重藩。 1將軍 田 弘正奏今月十六日入鎭州訖。 [望恤何階。 今則昌運一開,誠節咸著。 王承元首陳章疏,願赴闕庭。永念父兄之忠,克 充陝<br />
魏觀察使<br />
,以宗正卿李翺爲華州刺 郭鏦 常侍崔元略已下伏延英門切諫。 一、駙馬千餘人從,至晚還宮。 城南莊, 永言十代之宥,俾賜一門之榮。承宗兄弟已授官爵,其承宗葬事亦差官監視, | 蹤以莊爲獻。 成德軍徵賞錢頗急,乃命柏耆先往諭之。以華州刺史衞中行爲陝州 王澤所洽,天網方恢,宥過釋冤,與人休泰。 戊午,韶曰:「朕來日暫往華淸宮,至暮却還。」御史大夫 又念成德軍將士等,叶謀向義,丹款載申,咸欲劾其器 癸亥,檢校司徒、兼太子少師鄭餘慶卒。 已未,上由 上曰:「朕已成行,不煩章疏。」諫官再三論 班勇將,深入吐蕃接戰,朝廷恐失勇將,故移 史三、潼關防禦、鎭國軍使。 「複道出城幸華淸宮,左右中尉擗仗,六軍諸 其管內見禁囚徒, 乙卯, 上幸金 以 滑州 承宗感恩, 列。 刺史、

之內地。

畋於城西。 十二月已巳朔。戊寅,召故女學士宋若華妹若昭入宮掌文奏。 丙戌,前昭義軍節度使辛秘卒。 己丑,以庫部郎中、知制誥牛僧孺爲御史中丞。 壬午,幸右軍擊鞠,遂

嶺南 E奏 崖州 司戶參軍皇甫鎛卒。 丙申,以司門員外郎白居易爲主客郎中、 知制誥。

一千五

百七十六萬。

定、鹽、夏、劍南

東西川、嶺南、黔中、邕管、容管、安南合九十七州不申戶 是歲,計戶帳,戶總二百三十七萬五千四百,口總

前 社人共補之,馬永無闕。從之。癸卯,以河陽懷節度使田布爲涇州刺史,充四鎭 習邊事,請留其兵甲,歸其人。 兵仗將士,普恩之外,賜勳爵有差。 仕官三品已上賜爵一級,四品已下加一階,陪位白身人賜勳兩轉, 涇原節度使;以刑部尚書兼司農卿郭釗檢校戶部尚書、懷州刺史,充河陽三城懷節度使; 千人衣賜月糧,賜當道自召募一千五百人馬驍勇者以備邊。仍令五十人爲一社,每一馬死, 臣於樓前稱賀。 辛丑、祀昊天上帝於圓丘、即日還宮、御丹鳳樓、大赦天下。 長慶元年正月己亥朔,上親薦獻太淸宮、太廟。 仗退,上朝太后於興慶宮。 靈武節度使李聽奏請於淮南、忠武、武寧等道防秋兵中取三 仍准舊例,賜錢物二十萬四千九百六十端匹。 壬寅, 夏州節度使奏浙東、湖南等道防秋兵不 是日,法駕赴南郊。 改元長慶。 應緣大禮移仗宿衞 日抱珥,宰臣賀於 內外文武 北庭 禮畢 及致 御 樓

平章事 |充(E)。 以 接,唯是漏洩禁密、交通中外。 刺 臣及臺省官私第。」從之。 不合與朝廷要官往來,開元中禁止尤切。 詔 下(E)。」制命始行。 、史,充黔中觀察使。 書,上諭之曰:「士涇父昌有邊功,久爲少列十餘年,又以尙雲安公主, 殷欲加恩,制官敕 涇原節度使王潛檢校兵部尙書、 ,徐國公蕭倪爲尙書右僕射,累表乞罷政事故也。 己酉,以前檢校大理少卿、 翰林學士、司勳員外郞李德裕上疏曰:「臣見國朝故事,駙馬國之親密 丁卯,星孛於辰,近太微西垣南第一星。 戊午夜,星孛于翼。 伏望宣示駙馬等,今後有事任至中書見宰臣,此外不得至宰 駙馬都尉劉士涇爲太僕卿。給事中韋弘景、薛存慶封還 江陵尹, 近日駙馬多至宰相及要官宅,此輩無他才可 充荆南節度使。 壬戌,制朝議大夫、守門下侍郎、同中 癸亥,以左散騎常侍崔元略爲黔州 乙巳, 鄜坊節度使韓璀改名 書門下 以延

之禮 愚見, 清談賦詩,投壺雅歌,以杯酌獻酬,不至於亂。 日:「比聞 韓阜守右僕射。 二月戊辰朔。 風俗 ·外間公卿士庶時爲歡宴,蓋時和民安,甚慰予心。」公審對曰:「誠有此 一誠敬,不繼以淫。 如此,亦不足嘉。 乙亥夜,太白犯昴。 癸酉,以尙書右僕射蕭俛爲吏部尙書。 故詩人美『樂且有儀』,譏其屢舞〔松〕。 百司庶務,漸恐勞煩聖慮。」上曰:「何至於是?」對曰:「夫賓宴 丙子,上觀雜伎樂於麟德殿 國家自天寶已後,風俗奢靡,宴席以誼譁沉 甲戌,以檢校右僕射兼吏部尚書 · 歡甚,顧謂給事中丁公著 前代名士,良辰宴聚,或 事。 然臣之

本

州,宰臣蕭倪等不顧遠圖,乃獻銷兵之議,請密詔天下軍鎮,每年限百人內破八人逃死,故 辰,刑部侍郎李建卒。癸巳,九姓迴紇毗伽保義可汗卒。 總有是奏。丁亥夜,月犯歲星,在尾十三度。辛卯,寒食節,宴羣臣於麟德殿,頒賜有差。 千五百人,從去年正月已後,情願居農者放,逃亡者不捕。」先是,平定河南,及王承元去鎭 度使王播爲刑部尚書,充鹽鐵轉運使。乙酉,天平軍節度使馬總奏:「當道見管軍士三萬三 制誥、翰林學士、上柱國、建安縣開國男杜元穎守本官、同中書門下平章事。 檢校刑部尚書、同平章事、成都尹,充劍南西川節度等使。以朝散大夫、尚書戶部侍郎、知 是物務多廢。 分割幽州所管郡縣爲三道,請支三軍賞設錢一百萬貫。壬申,以中書侍郎、平章事段文昌 上荒于酒樂,公著因對諷之,頗深嘉納。己卯,幽州節度使劉總奏請去位落髮爲僧。又請 而居重位、秉大權者,優雜倨肆於公吏之間,曾無愧恥。公私相效,漸以成俗,由 獨聖心求理,安得不勞宸慮乎!陛下宜頒訓令,禁其過差,則天下幸甚。」時 以劍南西川節

特恩,更放二百人出身。」從之。平盧薛平奏:海賊掠賣新羅人口於綠海郡縣,請嚴加禁絕, 年敕、宗子陪位、放五百七十人出身。准今年敕放三百人。伏緣人數至多、不霑恩澤、乞降 元祖母晉國太夫人李氏來朝,旣見上,令朝太后於南內。丁未,宗正寺奏:「准貞元二十一 三月丁酉朔,浙東奏移明州於鄮縣置。劉總進馬一萬五千匹。甲辰,鄭滑節度使王承

午, 衢王, 度使 數付権 俾異俗 柳公緯為京兆 州 癸 超 劉 官 衞 節度使、檢校右僕射、同平章事張弘靖爲檢校司空、同平章事、兼幽州大都督府長 充 下平章事、楚國公劉總可檢校司徒、兼侍中、天平軍節度、鄆曹濮等州觀察等使。 大將軍 盧龍 幽州 總奏析置也。 拜方鎭,不從。 丑 封 沈 皇弟憬爲鄜王,悅爲瓊王,恂爲沔王,懌爲婺王,愔爲茂王,怡爲光王,恊爲淄王,憺爲 以那寧節度使李光顏爲鳳翔尹,依前檢校司空、平章事 宜 軍節度使。 犪 以幽州 鹽 爲澶王 州 量慰使, 院。 高霞寓檢校工部尚書、邠州刺史,充邠寧節度使。 恩。 百 姓給復一年,賜三軍賞設錢一百萬貫。令宣慰使薛存慶與弘靖計會支給。」戊 從之。 尹、兼御史大夫。 盧龍軍節度副大使、知節度事、押奚契丹兩蕃經略等使、檢校司空、同中書門 庚戌,以左丞 ,左拾遺狄兼謨副之。 丁巳,制:「劉總已極上台,仍移重鎭,兄弟子姪,各授官榮,大將賓僚,亦宜 皇子 乙卯, 從劉總所奏故也。 戊申、罷京西、京北和糴使、擾人故 湛爲景王 以權知京兆尹盧士政爲瀛州 章經爲禮部尚書。 一,涵爲江王,湊爲漳王,溶爲安王, 遷爲潁 己未,以屯田員外郎李德裕爲考功郎 鹽鐵使王播奏江准鹽估每斗加五十文,兼舊三百文。 以鳳翔節度使李愿檢校司空、汴州刺史,充宜武軍節 是夜, ,太白 刺史,充瀛莫等州都團練觀察使,從 也。 近 諫官上疏論霞寓敗軍左謫 靇 五 ,充鳳翔隴右節度使,以 車 河 北権 辛亥, 中,左補 鹽 法,許約計課 命給 王。以兵部侍郎 闕李紳 事 史, 中章 以宣武 充幽 利 未 右 軍 都

本

紀

第

+

寺額日 舍人王起、主客郞中知制誥白居易等重試以聞。甲子, 勳 史,量移也 自 乙丑,以漳州刺史韓泰爲郴州刺史,汀州刺史韓曄爲永州刺史,循州刺史陳諫爲道州 外 機恩。 郎, 並 依 幽州奏劉總堅請爲僧,又賜以僧衣,賜號大覺。 前 知制誥、翰林學士。 敕今年錢徽下進士及第鄭朗等一十四人,宜令中書 劉總請以私第爲佛寺,乃遣中使賜 總是夜遁去,幽州人不 · 知 所

刺]

成就 下詳覆。」貶禮部侍郎錢徽爲江州刺史,中書舍人李宗閱爲劍州刺史,右補闕楊汝士爲開州 虞,人心方泰, 辭律鄙淺,蕪累何多。 天平 易定 俗,深用 異至公。 軍節度使馬總復爲天平節度使。 奏劉總已爲僧,三月二十七日卒于當道界,贈太尉。 夏四月丙寅朔,授劉總弟約及總男等一十一人官,內五人爲刺史,餘朝班環衞。 以觀學藝送深。 興懷。 訪聞 用弘寬假,式示殊恩。 近日浮薄之徒,扇爲朋黨,謂之關節,干擾主司,每歲策名,無不 鄭朗等昨令重試,意在精覈藝能,不於異常之中, 自今後禮部舉人,宜准開元二十五年 亦令宣示錢徽,庶其深自懷愧。 孤竹管是祭天之樂,出於周禮正 孔温業、趙存約、竇洵直所試粗通,與及第 丁丑,詔:「國家設文學之科,本求才實,苟容僥倖,則 敕,及第人所試雜文幷策, 經, 誠宜盡棄, 甲戌,祕書監蔣乂卒。 閱其呈試之文, 固求深僻 以警將來。 題 都 目, - 先定。 不 但以 知其本 丙子 貴令所試 送中書門 盧公亮等 永言 四海 庚午, ,以前 敗

平,准禮宜告陵廟,從之。 百辟卿士宜各徇公,勿爲朋黨。甲午,以張弘靖入幽州,受朝賀。中書門下奏燕、薊八州 錄毗伽可汗。辛卯,以衡州刺史令狐楚爲郢州刺史,吉州司馬孟簡爲睦州刺史。壬辰,詔 開江令。 政紀,歲終付史館。 戊寅,宰臣崔植、杜元穎奏請,坐日所有君臣獻替,事關禮體,便隨日撰錄,號爲聖 從之。事亦不行。丙戌,正衙命使册九姓迴紇爲登羅羽錄沒密施句主

皇妹太和公主出降迴紇登羅骨沒施合毗伽可汗。甲子,命金吾大將軍胡証充送公主入迴 滄州先置景州於弓高縣,置歸化縣於福城草市(tu),並宜停廢。 壬戌,幽州宜慰使給事中薜 文,更加五十文,從王播奏。拾遺李珏上疏論其不可, 疏奏不報。丙辰, 建王瀋薨。丁巳, 諸衞將軍。已酉,右散騎常侍致仕柳登卒。辛亥,造百尺樓於宮中。壬子,加茶權,舊額百 以前書宰相考辭太過,宰相杜元穎等奏貶之。癸卯,幽州大將李參已下十八人並爲刺史及 罪二十件已上爲大,十件已上爲中,十件已下爲小。 存慶本於鎭州。癸亥,敕先置溵州於郾城,宜廢;其郾城上蔡、西平、遂平兩縣復隸蔡州 [宋]。 日入省寺,其廚料令戶部加給。從中丞牛僧孺奏也。已亥,貶考功員外郎李渤爲虔州刺史, 日聞奏;中事,大理寺三十日,刑部二十五日;小事,大理寺二十五日,刑部二十日。所斷 五月丙申朔。戊戌,以刑獄淹滯,立程:凡大事,大理寺三十五日詳斷訖,申刑部,三十 刑部四覆官、大理六丞每月常須二十

本

四九〇

六月乙丑朔。 辛未,吐蕃 犯靑塞堡。 甲申, 賜御史中丞牛僧孺金紫。

兵,心無遠慮,謂兩河無虞,不復禍亂矣,遂奏劉總所籍大將並勒還幽州 留後。 張 册 御通化門臨送,羣臣班於章敬寺前。 河北矣。 **購爲太子賓客分司。** 副大使、知節度事。 弘靖別館, 於宣政殿 秋七月乙未朔。 初劉總歸朝,籍其軍中素難制者送歸闕庭,克融在籍中。 庚申,以昭義軍節度使劉悟檢校司空,兼幽州大都督府長史, ,禮畢,御丹鳳樓,大赦天下。 害判官章雍 以國子祭酒韓愈爲兵部侍郎。 己未,再貶弘靖爲吉州刺史。 壬寅,月掩房次相。 、張宗元、崔仲卿、鄭塤 甲寅, 壬子, 幽州監軍使奏:「今月十日軍亂, 羣臣上尊號日文武孝德皇帝。 辛酉, 軍人取朱滔子洄爲留後。」丁巳, 朱洄自以年老, 太和長公主發赴迴紇,上以半仗 宰相崔植、杜元穎素不知 令軍人立其子 充幽州盧龍軍 ,故克融爲亂,復失 是日 囚節 貶張 克融爲 節度 度使 弘

將佐三百餘口並遇害。軍人推衙將王廷凑爲留後。辛未, 盜殺冀州刺史王進岌,據其郡。<br />
乙亥,以前涇原節度使田布起復檢校工部尚書,<br />
兼魏州大 史,充四鎭北庭行軍、涇原節度使。 八月甲子朔。己巳,鎭州監軍宋惟澄奏:七月二十八日夜軍 敕公卿大臣至中書議幽、鎭討伐之謀。 以左金吾將軍楊元卿爲涇州 亂, 節度使田弘正丼家屬 癸酉,王廷凑遣 刺

都督 爲幽州 夜,太白 一府長 兵所據。 1近軒 史, 轅 充 左角。 魏博節度使。 乙丑,以河東節度裴度充幽、鎭兩道招 冀州刺史吳暐潛爲幽州兵所逐。瀘州兵亂,囚觀察使盧士政。瀛州喜 己卯, 以深州刺史、本州團練使牛元翼充深冀節度使。 撫使。 庚寅,以建州刺史李景儉為

博節度使李愬爲太子少保。癸酉,魏博節度使田布奏,出師五千赴貝州行營。 吐蕃請盟,許之。辛亥夜,月近天關。 已,相州兵亂,殺刺史邢楚。 諫議大夫。 九月甲午朔。丁酉,廢興州鳴水縣。 壬辰夜,太白近太微西垣。 丙午,令內常侍段文政監領鄭滑、河東、許三道兵, 壬子,幽州賊掠易州淶水、遂城、满城。 癸巳,鎭州出兵圍深州 戊戌夜,太白近太微右執法。 壬寅,大雨震霆。乙 癸丑,以前魏 救援深州

州刺 僕射 成德 章事 將軍杜叔良充深冀諸道行營節度使。 嗣 軍 復爲庫部郎中、知制誥。 多十月甲子朔。丙寅,太中大夫、守刑部尚書、騎都尉王播可中書侍郎、同中書門下平 判 節度、鎭冀深趙等州節度使。 依前充鹽鐵轉運使。 御史 東都 中丞, 尚書省事 , 充浙 東都留守、 東觀察使。 以河東節度使裝度充鎭州四面行營都招討使,以左領軍衞大 壬申,以東都留守鄭絪爲吏部尚書,以吏部尚書李絳檢校右 都畿防禦使。 乙亥,沂州刺史王智興爲武寧軍節度副使。 辛未,以中書舍人、知貢舉王起爲禮部侍郎,兵部郎中 戊辰,以深冀節度使牛元翼爲鎭州大都督府長史,充 以工部尚書丁公著檢校左散騎常侍,兼越 丁丑,裴度

本

紀

第

+

六

穆

出征 以秘書監許季同爲華州刺史,充潼關防禦、鎭國軍使。 尹、御史大夫柳公綽爲吏部侍郎。 客郎中、 奏,自將兵取故關路進討。朱克融兵寇蔚州。戊寅,王廷湊兵寇貝州。 丑,以戶部侍郎、判度支崔倰爲工部尙書、判度支;以山南西道節度使崔從爲尙書左丞; 度使,以代鳥重胤; 授重胤檢校司徒、興元尹,充山南西道節度使。 時上急於誅賊, 樞密魏弘簡交通,傾亂朝政。以稱爲工部侍郎,罷學士;弘簡爲弓箭庫使。 於白石 日 丁亥,前浙東觀察使薛戎卒。 十一月甲午朔,裴度奏破賊於會星鎭。 「嶺破燕軍三千。 滄州鳥重胤奏,於饒陽破賊。 面辭,奏云:「臣必旦 知制誥白居易爲中書舍人。 |夕破賊。」重胤善將知兵,以賊勢未可卒平,用兵稍緩, 。戊子,魏博田布奏,自率全師進討。 丙戌, 以深冀行營節度使杜叔良爲滄州刺史、横海軍節 河東節度使裴度三上章,論翰林學士元稹與中官知 朱克融兵大寇定州,節度使陳楚出師拒 工部尚書韋貫之卒。 辛卯,昭義劉悟奏,自將兵次臨城 太子少保李愬卒。己 易州刺史柳公濟奏, 壬午,以尙書主 甲申,以京兆 故有是 杜叔良 職,破

其謀而誅之。 行營供軍使。 十二月甲子朔。丙寅,以前容管經略使留後嚴公素爲容州刺史、容管經略使。 戊午,上御宣政殿,試制科舉人。辛酉,淄青牙將馬延崟謀逆,節度使薛平覺 韶中書舍人白居易、繕部郎中陳帖、考功員外郞賈餗同考制策。 丁卯,

賊二萬。乙巳,徐州崔羣奏,遣節度副使王智興率師赴行營。 戊申,以司農卿裴武爲鎭州

與景儉同飲,然先起,不貶官。 府僚之罪, 酉,以幽州都知兵馬使朱克融檢校右散騎常侍,充幽州盧龍軍節度使,其拘囚張弘靖、殺害 乘醉見宰相謾駡故也。 州陳楚破朱克融賊二萬於望都。戊寅,以鳳翔節度使李光顏爲忠武軍節度使,代李遜,仍 玉帶名馬。 刺史,司勳員外郎李肇澧州刺史,刑部員外郎王鎰郢州刺史,坐與李景儉於史館同飲,景儉 **兼深冀行營節度;以李遜爲鳳翔節度使。貶員外郞獨孤朗韶州刺史,起居舍人温造朗州** 叔良僅免。乙亥,敕諸道除上供外,留州留使錢內每貫割二百文以助軍用,賊平後仍舊。定 貶諫議大夫李景儉爲楚州刺史。 庚午,杜叔良之軍與賊戰於博野,爲賊所敗,七千人陷賊 仍敕神策副使楊承和充深冀行營都監押。 切釋放。 時朝議以克融能保全弘靖, 兵部郎中知制誥馮宿、庫部郎中知制誥楊嗣復各罰一季俸料,亦坐 。辛巳,李光顏赴鎭,百僚餞於章敬寺。 王廷湊殺害弘正, 可赦燕而誅趙, 故有 壬午, 出內庫錢五萬貫以助軍。 上御通化門臨送,賜

不進戶軍州不在此內。 是歲,天下戶計二百三十七萬五千八百五,口一千五百七十六萬二千四百三十二,元

年春正 三月癸巳朔,以用兵罷元會。 乙未,以夔州刺史王承弁爲安南都護、本管經略

本紀第

十六

穆

宗

尙書, 景州。 潰於南宮縣。 鹽定遠城等州節度使,以晉州 卒。 刺 刺 史憲誠檢校 招 討 史,以獻計誅幽鎮 史王日簡爲滄州刺史,充橫海軍節度、滄德棣觀察等使,以代叔良。 使。 庚子,以兗沂密觀察使曹華爲節度使,以天德軍 兼 青州 心鳳翔尹 T  $\widehat{\mathbb{I}}$ 奏海凍二百里。 酉 戊申, 一部尙書,兼魏州大都督府長史,充魏博節度使。 朱克融陷滄州弓高縣,賊攻下博,兼邀餉道車六百乘而去。 庚子 , 充鳳翔隴節度使。以鴻臚卿、兼御史大夫張平叔判 無功,而兵敗喪所持旌節也。 魏博牙將 乙卯,以前鳳翔節度使李遜爲刑部尚書。 史憲誠 刺史李岵爲豐州 奪師,田布伏劍而卒。 刺史,充天德軍豐州東西受降城 甲寅,以工部尙書、 防禦使李進誠 己酉,以魏博中軍先鋒兵馬使 是日,大風霾。 兼 度支。 判度支崔倰檢校 愛州 己未, 壬子, 貶叔良為 刺史,充朔方靈 復以 刑部尚書李 庚戌,以 都防禦使。 ,魏博兵自 弓高 徳州 歸州 縣 禮 遜

內出 使。 寅 鎮冀深趙等州觀察等使。 史張弘靖為撫州 了以前<u>成</u>德軍節度使牛元翼檢校工部尙書、襄州刺史,充 [繒帛八萬匹以助軍 丁卯,以考功郎中、知制誥李德裕爲中書舍人,依前翰林學士。 二月癸亥朔。 刺史。弘靖初貶官,尙在幽州 甲子, 三軍將士,待之如初。 韶雪王廷凑, 權停嶺南、黔中今年選 仍授鎭州 拘留半歲,克融授節,始得還,故有是命。 仍令兵部侍郎韓愈往彼宣諭。 補 大都督府長史、御史大夫,充成德軍 山南 東道 癸酉,以鄜坊節度使韓 節度觀察、臨漢監牧等 以前吉州 節度、 刺 丙

以前靈武節度使李聽爲太原尹、北都留守、河東節度使。 平章事裴度守司徒、平章事,充東都留守,判東都尚書省事、都畿汝防禦使、太徽宮等使; 使,權知襄州軍府事,以牛元翼在深州重圍故也。丁亥,以河東節度使、司空、兼門下侍郎、 爲滄州刺史、橫海軍節度使,兼忠武軍節度、深冀行營並如故;以橫海軍節度使李全略爲 德州刺史、德棣等州節度。 丙戌,以兵部郎中、知制誥馮宿檢校左庶子,充山南東道節度副 士、中書舍人李德裕爲御史中丞;司勳員外郎、知制誥李紳爲中書舍人,依前翰林學士。右 賜紫金魚袋崔植爲刑部尙書,罷知政事;以工部侍郎元稹守本官、 · 
充爲義成軍節度使,以代王承元,以承元爲鄜坊節度使。 庶子王仲周以奉使緩命,貶台州刺史。癸未,以深冀行營諸軍節度、忠武軍節度使李光顏 度使王日簡賜姓名李全略。辛巳,以正議大夫、守中書侍郎、同中書門下平章事、武騎尉、 甲戌夜,火、木星相近。 同平章事。以翰林學 滄州節

後, 者,三周年內不得停衣糧。先於留州留使錢內每貫割二百文助軍,今後不用抽取。」上於馭 軍之道,未得其要,常云宜姑息戎臣。故卽位之初,傾府庫頒賞之,長行所獲,人至鉅萬,非 加獎擢。 宜令神策六軍軍使及南衙常參武官,各具歷任送中書門下,素立大功及有才器者,量 三月壬辰朔,詔曰:「武班之中,淹滯頗久。又諸薦送大將,或隨節度使歸朝。自今已 常參官依月限改轉,諸道軍府帶監察已上官者,限三周年卽與改轉。軍士死王事

紀

第十

·

穆

兵部尚書蕭俛爲太子少保,以前山南東道節度使李逢吉爲兵部尚書。 將文符鬻之富賈,曲爲論奏,以取朝秩者,疊委於中書矣。 張奉國卒。 時賜與,不可勝紀。 鹽,可以富 國強兵,陳利害十八條。 以鴻臚卿、 六 故軍旅益驕,法令益弛,戰則不克,國祚日危。 判度支張平叔爲戶部侍郎充職。 韶下其疏,令公卿詳議。 平叔以曲承恩顧,上疏請官自賣 名臣扼腕, 中書舍人韋處厚隨條詰難, 洎頒此詔, 方鎭多以大 無如之何。 壬寅、左驍衞上將軍 。癸巳,以 固

鐵 受册訖,謁太廟,赴尚書省上,宰臣百僚皆送。丁巳,以左丞崔從檢校禮部尚書、鄜州刺 射,以前淮南節度使李夷簡爲右僕射。前東都留守李絳復拜舊官。 癸丑,徐州節度使崔羣爲其副使王智興所逐,智興自專軍務。 咽流涕,上改容慰勞之。 壬子,以新授東都留守裴度爲揚州大都督府長史,充淮南節度使。 史、鄜坊節度使,以代王承元;以承元爲鳳翔隴節度使。戊午,司徒裴度復入中書知政事 城亦緩,乃並加檢校工部尙書。戊申,裴度來朝,對於麟德殿,伏奏龍墀,因敍河北用兵,嗚 言不可,事遂不行。 《轉運使; ]中書侍郎、平章事王播檢校右僕射,兼揚州大都督府長史,充准南節度使,依前兼諸道鹽 以鳳翔節度使崔俊爲河南尹。牛元翼率十餘騎突圍出深州來朝,深州大將臧平 。朱克融、王廷凑合兵攻深州,不解。 裴度與書諭之, 克融還鎮, 廷凑攻 甲寅, 丙辰,守司徒裴度正衙 以右僕射韓阜爲左僕

等一百八十人皆爲王廷湊所殺。己未,以武寧軍節度副使王智興檢校工部尙書〔五〕,兼徐州

刺 史,充武 寧軍節度使; 以德棣節度使李全略復爲滄州節度使,仍合滄景德棣爲一

光顏還鎮許州。

近式。 察使杜式方卒。癸未,以武寧軍節度使崔羣爲祕書監,分司東都。 **湊攻之不下**。 死,爲父可哀。若從沉命之科,恐失原情之意。可減死罪一等。」忻州刺史李寰守博野,王 擊,出天市垣,至郎位滅。 夫,並賜金紫。 路隨進所撰六經法言二十卷,賜錦綵二百匹、銀器二百事,處厚改中書舍人,隨改諫議大 十四,持木鐘擊莅首破,三日而卒。 夏四月辛酉朔,日有蝕之。 雲陽縣角抵力人張莅負羽林官騎康憲錢,憲往徵之。 其李寰所領兵宜割屬右神策,以寰爲軍使,仍以忻州軍爲名。庚辰,桂管觀 丁亥,以祕書監嚴譽爲桂管觀察使。 甲子,左僕射韓皐赴省上,中使賜酒饌,宰臣百僚送,一 刑部奏覆,敕曰:「買德尙在童年,能知子道。雖殺人當 是夜,東北有流星,光彩燭地,殷殷有 莅乘醉打憲將殞,憲男買德年 翰林侍講學士韋處厚、 廷 如

克融上表進馬萬匹、羊十萬口,先請其價賞軍。 五月辛卯朔。 以德州刺史李景儉為諫議大夫。 隴山有異獸如猴,腰尾皆長,色靑赤而猛 癸丑,太子少傅嚴綬卒。 戊午,幽州朱

驚,見蕃人則躍而食之,遇漢人則否。

本紀

第

+

六

穆宗

六月庚申朔。 甲子,司徒、平章事裴度守尚書右僕射,工部侍郎、平章事元稹爲同州刺

四

壬申 爲太子少保,分司東都。 風 電 以 諫官論 E 一、墜太 議 大 廟 責裴度太重 夫、 鴟 守兵部尚書、輕車 霹御 戊子,復置 一,元稹太輕,乃追稹制書 史臺樹。 邕管,以安南副使崔結爲邕管經略 ·都尉李逢吉爲門下侍郞、同中書門下平章 丁卯 以易州 刺刺 削 史柳公濟爲定州 長春宮使。 戊寅, 刺 使。 以前右僕射 史、義武 事 軍 節 Z 不李夷簡 度使。 五、大

州刺 爲右 韓充爲汴州刺史、宣武軍節度使、汴宋亳潁觀察等使,鄭滑如故,以宣武軍節度押衙李齐 事 郎 尋訪 爲留後。 中 知 中使楊再昌使鎭州。 丼 不 金吾衞將軍。 史。 汝防禦使。 制 秋七月己丑朔。 翰 誥 · 知 二年後 《所在。」辛亥,以贈司徒、忠烈公|李憕子源爲諫議大夫,賜緋魚袋。 林學士 乙巳,韶南北省五品已上官議討李次。 好時縣山水漂溺居人三百家。 別 本 轉郞中,又二年後轉前行郞中,又一年卽正除; 丁未,內出綾絹五十萬匹付度支,以供軍用。陳、許水災, 宣 朝 故事 一知者, 丙申,宋王結薨,廢朝。 王廷凑奏:「奉詔取牛元翼家族,請至秋末發遣。 ,東都留守罕用武臣,今用楚,以李庎擾汴宋故也。 不在 此限。」以前義武軍節度使陳楚爲東都留守、 陳、許、蔡等州水。 戊戌, 汴州軍 丙午,貶李愿爲隨州刺史。 兼東畿防禦副使。 ·亂,逐節度使李愿, 壬 寅, 諫議大夫知同前郎中,給 出中書舍人白居易爲抗 給事中韋穎以弘禮望 其田弘正 乙卯,敕:「員外 **販栗五萬石。**己 以鄭滑節 判尚書省事、 立牙將李尔 一骸骨, 度使

八月己未朔

以絳州刺史崔弘禮爲河南尹

等使。 滑願等州觀察等使;以宋州刺史高承簡爲兗州刺史、兗海沂密等州節度使;以汴州防城 月六日發軍入汴州界,營于千塔。 都留守、判尙書省事、東畿汝防禦使。 薛志忠、秦鄰等。 輕 兵馬使李質 1,封還詔書,上遣中使諭之,乃下。 九月戊子朔,浙西大將王 浙東處州大水,溺居民。以兗海沂密節度使曹華爲滑州刺史日四,充義成軍節度、鄭 (爲右金吾衞將軍。 丁丑,韓充入汴州。以前東都留守李絳爲華州刺史,充潼關防禦、鎭國軍 國淸謀叛,觀察使寶易直討平之,同惡二百餘人並誅之。 類州棣鄭滑觀察使印。 詔陳許李光顏將兵收汴州。 以東都留守陳楚爲河陽懷節度使。 鹽鐵轉運使王播進開潁口圖。 戊辰,以左僕射韓阜爲東 癸酉, 韓充奏今

芙蓉苑 代竇易直 州 盡剽其家 練防禦州 子,太子少師李夷簡卒,贈太子太保。 節度使。 南 財財 、置判官一員,其副使推 面 汉僕。 **「,居人** 以易直爲吏部侍郎。 御史中丞李德裕爲潤州刺史、兼御史大夫、浙江西道都團練觀察處置等使,以 、廬舍墳墓並移之,羣情駭擾。 丁巳, 以萬州刺史李元喜爲安南都護。 ;巡並停。 加晉州 癸卯,以前河陽節度使郭釗爲河中尹,兼河中絳隰等 刺 辛亥,以 ·史李寰爲晉慈等州都團練觀察使。乙巳,敕團 癸丑, 東部侍郎柳公綽爲御史大夫。先有詔廣 降敕 能之。 陰山府沙陁突厥兵馬使朱耶執 徳州軍亂, 害刺史王稷,

本

紀

第

十六

穆宗

宜來朝貢,賜官誥、錦綵、銀器。

許季同爲工部侍郎。 度使烏 河中尹、上柱國、許國公韓弘可守司徒、兼中書令。 多十月戊午朔、 重胤來朝 ,移授天平軍節度使。 是日,上由複道幸咸陽,止於善因佛寺,施僧錢百萬,咸陽令絹百 壬戌,前河中晉絳慈隰等州節度使、開府儀同三司、守司徒、中書令、 己卯,以工部侍郞鄭權爲工部尚書,以前華州刺 甲子夜,月掩牽牛中星。戊辰,興元節 匹。 史

趙宗儒 四人。 宗正 當道有水旱處,取常平義倉斛斗,據時估減半價出糶,以惠貧民。」丙辰,以太子賓客令狐楚 廢朝。 價不免踊貴, 更日入史館。 少卿李子鴻等,送太和公主自蕃中迴。 閨 爲吏部尙書;韋綬爲興元尹, [十月戊子朔,入迴紇使金吾大將軍胡証、副使光祿卿]李憲、婚禮使衞尉卿|李銳、副使 以戶部尙書楊於陵爲太常卿。 己亥,敕翰林侍講學士諫議大夫路隨、中書舍人韋處厚,兼充史館修撰憲宗實錄,仍 眷言疲困,須議優矜。 實錄未成,且許不入內署,仍放朝參。 宜委淮南、浙西東、宜歙、江西、 充山南 丙申 庚寅,以吏部尚書鄭絪爲太子少傅,以太常卿 西道節度使。 迴紇可汗遣使獻國信四牀、女口六人、葛祿 甲寅、詔:「江淮諸州旱損 壬辰,右聽衞大將軍韓公武卒, 福建等道觀察使, 頗多,所在米 各於

爲陝虢觀察使。 十一月丁巳朔。 丁卯,尙書左丞庾承宣爲陝虢觀察使。 令狐楚復爲太子賓客,分司東

然墜馬, 驪山下,卽日馳還,太后翌日方還。 幸石甕寺。 楚已至陝州視事一日,追改之。 庚午,命景王率禁軍五百騎,侍從皇太后幸華淸宮,又 如物所擊。 辛未,以前安南都護桂仲武爲邕管經略使。癸酉,上幸華淸宮迎太后,巡狩于 上恐,罷鞠升殿,遽足不能履地,風眩就牀。 丙子,集王緗薨。 庚辰,上與內官擊鞠禁中,有內官歘 。 自是外不聞上起居者三

日。

是夜,月近房。

判度支。 以前天平軍節度使馬總檢校左僕射、守戶部尙書。 市癃殘窮者。 紫宸殿御大繩牀見百官,李逢吉奏景王成長,請立爲皇太子,左僕射裴度又極言之。癸巳, 請見,上不許。 拜,宮僚拜則受之。 詔景王爲皇太子。淮南奏和州飢,烏江百姓殺縣令以取官米。 司 疏放繫囚。 十二月丁亥朔,韶五坊鷹隼並解放,獵具皆毁之。庚寅,宰臣李逢吉率百僚至延英門 太子賓客孟簡卒。乙卯,以前陝虢觀察使衞中行爲尚書右丞。 癸丑,以太子册禮畢,宣制赦囚徒。 丙午,上御宣政殿册皇太子。 受册畢,百僚謁太子於東宮,太子舉簾,執笏答 己未,兩軍容內司公主戚屬之家,並以上疾痊平,諸寺爲僧齋。 中外與度等三上疏,請立皇太子。是夜,司徒、中書令韓弘卒。辛卯, 丁未,判度支、戶部侍郎張平叔貶通州刺史。 以前黔中觀察使崔元略爲鄂岳蘄黃安等州觀 庚戌, 以東部侍郎竇易直爲戶部侍郎、 甲午,內出絹二百匹,賑兩 是夜,月掩左角。 仍敕在京諸 己酉,

本

第

+

六

穆宗

是多十月頻雪,其後恆燠,水不冰凍,草木萌發,如正二月之後

司所試頁舉人,試訖申送中書,候覆訖下當司,然後大字放牓。從之。 坐妄傳禁中語也。 三年正月丁巳朔,上以疾不受朝賀。 敕不得買新羅人爲奴婢,已在中國者卽放歸其國。 是日大風,昏翳竟日。 嗣郢王佐宜於崖州安置, 禮部侍郎王起奏:當

使府於三城,未有門戟,欲移懷州門戟於河陽。 三史科, 二月,天平軍監軍奏:節度使鳥重胤病,牙將王贄割股肉以療。 河陽節度使陳楚奏:移 從之。戶部尙書崔倰卒。 從之。 諫議大夫殷侑奏禮部貢舉請置三傳

中書門下平章事。 者,幷端午誕節常例進獻者,一切權停。 三月丁巳,宰臣百僚賜宴於曲江亭。 日晡晚後,有賊入通化門, 鬭死者一人, 傷者六人。 其鷹犬之類,除備蒐狩外,並令解放。 敕應御服及器用在淮南、兩浙、宣歙等道合供進 賜宣徽院供奉官錢 以牛僧孺 同

自一百二十貫文已下有差。 五月, 山南西道奏移成州於寶井堡。 山南東道節度使牛元翼卒。 秘書少監李隨奏請

造當司圖書印一面,從之。

六月,宰相監修國史杜元穎奏:史官沈傳師除鎭湖南,其本分修史,便令將赴本任修

敕京兆尹、御史大夫韓愈宜放臺參,後不得爲例。

七月,國子祭酒韋乾慶卒。

八月,鄭滑節度使曹華卒。 檢校尙書右僕射、戶部尙書馬總卒。 興元節度使韋綬卒

上由複道幸興慶宮,至通化門,賜持盂僧絹二百匹,因幸五方,賜從官金銀鋌有差。 九月,澤路節度使劉悟進位平章事。 賜宰臣百僚重九宴于曲江亭。 南韶王丘佺進金

碧文絲十有六品。

不協,紳有時望,恐用爲相。及紳爲中丞,乃除韓愈爲京兆尹、兼御史大夫,仍放臺參。 中使具奏,故與愈俱改官。召翰林學士龐嚴對,因賜金紫。 政事,除成都尹、劍南西川節度使。 龍武統軍陳楚卒。 性峭直,屢上疏論其事,遂與愈辭理往復,逢吉乃兩罷之,然紳出而愈留。 軍器使三千貫。杜元穎赴鎭蜀,上御安福門餞,因賜皇城留守及金吾衞率等帛有差。 江西觀察使李紳爲戶部侍郎。 十月,以京兆尹韓愈爲兵部侍郎,以御史中丞李紳爲江西觀察使。 紳旣罷除江西,上令中使就第賜玉帶, 以兵部侍郎韓愈爲吏部侍郎, 賜內園使公廨本錢一萬貫印了 紳因除敍泣而 宰相李逢吉與李紳 宰相杜元穎罷知 請留, 新除

十二月,浙西觀察使李德裕奏去管內淫祠一千一十五所。 月,上御通化門,觀作毗沙門神,因賜絹五百匹。停浙東貢甜菜、海蚶。

五〇三

卒。辛未,上大漸,詔皇太子監國。壬申,上崩於寢殿,時年三十。羣臣上諡曰睿聖文惠孝 之,求學不獲。澤路判官賈直言新授諫議大夫,劉悟上表乞留,從之。禮部尙書致仕孔戣 四年正月辛亥朔,上御殿受朝如常儀。上餌金石之藥,處士張皐上疏切諫,上悅,召

皇帝,廟號穆宗。十一月庚申,葬于光陵。

**惜朝綱之將墜,乃求賢俊,總攬英雄,果能扼大盜之喉,制姦臣之命。 五十載已終之土,復** 之艱難,不恤黎元之疾苦。謂威權在手,可以力制萬方;謂旒冕在躬,可以坐馳九有。曾 敢萌狗鼠之謀?強盜寧窺孟賁之金,餓隸不拾嬰兒之餌。觀夫孱主,可謂痛心,不知創業 入提封; 軒黃御宇之秋,則百年無事;及商辛握圖之日,則四海橫流。昔章武皇帝痛國命之不行, 豈非富貴生不仁,沉溺致愚疾。 存亡以之迭代,治亂從此周復」。誠哉是言也! 不知聚則萬乘,散則獨夫,朝作股肱,暮爲讎敵。仲長子所謂「至於運徙勢去,獨不覺悟者, 於短祚。 史臣曰:臣觀五運之推遷,百王之隆替,亦無常治,亦無常亂,在人而已,匪降自天。當 苟或時有严、勃之佐,繼以文、景之才,則廷湊、克融,自縮螳螂之臂;智興、李介, 百萬戶受弊之甿,重蘇景化。元和之政,幾致昇平。鴟梟方革於好音,龍鼎俄傷

贊曰:惠王不令,敗度亂政。 驕僻偶全,實賴遺慶。 皇皇上帝,爲民立正。 此何人哉,

逮主鼎命。

## 校勘記

- (1) 蕭俛爲朝散大夫守中書 據冊府卷七三,蕭俛爲朝散大夫守中書侍郎,下文段文昌所署官「舍
- 人」,當爲中書舍人。疑史文「中書」下脫「侍郎中書」四字。
- 「玼」字各本原作「玭」,據本書卷一五二級班傳、新書卷一七〇高固傳改。

下同。

3

郝玼

S 李鄒 無為華州文。又案李宗閔傅,宗閔父郞自宗正卿出為華州刺史, 合鈔卷一六穆宗紀注云:「案關是年六月坐李景儉貶朗州, 計其時當在元和末, 不應即遷華州也。 且鄒傳亦 此疑作

李翻。

- 韓璀 「璀」字各本原作「瓘」,據本書卷一五憲宗紀、新書卷一五八韓弘傳改。
- (ヨ)制官敕下 十七史商權卷七四:「制官敕下當作制宜放下。
- **公** 譏其屢舞 「譏其」,各本原作「憐異」,據唐會要卷五四改。
- (年) 置歸化縣於福城草市 「城」字各本原作「壽」,據唐會要卷七一、寰宇記卷六四改。 一置」上當有

「徳州」二字。

本紀第十六 校勘記

3 其郾城上蔡西平遂平兩縣復隸蔡州 唐會要卷七〇作「其先割屬溵州上蔡西平遂平等三縣依

隸屬蔡州」。

(名) 武寧軍節度副使 「副」字各本原無,據本卷上文及本書卷一五六王智興傳、合鈔卷一六穆宗

紀補。

음 潁州棣鄭滑觀察使 滑州刺史 「滑州」,各本原作「華州」,據本書卷一六二曹華傳改。 「棣」字合鈔卷一六穆宗紀作「隸」。

8 賜內園使公廨本錢一萬貫 「賜」字各本原無,據冊府卷五〇七補。

## 舊唐書卷十七上

## 本紀第十七上

## 敬宗 文宗上

是,宰臣奏議請量國力頒賞,故差減於先朝,物議是之。羣臣五上章請聽政,從之。 內出綾絹三百萬段以助賞給。穆宗初卽位,在京軍士人獲五十千,在外軍鎭差降無幾。 禮畢,詔賞神策諸軍士人絹十匹、錢十千,畿內諸軍鎭絹十匹、錢五千,其餘軍鎭頒給有差。 癸酉,皇太子卽位柩前,時年十六。甲戌,左僕射韓阜卒。丙子,羣臣準遺詔奏皇帝寶册, 東內之別殿。長慶元年三月,封景王。二年十二月,立爲皇太子。四年正月壬申,穆宗崩。 敬宗睿武昭愍孝皇帝諱湛,穆宗長子,母日恭僖太后王氏。 元和四年六月七日,生於

癸未,貶戶部侍郎李紳爲端州司馬。 |月辛巳朔,上穣服見羣臣於紫宸門外。 壬午,渤海送備宿衞大聰叡等五十人入朝。 丙戌, 貶翰林學士、 駕部郎中、 知制誥龐嚴爲信州刺

本紀第十

七上

敬宗

遠使。 物 穎進罨畫打毬衣五百事,非禮也。 侍御史,充入蕃告哀使。 史,翰林學士、司封員外 有 並宜放出,任其所適。 上率羣臣詣光順門册皇太后。 :差。以米貴,出太倉粟四十萬石,於兩市賤糶,以惠貧民。 戊子,河北告哀使、 郎、知制誥蔣防爲汀州刺史,皆紳之引用者。以右拾遺吳思爲殿中 李紳之貶,李逢吉受賀,羣官至中書,而思獨不往,逢吉怒而 諫議大夫高允恭卒於東都。辛卯,敕沒掖庭宮人、先配 己亥,册大行皇帝皇太后爲太皇太后。庚子,西川節度使杜元 辛丑,上始御紫宸殿受朝。 丁未,御中和殿擊毬,賜敎坊樂官綾絹三千五百匹。 癸未夜,太白犯東井北轅。乙 既退,幸飛龍院,厚賜內官等 內園宮 斥爲 戊

也。 惜其冤横,傷悼久之,仍歎宰執非才,縱姦臣跋扈。 部尚書胡証檢校戶部尚書、京兆尹。 午,禮儀使奏:「外命婦正旦及四始日舊行起居之禮,伏以禮煩則瀆,請停。」從之。 貢之外不得進獻。 申,擊毬於飛龍院。 三月庚戌朔,貶司農少卿李彤吉州 壬子,上御丹鳳樓, 是日,風且雨。 六宅、十宅諸王女, 已酉,大合樂於中和殿,極歡而罷,內官頒賜有差 大赦天下。 甲寅,始於延英對宰臣。 京畿夏青苗錢並放, 甲子,故山南東道節度使牛元翼家爲王廷湊所害, 宜令每年於選人中選擇降嫁。 司馬,以前爲鄧州 丙辰, 翰林學士韋處厚奏曰:「理亂之本,非有 以尚書右丞韋顗爲戶部 秋青苗錢每貫放二百文。 刺史,坐臟百 今後戶帳田 「萬,仍自刻德政碑故 侍郎。 畝 庚申,工 天下常 五 戊

他術, 延、宥州、 坊錢一萬貫,以備遊幸。是夜,太白犯東井北轅。 流,上爲之動容,仍賜緋魚袋。 立 狐楚爲河南尹。 以感悟漢文,雖有頗牧不能用也。」以太子少保張弘靖爲太子少師, 扼其衝。 一而踣者。 順人則 乙亥,幸教坊,賜伶官綾絹三千五百匹。 臨塞、陰河、陶子等五城,以備蕃寇。又以党項爲盜,於蘆子關北木瓜嶺築壘,以 諫議大夫李渤出次白宰相,俄而始坐。 理,違人則亂。 丁卯,以刑部尙書段文昌判左丞事 陛下當食歎息 編毗徐忠信闌入浴堂門,杖四十,配流天德。 ,恨無蕭曹。 甲戌,夏州節度使李祐奏:於塞外築鳥 班退,左拾遺劉栖楚極諫,頭叩龍墀 戊辰,羣臣入閣,日高猶未坐,有 今有一 妻 度, 分司東都太子賓客令 尙不能用, 此馮唐 庚午, 賜內敎 不任 血 所

等監共 幸左軍 殿, 辰, 吐突承璀之罪,令男士曄改葬之。 登御 兵部侍郎武儒衡卒。 夏 三十 【四月庚辰朔。甲申,以御史大夫王涯爲戶部尙書、兼御史大夫,充鹽鐵轉運等使。 榻 T 而食,攻弓箭庫。 五 酉,上還宮,羣臣稱慶。 人,並答之。 丙申, 賊張韶等百餘人至右銀臺門, 殺閣者, 揮兵大呼, 進至淸思 制以正議大夫、尚書吏部侍郎、上柱國、渭源縣開國男、食邑三百 辛丑,染坊使田晟、段政直流天德,以張韶染坊役夫故也。 左神策軍兵馬使康藝全率兵入宮討平之。是日,上聞其變,急 丙午,宰臣李逢吉封凉國公,牛僧孺封奇章縣子。 諫議 大夫李渤以上輕易致盜,言甚激切。 已亥,九仙門 韶

五

月已

一酉朔。

乙卯,

本

紀

第

+

七

上

爲知院官,從其使王涯請也。 會賓鄉,以奉景陵。 侍郎韋顗賜金紫。 夫、判度支、上柱國、賜紫金魚袋寶易直爲朝散大夫,本官同中書門下平章事。判度支、戶部 賜紫金魚袋李程守本官、同中書門下平章事。以朝議郎、守尙書戶部侍郎、 己未, 癸亥,以鹽州刺史傅良弼爲夏州節度使。東都、江陵監大轉運留後並改 割富平縣之豐水鄉、下邽縣之翟公鄉、澄城縣之撫道鄉、白水縣之 兼御史大

庚辰, 部尙書。 水壞太湖堤,水入州郭,漂民廬舍。丁未,以吏部尙書趙宗儒爲太常卿,兵部尙書鄭絪爲吏 度論於上前,故有是命。 加同中書門下平章事。 司空,兼河中尹、御史大夫,充河中降隰等州節度使。 六月已卯朔,以左神策大將康藝全爲鄜坊節度使。 大風吹壞延喜、景風等門。 度之拜興元也,爲宰相李逢吉所排,不帶平章事,李程、韋處厚日爲 加陳許節度使李光顏 工部侍郎張惟素卒。 守司徒。 丙申, 壬辰, 以左金吾衞大將軍李愿檢校 癸卯,太保張弘靖卒。 辛巳,敕以霖雨命疏決京城繫囚。 山南西道節度使、 守司空裴度 己己,浙

營田六百頃。乙丑,鄭、曹、濮暴雨水溢,壞城郭廬舍。丁卯,敕以穀貴,凡給百官俸內一 辰,以前河中節度使郭釗爲兵部尚書。 戊午,太子賓客許季同卒。 秋 七月戊申朔。 己酉, ,睦州清溪等六縣大雨(1),山谷發洪水泛溢, 辛酉,疏靈州特進渠,置 漂城郭廬舍。 庚

甲戌、左金吾衞大將軍李酤進馬二百五十匹。御史温造於閣內奏彈酤罷使違敕進奉,酤趨 半合給匹段,今宜給栗,每斗折錢五十文。辛未,以大理卿崔元略爲京兆尹、兼御史大夫。 道造盝子二十具,計用銀一萬三千兩,金一百三十兩。昨已進兩具,用銀一千三百兩,當道 出待罪,詔宥之。襄、均、復等州漢江溢,漂民廬舍。丙子,浙西觀察使李德裕奏:「詔令當 支費,猶欠十三萬貫不足。臣若因循不奏,則負陛下任使之恩; 若分外誅求,又累陛下慈儉 在庫貯備銀無二三百兩,皆百計收市,方成此兩具。臣當道唯有留使錢五萬貫,每事節儉 伏乞宣令宰臣商議,何以遣臣得上不違宣案,下不闕軍須,不困疲人,不斂物怨。」時

蔣清孫郮爲伊陽令,錄忠臣後也。 許、蔡、鄆、曹、濮等州水害秋稜。 遣高品張士謙往龍州檢行, 前任龍州刺史,近郭有牛心山,山上有仙人李龍遷祠,頗靈應,玄宗幸圖時,特立祠廟。 軌,皆杖一百處死。癸未,火犯東井。 萬計,東川節度使李絳表訴之。 有韶罷進奉,故德裕有是奏。 八月丁 西朔。 是夜,火犯土星。 迴奏牛心山有掘斷處。 甲子,以太常卿趙宗儒爲太子少師。 丁亥,火入東井。 是夜,金犯軒轅右角。壬辰,江王府長史段釗上言,稱 甲寅、韶於關內、關東折糴和糴栗一百五十萬石。陳、 妖賊馬文忠與品官季文德等凡一千四百人, 將圖不 己丑,以李憕孫宏爲河南府兵曹參軍, **奉臣言宜** 須修築。 時方冱寒,役民數 宣武軍節度韓

本

紀第十七上

敬宗

充卒。

淮南各進宣案銀粧奩三具。 韶,乃罷之。己已,以兵部侍郎王起爲河南尹。甲子,吐蕃遣使求五臺山圖。 度、宋汴亳觀祭等使。乙卯,罷理匭使。以諫議大夫李渤知匭,奏請置胥吏、添課料故也。戊 異瑤臺、瓊室。」上怒,優容之。庚戌,以河南尹令狐楚檢校禮部尚書、汴州刺史、宣武軍節 午,加朱克融檢校司空。 九月丙午朔。丁未,波斯大商李蘇沙進沉香亭子材,拾遺李漢諫云:「沉香爲亭子,不 韶浙西織造可幅盤絛繚綾一千匹。觀察使李德裕上表論諫,不奉

以工部侍郎于敖爲刑部侍郎 權知工部侍郎;以刑部侍郎韋弘景爲吏部侍郎;以權知禮部侍郎李宗閔權知兵部侍郎; 羊鹿各一。壬寅,以鄂岳觀察使、檢校兵部尚書崔植檢校吏部尚書,兼廣州刺 巳,以吏部侍郎崔從爲太常卿。 夫,充嶺南節度觀察經略使。以戶部侍郎韋顗爲御史中丞,兼戶部侍郎;以御史中丞鄭覃 多十月丙子朔,宗正寺選尙縣主壻和元亮等二十五人,各賜錢三十萬,令備吉禮。 庚子,嶺南節度使鄭權卒。 辛丑,吐蕃貢犛牛、鑄成銀犀牛 史、御史大

蘇、常、湖、岳、吉、潭、郴等七州水傷稜。 庚申,葬穆宗于光陵。 十一月丙午朔。 戊申,安南都護李元喜奏:黃家賊與環王國合勢陷陸州,殺刺史葛維。

章仁實 不及。 姦幸。 使王 軍 節 , 竇易直晉陽郡公, 並食邑三千戶。 播 度 使 時自 厚賂 滑州 智興 劉 烏 敦 月乙亥朔。 1憲宗 、邀其 重胤 儒 貴要,求領 高 承 、拾遺李景讓薛廷老等伏延英抗 朝有 簡 厚利 同平章事 並自尚 中敕禁私 癸未 由是致富, 鹽鐵使, 小,迴紇、 書加檢 度戒 乙未,徐泗 諫 時議 液 右 吐蕃、奚、 議大夫獨孤朗張仲方、起居郎孔敏行柳公權宋申錫、補 壇 智興冒禁陳請, 醜之。 I僕射。 吏部侍郎韓愈卒。 王智興 契丹遣使朝貢。 以前 T 疏論之。 請置僧尼戒壇,浙 酉 了,宰相 起居舍人劉栖楚爲諫議大夫。淮南 蓋 緣 牛僧孺進封 戊子夜, 久 襄州 不興置 柳公綽、滄州李全略、 月掩 西觀察使李德裕奏狀 奇章郡公,李程 ,由是天下沙門奔 東井。 庚寅, 彭 加 流論其 天平 節度 原 走 展 如

鄂州 方釋 武 官五 曆 元 年。 寶曆 刺 十餘人,環發而歐之,發破面 軍 額 史,充武 宰相牛僧孺累表乞解機務,帝許以郊禮後。 先是, ,寵僧儒也。 元 元年春正 **【昌軍節度、鄂岳觀察使。** 鄂縣 一月乙巳朔。 令崔發坐誤辱中官下獄,是日 壬申,以給事中李渤爲桂州刺史、兼御史中丞、桂管防禦觀察使。 辛亥,親祀昊天上帝 折齒,臺東以 淮南節度使王播 一蓆蔽之,方趸。 于南 乙卯,以 與諸 郊。 兼 囚 僧孺 陳於 諸道 禮畢, 有 檢 金雞竿下 鹽 詔 校 復繫於臺中, 御丹鳳 鐵 心禮部 轉 運 俟釋放。 樓,大赦 使。 尙書、 於鄂州 宰 同平章事 柏 忽有內 改元 救之, 特置 寶

本

紀

第

+

-6

Ŀ

敬

宗

中、知制誥王璠爲御史中丞

德裕獻丹展箴六首,上深嘉之,命學士**韋處厚優其答**詔。 刺史,以求知制誥, 面數宰相李逢吉過故也。 辛丑, 江西觀察使薛放卒。 辛卯, 以前禮部郎中李翺爲廬州 癸卯 以職方郎

政殿試制舉人二百九十一人,以中書舍人鄭涵、吏部郎中崔琯、兵部郎中李虞仲並充考制 辰夜,有流星長三丈,出紫微,入濁滅。辛未,以前桂管觀察使殷侑爲江西觀察使。 三月乙巳朔,以兵部尙書郭釗爲梓州刺史、劍南東川節度使。 壬子,宴羣臣於三殿。戊 上御宣

官。」 始也。 令近年流貶官皆不得量移,則乖曠蕩之道也。」帝遽命追赦書添改之。 | 紳貶官,| 李逢吉惡| 牌,不欲| # 量移,乃於赦書節文內, 不言未量移者宜 廣孝皇帝,御宣政殿受册。禮畢,御丹鳳樓 兼 乃授端符白水尉,魯士 夏四月甲戌朔,宰相凉國公李逢吉進封鄭國公。以右神策大將軍康志睦檢校工部尙 青州刺史、平盧 鄭涵等考定制舉人, 真量 移。 軍節度使。宜中書,以諫議大夫劉栖楚爲刑部侍郎。丞郎宣授, 翰林學士韋處厚上疏論列云:「不可爲李紳 一城固 敕下後數日, 尉。 **宰臣請其罪名**, ,大赦天下,大辟罪已下, 上謂宰相曰:「韋端符、 但言左降官已經 不報。 癸巳, 楊魯士皆涉物議, **季**臣 無 量 輕 一人與逢吉相 乙亥,以劍南東川節 上徽 移 重 ー, 宜 一咸赦除之。 號日文武 一與量移近處, 自栖 惡, 宜 時李 一與外 大 遂 聖 楚

度、 、檢校 司空李絳爲左僕射。 御史蕭徹彈京兆 尹、兼御史大夫崔元略違詔徵畿內所放錢萬

七千貫,付 三司 勘 鞫 不 虚 辛 丑: ,敕削元略兼御史大夫。

爲 蕃 毗 貫,修築東受降城。 豐州 羅沒等一十七人,準赦放還本國,今各得狀,不愿還。」從之。 伽昭禮可汗。 五 刺史、天德軍 月甲辰朔, 丙寅,太子少傅致仕閻濟美卒。 以前 防禦使。 庚戌,幸魚藻宮觀競渡。 平盧軍 節度使薛平檢校左僕射、兼戶 安南李元喜奏移都 庚申, 丁卯, 護府於江 正 湖南 衙命使册 北岸。 觀 ,部尙書。 察使沈 庚午,以右 九姓 迴紇 傳師 賜振武軍錢一十四萬 登 奏:「當道 金吾將軍李文悅 里 囉 汨 沒密施 先 配 吐

紇 44 書薛平檢校司空、河中尹、河中節度使。 可 膕 汗及太和 犯 六月壬 也。 一中朔。 諸司 公主。 白 [身馮志謀等三百九人,並賜祿。 乙酉,韶公主、郡主並不得進 己丑 一,河中節度使、檢校司空李愿卒。 女 口。 丁亥, 丙戌,將作監張武均出爲洋州 命品官 乙未,以檢校左僕射、兼戶部尚 田務豐領國信十二 一車賜迴 刺 史,

度使, 位 進羨餘絹一百萬匹,仍請日進二萬,計五十日方畢。 一,託稱羨餘,物議欲鳴鼓而攻之。 秋 以克海節度使王沛爲許州刺史、忠武軍節度使。 七月癸卯朔, ,以忠武軍節度使、守司 乙酉,鄜坊水壞廬舍。 徒、兼侍中李光顏爲太原尹、北京留守、 播自掌 熒惑犯右執法。 癸丑,以右金吾衞大將軍張茂宗 鹽鐵,以正 入錢進奉 甲 長, 鹽 ,以希寵 鐵 河東節 使王 固

五

本

紀

第

+

七

上

敏宗

郎章頻爲吏部侍郎,京兆尹崔元略爲戶部侍郎。奉天縣水壞廬舍。 甲子夜,月犯畢。 方切諫,乃改進十隻。 配爲戶部尙書、判度支。太子賓客分司盧士政卒。 王播造競渡船二十隻供進,仍以船材京內造。時計其功,當半年轉運之費。 爲兗海 沂 密節 度使。 乙丑,侍講學士崔郾、高重進纂要十卷,賜錦綵二百匹。 乙卯,正衙命使册司徒李光顏。 辛酉,萬年縣典賈鎭誣告故統軍王佖男正謨等七人謀亂,詔杖殺之。 丙辰, 淄王傅分司元錫卒。 辛未,以左散騎常侍胡 丁卯,以戶部侍 諫議 已未, 大夫張仲

內論曰:「伏見近日除授,往往不由中書進擬,多是內中宣出。 臣恐紀綱寖壞,姦邪恣行,伏 戶部尙書致仕裴堪卒。戊子,以給事中盧元輔爲工部侍郎。壬辰,以前河東節度使李聽爲 希詳察。」上然之。韶度支進銅三千斤、金薄十萬翻,修淸思院新殿及昇陽殿圖障。 義 《成軍節度使。 戊戌,以刑部尙書段文昌爲兵部尙書,依前判左丞事。 閏七月壬午朔,以權知工部侍郎鄭覃爲京兆尹。甲申,拾遺李漢、舒元褒、薛廷老於閣 丙戌,

採藥。 度支和 月辛丑朔。 時有道士劉從政者,說以長生久視之道,請於天下求訪異人,冀獲靈藥。仍以從政 糴折糴粟二百萬石。 戊申,以鄰國公楊造男元湊襲鄰國公,食邑三千戶。兩京、河西大稔,敕 乙卯夜,太白近房。戊午,遣中使往湖南、江南等道及天台山

爲光祿少卿,號昇玄先生。

吉,韶三司鞫之。壬午,昭義節度使劉悟卒。 丁酉,華州暴水傷稼。 秋 九月辛未朔。 丁丑, 徐州王智興奏,大將武華等四百人謀亂,並伏誅。 衞尉卿劉遵古役人安再榮告前袁王府長史武昭謀害宰相李逢 癸未夜,太白犯南斗。丙戌夜,月犯右執法。

惟淸以東受降城濱河,歲久雉堞摧壞,乃移置於綏遠烽南,及是功成。 州,太學博士李涉流康州,皆坐武昭事也 得實,武昭及弟彙、役人張少騰宜付京兆府決,河陽節度掌書記李仲言配流象州, 嗣郢王佐爲潁王府長史,分司東都,仍賜金紫。 十月庚子朔,河南尹王起奏,盜銷錢爲佛像者,請以盜鑄錢論。 壬戌夜,太白近哭星。 丁巳,归 甲子,三司鞫武昭獄 己未,以崖州安置人 振武節度使張 彙流崖

幸温場,即 癸酉,鎭星近東井。 吏部 侍 剆 一月庚午朔。 章顗卒。 日還宮。 癸未,以殿中少監嚴公素爲容管經略使。 壬辰,以刑部侍郞劉栖楚爲京兆尹。 辛未,以御史中丞王璠爲工部侍郎,以諫議大夫獨孤朗爲御史中丞。 丙申,韶封皇子普爲晉王。 是夜,月犯東井。 庚寅,車駕

復雲塵將軍、守金吾衞大將軍同正、檢校左散騎常侍、兼 夜,月犯畢。 十二月已亥朔。 其夜、北方有霧起、須臾遍天、霧上有赤氣、久而方散。 辛丑, 以晉王普爲昭義軍節度副大使;以劉悟子將作監主簿從諫起 御史大夫,充昭義節度留後。 甲子,以左僕射李絳平 戊申

本

紀

第

十七上

敏宗

康、振武、靈、夏等州市耕牛一萬頭,分給畿內貧下百姓。 太子少師,分司康都。戊辰,敕:「農功所切,實在耕牛,疲甿多乏,須議給賜。 委度支往河

是歲,淮南、浙西、宣、襄、鄂、潭、湖南等州旱災傷稼。

開 申,鹽鐵使王播奏:「揚州城內,舊漕河水淺,舟船澀滯,輸不及期程。 伎所悔,導從呵之,遂成紛競。<br />
京兆尹劉栖楚決責樂伎,御史中丞獨孤朗論之太切,上怒, 辰,裴度來朝。甲午,以衞尉卿劉建古爲湖南觀察使,以國子祭酒衞中行爲福建觀察使。 戌,以諸軍丁夫二萬入內穿池修殿。辛巳,興元節度使裴度奏修斜谷路及館驛皆畢功。 遂貶源植。辛未,湖南觀察使沈傳師奏:奉詔校尋·葉靖能、羅光遠文案,檢尋不獲。 酉,右贊善大夫李光現與品官李重實爭忿,以笏擊重實流血,上以宗屬,罰兩月俸料。 支遣。」從之。 河, 二年春正月己巳朔。庚午,貶殿中侍御史王源植爲昭州司馬。時源植街行,爲敎坊樂 向 東屈曲 取禪智寺橋, 東通舊官河, 計長一十九里。 其功役所費, 今從閶門外古七里港 當使自方圓 甲

例北選。」從之。丙午夜,月犯畢。丁未,以山南西道節度觀察處置等使、光祿大夫、守司 一月已亥朔。 辛丑, 容管經略使嚴公素奏:「當州普寧等七縣, 請同廣、昭、桂、賀四州

食節,三殿宴羣臣,自戊午至庚申方止。丙寅,正册司空裴度。丁卯,以禮部尚書王涯檢校 空、同中書門下平章事、興元尹、上柱國、晉國公裴度守司空、同平章事,復知政事。 丁巳寒

左僕射,爲山南西道節度使。

册才人郭氏爲貴妃。 雷、潘、辯等七州戍軍,除折衝別將外,並請停。」從之。 少保分司。 置僧尼戒壇, 三月戊辰朔,命興唐觀道士孫準入翰林待詔。 乙亥,右散騎常侍李翺卒。戊寅,幸魚藻宮觀競渡。 壬午, 敕殷侑故違制令, 以工部尚書裴武爲同州刺史。 丙申,以東部侍郎韋弘景爲陝虢觀察使。 擅置戒壇,罰一季俸料。 癸未, 辛未,江西觀察使殷侑請於洪州寶曆寺 丙戌, 嶺南節度使崔植奏:「廣、湖、封、 辛巳,以同州刺史蕭俛爲太子 甲戌,賜宰臣百僚上巳宴于曲 昆明夷遣使朝貢。

使。 請倂省,其漢陽、汊川兩縣隸鄂州〔三〕。」從之。 大使、知節度事。 丙午,王廷凑檢校司空。 几 一月戊戌朔,横海軍節度使李全略卒。 庚戌,鄂岳觀察使牛僧孺奏:「當道沔州與鄂州隔江相對,纔一 戊申, 昭義節度使留後劉從諫檢校工部尚書,充昭義節度副 壬寅,以右金吾衞大將軍高承簡爲邠寧慶節度 丙辰, 右金吾衞大將軍高霞寓卒。 里餘,其州 丙寅,先

五月戊辰朔,上御宣和殿,對內人親屬一千二百人,並於敎坊賜食,各頒錦綵。

本

第十

七

上

敬宗

是王廷凑請於當道立聖德碑,是日,內出碑文賜廷湊。

杜景先往淮南及江南、湖南、嶺南諸州求訪異人。甲申,以右丞丁公著爲兵部侍郎,以前湖 未央宮,掘獲白玉牀一張,長六尺。癸未,山人杜景先於光順門進狀,稱有道循;令中使押 殺其帥朱克融及男延齡,軍人立其第二子延嗣爲留後。辛巳,神策軍苑內古長安城中修漢 到絕粒女道士施子微。戊寅,幸魚藻宮觀競渡。庚辰,中使自新羅取鷹鶴迴。 爲河陽三城懷州節度使,以金吾衞大將軍李祐爲涇原節度使。是夜,月近太微星。浙西送 秘書省著作郎韋公肅注太宗所撰帝範十二篇進,特賜錦綵百匹。甲戌,以涇原節度楊元卿 南觀察使沈傳師爲尙書左丞。辛卯,贈朱克融司徒。甲午夜,熒惑犯昴。賜興唐觀道士劉 幽州軍亂,

酣,有碎首折臂者,至一更二更方罷。 以延康坊官宅一區爲諸王府司局。甲子,上御三殿,觀兩軍、敎坊、內園分朋驢鞠、角抵。戲 **碧池,令兵士千餘人,於池中取大魚長大者送入新池。癸亥,以旱,命京城諸司疏理繫囚。** 自春至多,興作相繼。 從政修院錢二萬貫。 六月丁酉朔, 賜御史中丞獨孤朗金紫。丁巳, 減放苑內役人二千五百。帝性好土木, 庚申,鄆州進驢打毬人石定寬等四人。是夜,太白犯昴。辛酉,幸凝

係,太倉廣運潭復賜司農寺。 秋七月丙寅朔。乙亥,河中進力士八人。癸未,衡王絢薨。癸巳,敕鄂縣渼陂尚食管

浙 兆 疏言息元 尹劉栖 西 吏部侍郎 處土 月 楚兼 一周息元入內宮之山亭院,上問以道術, ·丙申朔,以司空、平章事裴度判度支;以工部侍郎王播爲河南尹,代王起 一誕妄,無異於人。 ;以前 御史大夫。 福州觀察使徐晦爲工部侍郎。是夜,太白近太微。令供奉道士二十人隨 癸丑,以太常卿崔從檢校吏部尚書、判東都尚書省事、兼御史大 庚戌,以太府卿李憲爲江西觀察使。 言識張果、葉靜能。 丁丑夜, 浙西觀察使李德裕上 月犯輿鬼。 ; 以起 加京

與弟再寧同殺朱延嗣幷其家屬三百餘 徒、 東節度使。 兼侍中李光顏卒。 九月丁丑 敕戶部所管同州長春宮莊宅,宜令內莊宅使管係。 |朔,大合宴於宣和殿,陳百戲,自甲戌至丙子方已。 戊寅, 出內庫錢萬貫,令內園召募力士。 入, 推再義爲留後。 幽州監軍奏:都知兵馬使李再義 壬申,宰相李程爲北都留守、河 河東節度使、守司

夫、東都留守、東畿汝都防禦使。

大使、知節度事,仍賜名載義。 冬十月乙未朔。 乙亥,以幽州衙前都 壬戌,以中書舍人崔郾爲禮部 知兵馬使李再義 檢校戶部尚書,充盧龍軍節度副 侍 娘

中謂之「打夜狐」。中官許遂振、李少端、魚弘志以侍從不 校兵部尚書, 兼廣州刺史, 月甲子朔,以太淸宮道士趙歸眞充兩街道門都教授博士。 充嶺南節度使。 甲申,以右僕射、同平章事 及削 職 壬 中 帝好深夜自捕狐狸,宫 李逢吉檢校司空、同 ,以戶部尚書胡証檢

本

紀

第

十七七

上

敬宗

文

宗上

平章事,兼襄州刺史,充山南東道節度使、臨漢監牧使。 朝官及方鎭人家不得置私白身。 癸巳,以前東都留守楊於陵爲太子少傅。 乙酉,同州刺史裴武卒。 中官李奉義、王 己丑,

惟直、成守貞各杖三十,分配諸陵;宣徽使閆弘約、副使劉弘逸各杖二十。

時殂於室內, 時年十八。 王嘉憲、石定寬等二十八人飲酒。 十二月甲午朔。辛丑,帝夜獵還宮,與中官劉克明、田務成、許文端打毬,軍將蘇佐明、 羣臣上諡曰睿武昭愍孝皇帝, 帝方酣,入室更衣,殿上燭忽滅,劉克明等同謀害帝, 廟號敬宗。 大和元年七月十三日, 卽

其何道哉?寶曆不君,國統幾絕,天未降喪,幸賴裴度,復任弼諧。 固其宜也。 史臣曰:古人謂堯無子,舜無父,言其賢不肖之相遠也。以文惠驕誕之性,繼之以昭 而昭獻、昭肅,英特不羣,文足以緯邦家,武足以平禍亂。三子之操行頓異, 彼狡童兮,夫何足議

長慶元年封江王。 文宗元聖昭獻孝皇帝諱昂,穆宗第二子,母日貞獻皇后蕭氏。 初名涵。 寶曆二年十二月八日,敬宗遇害,賊蘇佐明等矯制立絳王勾當 元和四年十月十日生。

閣內, 軍國 袋章處厚爲中書侍郎、 成服。 詔 放歸本道。 于登等六人令本軍處置。 學士。 事 下教處分軍國事。 丁未,宰臣百僚上表請聽政,三表,許之。道士紀處玄、楊沖虛 並配流嶺南。戊申,尊聖母爲皇太后。己酉,敕鳳翔、淮南先進女樂二十四人,並 樞密使王守澄、中尉梁守謙率禁軍討賊,誅絳王,迎上于江邸。 丙辰,以山南東道節度使柳公綽爲刑部尚書。 庚戌,以正議大夫、尙書兵部侍郎、 同中書門下平章事。 宰臣百僚三上表勸進。乙巳,卽位於宣政殿。 甲辰,僧惟眞、齊賢、正簡,道士趙歸眞,並配流嶺南, 以翰林學士路隨承旨,侍講學士宋申錫充書 知制誥、充翰林學士、柱國、賜紫金魚 丁巳,爲絳王舉哀,廢朝三日。 ,伎術人李元戢 丙午, 癸卯, 上赴西宮 擊毬軍將 見宰臣于

興匪 儀 以 逢 儉爲寶; 公圖宗 刑家邦 內難,刷君父之讎恥,攄億兆之哀冤。 寧,旰食勞慮。 君天下者,莫尙乎崇澹泊,子困窮, 社之安,以答華夷之望,俯從衆欲,夙夜震兢。 大易明訓,垂簡易之文。未有上約而下不豐,欲寡而求不給。 ,以化天下。 夫儉過則酌之以禮,文勝則矯之以質。 內庭宮人非職掌者,放三千人,任從所適。 **邈道以端本,推誠而達下。故聖祖之誠,以慈** 而股肱大臣,羣卿庶士,引義抗 思所 以克己復禮 庶乎俗登太古,道洽生靈, 長春宮斛斗諸物,依 **清,至于再三。** 修政安人, 宵 肸 以眇薄,遭

庚申,詔:

本

+

七 上

文

宗

上

停給 從流 前戶 造。 加衣 處斬,宗族籍沒。 先有開斸以備行幸處,宜曉示百姓, 處張陳,不得用花蠟結綵華飾。今年已來諸道所進音聲女人,各賜東帛放還。城外墳墓 禁年支一物已上, 各歸本司。 諸 色職掌 ,部收管。 糧 東頭御馬坊、毬場,宜卻還龍武 別 三千分,並宜停給。 其情非姦惡, 內冗員者共一千二百七十人,並宜停廢。 韶宣索纂組雕鏤不在常貢內者, 餘七百三人,勒納牒身,放歸本管。 **鄠縣滨陂、鳳翔府駱谷地還府縣。** 妖妄僧惟貞、道士 並準貞元元額爲定。 迹涉詿誤者,一切不問。 五方鷹鶴並解放。 一趙歸眞等或假於卜筮,或託以醫方, 軍。 任其修塞。其大逆魁首蘇佐明等二十八人,並已 其殿及亭子,所司毁拆,餘舍賜本 先造供禁中牀榻以金筐瑟瑟寶鈿 並停。 今年新宣附食度支衣糧小兒一百人,並 兇徒旣殄,寰宇佇康, 先供教坊衣糧一百分, 廂家及諸司 教坊樂官、 度支、鹽鐵、戶部及州府百 總監中一百二十四人先屬諸軍,並 翰林待韶、伎術官丼總監 載舉令猷,用弘 疑衆挾邪 軍 者 司應供 應行 悉宜停 從 新

帝 在藩邸, 庶績。 ,知兩朝之積弊,此時釐革, 布告中外, 知肸意 焉 並出宸衷, 士民相慶, 喜理道之復興矣。 壬戌,

江西觀察使殷侑爲大理卿。

以京兆 史錢徽爲尙書右丞, 節度觀察使去任日,宜具交割狀,仍限新使到任一月分析聞奏,以憑殿最。 書。癸未,以吏部侍郎庾承宣爲京兆尹、兼御史大夫。 少師、分司東都李絳檢校司空,兼太常卿。 集賢殿學士、判院事張正甫爲工部尚書。 丞 三十四州別駕。 事段文昌爲御史大夫。 大和元年春正月癸亥朔。 尹劉栖楚爲桂管觀察使。以前戶部侍郎于敖爲宜歙觀察使,代崔羣;以羣爲兵部尙 其諸色在京及內外諸軍使等職事, 以前河陽節度使崔弘禮爲華州鎭國軍使。 是夜,月掩畢大星。 庚午, 庚申,以虔州刺史韓約爲安南都護。 以御史中丞獨孤朗爲戶部侍郎,以兵部尙書、權判左 辛丑, 乙巳,御丹鳳樓,大赦,改元大和。 戊寅,以左散騎常侍李益爲禮部尙書致仕, 以前廣州節度使崔植爲戶部尚書, 並不在挾名限。 丙申,復置兩輔、六雄、十望、十**緊**、 己未, 己亥,以右散騎常侍、 以太子少保分司蕭 丙辰,以華州 甲寅,敕諸道 以太子 刺

居易爲秘書監, 三月庚戌朔,右軍中尉梁守謙請致仕,以樞密使王守澄代之。戊寅, 仍賜金紫。壬午, 幽州李載義奏故張弘靖判官家屬凡一百九十人, 以前蘇州刺史白 並送

赴闕

本紀

第

+

上

文宗

上

城 於汧陽縣 四 月壬 一辰朔。 西 北 八 十里。 癸巳,以太子少傅楊於陵守右僕射致仕,俸料全給。 壬寅, 毁昇陽殿東放鴨亭, 戊申, 毀望仙門側看樓十間:並敬宗 甲午,鳳翔築臨汧

山 未,忠武軍節度使王沛卒。庚申,以太僕卿高瑀檢校左散騎常侍,充忠武軍節度。己巳,貶 所造也。 南 東道節度副使李續爲涪州刺史,山南東道行軍司馬張又新爲汀州刺史,李逢吉黨也。 以前亳州刺史張遵爲邕管經略使。 乙卯, 以禮部尙書蕭倪爲太子少師分司。

度、鹽鐵、轉運等使王播來朝。 騎常侍,兼兗州刺史,充兗海沂密等州節度使。 烏重胤爲横海軍 僚既退,宰臣復進奏事,其監搜宜停。」丙子,以天平軍節度使、守司徒、同中書門下平章事 諸侯方嶽,鼓洽道化,夷貊飛走,暢泳治功。 則不任。 五月壬戌朔。戊辰,詔:「元首股肱,君臣象類,義深同體, 然自魏、晉已降,參用霸制,虛議搜索,因習尙存。 股方推表大信,置人心腹,庶使 節度使,以前攝橫海軍節度副使、檢校國子祭酒、侍御史李同捷檢校左散 丙戌夜,熒惑犯右執法。 沉吾合宰,又何間焉。 就加魏博史憲誠同平章事。 理在坦懷。 自今已後,紫宸坐朝, **夫任則不疑,疑** 甲申, 淮南節

播爲淮南節度使。 大 副 戶王播 大使、 夫、檢校司空、同中書門下平章事、揚州大都督府長史、上柱國、太原縣開國伯、食邑七百 六月辛卯朔,敕文武常參官朝參不到,據料錢多少,每貫罰二十五文。癸巳,以淮南 可尙書左僕射、同中書門下平章事,依前充諸道鹽鐵轉運使。 知節 |度事、管內營田觀察處置臨海監牧等使(三),兼諸道 丙申,左司郎中、兼侍御史知雜温造權知御史中丞。 癸卯,詔:「元和、長 鹽鐵轉運等使、銀青光祿 以御史大夫段文昌代 節度

皆因用兵,權以濟事,所下制敕,難以通行。 宜令尚書省取元和已來制敕,參詳删定

訖,送中書門下議定聞奏。」甲寅,以旱放繫囚。

叛。 癸酉,葬敬宗于莊陵。 七月辛酉朔。癸亥,太常卿李絳進封魏國公(日)。 辛巳,敕今年權于東都置舉。 李同捷除兗海,不受韶,結幽鎭謀 徐州王智興請全軍討李同捷。

使。 竞海沂密 **充**那寧節度使。戊申,以諫議大夫張仲方爲福建觀察使。 左僕射致仕楊於陵讓全給俸料,許之。 九 八月庚寅朔,以工部侍郎獨孤朗爲福建觀察使,以太府卿裴弘泰爲黔中經略使、觀察 (月庚申朔。癸亥,以左神策軍將軍、知軍事何文哲爲鄜坊丹延節度使。 節度使。 辛丑, 邪寧節度使高承簡卒(至)。 庚子,韶削奪李同捷在身官爵,復以張茂宗爲 壬寅,以刑部尙書柳公綽檢校左僕射, 癸丑,前福建觀察使獨孤期卒。 甲戌, 以左

管觀察使。 觀察使元稹就加檢校禮部尙書。 神策大將軍 、知軍事李泳爲單于都護,充振武麟勝節度使。 癸丑,兗州復置萊蕪縣。 壬午,桂管觀察使劉栖楚卒。 丁丑,浙西 丙戌,以諫議大夫蕭裕爲桂 觀察使李德裕、浙東

橫 司 海 徒、 軍 同中書門下平章事鳥重胤 節度使。 一月己未朔。 癸巳,以晉州、慈州復隸河中。 丙申,河中薛平奏虞鄉縣有白虎 卒。 庚辰,以保義軍節度、晉慈等州觀察處置等使李寰爲 癸巳,以左丞錢徽爲華州刺史。 入靈峯觀。 天平横海等軍節度使、守 丁酉,右金

本

紀第

+

七 上

文

£

吾衞大將軍王公亮爲潭州刺史、湖南觀察使。

二年春正月戊午朔。壬申,以右散騎常侍孔戢爲京兆尹。

刑部侍郎盧元輔爲兵部侍郎,秘書監白居易爲刑部侍郎。庚戌,敕李絳所進則天太后删定 二月丁亥朔,以兵部侍郎王起爲陝虢觀察使,代章弘景,以弘景爲尙書左丞。乙巳,以

, 兆人本業三卷,宜令所在州縣寫本散配鄉村。

斷。」從之。辛巳,上御宣政殿親試制策舉人。以左散騎常侍馮宿、太常少卿賈餗、庫部郎 得鹽一十二斤一兩,亂法甚於鹹土,請行禁絕。 三月丁巳朔,度支奏:「京兆府奉先縣界鹵池側近百姓,取水柏柴燒灰煎鹽,每一石灰 、今後犯者據灰計鹽,一如兩池鹽法條例科

中龐嚴爲考制策官。

閏三月丙戌朔,內出水車樣,令京兆府造水車,散給緣鄭白渠百姓,以溉水田。 夏四月丙辰朔。壬午,以邕管經略使王茂元爲容管經略使。

梳,不須著短窄衣服。乙未,以吏部侍郎丁公著爲禮部尚書。庚子,敕:「應諸道進奉內庫, 四節及降誕進奉金花銀器抖纂組文纈雜物,並折充鋌銀及綾絹。其中有賜與所須,待五年 五月乙酉朔。丁巳,命中使於漢陽公主及諸公主第宣旨:今後每遇對日,不得廣插釵

州一兩,宜於數內減三兩,桂、賀、泉三州輪次歲頁一兩。」帝自撰集尚書中君臣事迹,命畫 軍討之。 蛇膽,生剖其腹,爲之惻然。 後續有進止。」帝性恭儉,惡侈靡,庶人務敦本,故有是詔。 工圖於太液亭,朝夕觀覽焉。 乃韶度支曰:「每年供進蚺蛇膽四兩,桂州一兩、賀州二兩、泉 王廷凑出兵侵鄰藩,欲撓王師以援李同捷,昭義劉從諫請出 帝與侍講學士許康佐語及取蚺

提南,長二尺。 射,兼刑部尙書。 **那寧節度使,以天德軍使李文悅爲靈武節度使。乙酉,以前邪寧節度使柳公綽檢校左僕** 「中書省四方館」爲名。辛酉,以吏部尙書鄭絪爲太子少保。 六月乙卯朔,晉王普薨,贈爲悼懷太子。陳州水,害秋稼。癸亥,四方館請賜印,其文以 甲辰,韶宰臣集三署四品已上常多官,議討王廷湊可否。 辛巳,以靈武節度使李進誠爲 是夜,彗西出攝

致仕。 八月甲寅朔。 壬戌,京畿 奉先等十七縣水。 丁巳,以兵部侍郎盧元輔爲華州鎭國軍使,以代錢徽;以徽爲吏部尚書

戌,安南軍亂, 韶削奪王廷凑在身官爵,鄰道接界隨便進討。以前夏州節度使傅良弼爲橫海軍節度使。 九月 戶中期。 逐都護韓約。 丁亥,王智興拔棣州。 以新除横海軍節度使李寰爲夏州節度使。 甲午, 庚

河南尹王璠爲右丞,以左散騎常侍馮宿爲河南尹。 |古爲宣武軍節度使,代令狐楚;以楚爲戶部尚書。 平章事實易直檢校左僕射、同平章事,充山南東道節度使、臨漢監牧等使,代李逢吉;以逢 寅,嶺南節度使胡証卒。 多十月癸丑朔。丁巳,罷揚州海陵監牧。以戶部尚書崔植爲華州刺史、鎭國軍使。 辛未,以江西觀察使李憲爲嶺南節度使。 以右丞沈傳師爲江西觀察使。 癸酉,以尙書右僕射、同 丙

稍息。 於陝州故也。 十一月癸未朔。 甲辰,禁中已時昭德寺火,直宣政殿之東,至午未間,北風起,火勢益甚,至暮 乙酉,以右金吾衞大將軍李祐爲橫海軍節度使,新除傅良弼赴鎮,

誠父子。 士路隨爲中書侍郎、同平章事。 壬申, 一月壬子朔。 中書侍郎、同平章事虛處厚暴卒。戊寅,詔以兵部侍郎、知制誥、充翰林學 乙丑,魏博行營都知兵馬使亓志紹率所部兵馬二萬人謀叛,欲殺史憲

殺敗亓志紹兵,志紹北走鎭州。 難,韶滄州行營兵士赴之。丁亥,京兆尹孔戢卒。 三年春正月壬午朔。丙戌, 甲辰,以太常卿李絳檢校司空,兼興元尹、山南西道節度 **亓志紹率兵迴據永濟縣,其衆分散入諸縣邑。** 庚寅,吏部尚書致仕錢徽卒。 庚子,李聽 史憲誠

使。 華州 刺史、鎭國軍潼關防禦使崔植卒。 己酉,以前山南西道節度使王涯爲太常卿。

二月辛亥朔,以兵部尚書崔羣爲荆南節度使。 甲寅, 荆南節度使王潛卒。

宜 丘權停。 三月辛巳朔,以戶部尙書令狐楚爲東都留守。 壬辰,易定節度使柳公濟卒。 以前 東都留守崔從爲戶部尙書。 乙酉, 敕兵戈未息, 教坊每日祗候樂人

夏四月庚午,王智興 、奏部下將石雄搖扇軍情,請行朝典,乃長流白州。

使、諫議 度使,改名有裕。 捷 吾衞大將軍張惟淸檢校司空,充涇原節度使;以左金吾衞大將軍劉邈古爲邠寧節度使。 滄 2,諸鎭 州 所獻。 五月己 所怒,奏論之也。 大夫柏耆循州司戶,宣慰判官、殿中侍御史沈亞之虔州南康尉,以擅入滄州 ]卯朔。 李祐送李同捷母、妻及男元達等赴闕,詔並宥之,令於湖南安置。 丁酉,以前義武軍節度使傅毅爲滄州刺史、橫海軍節度使。 甲申, 柏耆斬李同捷於將陵, 丙申,横海 軍節度使李祐卒。 滄景平,李祐 以涇原節度使李帖爲齊、德等州節 入滄州。 丁亥,御興安樓,受 辛丑,以右金 貶滄德宣慰 、取李同

使; 後以鉛錫錢交易者, 衞 節 虚度使。 以義 六月己酉朔。 成軍節度使李聽兼充魏博節度使;以魏博節度 壬申,敕:「元和四年敕禁鉛錫錢皆納官,許人糾告,一錢賞百錢,此爲太過。 辛亥,以魏博節度使史憲誠檢校司徒、兼侍中、河中尹,充河中晉絳節度 貫以下,州府常行杖決脊杖二十;十貫以下決六十,徒三年;過十 公副使、 檢校工部尚書史孝章爲相 此

本

紀

第

十七七

上

文宗

£

貫已上,集衆決殺。能糾告者,一貫賞錢五十文。」

<del>尚書,爲齊德滄節度使。</del> 博衙內都知兵馬使何進滔檢校左散騎常侍,充魏博節度使。 御史大 依前河中節度使。 軍亂,殺史憲誠,立大將何進滔爲留後,其新節度使李聽 李德裕爲兵部侍郎。 丁公著檢校戶部尚書, 秋七月己卯朔。 夫、廣南節度使。 壬申,詔雪王廷湊,復官爵。 乙未,嶺南節度使李憲卒。兵部侍郎盧元輔卒。 癸未,中使劉弘逸送史憲誠旌節自魏州還,稱六月二十六日夜, 辛亥,魏博何進滔奏:準韶割相、衞三州、弘,三軍不受。 **兼潤州刺史,充浙江西道觀察使;以前浙西觀察使、檢校禮部尙** 辛酉,京畿、奉先等九縣旱,損田。 戊戌,以大理卿李諒爲京兆尹。 甲戌,以吏部侍郎李宗閔同中書門下平章事 入城不得。 乙巳,以禮部尙書、翰林侍講學士 播州流人衞中行卒。 癸丑,以衞尉卿殷侑檢校工部 乙丑,河中節度使薛平 丁酉,以京兆尹崔護爲 壬子, 韶以魏 宋、亳水, 書

爲之,唯卿非所宜也。」壬辰,以兵部侍郎李德裕檢校戶部尚書,兼滑州刺史、義成軍節 侈。 戊戌,以前陸州刺史陸亘爲越州刺史、浙東觀察使,代元藏;以藏爲尚書左丞,代韋弘 駙馬韋處仁戴夾羅巾,帝謂之曰:「比慕卿門地淸素,以之選尙。 九月戊寅朔。 。辛巳,敕兩軍、諸司、內官不得著紗穀綾羅等衣服。 如此 帝性儉素, 巾服, 從他諸 不喜華 戚 度

以弘景爲禮部尙書。

前義 僧尼,累有敕命。 |成軍節度使||李聽爲太子少師。 多十月戊申朔。 傳師忝爲藩守,合奉韶條,誘致愚妄,庸非理道,宜罰一月俸料。」 己酉,江西沈傳師奏:皇帝誕月,請爲僧尼起方等戒壇。 癸亥,以戶部侍郎崔元略爲戶部尙書、判度支。 詔曰:「不度 丙辰,以 以中書

舍人韋辭爲湖南

觀察使。

來朝。 織成非常之物爲獻,機杼纖麗若花絲布繚綾之類,並宜禁斷。 申,帝親祀昊天上帝於南郊,禮畢,御丹鳳門,大赦。 史分憂,得以專達。 十一月丁丑朔。 乙巳,以智興守太傅,依前平章事、武寧軍節度使,進封鴈門郡王 事有違法,觀察使然後奏聞。」丙申,西川奏南詔蠻入寇。 庚辰,太子太傅鄭絪卒。 丙戌,敕前亳州刺史李繁於京兆府賜死。 節文禁止奇貢,云:「四方不得以新樣 敕到一月,機杼一切焚棄。刺 甲辰,王智興 甲

弘禮爲東都留守。 東川節度使郭釗爲西川節度使, 重質充神策西川行營都 遣中使楊文端齎詔賜南蠻王蒙豐佑。 又詔促諸鎭兵救援 十二月丁未朔, 丁卯,貶杜元穎循州司馬。 南蠻逼戎州,遣使起荆南、鄂岳、襄鄧、陳許等道兵赴援蜀川。 一面川。 知兵馬使。 己丑,以東都留守令狐楚檢校右僕射、天平軍節度使,代崔 仍權東川事。 西川奏蠻軍陷成都府。 **蠻軍陷邛、雅等州。** 乙巳,郭釗奏蠻軍抽退,遣使賜蠻帥蒙箬巓 壬子,貶劍南 東川奏蠻軍入梓州 西川節度使杜元穎爲韶州刺 戊午,以右領軍衞大將軍董 西郭門下 以劍南

本紀

第十七

上

文

宗上

校

勘

記

五三四

國信。 辛未,以太子少師李聽爲邪寧節度使。 癸酉,以中丞温造爲右丞,吏部郞中宇文鼎

## 校勘記

爲中丞。

- (二) 清溪 「淸」字各本原作「靑」,據本書卷四〇地理志、寰宇記卷九五改。
- (三) 汊川 各本原作「汝川」,據本書卷四〇地理志、新書卷四一地理志改。
- 臨海監牧等使 淮南節度使棄之」, 「海」字各本原作「漢」。本書卷一五憲宗紀元和十四年五月,「置臨海監牧, 而臨漢監當屬山南東道節度治域,此處是淮南節度治內,應爲「臨海監收」, 命
- 魏國公 據本書卷一六四李絳傳作「趙郡開國公」,新書卷一五二李絳傳作「趙郡公」。

故改。

- Œ 高承簡 「承」字各本原作「崇」,據本書卷一五一高崇文傳、新書卷一七〇高崇文傳改。
- 準韶割相衞三州 「三州」,局本作「二州」,餘各本作「三州」,新書卷八文宗紀作「相衞澶三州」。

## 舊唐書卷十七下

## 本紀第十七下

文宗下

以尚書左丞元稹檢校戶部尚書, 事、諸 號觀察使王起爲左 牛僧孺爲兵部尚書、同中書門下平章事。壬辰,以兵部侍郎崔郾爲陝虢觀察使。 觀察處置等使、金紫光祿大夫、檢校吏部尙書、同中書門下平章事、上柱國、奇章郡開 Fr. 一氏爲昭儀。 大和四年春正月丙子朔。 道鹽鐵轉運使王播卒。 癸巳,以前邠寧節度使劉瓊古爲劍南東川節度使。 丞。 丙申,以太常卿王涯爲吏部尚書,充諸道鹽鐵轉運使。 辛卯,武昌軍節度使牛僧孺來朝。 充武昌軍節度、鄂岳蘄黃安申等州觀察使。 甲午,守左僕射、 丙戌,以左神策軍大將軍 癸卯, 封 以前陝 、同平章 安申等 魯王母 辛丑, 國

公

本

紀 第

+ 七 下

文 宗 下

以 左 泫 温 月 造 爲興元節度使。 午朔 戊 午,興元 辛未,夏州節度使李寰卒。 軍亂, 節度使李絳舉家被害, 壬申,以神策行營節度使董 判官薛齊、趙存約 死之。 重質爲 庚

夏綏銀宥節

虚使。

**盗、丘鑄及官健千人,並處斬訖。** 使, 督府長史、淮南節度使。甲辰,以前荆南節度使崔羣檢校右僕射、 同中書門下平章事,兼江陵尹,充荆南節度使,以前太子賓客崔從檢校右僕射、揚州 卷,優韶答之,賜史官等五人錦繡銀器有差。 祭李絳,三十首祭死王事官僚,其餘屍首並投於漢江。」己丑,韶興元監軍使楊叔元宜配流 使薛平爲太子太保。 李虞仲爲 康州百姓,錮身遞於配所。丁酉,監修國史、中書侍郎、平章事路隨進所撰憲宗實錄四十 以刑部尚書柳公綽檢校左僕射、太原尹、北都留守、河東節度使。 三月乙亥,以河東節度使李程檢校左僕射、 華州刺 史,代嚴休復;以休復爲右散騎 丁亥,以衞尉卿桂仲武爲福建觀察使。 其親刃絳者斬一百段,號令者三段,餘並斬首。 癸卯,以淮南節度使段文昌檢校尚書左僕射、 常情 同平章事, 兼河中尹、 興元温造奏:「害李絳賊首丘 兼太常卿。 丁丑,以前河中節 晉絳慈隰等州節度 以 中書 內一百首 大都

1致仕張賈卒。 夏 四月乙巳朔。 丁巳,貶前齊德滄景等州節度使李有裕爲永州刺史,馳驛赴任。 丙午,以右散騎常侍、翰林侍講學士鄭覃爲工 部尙書。 丁未, 庚申,以 兵部尚

韶條。 致理數!永念慚歎,迨茲申敕。自今內外班列職位之士,各務素朴,弘茲國風。有僭差尤甚 源。有司不禁,侈俗滋扇。蓋朕教導之未敷,使兆庶昧於恥尙也。其何以足用行令,臻于 海,愍元元之久困,日昃忘食,宵興疚懷。雖絕文繡之飾,尙愧茅茨之儉。 夜,月掩南斗第二星。 壬戌,韶曰:「儉以足用,令出惟行,著在前經,斯爲理本。 朕自臨四 **尙書左丞王起爲戶部尙書、判度支,代崔元略,以元略檢校吏部尙書,爲東都留守。辛酉** 素,以率厲之。辛未,以前東都留守崔弘禮爲刑部尙書。鎭州王廷凑請修建初、啓運二陵, 者,御史糾上。 如聞積習流弊,餘風未革。車服第室,相高以華靡之制;資用貨寶,固啓于貪冒之 主者宣示中外,知朕意焉。」文宗承長慶、寶曆奢靡之風,銳意懲革,躬行儉 亦踰卿士,形于

支每歲於西川織造綾羅錦八千一百六十七匹,令數內減二千五百十匹。 如有持之者。上令鐵工破鎖,時日已及辰矣。丁亥,改鄆州東平縣爲天平縣。戊子,敕度 五月甲戌朔。丁丑,以旱命京城諸司疏理繫囚。己卯,通化南北二門鎖不可開,鑰入,

封三百戶裴度爲守司徒、平章軍國重事;待疾損日,每三日、五日一度入中書。 辛未夜,自 更至五更,大小星流旁午,觀者不能數。壬申,詔:如聞諸司刑獄例多停滯,委尙書左右 六月癸卯朔。丁未,以守司徒、門下侍郎、平章事、上柱國、晉國公、食邑三千戶、食實

紀第十七下

文宗下

丞及監察御史糾舉以聞。

鎭兵千人。以吏部侍郎王璠爲京兆尹、兼御史大夫,代李諒爲桂管觀察使。 度受册,有靦面目。」從之。 粟三萬石。賜十六宅諸王綾絹二萬匹。 授;從諫議大夫知者,亦宜準此;餘依長慶二年七月二十七日敕處分。」振武置雲伽關,加 夫、行尙書右丞、同中書門下平章事。乙酉、敕:「前行郎中知制誥者,約滿一周年,即與正 秋 七月癸酉朔。 癸未,詔以朝議郞、尙書右丞、上柱國、賜紫金魚袋宋申錫爲正議大 丁酉,守司徒襲度上表辭册命,言:「臣此官已三 太原饑,

化爲麵,人取食之。己未,宜數觀察使一散卒。甲子,內出綾絹三十萬匹,付戶部充和糴。 戊辰,幸梨園亭,會昌殿奏新樂。 八月壬寅朔。丙辰,鄜州水,溺居民三百餘家。太原柳公綽奏雲、代、蔚三州山谷間石

以守司徒、平章軍國重事、晉國公裴度守司徒、兼侍中,充山南東道節度使。 師爲宣數觀察使。 羯爲右聽衞將軍同正。丙戌,以前山南東道節度使竇易直爲尙書左僕射。 溺民戶六百八十,韶以義倉賑貸。庚辰,吏部尙書王涯爲右僕射,依前鹽鐵轉運使。 九月壬申朔。 內出綾三千匹,賜宥州築城兵士。戊寅,舒州太湖、宿松、望江三縣水, 丁丑,以大理卿裴誼檢校右散騎常侍,充江西觀察使,代沈傳師,以傳 戊子, 吏部尚書 以投來奚王茹 壬午,

致仕裴向卒。 己丑, 淮南天長等七縣水、害쮾。 丁酉,前豐州刺史、天德軍使渾蟻坐贓七千

貫,貶袁州司馬。

時忽有 寺。 得 不及。 羣臣延英 代 爲太常卿, 、李德裕; 庚戌, 冬十月壬寅朔。 〕從之。 2公務,文字不足盡言,則咫尺天聽,無路 伏乞重賜宣示,限以狀入者,並在卯前; 奏事 以前刑部尙書崔弘禮爲東都留守。 以德裕檢校兵部尚書,兼成都尹 代崔羣爲吏部尙書。 子, 前 一 日進狀入來者。 戊申,以東都留守崔元略檢校吏部尚書,兼滑州刺史、義成軍節度使, 丁卯, 臣以尋常公事,不暇 御史中丞字文鼎奏:「今月十三日,宰臣宣旨, 聞達。 充劍南西川節度使。 甲寅, 如在 卯後,聽不收覽。 以前劍南西川節度使、檢校司空郭釗 更俟後坐,動踰數辰,處置之間,便有 面論,但見表章,足以陳露。 己酉,京師有熊入莊嚴 自然 人各遵守 今後 爣

准 南 大水及蟲 <del>+</del> 月辛 霜 -未朔。 ,並傷稼。 是夜, 熒惑近左執法。 癸巳, 以左丞康承宣爲克海沂密等州節度使。

**昭為京兆尹** 以 左金吾衞 一月辛 大將 代王璠爲尙書左丞。 丑: 軍段嶷爲義 一朔, 滄州殷侑請廢景州爲景平縣。 成成 軍 節 護使。 東都留守崔弘禮卒。 癸 丑 ,湖南觀察使韋辭 己酉,義成軍 以同州刺史高重爲潭州刺 節 卒。 度使崔 丙辰,以工 元略卒。 部侍郎崔 壬子,

本

紀

第

+

七

下

文 宗

下

史、兼御史中丞,充湖南觀察使。 甲子,左僕射致仕楊於陵卒,贈司空。 丙寅, 以前河南

馮宿爲工部侍郎。 戊辰, 以太子賓客分司白居易爲河南尹, 以代韋弘景,以弘景守刑部

尚書、東都留守。

閏十二月辛未朔。 壬申,太常卿郭釗卒,贈司徒。壬辰,廢齊州歸化縣地入臨邑縣。 黀

景州,其縣隸滄州刺史。

是歲,京畿、河南、江南、荆襄、鄂岳、湖南等道大水,害稼,出官米賑給。

雑綵 亂,逐其帥李載義,立後院副兵馬使楊志誠爲留後。癸亥,韶端午節辰,方鎭 粟十萬石。己未,詔方鎭節度觀察使請入覲者,先上表奏聞,候允則任進程。 ·匹段,許進生白綾絹。己丑,以權知渤海國務大彝震檢校秘書監、忽汗州都督、渤海 五年春正月庚子朔,以積陰狹旬,罷元會。丁巳,賜滄德節度使日義昌軍。 庚申, (例有進奉,其 太原旱,赈 幽州 軍

戊戌,神策中尉王守澄奏得軍虞候豆盧著狀,告宰相宋申錫與潭王謀反。卽令追捕。 一月庚午朔。 時載義失守入朝,賜第於永寧里,給賜優厚。丙申,以桂管觀察使李諒爲嶺南節度 壬辰,以盧龍軍節度使、守太保、同平章事李載義守太保、同中書門下平

構。人士側目於守澄、鄭注,故諫官號泣論之,申錫方冤其禍。 陳正儀爲黔中觀察使。 江亭賜宴,仍命宰臣百僚赴會。 庶子宋申錫開州 久之,帝改容勞之曰:「**朕即與宰臣商議。」玄亮等方退。** ,,韶貶宋申錫爲太子右庶子。 ,,請不於內中鞫問,乞付法司。」帝曰:「吾已謀於公卿矣, 司馬同正二。 丁卯,紫宸奏事,宰相路隨至龍墀,仆于地,令中人掖之。 辛酉,以黔中觀察使裴弘泰爲桂管經略使,以前安州刺史 初,京師忷忷,以宰相實聯親王謀逆, 壬寅,左常侍崔玄亮及諫官等十四人伏奏玉階:「北軍所 癸卯, 己酉,敕以李載義入朝,於曲 卿等且退。」崔玄亮泣涕陳諫 韶潭王湊可降爲巢縣公,右 三四日後, ,**方**知誣 翌日,上

州諸軍事、雞林州大都督、寧海軍使、上柱國,封新羅王;仍封其母朴氏爲新羅國太妃。 節度使。 季送史館,庶警殷闕,且復官常。」已丑,以李載義爲山南西道節度,依前守太保、同平章 亥,韶:「史官記事,用戒時常,先朝舊制,並得隨仗。 代温造;以造爲兵部侍郎。以幽州盧龍節度留後楊志誠檢校工部尚書,爲幽州盧龍 自今後宰臣奏事,有關獻替及臨時處分稍涉政刑者,委中書門下丞一人隨時撰錄,每 夏四月已已朔。 甲戌,以新羅王嗣子金景徽爲開府儀同三司、檢校太保,使持節雞林 其後宰臣撰時政記,因循斯久,廢墜實

疏陳退, 識者嘉之。

本紀第十

部尚書韋弘景卒。 午,西川李德裕奏:南蠻放還先虜掠百姓、工巧、僧道約四千人還本道。 辛酉,東都留守、刑 書,復委所司營葺,則制度不紊,官業各修矣。」疏奏,帝嘉之,乃追止中使,命有司修奉。 戊 便同委棄,此臣竊爲聖朝惜也。 於罰俸,便委內臣葺修,是許百司之官公然廢職。 禁中修營材葺之。右補闕韋温上疏論曰:「宗廟不葺,罪在有司弛慢,宜加重責。今有司止 五月戊戌朔,太廟第四室、第六室破漏,有司不時修葺,各罰俸。 丙寅,以京兆尹崔琯爲尚書左丞。 事關宗廟,皆書史册,苟非舊典,不可率然。伏乞更下詔 。以宗廟之重,爲陛下所私,則羣官有司, 太常少卿龐嚴權知京兆 上命中使領工徒及以 尹。

東川 、奏:玄武江水漲二丈,梓州羅城漂人廬舍。 六月丁卯朔。 戊寅,以霖雨涉旬,詔疏理諸司繫囚。 辛卯、蘇、炕、湖南水害稼。甲午,

書,爲東都留守。甲辰,以太子少師分司、上柱國、襲徐國公蕭倪守左僕射致仕。 西兩川水,遺使宣撫賑給。 秋七月丁酉朔。 庚子,贈太子賓客李渤禮部尚書。 己未,以給事中羅讓爲福建觀察使。 辛丑,以兵部侍郎温造檢校戶部尙 劍南東、

興爲著作郎。 元興累上表請自效,幷進文章,朝議責其躁進也。 度使楊元卿爲宣武軍節度使,代李逢吉,以逢吉檢校司徒、兼太子太師,充東都留守,代温 八月丙寅朔。 庚午,武昌軍節度使、檢校戶部尚書元稹卒。 壬申, 辛 未, 以河陽三城懷州 貶刑部員外郎舒元 節

饒州 平盧軍節度使。 雨 雪。 是歲, 刺史,以除鎮淹程不進,爲憲司所糾故也。癸巳,以鄭州刺史李翺爲桂管觀察使。 十二月乙丑朔。 淮南、浙江東西道、 癸亥,以尙書左僕射、判太常卿事竇易直檢校司空,爲鳳翔隴右節度使。 戊寅,以左丞王璠兼判太常卿事。甲申,貶新除桂管觀察使裴弘泰爲

兵鎭守。 林學士薛廷老、李讓夷皆罷職守本官。 九月丙申朔。 故坐累也。 甲辰,貶太子左庶子郭求爲婺王府司 已未,以左僕射寶易直判太常卿。 廷老在翰林, 終日酣醉無儀檢, 戊寅、蠻寇巂州、陷二縣。 西川李德裕奏收復吐蕃所陷維州,差 故罷。 讓夷常推薦 辛巳,滄州

以中書舍人崔咸爲陝州防禦使。詔陝州舊有都防禦觀察使額宜停,兵馬屬本州防禦使。

戊寅,以陝虢觀察使崔鄽爲鄂岳安黃觀察使。

甲申,

丙

庚寅,以司農卿、駙馬都尉杜悰爲京兆

尹

馬,以其心疾,

與同僚忿競也。

翰

以温造爲河陽三城懷州節度使。

戌,京兆尹龐嚴卒。

多十月乙丑朔,以前綿州刺史鄭綽爲安南都護。

移清池縣於南羅城內置。

月乙未朔。 庚戌,鳳翔節度使王承元來朝。 己未,以承元檢校司空、靑州刺史,充

荆襄、鄂岳、劍南東川並水,害稼,請蠲秋租。是冬,京師大

本

紀

第 + 七

下

文 宗 下

罪囚,除官典犯贓、故意殺人外,丼降從流〔三〕,流已下遞降一等。應京畿諸縣,宜令以常平 貸,莫能自存。 三帳。 子, 視之如傷。 時,導迎和氣。 義倉斛斗賑恤。 六年春正月乙未朔,以久雪廢元會。戊戌,振武李泳招收得黑山外製苾部落四百七十 壬子,詔:「朕聞『天聽自我人聽,天視自我人視』。朕之菲德, 涉道未明, 不能調序四 中宵載懷,旰食興歎,怵惕若厲,時予之辜。思弘惠澤,以順時令。天下死 自去冬已來,踰月雨雪,寒風尤甚,頗傷于和。念茲庶甿,或罹凍餒,無所假 天或警予,示此陰沴,撫躬夕惕,予甚悼焉。」羣臣拜表上徽號。甲寅,司徒 京城內鰥寡癃殘無告不能自存者,委京兆尹量事濟恤,具數以聞。言念赤

營田務,從之。己丑,寒食節,上宴羣臣於麟德殿。 賑米二十二萬石,以本州常平義倉斛斗給。 庚辰,戶部尙書、判度支王起請於**邠寧、靈武置** 使、代令狐楚;以楚檢校右僕射,兼太原尹、北都留守、河東節度使。戊寅,蘇、湖二州水, 之師,安得侮瀆。」亟命驅出。 致仕薛平卒。 二月甲子朔,以前義昌軍節度使殷侑檢校吏部尚書,充天平軍節度、軍曹濮等州觀察 是日,雜戲人弄孔子,帝曰:「孔子,古今

三月甲午朔。辛丑,以武寧軍節度使、守太傅、同平章事王智興兼侍中,充忠武軍節

軍孟友亮爲邪寧節度使。以前河東節度使柳公綽爲兵部尚書。 度、陳許蔡觀察等使。以邪寧節度使李聽爲武寧軍節度、徐泗濠觀察等使,以金吾衞大將 辛酉, 以前忠武軍節度使

高瑀檢校右僕射,充武寧軍節度、徐泗濠觀察等使。

夏四月癸亥朔。乙丑,兵部尚書柳公綽卒。戊寅, 以新除武寧軍節度使李聽爲太子

太保。

共守, **股當親覽**,無憚直言。 惊、中丞宇文鼎以興自首冤父之囚,其孝可獎,請冤死。 使。 減稅錢。 格於天地、法令或爽、 人,疾疫相繼,宵旰罪己,興寢疚懷。 八縣災疫,賑米七萬石。 己未,興平縣人上官興因醉殺人而亡竄,官捕其父囚之,興歸,待罪有司。京兆尹杜 五月癸巳朔。 興不可免。上竟從悰等議免死,決杖八十,配流靈州。 疫疾未定處,官給醫藥。 甲辰,西川修邛崍關城,又移巂州於臺登城。壬子,浙西丁公著奏杭州 官吏爲非。有一於茲,皆傷和氣。 其遭災疫之家,一門盡歿者,官給凶器。 丁巳,以鹽州刺史王晏平檢校左散騎常侍、御史大夫,充靈鹽節度 諸道旣有賑賜,國費復慮不充,其供御所須及諸公用,量 今長 吏奏申, 札蹇猶甚。 韶兩省參議,皆言殺人者死,古今 並委中外臣僚,一一具所見聞奏, 蓋教化未感於蒸人,精誠未 庚申, 韶:「如聞諸道水旱害 其餘據其人口遭疫多少,與

宜節減,以救凶荒。」

本紀

第十七下

文

宗下

庶衣服、車馬、第舍之制度。 六月壬戌朔。 丙寅,京兆尹杜悰兼御史大夫。 敕下後,浮議沸騰。 杜悰於敕內條件易施行者寬其限,事竟不 戊寅,右僕射王涯奉敕,准令式條疏士

行,公議惜之。

逵薨。 射;以戶部尚書、判度支王起檢校吏部尚書,充河中晉慈隰節度使;以御史中丞、兼刑部 裴休並充史館修撰。 秋七月辛卯朔。 癸丑,以前靈武節度使李文悅爲兗海沂密節度使。己未,以河中節度使李程爲左僕 故事,史官不過三員,或止兩員,今四人並命,論者非之。 甲午,以諫議大夫王彥威、戶部郎中楊漢公、祠部員外郎蘇滌、右補闕 戊申, 原王

朝。 侍郎宇文鼎爲戶部侍郎、判度支。 文,已經施行,不合更改,宜準大和四年十一月十六日敕處分。」 受四品已下官拜。 右丞、判太常卿王璠檢校禮部尙書、潤州刺史、浙西觀察使。 庚午,山南東道節度使裴度 壬申,以前浙西觀察使丁公著爲太常卿。甲戌,御史中丞字漢奏論僕射上事儀,不合 八月辛酉朔,吏部尚書崔羣卒。以駕部郎中、知制誥李漢爲御史中丞。乙丑,以尚 時左僕射李程將赴省上故也。詔曰:「僕射上儀,近定所緣拜禮,皆約令 來 書

庚子,以太傅趙宗儒守司空致仕。 九月庚寅朔,淄青初定兩稅額,五州一十九萬三千九百八十九貫,自此淄青始有上供。 辛丑,涿州置新城縣,古督亢之地也。丁未,太常卿丁公

著卒。 庚戌, 司空致仕趙宗儒卒。 壬子,以右金吾衞將軍史孝章爲鄜州刺史、鄜坊丹延節

度使。 散 ·騎常侍,充夏綏銀宥節度使。 甲申,以諫議大夫王彥威爲河中少尹,以其論上官**興**獄太 多十月庚子朔。 甲子,韶魯王永宜册爲皇太子。 壬午,以左金吾衞將軍李昌言檢校左

十一月已丑朔。 丁未,淮南節度使、檢校右僕射崔從卒。 乙卯,以荆南節度使段文昌

**徽**計故也。

爲劍南西川節度使,依前檢校左僕射、同平章事 十二月已未朔。 乙丑,以中書侍郎、同平章事牛僧孺檢校右僕射、同平章事、揚州大都

亥,昭義節度使劉從諫來朝。 督府長史,充淮南節度使。戊辰,內養王宗禹渤海使迴,言渤海置左右神策軍、左右三軍一 百二十司, 畫圖以 進。 以尚書右丞崔琯爲江陵尹、 丁未,以前西川節度使李德裕爲兵部尚書。 荆南都團練觀察使。 珍王誠薨至。乙 責授循州司馬杜

元穎卒,贈湖州刺史。

**閩貢新茶**,皆於冬中作法爲之, 七 年春正月乙丑 一朔,御含元殿受朝賀。 上務恭儉,不欲逆其物性,韶所供新茶,宜於立春後造。 比年以用兵、雨雪,不行元會之儀。故書(1),吳、

本紀

第

十七

下:

文宗下

嶺南 度使; 罪己之心,深軫納隍之歎。如聞關輔、河東,去年亢旱,秋稼不登,今春作之時,農務又切,若 流行,疫疾作沴,兆庶艱食,札瘥相仍。蓋德未動天,誠未感物,一類失所,其過在予。 詔:「殷承上天之睠佑,荷列聖之丕圖,宵旰憂勞,不敢暇逸,思致康义,八年于茲。 午,加劉從諫同平章事。襄州裴度奏請停臨漢監牧,從之。此監元和十四年置,馬三千二百 等州各賜十萬石,並以常平義倉物充。」以新除嶺南節度使崔珙檢校工部尙書,充武寧軍節 不賑救,懼至流亡。京兆府賑栗十萬石,河南府、河中府、絳州各賜七萬石,同、華、陝、虢、晉 匹,廢百姓田四百餘頃,停之爲便。乙亥,以太府卿崔珙爲廣州刺史、嶺南節度使。 五管及黔中等道選補使,宜權停一二年。 以右金吾衞將軍王茂元爲嶺南節度使。丙辰,以前武寧軍節度使高瑀爲刑部尙書。 壬子, 而水旱 載懷

使,代崔咸;以咸爲右散騎常侍。已卯,麟德殿對吐蕃、渤海、牂柯、昆明等使。辛巳,御史 兵部尙書、上柱國、贊皇縣開國伯、食邑七百戶李德裕以本官同中書門下平章事。 臺奏:均王傅王堪男禎,國忌日於私第科決罰人。 詔曰:「準令,國忌日禁飮酒、舉樂。 決罰 人吏,都無明文。 二月己未朔。己巳,以吏部侍郎庾承宣爲太常卿。癸酉,以宗正卿李詵爲陝州防禦 起今後從有此類,不須舉奏。王禛宜釋放。」丙戌,詔以銀青光祿大夫、守

三月戊子朔。

庚寅,以前戶部侍郎楊嗣復爲尚書左丞。

壬辰,以左散騎常侍張仲方爲

充鳳翔隴右節度。己酉,安南奏:蠻寇寇當管金龍州,當管生獠國、赤珠落國同出兵擊蠻,敗 隸之,以東都鹽鐵院官吳季眞爲宿州刺史。癸卯,以京兆尹、駙馬都尉杜悰檢校禮部尙書, 亥,嶺南節度使李諒卒。 太子賓客分司。 庚戌,出給事中楊虞卿爲常州刺史,中書舍人張元夫汝州刺史。以太府卿韋長爲京兆 丙辰,以散騎常侍嚴休復爲河南尹。 丁巳,以給事中蕭澣爲鄭州刺史。 仲方爲郎中時, 辛丑,和王綺薨。 常駁故相李吉甫諡, 復於埇橋置宿州,割徐州符離縣蘄縣、泗州虹縣 德裕秉政, 仲方請告, 因授之。

都。 李固言爲右丞,中書舍人楊汝士爲工部侍郎。壬子,以河南尹白居易爲太子賓客,分司東 酉,以同州刺史吳士智爲江西觀察使〔至〕,以吏部侍郎高武爲同州刺史。 庚辰,以工部侍郎 軍 唐弘實使迴紇,册九姓迴紇愛登里羅汨沒施合句錄毗伽彰信可汗。 甲申,以江西觀察使裴誼爲歙池觀察使,代沈傳師,以傳師爲吏部侍郎。以右金吾衞 夏四月戊午朔。辛酉,九姓迴紇可汗卒。癸亥,前鳳翔節度使、檢校司空寶易直卒。

元李載義來朝。 五 月丁亥朔。 癸丑,以前邛州刺史劉旻爲安南 丁酉,以李聽爲鳳翔隴右節度使,依前檢校司徒、兼太子太保。 都護。 癸卯,興

守太保、同平章事。 六月丁巳朔。 乙巳,以山南 壬申,以御史中丞李漢爲禮部侍郎,以工部尚書、翰林侍講學士鄭覃爲 西道節度使李載義爲太原尹、北都留守、河東節度使,依前

本紀第十七

下

文宗下

內、温縣、武德、武陟五縣田五千餘頃。 使令狐楚檢校右僕射,兼吏部尚書。 校禮部尚書、同平章事,兼興元尹、山南西道節度使。 御 觀察使。 史大夫。 己卯,以右神策大將軍李用爲邪寧節度使。 甲戌 ,以刑部尚書高瑀爲太子少保分司。 癸未,涇原節度使張惟淸本。 乙亥, 河陽修防口堰,役工四萬,溉濟源、河 丁丑,以左金吾衞將軍李從易爲桂管 以中書侍郎、平章事李宗閔檢 乙酉,以前河東節度

卒,詔許歸葬。 疏決繫囚。 檢校禮部尚書,充劍南東川節度使;以戶部侍郎庾敬休爲左丞。己酉,以旱,命京城諸司 拜。敕旨宜準大和四年十一月十六日敕處分。乙巳,號州刺史崔玄亮卒。以左丞楊嗣復 射李程 書門下平章事,領使如故。甲辰,右丞李固言等奏狀,論僕射省中上事,不合受四品已下 金紫光祿大夫、守尙書右僕射、諸道鹽鐵轉運使、上柱國、代郡公、食邑二千戶王涯可同中 秋七月丙戌朔。丁亥,以右龍武統軍康志睦爲四鎭北庭行軍、涇原節度使。 檢校司空,兼汴州刺史、宣武軍節度使。 壬子,敕應任外官帶一品正京官者,縱不知政事,其俸料宜兼給。 癸丑,以左僕 甲寅,以旱徙市。 左降官開州司馬宋申錫 壬寅,以

**澤愆候,害我稼穑,災于黔黎。** 閨 七月乙卯朔,詔曰:「朕嗣守丕圖,覆嫗生類,兢業寅畏,上承天休。而陰陽失和,膏 有過在予,敢忘咎責。 從今避正殿,減供膳,停敎坊樂,廐馬

客李紳檢校左散騎常侍,兼越州刺史,充浙東觀察使,代陸亘,以亘爲宣數觀察使 內外修造事 量减芻粟,百司廚饌亦宜權減。 丑,以前宣武軍節度楊元卿爲太子太保。戊戌,以給事中崔戎爲華州刺史。 癸未,以太子賓 非急務者,並停。」時久無雨,上心憂勞。 陰陽鬱堙,有傷和氣,宜出宮女千人。 五坊鷹犬量須減放。 韶下數日,雨澤霑洽,人心大悅。乙

韋長兼御史大夫,以刑部尚書高瑀爲忠武軍節度使。 常參官及諸州府長官子爲父後者,賜勳兩轉。」癸巳,太子太保楊元卿卒。戊申,以京兆尹 士族、起今年十月,其衣服輿馬,並宜準大和六年十月七日敕如有固違、重加黜責。文武 家令式,去其甚者,稍謂得中。而士大夫苟自便身,安於習俗,因循未革,以至于今。 擇配匹,具以名聞。皇太子方從師傅傳授六經,一二年後,當令齒胄國庠,以興墜典。 不御纖華,逮于六宮,皆務儉薄。卿大夫得不叶殷此志,率先兆人?比年所預制度,皆約國 人之所視,遠方之所做,若非恭儉克己,廉直任人,而望其服從,固不可得。況股不實珠玉, 應明經進士限。 國子選名儒,置五經博士各一人(+)。其公卿士族子弟,明年已後,不先入國學習業,不在 諸王自今年後相次出閣,授緊望已上州刺史佐。其十六宅諸縣主,委吏部於選人中簡 八 《月甲申朔,御宣政殿,册皇太子永。 其進士舉宜先試帖經,丼略問大義,取經義精通者放及第。卿大夫者,下 是日降詔:「應犯死降從流(私),流已下遞減一 宜 令

紀

十七下

文宗下

情款。」旬日之中,諫章數十上,由是授注通王府司馬、兼侍御史,充神策軍判官,中外駭數 起,以起爲兵部尚書。 甲寅,以前忠武軍節度使王智興依前守太傅、兼侍中、河中尹、河中晉絳慈隰節度使,代王 連朝官,兩地往來,卜射財貨,畫伏夜動,干竊化權。人不敢言,道路以目。 九月甲寅朔。 丙寅,侍御史<u>李</u>款閣內奏彈前邠州行軍司馬鄭注,曰:「注內通敕使,外 請付法司推劾

中國教法。臣伏見開元十七年張說、源乾曜請以誕日爲千秋節,內外宴樂,以慶昌期,頗爲 得禮。」上深然之,宰臣因請十月十日爲慶成節,上誕日也。 水,害稼。 唯對王源中等暫入殿,至僧道講論,都不臨聽。」宰相路隨等奏:「誕日齋會,誠資景福 翌日,御延英,上謂宰臣曰:「降誕日設齋,起自近代。 股緣相承已久,未可便革,雖置齋會, 冬十月癸未朔,揚州江都等七縣水,害稼。 壬辰,上降誕日,僧徒、道士講論於麟德殿。 從之。辛酉,潤、常、蘇、湖四州 不本非

史,充涇原節度使。 月癸丑朔。乙亥,涇原節度使康志睦卒。 壬午,於銀州置監牧。 己一一以左神策長武城使朱叔夜爲涇州

刺

庚子,幸望春宮,聖體不康。癸卯,平盧軍節度(云)、檢校司空王承元卒。丁未,以河 十二月癸未朔。 已亥, 刑部詳定大理丞謝登新編格後敕六十卷, 令删落詳定爲五十

南尹嚴休復檢校禮部尚書,充平盧軍節度、淄青登萊棣觀察等使。 知河南尹。 以河東節度副使李石爲給事中。 戊申,以給事中王質權

寅,修太廟。令太常卿庾承宣攝太尉,徧告九室,遷神主於便殿。癸酉,楊、楚、舒、廬、壽、 八年春正月癸丑朔。丁巳,聖體痊平,御太和殿見內臣。 甲子,御紫宸殿見羣臣。 丙

**渝、和七州去年水,損田四萬餘頃。** 

二月壬午朔,日有蝕之。 庚寅,詔以聖躬痊復,赦繫囚,放逋賦,移流人。 己亥,蔚州飛

狐鎭置鑄錢院。

留守,依前守司徒、兼侍中;以東都留守李逢吉檢校司徒,兼右僕射。 三月壬子朔。 。丙子,以右丞李固言爲華州刺史,代崔戎;以戎爲兗海觀察使。 甲寅、上巳,賜羣臣宴於曲江亭。 庚午,以山南東道節度使裴度充東都 癸酉,兗海節度使李

爲時論所稱。甲午,以宿州刺史吳季眞爲邕管經略使。乙巳,翰林學士、兵部侍郎王源中 四月壬午朔。 。壬辰,集賢學士裴潾撰通選三十卷,以擬昭明太子文選,潾所取偏僻,不

辭內職,乃以源中爲禮部尚書。 五月辛亥朔。己巳,修奉太廟畢,以吏部尙書令狐楚攝太尉,徧告神主,復正殿。

本

紀

第十七

下

文

宗下

五五三

飛龍

神駒中廐火。

州刺史高釴卒。戊申,以將作監、駙馬都尉崔杞爲兗海沂密觀察使。 軍節度使。 以旱,韶諸司疏決繫囚。 六月 庚 辰 朔。 戊戌、宰臣王涯、路隨奏請依舊制讀時令。庚子,兗海觀察使崔戎卒。 辛巳,徙市。 丙申,以前鳳翔節度使、駙馬都尉杜悰起復檢校戶部尚書,充忠武 壬午,大理卿劉遵古卒。壬辰,陳許節度使高瑀卒。

癸亥,郯王經薨。己巳夜,月犯昴。 觀察使。 雨,損夏麥。辛酉,定陵臺大雨,震東廊,廊下地裂一百三十尺,詔宗正卿李仍叔啓告修塞。 秋七月庚戌朔。丙辰,以工部侍郎楊汝士爲同州刺史。戊午,奉先、美原、 堂帖中外臣僚,各舉善周易學者。 壬申,以右金吾衞大將軍段百倫檢校工部尚書,充福建 櫟陽等縣

王大男沛可封潁川郡王;淄王大男澣可封許昌郡王;沔王大男瀛可封晉陵郡王;鄜王大 王,第二男淑可封吳興郡王,故絳王大男洙可封新安郡王,第二男跨可封高平郡王 男溥可封平陽郡王:仍並賜光祿大夫。丙申,罷諸色選舉,歲旱故也。己亥,御寫周易義五 東陽郡王,第二男源可封安陸郡王,第三男演可封臨安郡王;故深王大男潭可封河內郡 道示羣臣,有人明此義者,三日內聞奏。時李仲言以易道惑上,及下其義,人皆竊笑,卒無 八月已卯朔,右龍武統軍董重質卒。 庚寅,太白犯熒惑。 辛卯,韶故澧王大男漢可封 一,故洋

秋稼。 壬辰, 卒。 器。 路隨於崇明門。 尹 氏舊聞三卷。 五尺滅。 戶李宗閔 軍李懷仵悉爲三軍所逐,立其部將史元忠爲留後。 安王溶、 書致仕張正甫卒。 乖於廉察, ア,充山 是夜,彗出東方,長三尺,輝耀甚偉。辛酉,以權知河南尹王質爲宣歙觀察使。吏部尙 庚寅,以山南西道節度使、檢校禮部尚書、同平章事、上柱國、襄武縣開國侯、食邑一千 九月乙酉朔。 召國子四門助教李仲言對於思政殿,賜緋。 甲午,以銀青光祿大夫、守中書侍郎、平章事李德裕檢校兵部尚書、同平 南 潁王遷皆檢校兵部尙書。 可中書侍郎、 癸丑,月入南斗。乙亥,宣州觀察使陸亘卒。 西道 削所贈工部尚書。 隨州刺史杜師仁前刺吉州,坐贓計絹三萬匹,賜死于家。故江西觀察使裴誼 節度使。 丙申, 。癸亥,以尙書吏部侍郞鄭澣爲河南尹。 辛亥夜,彗起太微,近鄓位,西指,長丈餘,西北行,凡九夜, 同中書門下 諫官上疏論李仲言不合獎任, 以助教李仲言爲國子周易博士,充翰林侍講學 庚申, 右軍中尉王守澄宣召鄭注, 對于浴堂門, 宰相路隨册拜太子太師。 平章事。 辛卯, 以中使田全操充皇太子見太師禮儀使。 河南 陝州、江西旱,無稼。 , 上令中使宣諭諫官曰:「殷留仲言禁 己未,宰臣李德裕進御臣要略及柳 府、鄧州、 甲子,鄭注進藥方一卷。 辛巳,幽州節度使楊志誠、監 同州、 士。 揚州並奏旱蟲傷損 己丑 皇太子見太師 ,秘書監崔威 越鄓位 仍賜錦綵銀 章事、興元 庚午, 西北

本

紀

第十

七 下

文宗

下

子二十人奏樂以寵之。

中 訊 - ,顧 鄭注對於太和殿。 問經義 ,敕命已行,不可遽改。」淮南、兩浙、黔中水爲災,民戶流亡,京師物價暴貴。庚 以御史大夫鄭覃爲戶部尙書。 壬寅,翰林院宴李仲言,賜法典弟

海軍節度、浙江 州,被服皆爲龍鳳,乃流之嶺外,至商州殺之。乙亥,以兵部尚書李德裕檢校右僕射, 以戶部侍郎李漢爲華州刺 洪水,漂溺戶萬三千八百。 度使温造爲御史大夫(な)。 蕭洪爲河陽三城節度使。 十一月丁未朔。 西道觀察等使。 庚戌,以尙書左僕射致仕蕭倪爲太子太傅。辛亥,以左金吾衞大將軍 丙午,以新除興元節度使李德裕為兵部尚書 襄州 史、 己卯, 癸丑,以禮部尙書王源中檢校戶部尙書, 水,損田。 鎭國軍潼關防禦使。 丙子,李仲言奏請改名訓,從之。 幽州節度使楊志誠被逐入朝,下御史臺訊鞫。 壬子, 滁州奏清流等三縣四月雨至六月, 成德軍節度使王廷凑卒。 充山 南 西道節度 以 志誠 削 河陽節 諸 在 山發

以宗正卿李仍叔爲湖南觀察使,代李翺;以翺爲刑部侍郎,代裴潾;以潾爲華州鎭國軍潼 方爲左散騎常侍,常州刺史楊虞卿爲工部侍郎。 辛巳,以棣州刺史韓威爲安南都護。 史元忠爲留後。 十二月丁丑朔。己卯,以昭義節度副使、檢校庫部員外郎、賜紫金魚袋鄭注爲太僕卿。 甲申,許太子太傅蕭倪致仕。 癸未,以通王爲幽州盧龍節度使,以權 是夜,月掩昴。 己亥,以尙書左僕射李逢吉守司徒致仕。 己丑,以太子賓客分司張仲 勾當幽州兵馬

關防禦使。昭成寺火。

天平軍節度使,代殷侑;以侑爲刑部尚書。癸亥,巢縣公凑薨,追封齊王。 檢校工部尚書,充成德軍節度使、鎭冀深趙觀察等使。以太常卿庾成宣檢校吏部尚書,充 李逢吉卒。 九 年春正月丁未朔。 癸酉, 以右散騎常侍舒元興爲陝州防禦觀察使。以前棣州刺史田早爲安南都 乙卯,以鎭州左司馬王元逵起復定遠將軍、守左金吾衞大將軍、 壬申,司徒致仕

川節度使。乙丑,以歲饑,河北尤甚,賜魏博六州粟五萬石,陳許、鄆、曹濮三鎭各賜糙米二 左僕射、同平章事段文昌卒。庚申,以劍南東川節度使楊嗣復檢校戶部尚書,兼成都尹、西 卯,京師地震。甲辰,以幽州留後史元忠爲盧龍節度使。乙巳,劍南西川節度使口以、檢校 廢朝。 自今丞、郎宜準諸司三品官例,罷朝一日。」 千五百人修淘曲江。 庚午,左丞庾敬休卒,廢朝一日。詔曰:「官至丞、郎, 股所親委, 不幸云亡者, 宜爲之 月丙子朔。 甲申,以司農卿王彥威兼御史大夫,充平盧軍節度使。丁亥,發神策軍 如諸司有力,要於曲江置亭館者,宜給與閒地。辛丑,冀王絿薨。 癸

夏四月丙子朔。 第 + 七下 丙戌,以桂管觀察使李從易爲廣州刺史、嶺南節度使。 文宗 下 五五七 以鎮海軍節度

五

使、浙 縣開國 書侍郎、同中書門下平章事。 門下侍 一部侍 廢樓觀城四十餘所。 西觀察等使李德裕爲太子賓客, 郎楊虞卿爲京兆尹,仍賜金紫。 伯、 鄓 、平章事路隨爲鎭海軍節度、浙西觀察等使。戊戌,詔以新浙西觀察使賈餗爲中 食邑七百戶李德裕貶袁州長史。 壬寅,吏部侍郎沈傳師卒。 庚子、韶銀青光祿大夫、守太子賓客分司東都、上柱國、贊皇 分司東都。 以給事中韓依爲桂管觀察使。 辛丑,大風,含元殿四鴟吻並皆落,壞金吾仗 辛卯,以京兆尹賈餗爲浙西觀察使,以 丙申,以太子太師、

爲浙東 尚書右丞王璠爲戶部尚書、判度支。 酉,太和公主進馬射女子七人、沙陀小兒二人。戊辰,以金吾大將軍李玭爲黔中觀察使,以 拜司空。 五 觀 月乙巳朔。 繁使。 癸酉,以河中節度使王智興爲宣武軍節度使,依前守太傅、兼侍中。 戊午, 丁未, 以御史大夫温造爲禮部尙書, 以浙東觀察使李紳爲太子賓客,分司東都。 己巳,以戶部尙書鄭覃爲秘書監。 以吏部侍郎李固言爲御史大夫。 乙卯,以給事中高銖 辛未, 宰相王涯 册

御 神策大將軍劉沔爲涇原節度使。壬辰,韶以銀靑光祿大夫、守中書侍郎、同平章事、襄武縣 史臺 以吏部尚書令狐楚爲太常卿。 六月乙亥朔, 虞卿 弟司封郎中漢公丼男知進等八人撾登聞鼓稱冤,敕虞卿歸私 西市火。 以前宣武軍節度使李程爲河中節度使。 丁酉, 禮部尚書温造卒。 京兆尹楊虞卿家 庚寅夜, 第。 人出妖言,下 月掩歲。 已亥,以右

開國侯、食邑一千戶李宗閔貶明州刺史。 時楊虞卿坐妖言人歸第,人皆以爲冤誣,宗閔於

上前 極 言論列,上怒,面數宗閱之罪,叱出之,故坐貶。

爲封州司馬,殿中侍御史蘇特爲潘州司戶。甲子,以周易博士李訓爲兵部郎中、知制誥,依 戊午,貶工部侍郎、充皇太子侍讀崔侑爲洋州刺史, 貶吏部郎中張諷夔州刺史, 考功郎中、 丞。 事。 戊 史郭行餘爲大理卿。 前充翰林侍講學士。 察使,以國子祭酒高重爲鄂岳觀察使。 皇太子侍讀蘇滌忠州刺史,戶部郎中楊敬之連州刺史。辛酉,以鄂岳觀察使崔郾充浙西觀 中, 貶吏部侍郎李漢爲汾州刺史,刑部侍郎蕭澣爲遂州刺史。丁巳, 秋 塡龍首池爲鞠場,曲江修紫雲樓。 七月甲申朔, ,,再貶李宗閔爲處州長史。癸丑,以右司郞中、兼侍御史、知雜事舒元興爲御史中 戊辰,以刑部尚書殷侑爲天平軍節度使,以吉州刺史裴泰爲邕管經 貶京兆尹楊虞卿爲虔州司馬同正。 丁卯,天平軍節度使庾承宣卒。以大理卿羅讓爲散騎常侍,以汝州刺 壬戌, 辛亥,詔以御史大夫李固言爲門下侍郎、同平章 鎭海軍節度使路隨卒。 丙午,以給事中李石權知京兆尹。 癸亥, 韶不得度人爲僧尼。 貶侍御史李甘

部尙書,判戶部事。 (月甲戌朔,以戶部侍郎|李翺檢校禮部尚書,充山 丙子, 又貶處州長史李宗閱爲潮州司戶。 「南東道節度使,代王起:以起爲兵 丁丑,以太僕卿鄭注爲工部

紀

第十

· 七下

文宗下

略使。

為鄭州 章爲義 中導 史。 尙 爲 身遞送 書, 刑 達故 元裕爲鄭注除官制、說注醫藥之功,注銜之故也。 部 充翰林 尚 刺 成 也。 史。 書。 軍節度使。 言李宗閔爲吏部侍郎時,託駙馬沈蟻於宮人宋若憲處求宰相,承和、踐言、元素居 ·侍講學士。 丙申, 宗閱黨楊虞卿、李漢公司、蕭澣皆再貶。 貶翰林學士、守尙書戶部侍 內官楊承和於驩州安置印,章元素象州 甲申,以 上幸左軍龍首殿,因幸梨園,含元殿大合樂。 左神策軍大將軍趙儋爲壓坊節度使。甲午,貶中書舍人權璩 郎、知制誥李珏爲江州刺史,以鄜坊節度使史孝 壬寅, 以蘇州刺史盧周仁爲湖南觀察使。 、安置,王踐言思州安置,仰錮 貶中書舍人高元裕爲 戊寅,以秘書監鄭覃 人不自安。 閬州刺 是日,

與宗閔 具僚 客分司東都白居易爲同州刺史,代楊汝士;以汝士爲駕部侍郎。乙亥,以涇原節度使劉 惟新令猷。 自古及今,未嘗有也。今旣再申朝典,一變澆風,掃淸朋附之徒,匡飭貞康之俗,凡百卿士, 登門者有迎吠之客。 · 扇朋比之風, 翕然相從,實斁彝憲。 日:「朕承天之序,燭理未明,勞虛襟以求賢,勵寬德以容衆。 九月癸卯朔,奸臣李訓、鄭注用事,不附己者,卽時貶黜, 德裕或新或故及門生舊吏等, 除今日已前放黜之外, 一 如聞周行之中, **繆盭之氣,堙鬱未平,而望陰陽順時,疵癘不作,** 一、尙蓄疑懼,或有妄相指目,令不自安, 致使薰蕕共器, 賢不肖並 朝廷悚震, 切不問。」辛亥,以太子賓 今茲曠然, 頃者台輔乖 馳, 朝廷淸肅, 退迹者咸後時之夫, 明喩 弼諧之道 班列 脱意 和 應

以鳳 郎中、 使; 陳弘 沔爲 郎、賜紫金魚袋舒元輿本官同中書門下平章事 學士、賜緋魚袋李訓 |守澄爲左右神策觀軍容使,兼十二 以翰林侍講學士、工部尚書鄭注檢校右僕射, 志 振武麟勝節度使。 翔 兼侍御史、知雜李孝本權知御史中丞 節 以有弑逆之罪也。 度使李聽爲忠武軍節度使。 可守尙書禮部侍郎四、同中書門下 丙辰,以權知御史中丞舒元興爲御史中丞, 丁卯, 以門下侍郎、同平章事李固言爲興元尹、山南 一衞統軍 癸亥, 0 令內養齊抱眞將杖於靑泥驛決殺前襄州監軍 ٥ 己已, 朝議 充鳳翔隴右節度使。 。郎、守兵部郎中、 韶以朝議郎、 · 平章 事, 仍賜金紫。 守御史中丞、 兼判刑部侍郎。 知 。戊辰,以 制誥、 壬申 充翰林侍講 兼刑 右軍 西道 以 庚申 刑部 部侍 中尉 節度

紫雲樓彩霞亭額,左軍中尉仇士良以百戲於銀臺門迎之。時鄭注言秦中 之,乃濬昆明、曲江二池。 吏部尚書令狐楚爲左僕射, 誰綠?」乃知天寶已前,曲江四岸皆有行宮臺殿、百司廨署,思復昇平故事,故爲樓殿以壯 是日, 王涯獻権茶之利,乃以涯爲権茶使。茶之有権稅, 多十月癸酉朔。 守澄卒。 壬午, 賜羣臣宴於曲江亭。 乙亥, 上好爲詩,每誦杜甫細江行云:「江頭宮殿鎖千門, 以刑部尚書鄭覃爲右僕射。 杜悰復爲陳許節度使, 癸未,以前廣州節度使王茂元爲涇原節度 李聽爲太子太保分司。 自涯始也。 辛巳, 遣中使李好古齎酖賜王守 京兆、河南 -有災, 內出 細 宜 兩畿旱。 柳 興土功厭 曲江新造 新 蒲爲

Æ.

本

紀

十七下

文

下

傅分司 |青觀察使||王彥威請停管內縣丞一十九員,從之。 庚子,東都留守、特進、守司徒、侍中裴度 使。 進位中書令,餘如故。 拾遺盧茂弘等皆授鳳翔使府判官,從鄭注奏請也。乙未,以新授同州刺史白居易爲太子少 以汝州刺史劉 禮部與中錢可復、兵部員外與李敬彝、駕部員外與盧簡能、主客員外與蕭傑、左 以前山南西道節度使王源中爲刑部尚書。 禹錫爲同州刺史。 。已亥, 以前 河陽節度使蕭洪爲廊坊節度使。淄

露,請上觀之。內官先至金吾仗,見幕下伏甲,遽扶帝輦入內,故訓等敗,流 戌,中尉仇士良率兵誅宰相王涯、賈餗、舒元輿、李訓,新除太原節度王璠,郭行餘、鄭注、羅 部侍郎、判度支,以京兆少尹羅立言權知府事。己未,以太府卿韓約爲左金吾衞大將軍。 官同中書門下平章事。乙丑,韶以朝議郎、守尙書戶部侍郎、判度支李石可朝議大夫、本官 立言、李孝本、韓約等十餘家、皆族誅。 已,以戶部尙書、判度支王璠爲太原尹、北都留守、河東節度使。 胡沐爲容管經略使,以大理卿郭行餘爲邪寧節度使。 金吾衛大將軍崔鄯卒。 十一月壬寅朔。 旬日稍安。 癸亥,詔以銀靑光祿大夫、尚書左僕射、上柱國、榮陽郡開國公鄭覃以本 乙巳,令內養馮叔良殺前徐州監軍王守涓於中牟縣。 癸丑,以左僕射令狐楚判太常卿事,右僕射鄭覃判國子祭酒事。 時李訓、鄭注謀誅內官,詐言金吾仗舍石 丁未, 鄜坊節度使趙儋卒。 戊午,以京兆尹李石爲戶 以左神策將軍 血 塗 乙酉, 左 地。 榴樹有甘 京師

同平章事。 可, 以左神策大將軍陳君奕爲鳳翔節度使。 戊辰, 以給事中李翊爲御史中

丞,左右軍中尉仇士良、魚志弘並兼上將軍。

散走。 害,憲宗出內庫弓箭、陌刀賜左右街使,俟宰相入朝,以爲翼從,及建福門退。至是亦停之。 之事,往往憤氣塡膺耳。」癸未,儀仗使田全操巡邊迴,馳馬入金光門,街市訛言相驚,縱橫 復等四人並處斬訖。 庚辰,上御紫宸,謂宰相曰:「坊市之間,人漸安未?」李石奏曰:「人情 潘、郭行餘兵仗,遂云不宜以兵仗入省參辭,殊乖事體也。 物議尤之。 先是,宰相武元衡被 仗,就尙書省兵部參辭,伏乞停罷。如須參謝,令具公服。」從之。時楚引訓、注奸謀,用王 事,切宜原赦以安之。」上曰:「然。」鄭覃又陳理道。上曰:「我每思真觀、開元之時,觀今日 雖安,然刑殺過多,致此陰沴。又聞鄭注在鳳翔招致兵募不少,今皆被刑戮,臣恐乘此生 源中爲天平軍節度使。 華州防禦使,以司農卿薛元賞權知京兆。左僕射令狐楚奏:「方鎭節度使等,具弩帓,帶器 太保張茂宗卒。甲子,敕左右省起居齎筆硯及紙於螭頭下記言記事。 丙子,以刑部尚書王 十二月壬申朔,諸道鹽鐵轉運権茶使令狐楚奏権茶不便於民,請停,從之。 賴金吾大將軍陳君賞以其徒立望仙門下,至晚方定。丁亥,以權知京兆尹張仲方爲 丁丑,敕諸道府不得私置曆日板。己卯,鳳翔監軍奏鄭注判官錢可 癸丑,太子

本紀

辛卯、置諫院印。

以秘書監章縝爲工部尙書。 之。又十道黜陟使發日,更付與公事根本,令向外與長吏詳擇施行,方盡利害之要。」丁未, 復官爵,聽其歸葬。」以銀州刺史劉源爲夏綏銀宥節度使。丙辰望,日有蝕之。 所該,實當要切。」帝曰:「朕務行其實,不欲崇長空文。」石曰:「赦書須內留一本,陛下時看 ,宰臣李石奏曰:「陛下改元御殿,人情大悅,全放京兆一年租賦,又停四節進奉,恩澤 開成元年正月辛丑朔,帝常服御宣政殿受賀,遂宣詔大赦天下,改元開成。 敕:「楊承和、韋元素、王踐言、崔潭峻頃遭誣陷,每用追傷,宜 乙旦,御紫

申,左武衞大將軍朱叔夜賜死於藍田關。 三月庚子朔。 二月辛未朔,以左散騎常侍羅讓爲江西觀察使。乙亥夜四更,京師地震,屋瓦皆墮。 壬寅,以袁州長史李德裕爲滁州刺史。庚申,幸龍首池,觀內人賽雨,因 天德奏生退渾部落三千帳來投豐州 丙

諫遣焦楚長入奏,於客省進狀,請面對。上召楚長慰諭遣之。 賦暮春喜雨詩。 昭義節度使劉從諫三上疏,問王涯罪名,內官仇士良聞之惕懼。 是日,從

亳州 戶李宗閔爲衡州司馬,以江州刺史李珏爲太子賓客分司。癸未,吏部侍郎李虞仲卒。 刺 夏四月 史裴弘泰爲義成軍節度使,以諫議大夫李讓夷兼權知起居舍人事。 (庚午朔,以河南尹鄭澣爲左丞,以太子賓客分司東都李紳爲河南尹。 己卯,以潮州司 癸酉,以

gp |言判戶部事; ,淄王協薨。 ; 以左僕射、諸道鹽鐵轉運使令狐楚檢校左僕射,爲山南西道節度使。 甲午,韶以山南西道節度使、檢校兵部尚書李固言爲門下侍郎、同中書門下 丙申,

李石判度支,兼諸道鹽鐵轉運使。

從之。 爲給 經博士各一人,請依王府官例,賜以祿粟。」從之。 察,復置之。以中書舍人唐扶爲福建觀察使。 難。」李石對曰:「朝廷法令行,則易。」丁巳,以尙書右丞鄭肅爲陝虢都防禦觀察使。 使。 事中,乃以給事中盧鈞代嘏守華州。 給事中盧載以承嘏公正守道,屢有封駁,不宜置之外郡,乃封還詔書。 五月乙亥朔。 癸卯,以翰林學士歸融爲御史中丞。丁未,以給事中郭承嘏爲華州防禦 乙卯, 御紫宸, 上謂宰臣曰:「爲政之道, 庚申,判 丙寅、昭義奏開夷儀山路,通太原、晉州 國子祭酒宰臣鄭覃奏:「太學新置五 翊日,復以 自 前 古所 承嘏 罷 觀

方靈 分司 李聽爲 鹽 里 節 五月已巳朔。 度。 河中節度使。 湖南觀察使盧周仁進羨餘錢二萬貫、雜物八萬段;不受,還之,使貸貧下戶 甲申,以河中節度使李程爲左僕射、判太常 丙戌,烏集唐安寺, 逾月方散。 己丑,以神策 卿事。 乙酉, 大將軍 以太子太保 魏 仲卿 爲朔

大 八月戊 戌 朔 癸亥,以河南尹李紳檢校禮部尚書、汴州刺史,充宣武軍節度使。

征

稅

本

紀 第

+

七

下

文 宗

下

院收貯。 南觀察使盧周仁進羨餘錢一十萬貫,御史中丞歸融彈其違制進奉,詔以周仁所進錢於河陰 書殷侑檢校右僕射,充山南東道節度使。 辛未,以左金吾衞將軍傅毅爲鄜坊節度使。 並無文案。 金吾衞大將軍陳君賞爲平盧軍節度使,代王彥威,以彥威爲戶部侍郎、判度支。 秋 (七月戊辰朔,御史臺奏:「秘書省管新舊書五萬六千四百七十六卷,長慶二年已前, 大和五年已後,並不納新書。今請創立簿籍,據闕添寫卷數,逐月申臺。」從之。 壬午,以滁州刺史李德裕爲太子賓客。 癸酉,宣武軍節度使王智興卒。 辛卯, 丙申,湖 甲午,以 刑部尙

蕭本爲右贊善大夫。 八月戊戌朔。 甲辰,詐稱國舅人前壓坊節度使蕭洪宜長流驩州。 戊申,以皇太后親弟

使。 其子愼徽爲城固 辛卯,敕秘書省,集賢院應欠書四萬五千二百六十一卷,配諸道繕寫 九月丁卯朔。 尉。 庚辰, 韶復故左降開州司馬宋申錫正議大夫、尚書右丞、同平章事, 仍以 以饒州刺史馬植爲安南都護。 辛巳, 以壽州刺 史高承恭爲邕管經略

多十月丁酉朔。 己酉,揚州江都七縣水旱,損田。

書,充浙西觀察使。 月丙寅朔。 壬午,以兵部尚書、皇太子侍讀王起兼判太常卿。 庚辰, 浙西觀察使崔郾卒。 以太子賓客分司東都李德裕檢校戶 甲申,以左僕射李程 、部尙

兼吏部尚書。 忠武帥杜悰、 天平帥王源中奏:當道常平義倉斛斗, 除元額外, 請別置十

使。 卒。 侍郎、兼御史中丞歸融爲京兆尹,以給事中狄兼謨爲御史中丞。己酉,嶺南節度使李從易 校禮部尚書,充劍南東川節度使。 庚戌, 辛亥,劍南東川節度使馮宿卒。 十二月丙申朔,以京兆尹、兼御史大夫薛元賞爲武寧節度、徐泗宿濠觀察等使,以戶部 以華州刺史盧鈞爲廣州刺史, 己未,漵王縱薨。 壬子, 太僕卿段伯倫卒。 充嶺南節度使,以中書舍人崔龜從爲華州防禦 癸丑,以兵部侍郎楊汝士檢

使, 之外,其餘四十萬衆,仰給度支焉。」 經略者三。掎角之師,犬牙相制,大都通邑,無不有兵,約計中外兵額至八十餘萬。 序曰:「至德、乾元之後,迄于貞元、元和之際,天下有觀察者十,節度二十有九,防禦者四, 總不過三千五百餘萬,而上供之數三之一焉。三分之中,二給衣賜,自留州留使兵士衣食 口凡三百三十五萬,而兵額又約九十九萬,通計三戶資奉一兵。 以右丞鄭澣爲刑部尚書、判左丞事。 二年春正月乙丑朔。 丙寅, 宣州觀察使王質卒。乙亥,以吏部侍郎崔鄲爲宣歙觀察 庚寅,戶部侍郎、判度支王彥威進所撰供軍圖,略 今計天下租賦,一 歲所入, 長慶戶

本紀

第十

七 下

文宗

下

申,王彦威進所撰唐典七十卷,起武德,終永貞。 行,稍南指,在虛九度半。壬戌夜,彗長二丈餘,廣三尺,在女九度,自是漸長闊 二月乙未朔。 丙申,刑部侍郎郭承嘏卒。丙午夜,彗出東方,長七尺,在危初,西指。 戊 庚戌,均王緯薨。辛酉夜,彗長丈餘,直西

指氏,其一掩房。丙寅,罷曲江宴。是夜,彗長六丈,尾無歧,在亢七度。敕尚食使,自今每 未,宣徽院法曲樂官放歸。 壬申,詔曰: 一日御食料分爲十日,停內修造。戊辰夜,彗長八丈有餘,西北行,東指,在張十四度。辛 三月甲子朔,內出音聲女妓四十八人,令歸家。乙丑夜,彗星長五丈,歧分兩尾,其二

殿,徹樂減膳。 冀答昭誠。天下死罪降從流,流已下並釋放,唯故殺人、官典犯贓、主掌錢穀賊盜,不 **僖**約諫,飢不害人。 取鑒往賢,深惟自勵。 載軫在予之責,宜降恤辜之恩,式表殷憂, 物,謫見於天,仰愧三靈,俯慚庶彙,思獲攸濟,浩無津涯。昔宋景發言,星因退舍,魯 之小心,慕易乾之夕惕,懼德不類,貽列聖羞。將欲俗致和平,時無殃咎。然誠未格 多,矧鍾星變之時,敢議名揚之美?非懲旣往,且儆將來,中外臣僚,更不得上表奏請。 在此限。 **朕嗣丕構,對越上玄,虔恭寅畏,于今一紀。何嘗不宵衣念道, 是食思愆,師周文** 諸州遭水旱處,並蠲租稅。中外修造並停,五坊鷹隼悉解放。股今素服避 近者內外臣僚,繼貢章表,欲加徽號。夫道大爲帝,殷膺此稱,祗愧已

表已在路,並宜速還。 在朝羣臣,方岳長吏,宜各上封事,極言得失, 弼違納誨, 副我

虚

犪

戊子, Ш 甲戌,以左僕射李程爲山南東道節度使。 觀察使韓依卒。以兵部侍郎裴潾爲河南尹。 一南 東道節度使殷侑爲太子賓客分司。貞興門外鵲巢于古冢。丁亥,邪寧節度使李用卒。 以河南尹李珏爲戶部侍郎。己丑,以金吾大將軍李直臣爲邪寧節度使。 壬午,以楚州刺史嚴譽爲桂管觀察使。 壬辰,桂管 甲申,以

定選格。 西觀察使。 、上騎都尉、賜紫金魚袋陳夷行可本官同中書門下平章事。 夏 四月甲午朔。 庚申, 戊申,前江 太原節度使李載義卒。 戊戌、詔將仕郎、守尚書工部侍郎、知制誥,充翰林學士,兼皇太子侍 西觀察使羅讓卒。 辛酉, 己酉,秘書監張仲方卒。 韶置終南山神祠。 丙子,以中書舍人敬昕爲江 蓬州復置蓬池、 丁卯,宰相李石奏定長 朝池二

縣。

督府 刺史盧商爲浙西觀察使。 中書令。 長 五 史,充淮南節度使。 月癸亥朔。 丙寅,戶部侍郎李珏判本司事。 乙丑,以東都留守裴度爲太原尹、北都留守、河東節度使,依前守司徒、 壬申,上幸十六宅,與諸王宴樂。決十六宅宮市內官范文喜等三 辛未,韶以前淮南節度使牛僧孺爲檢校司空、東都留守,以蘇州 以浙西觀察使李德裕檢校戶部尚書,兼揚州大都

紀

第

十七

下

文宗

下

五七〇

人,以供諸王食物不精故也。

爲刑 **|青、滄、德、兗、海、河南府等州並奏蝗害稼。** 執方爲河陽三城懷州節度使。庚戌,以右金吾衞大將軍崔珙爲京兆尹。 卿李逵爲天德軍都防禦使。 「新置南曹之印」爲文,從之。 (部侍郎,以前京兆尹歸融爲秘書監,以給事中李翊爲湖南觀察使。 六月癸巳朔。 丁酉,以成德軍節度使王元逵爲駙馬都尉,尚壽安公主。 庚子,吏部奏長定選格,請加置南曹郎中一人,別置印一 丙午,河陽軍亂,逐節度使李泳。 鄆州奏蝗得雨自死。丁亥,以御史中丞狄兼謨 戊申,以左金吾衞將軍李 魏、博、澤、潞、淄 以鴻 面,以

日, 縣 除 加 京畿雨, 以制 北三鎮 秋 七月壬戌朔。 盜 |賊。」從之。 羣 (外, 諸州府不得以試銜奏官。 臣 正表賀。 乙亥,以久旱徙市,閉坊門。 乙酉, 外州 (李紳奏蝗蟲入境(至,不食田苗)詔 以蝗旱, 韶諸司疏決繫囚。 甲申,以太府卿張賈爲克海觀察使。 己丑,遣 書褒美,仍刻石 使下諸道巡覆蝗蟲。 庚戌, 兩縣,請復置平陰 韶昭 儀 于 王氏 相 國 是 韶

成美等 德妃, 可封陳王。 昭容楊氏 ", 宜 **「開列土之封,用申睦族之典。休復** 皇第二男宗儉可封蔣王。」乙丑,房州刺史盧行簡坐贓杖殺。己巳,以前湖南觀 册爲賢妃。 又韶:「敬宗皇帝第二子休復、第三子執中、第四子言揚、第六子 振武奏突厥入寇營田 可封梁王,執中可封襄王, 言揚 可封紀王,

八月壬

一辰朔。

T

酉,

**彗出虚、危之間。** 

ō

一册爲

令京兆尹准上巳、重陽例,於曲江會文武百僚,延英奉觴宜權停。」戊子,以尙書戶部侍郎、 非獨凋耗物力,兼恐致惑生靈。自今宴會蔬食,任陳脯醢口內,永爲常例。」又敕:「慶成節宜 宰,用表好生,非是信尙空門,將希無妄之福。恐中外臣庶不諭股懷,廣置齋筵,大集僧衆, 察使盧行術爲陝虢觀察使。 甲申,韶曰:「慶成節朕之生辰,天下錫宴,庶同歡泰。 不欲屠

判度支王彦威爲衞尉卿,分司東都。

院官,皆郎官、御史爲之,使雖更改,院官不得移替,如顯有曠敗,卽具事以聞。 子,慶成節,賜羣臣宴于曲江,上幸十六宅,與諸王宴樂。癸卯,宰臣判國子祭酒鄭覃進石壁 李固言爲劍南西川節度使,依前同門下侍郎、平章事。甲寅,敕鹽鐵、戶部、度支三使下監 **乖師法,故石經立後數十年,名儒皆不窺之,以爲蕪累甚矣。 戊申,以門下侍郎、同平章事** 九經一百六十卷。時上好文,鄭覃以經義啓導,稍折文章之士,途奏置五經博士,依後漢蔡 西川節度使楊嗣復爲戶部尚書,充諸道鹽鐵轉運使。 伯喈刊碑列于太學,創立石壁九經,諸儒校正訛謬。上又令翰林勒字官唐玄度復校字體,又 並 |可光祿大夫、檢校司空,賜勳上柱國,仍依百官例給料錢。|安王溶、潁王||遷並給料錢。 庚 多十月辛卯朔,韶改||天后所撰||三教珠英爲海內珠英。戊戌,詔嘉王運、循王遹、通王諶 己未,以前

十一月辛 酉 朔。 壬戌,以太子賓客分司東都殷侑爲忠武軍節度使。 癸亥, 狂病人劉

紀第

十七下

文宗

下

德廣突入含元殿,付京兆府杖殺。 乙丑,京師地震。丁丑,興元節度使令狐楚卒。丁亥,以

刑部尚書鄭澣爲山南西道節度使。己丑,契丹朝貢。

即日 筆立於螭頭之下,君臣論奏,得以備書,故開成政事最詳於近代。 杜悰爲工部尚書、判度支。時悰旣除官,久未謝恩,戶部侍郎李珏奏杜悰爲岐陽公主服假 :韶曰:「制服輕重,必資典禮,如聞往者駙馬爲公主行服三年,緣情之義,殊非故實,違 十二月庚寅朔。 丙申,閤內對左右史裴素等。上自開成初復故事, 壬寅,以前忠武軍節度使 每入閣, 左右史執

前判戶部事。 事 經之制,今乃聞知。 潛竄,累日方安。 、部尙書、上柱國、宏農郡開國伯、食邑七百戶、賜紫金魚袋楊嗣復 是時,京城大恐,捕盜不獲,旣而 朝 三年春正月庚申朔。甲子,宰臣李石遇盜於親仁里,中劍,斷其馬尾,又中流矢,不甚 議 郎、 戶部侍郎、判戶部事、上柱國、賜紫金魚袋李珏可本官同中書門下平章 丙子,以中書侍郎、同中書門下平章事李石爲荆南節度使,依前中書侍郎、平 丁卯,詔故齊王凑贈懷懿太子。戊申, 宜行期周,永爲定制。」 知仇士良所爲。 乙丑,常參官入朝者九 以諸道鹽鐵轉運使、正議 可本官同中書門下平章 人而已,餘皆 大夫、守 事,依

丁丑,以前荆南節度使韋長爲河南尹。 癸未,詔去秋蝗蟲害稼處放逋賦,仍以本處

常平倉賑貸。是日大雪。

行術; 左右丞、大卿監每遇坐日,宜令兩人循次進對。丁未,以同州刺史孫簡爲陝虢觀察使,代盧 情。」上曰:「與一郡可也。」丁酉,以衡州司馬李宗閔爲杭州刺史。 時得罪,二年之間,德裕再量移爲淮南節度使,而宗閔尙在貶所。凡事貴得中,不可但徇私 長定選格,或乖往例,頗不便人,不可久行,請却用舊格。」從之。乙巳,韶僕射、尙書、侍郎、 「宗閔養成鄭注,幾覆朝廷,其奸邪甚於李林甫。」楊嗣復、李珏奏曰:「大和末,宗閔、德裕同 二月己丑朔。乙未,上謂宰臣曰:「李宗閔在外數年,可別與一官。」鄭覃、陳夷行曰: 以術爲福王傅,分司東都。乙酉,禮部尙書許康佐卒。辛亥,左丞盧載爲同州防 庚子,吏部奏:「去年所修

所處爲仙韶院。 丞學士不在此限。」壬辰,以給事中裴衮爲華州防禦使。 曰:「戶部侍郎兩員,今後先授上者,宜令判本司錢穀;如帶平章事(15),判鹽鐵度支,兼中 夏四月戊子朔。己丑, 三月己未朔。庚午,封故陳王第十九男儼爲宣城郡王,故襄王第三男宋爲樂平郡王。 兵部侍郎裴潾卒。 禮部尙書致仕徐晦卒。 癸丑,屯田郎中李衢、沔王府長史林贊等進所修皇唐玉 辛卯,戶部侍郎崔龜從判本司事。 己酉,改法曲爲仙韶曲,仍以伶官 詔

本紀第十七

下

文

宗下

牒一百五十卷。

士規 坐贓口的,長流端州 五 一月丁巳朔,敕禮部,貢院進士、舉人,歲限放三十人及第。 庚午, 月犯天心大星。癸未,以吏部侍郎高鍇爲鄂岳觀察使,代 辛酉,詔:前江西觀察使吳

高重;以重爲兵部侍郎。

縣。 癸丑,上御紫宸, 對宰臣曰:「幣輕錢重如何?」楊嗣復曰:「此事已久, 不可遽變其法, 六月丁未朔。 辛酉,出宮人四百八十,送兩街寺觀安置。 廢晉州平陽院礬官, 並歸州

**法變則擾人。但禁銅器,斯得其要。**」

忠武軍節度使,以右金吾衞大將軍史孝章爲邠寧節度使。戊辰,西川節度使李固言再上 表,讓門下侍郎及檢校右僕射。 秋七月丙辰朔。壬戌,陳許節度使殷侑卒。甲子,以衞尉卿王彥威檢校禮部尙書,充

宣慰,刑部郎中崔瑨往山南東道、鄂岳、蘄黃道宣慰。」己亥,嘉王運薨。 或生業蕩盡,農功索然,困餧彫殘,豈能自濟。 **|楚澤之北,連亙數州。以水潦暴至,隄防潰溢,旣壞廬舍,復損田苗。** 八月丙戌朔。甲午,山南東道諸州大水,田稼漂盡。丁酉,詔:「大河而南,幅員千里, 宜令給事中盧弘宣往陳許、鄭滑、曹濮等道 言念黎元, 罹此災沴, 魏博六州蝗食秋苗

並盡。

慢遊敗度,欲廢之,中丞狄兼謨垂涕切諫。是夜,移太子於少陽院,殺太子宮人左右數十 易州刺史李仲遷爲定州刺史,充義武軍節度使。戊寅,以東都留守牛僧孺爲左僕射。辛 人。戊辰、詔梁王等五人、先於北內、可却歸十六宅。辛未、易定節度使張璠卒。壬申,以 九月丙辰朔。辛酉,荆南李石讓中書侍郎,乃改授檢校兵部尚書。壬戌,上以皇太子

陽院,諡曰莊恪。乙巳,以左金吾將軍郭旼爲邠寧慶節度使。是夜,彗起於軫,其長三丈, 中人以酒酺、仙韶樂賜羣臣宴於曲江亭。丁酉,夏州節度使劉源卒。庚子,皇太子薨於少 已,韶皇太子侍讀竇宗直隔日入少陽院。 高霞寓爲夏綏銀宥節度使云。癸巳,以中書舍人李景讓爲華州防禦使。 仲遷,立張璠子元益爲留後。已丑,以少府監張沼爲黔中觀察使。 多十月乙酉朔,以尚書左丞崔琯檢校戶部尚書,充東都留守。 壬辰, 以右金吾衞將軍 易定軍亂,不納新使李 甲午慶成節,命

宋西指。己酉,前<u>那</u>寧節度使史孝章卒。

雖廣 有所未孚,災氣上騰,天文謫見,再周期月,重擾星躔。當求衣之時,覩垂象之變,兢懼惕 推誠於衆庶。 ,理亂盡繫於君心。從古已來,必然之義。殷嗣膺寶位,十有三年,常克已以恭虔,每 十一月乙卯朔,是夜,彗孛東西竟天。壬戌,詔曰:「上天蓋高,感應必由乎人事; 寰宇 將以導迎休應,漸致輯熙,期克荷於宗祧,思保寧於華夏。 而德有所未至,信

本

紀第

+

· 七 下

文

宗下

午,以翰林學士丁居晦爲御史中丞。 壬申,以蔡州刺史韓威爲定州刺史、義武軍節度、北平 存撫賑給。」以滄州節度使李彥佐爲鄆曹濮節度使,以德州刺史、滄景節度副使劉約爲義昌 罪降流,已下遞減一等,十惡大逆、殺人劫盜、官典犯贓不在此限。 理,藴於衆情,冀屈法以安人,爰恤刑而原下。 應京城諸道見繫囚,自十二月八日已前,死 軍節度使。 厲,若蹈泉谷。 癸亥,以宋州刺史唐弘實爲邕管經略使。乙丑,天平軍節度使王源中卒。 是用舉成湯之六事,念宋景之一言,詳求譴吿之端,採聽銷禳之術。必有精 今年遭水蝗蟲 虚,並

軍等使。 度使。 都留守、上柱國、晉國公、食邑三千戶裴度可守司徒、中書令。以兵部侍郎狄兼謨爲河東節 三五日入中書。 十二月乙酉朔。辛丑,詔以河東節度使、開府儀同三司、守司徒、兼中書令、太原尹、北 丙午,守太子太師、尚書右僕射、門下侍郎、國子祭酒、同平章事鄭覃罷太子太師,仍 日本國貢珍珠絹。

太后 主入參,衣服踰制,從夫之義,過有所歸。 「諸公主等畢會。 四年春正月甲寅朔。 。上性節儉,延安公主衣裾寬大,卽時斥歸,駙馬竇澣待罪。詔曰:「公 丁巳,熒惑太白辰聚於南斗。丁卯夜,於咸泰殿觀燈作樂,三宮 **澣宜奪兩月俸錢。**」

論其不可,乃罷之。丙午,以大理卿盧貞爲福建觀察使。 李道樞爲浙東觀察使,以諫議大夫高元裕爲御史中丞。 閨 月甲申朔,以吏部侍郎鄭肅檢校禮部尚書、河中晉絳慈隰等州節度使,以蘇州刺史 己亥,裴度自太原至,上令中人就第問疾。辛丑,以司農卿李玘爲福建觀察使,諫官 丙申,以前河中節度使李聽爲太子 丁未,興元節度使鄭澣卒。 戊申,

節,上御通化門以觀遊人。戊辰,幸勤政樓觀角抵、蹴鞠。 三月癸未朔。乙酉,賜羣臣上巳宴於曲江。是夜,月掩東井第三星。丙申,司徒、中書 二月癸酉朔。辛酉, 以吏部侍郞歸融檢校禮部尚書, 充山南西道節度使。丙寅,寒食

闍婆國朝貢。

爲太常卿。 令裴度卒。癸酉,浙東觀察使<u>李道樞卒。以戶部侍郎崔龜從爲宣</u>歙觀察使,代崔鄲,以鄲 以楚州刺史蕭俶爲浙東觀察使。

夏 

或好聲 知政事,覃守左僕射, 陛下欲以此書傳示子孫,則宣付臣等,參定可否。緣開元政事與貞觀不同,玄宗或好畋遊, 五 万字 一色,選賢任能,未得盡美。 -丑朔。 丁亥, 夷行爲吏部侍郎。 閣內上謂宰臣曰:「新修開元政要如何?」楊嗣復曰:「臣等未見。 撰述示後,所貴作程, 丙午, 邠寧節度使郭旼卒。 ,豈容易哉 丙申, 鄭覃、陳夷行罷 天平、魏博、易定等管

本

紀第

十七下

文

宗

下

五七七七

內蝗食秋稼。

內,更選賢明以主天下。」宰臣嗚咽流涕,各請策免。 慮。」上改容言曰:「朕爲人主,無德及天下,致茲災旱,又謫見於天。若三日不雨,當退歸南 與頗厚。戊辰,以久旱,分命祠禱,每憂動於色。宰相等奏曰:「水旱時數使然,乞不過勞聖 六月辛亥朔,以長武城使苻澈爲邠寧節度使。 庚申,上幸十六宅安王、潁王院宴樂,賜 是夜,大雨霑霈。 丁丑,襄陽山竹結

使,以刑部侍郎高鍇爲河南尹。甲辰,以大中大夫、守太常卿、上柱國、賜紫金魚袋崔鄲可 本官同中書門下平章事。 秋七月庚辰朔,西蜀水,害稼。乙未夜,月犯熒惑。壬寅,以河南尹韋長爲平盧軍節度 滄景、淄青大水。

實,其米可食。

道節度使。 州移昭義縣於固鎮驛。 八月庚戌朔,以給事中姚合爲陜虢觀察使。辛亥,鄜王憬薨。丙辰,邢州廢靑山縣,磁 辛未夜,流星出羽林,尾長八十餘尺,滅後有聲如雷。 壬申,鎭、冀四州蝗食稼, 癸亥,以左僕射牛僧孺檢校司空、同平章事,兼襄州刺史,充山南東

辛丑,以吏部侍郎陳夷行爲華州鎭國軍防禦使,以蘇州刺史李穎爲江西觀察使,以諫議大 九月已卯朔。 辛卯,以劍南東川節度楊汝士爲吏部侍郎。丁酉夜,月掩東井第三星。

至於野草樹葉皆盡

夫馬定爲桂管觀察使GIOI。 甲辰,以京兆尹鄭復爲劍南東川節度使。 丙午,以前江西觀察

使敬昕爲京兆尹。

多十月已酉朔。戊午,慶成節,賜羣臣宴於曲江亭。辛酉夜,星入斗魁。 前桂管觀察使

嚴審卒三。丙寅,制以敬宗第六男陳王成美爲皇太子。丁丑,太子太保李聽卒。

十二月已酉朔。癸丑,貶光祿卿、駙馬都尉韋讓爲澧州長史。乙卯,乾陵火。以杭州 十一月已卯朔。 壬申,前福建觀察使唐扶卒。己亥,曲赦京城繫囚。

刺史李宗閔爲太子賓客,分司東都。辛酉,上不康,百僚赴延英起居。乙亥,宰臣入謁,見

上于太和殿。

是歲,戶部計見管戶四百九十九萬六千七百五十二。

獻皇帝,廟號文宗。其年八月十七日,葬于章陵。 皇太子成美復爲陳王。辛巳,上崩於大明宮之太和殿,壽享三十三。羣臣諡曰元聖昭 五年春正月戊寅朔,上不康,不受朝賀。己卯,詔立親弟潁王廛爲皇太弟,權勾當軍國

史臣曰:昭獻皇帝恭儉儒雅,出於自然,承父兄奢弊之餘,當閣寺撓權之際,而能以治

本紀第十七下

文宗

下

官,欲盡除之。 所妨。」帝曰:「豈有好之而無妨也!」內外聞之悚息。 而帝以累世變起禁闈,尤側目於中 |州刺史,賈好博,朝辭日,帝謂之曰:「聞卿善長行。」對曰:「政事之餘,聊與賓客爲戲,非有 勤於政理,凡選內外羣官,宰府進名,帝必面訊其行能,然後補除。 中書用鴻臚卿張賈爲衢 內園 易亂,化危爲安。大和之初,可謂明矣。初,帝在藩時,喜讀貞觀政要,每見太宗孜孜 無帝王之才」,雖旰食焦憂,不能弭患,惜哉! 后,敬宗母寶曆太后及上母蕭太后,時呼「三宮太后」。帝性仁孝,三宮問安,其情如一。 曰:「朕欲與卿等每日相見,其輟朝、放朝,用雙日可也。」時憲宗郭后居興慶宮,日太皇太 有意于茲。洎卽位之後,每延英對宰臣,率漏下十一刻。故事,天子隻日視事,帝謂宰輔 宗正寺以祭器朽敗,請易之,及有司呈進,命陳於別殿, 具冠帶而閱之, 容色悽然。 [進櫻桃,所司啓曰:「別賜三宮太后。」帝曰:「太后宮送物,焉得爲賜。」遽取筆改賜爲 然訓、注狂狡之流,制御無術, 矢謀旣誤,幾致顕危。所謂「有帝王之道,而 政道, 嘗

贊曰:昭獻統天,洪惟令德。 心憤讎恥,志除凶慝。 未殄夔魖,又生鬼蜮。 天未好治,

劕

何由息

- (1) 右庶子 「右」字各本原作「左」,據本卷上文、通鑑卷二四四改。
- 3 並降從流 「從」字各本原作「徒」,據御覽卷一一五、冊府卷九〇改。
- 3 珍王 誠 「誠」字各本原作「誠」,據本書卷一五〇德宗諸子傳、唐會要卷五改。
- (图)故書 合鈔卷一八文宗紀作「故事」。
- (至) 吳士智 本書卷八九狄仁傑傳、新書卷一一五狄仁傑傳作「吳士矩」。
- **(公)** 應犯死降從流 「從」字各本原作「徒」,據御覽卷一一五、冊府卷九〇改。
- (中)置五經博士各一人 「置」字各本原作「宜」,據冊府卷九〇改。
- (元) 平盧軍 各本原作「天平軍」,據本卷上文及本書卷一四二王武俊傳改。
- (元) 河陽 各本原作「揚州」,據本卷上文、本書卷一六五溫造傳、新書卷九一溫大雅傳改。
- (10) 田早 疑當作田羣。
- 驩州 劍南西川節度使 各本原作「權州」,據新書卷二〇八王守澄傳、通鑑卷二四五改。 「西川」,各本在「使」下,據本書卷一六七段文昌傳、合鈔卷一八文宗紀改。
- 各本原作「李翰」,據本卷上文及本書卷一七一李漢傳改。
- 李訓 各本原作「李順」,據本書卷一六九李訓傳、新書卷一七九李訓傳、通鑑卷二四五改。

本紀 紀

第

+

七

下

校助配

CIE 外州李紳奏 十七史商權卷七五:「外」當作「汴」。後懿宗紀咸通十一年十一月,以鄭從讜檢校

戶部尚書兼汴州刺史,亦誤作「外州」。

会 任陳脯醢 「脯」字各本原作「酺」,據冊府卷二、全唐文卷七三改。

물 如帶平章事 「如」字各本原作「加」,據唐會要卷五八改。

CIS 吳士規 本書卷八九狄仁傑傳、新書卷一一五狄仁傑傅作「吳士矩」。

口也以右金吾衞將軍高霞禹為夏綏銀宥節度使 按本書卷一七上敬宗紀載高霞萬卒於實曆二年四

(6) 馮定 月,卷一六二高霞寓傳所記卒年亦同,此處文字疑有誤。 本書卷一六八馮宿傳、合鈔卷一八文宗紀作「馮審」。

[II] 嚴審 本卷上文、合鈔卷一八文宗紀均作「嚴譽」。

## 舊唐書卷十八上

## 本紀第十八上

## 武宗

官例,逐月給俸料。 生於東宮。長慶元年三月,封潁王,本名瀍。 初,文宗追悔莊恪太子殂不由道,乃以敬宗子陳王成美爲皇太子,開成四年多十月宣 武宗至道昭肅孝皇帝諱炎,穆宗第五子,母日宣懿皇后韋氏。 開成中加開府儀同三司、檢校吏部尙書,依百 元和九年六月十二日,

同師訓,動成儀矩,性稟寬仁。俾奉昌圖,必諧人欲。可立爲皇太弟,應軍國政事,便令權勾 機,日釐庶政。稽於謨訓,謀及大臣,用建親賢,以貳神器。親弟潁王遷昔在藩邸,與股常 兩軍中尉仇士良、魚弘志矯詔迎潁王於十六宅,曰:「朕自嬰疾疹,有加無瘳,懼不能躬總萬 制,未遑册禮。五年正月二日,文宗暴疾,宰相李珏、知樞密劉弘逸奉密旨,以皇太子監國

本 紀

第十八上

武宗

未漸 安王舊事,故二王與賢妃皆死。 以安王溶嗣,帝謀於宰臣李珏,珏非之,乃立陳王。至是,仇士良立武宗,欲歸功於己,乃發 恪太子母王妃失寵怨望,爲楊妃所譖,王妃死,太子廢。及開成末年,帝多疾無嗣,賢妃請 之,屠其家。四日,文宗崩,宜遺詔:皇太弟宜於柩前卽皇帝位,宰相楊嗣復攝冢宰。 日,受册於正殿,時年二十七。陳王成美、安王溶殂於邸第。初,楊賢妃有寵於文宗,而莊 六宅迎太弟赴少陽院,百官謁見於東宮思賢殿。三日,仇士良收捕仙韶院副使尉遲璋殺 師資,比日重難,不遑册命,迴踐朱邸,式協至公,可復封陳王。」是夜,士良統兵士於十 百辟卿士,中外庶臣,宜竭迺心,輔成予志。陳王成美先立爲皇太子,以其年尚冲幼,

尉仇士良封楚國公,左軍中尉魚弘志爲韓國公,太常卿崔鄲、戶部尚書判度支崔珙並本官 同中書門下平章事。 二月,制穆宗妃韋氏追諡宣懿皇太后,帝之母也。上御正殿,降德音,以開府、右軍中 敕二月十五日玄元皇帝降生日宜爲降聖節,休假一日。

三月,詔宮人劉氏、王氏並爲妃。敕朔望入閤對刑法官,是日非便,宜停。

又修崇。 初,武宗欲啓穆宗陵祔葬,中書門下奏曰:「園陵已安,神道貴靜。光陵二十餘載,福陵則近 五. 1月,中書奏:六月十二日,皇帝載誕之辰,請以其日爲慶陽節。 竊惟孝思,足彰嚴奉。今若再因合祔,須啓二陵,或慮聖靈不安,未合先旨。又以 **祔宣懿太后于太廟。** 

料錢絕少 年二月八日赦文,應京諸司勒留官,令本處剋留手力雜給與攝官者。 陰陽避忌,亦有所疑。 了,其正官料錢雜給等錢,望每貫割留二百文與攝官,餘並如舊。」從之。 ′ ,雜給手 '力卽多,今正官勸留,亦管公事,料錢少於雜給,刻下 不移福陵,實協典禮。」乃止。 就舊墳增築,名曰福陵。 臣等檢詳,諸道正官 事未得中。 又奏:「准今 臣等商

秋七月,制檢校禮部尙書、華州刺史陳夷行復爲中書侍郎、同平章事

黨也。 部尙書、桂州刺史,充桂管防禦觀祭等使;御史中丞裴夷直爲杭州刺史:皆坐弘逸、季稜 楊嗣復檢校吏部尙書、潭州刺史,充湖南都團練觀察使;中書侍郎、同平章事李珏檢 素爲文宗獎遇,仇士良惡之,心不自安,因是掌兵,欲倒戈誅士良、弘志。 王起、山陵使崔稜覺其謀(1),先諭鹵簿諸軍。 八月十七日,葬文宗皇帝于章陵。 易定軍亂,逐節度使陳君賞。 君賞鳩合豪傑數百人,復入城,盡誅謀亂兵士,軍城 知樞密劉弘逸、薛季稜率禁軍護靈駕至陵所,二人 是日弘逸、季稜伏誅。 門下侍郎、同平章事 鹵簿使兵部尚書 X校 兵

道術修攝之事,是秋,召道士趙歸眞等八十一人入禁中,於三殿修金籙道場, 下侍郎;以宣武軍節度使、檢校吏部尚書、汴州刺史李紳代德裕鎭淮南。 九月,以淮南節度使、檢校尙書左僕射李德裕爲吏部尙書、同中書門下平章事,尋兼門 帝在藩時, 頗好 帝幸三殿,於

復安。

本紀

第十八上

武宗

五八六

九天壇親受法籙。 '右拾遺王哲上疏,言王業之初,不宜崇信過當,疏奏不省。

十一月,鹽鐵轉運使奏江淮已南請復稅茶,從之。魏博節度使何進滔卒,三軍推其子

重霸知留後事。

會昌元年正月壬寅朔。庚戌,有事於郊廟,禮畢,御丹鳳樓,大赦,改元。

居。 六曹皆有職分,各責官業,即事不因循。<br />
近者戶部度支,多是諸軍奏請,本司郎吏,東手閖 今後請祗令本行分判,委中書門下簡擇公幹才器相當者轉授。」從之。 二月壬寅,以淮南節度使、檢校吏部尚書李紳爲中書侍郎、同平章事。 車駕幸昆明池。 中書奏:「南宮

三月,貶湖南觀察使楊嗣復潮州司馬,桂管觀察使李珏端州司馬,杭州刺史裴夷直驩

賜仇士良紀功碑,詔右僕射李程爲其文。

令、晉國公裴度太師。 帝有恢復中興之功,請爲百代不遷之廟。」帝曰:「所論至當。」續議之,事竟不行。 州司戶。宰臣李德裕進位司空。三月壬申,宰相李德裕、陳夷行、崔珙、李紳等奏:「憲宗皇 山南東道蝗害稜。 造靈符應聖院於龍首池。 贈故中書

同進。」時李德裕先請不遷憲宗廟,爲議者沮之,復恐或書其父不善之事,故復請改撰實錄, 四月辛丑,敕:「憲宗實錄舊本未備,宜令史官重修進內。 其舊本不得注破, 候新撰成

朝野非之。

諫議 四品。」從之。 用, 監、少卿、少監、司業、少尹並爲寺署之貳,皆爲四品。 秩峻,其任重,則敬其言而行其道。況蹇諤之地,宜老成之人,秩未優崇,則難用者德。其 周、漢大臣,願入禁闥,補過拾遺。 下侍郎爲正三品,兩省遂闕四品。建官之道,有所未周。 ,以重其選。 (大夫望依隋氏舊制,升爲從四品,分爲左右,以備兩省四品之闕。 向後與丞鄓出入迭 五 |月辛未,中書門下奏:「據六典,隋置諫議大夫七人,從四品上(三)。|大曆二年,升門 又御史中丞爲大夫之貳,緣大夫秩崇,官不常置,中丞爲憲臺之長。今寺 張衡爲侍郎,常居帷幄,從容諷諫。 此皆大臣之任,故其 中丞官名至重,見秩未崇,望升爲從 詩云『衮職有闕,仲山甫補之』。

河南府戶曹。 得云『留中不下』。如事關軍國,理須宥密,不在此限。 學士,賜號廣成先生,令與道士趙歸眞於禁中修法籙。 何重霸檢校工部尚書、魏州大都督府長史,充天雄軍節度使,仍賜名重順。 事 六月,有禿鶩鳥集於禁苑。 庚子夜五更,小流星五十餘旁午流散。 ,宰相每月修時政記送史館,從之。以衡山道士劉玄靖爲銀靑光祿大夫,充崇玄館 敕:「自前中外上封論事,有所糾舉, 則請留中。 如臺司勘當後,若得事實,必獎奉公。 左補闕劉彥謨上疏切諫,貶彥謨爲 今後並云『請付御史臺』,不 制以魏博兵馬留後 中書奏請依姚

本

紀第十八

上

武宗

苟涉加誣,必當反問。告示中外,明知此意。」

七月己巳,北方有流星,經天良久。關東大蝗傷稼。 襄郢江左大水。 **彗復出室** 

之間。

城以安公主,仍乞糧儲牛羊供給。詔金吾大將軍王會、宗正少卿李師偃往其牙宜慰,令故 心,率其部下數千帳近西城。 本國破散,今奉太和公主南投大國。時烏介至塞上,大首領溫沒斯與赤心宰相相攻,殺赤 八月,迴鶻烏介可汗遣使告難,言本國爲黠戞斯所攻,故可汗死,今部人推爲可汗。 天德防禦使田牟以聞。烏介又令其相頡干迦斯上表,借天德

公主入朝,賑粟二萬石。

加討、許之。十月、誅行泰、遂以絳知兵馬使。車駕校獵咸陽。 九月,幽州軍亂,逐其帥史元忠,推牙將陳行泰爲留後。 十月,幽州雄武軍使張絳遣軍吏吳仲舒入朝,言行泰慘虐,不可處將帥之任,請以鎭軍 三軍上章請符節,朝旨未許。

凡五十六日而滅。太和公主遣使入朝,言烏介自稱可汗,乞行策命,緣初至漠南,乞降使宣 十一月丁酉朔。壬寅夜,大星東北流,其光燭地,有聲如雷,山崩石隕。 其彗起於室,

慰從之。

十二月,中書門下奏修實錄體例:「舊錄有載禁中之言。 伏以君上與宰臣、公卿言事,

後實錄所載章奏,並須朝廷共知者,方得紀述,密疏並請不載。 議,罔不由此。近見實錄多載密疏,言不彰於朝聽,事不顯於當時,得自其家,未足爲信。 亞希旨削之, 德裕更此條奏,以掩其迹。 搢紳謗議,武宗頗知之。 公,愛憎之志不行,褒貶之言必信。」從之。李德裕奏改修憲宗實錄所載吉甫不善之迹,鄭 者,自有著明,並須昭然在人耳目。或取捨存於堂案,或與奪形於詔敕,前代史書所載奏 [須衆所聞見,方可書於史册。 且禁中之語,在外何知,或得之傳聞,多涉於浮妄,便形史 實累鴻猷。今後實錄中如有此色,並請刊削。 或奏請允愜,必見褒稱;或所論乖僻,因有懲責。 又宰臣與公卿論事,行與不行,須有明 在藩鎭上表,必有批答,居要官啓事 如此則理必可法,人皆向

大使。 書奏百官議九宮壇本大祠,請降爲中祠。宰相崔珙、陳夷行奏定左右僕射上事儀注 以雌武軍使張絳檢校左散騎常侍,兼幽州左司馬,知兩使留後,仍賜名仲武〔己〕。 一年春正月丙申朔,以撫王紘爲開府儀同三司、幽州大都督府長史,充幽州盧龍節度

察使乃別將破用,徒有加給,不及官人,所以選人憚遠,不樂注受。 伏望令部都與實物,及 料錢歲六萬二千五百貫。吏部出得平留官數百員,時以爲當。自後戶部支給零碎不時,觀 二月丙寅,中書奏:「准元和七年敕,河東、鳳翔、鄜坊、邠寧等道州縣官,令戶部加給課

紀

第十八上

武宗

各借兩月加給料錢(至),至支時折下。所冀初官到任,不帶息債,衣食稍足,可責淸廉。」從 多京债,到任填還,致其貪求,罔不由此。。今年三銓,於前件州府得官者,許連狀相保,戶部 諸道委觀察判官知給受,專判此案,隨月支給,年終計帳申戶部。 又赴選官人

太子太師致仕蕭俛卒。牂柯、南韶蠻遣使入朝。

守,充河東節度、管內觀察處置等使,代荷澈。時迴紇在天德,命沔以太原之師討之。 于大都護、兼御史大夫、彭城郡開國公、食邑二千戶劉沔可檢校右僕射,兼太原尹、北京留 三月,遣使册迴紇烏介可汗。以振武麟勝節度使、銀青光祿大夫、檢校尙書右僕射、單

册。 就列,唯宰相及兩省官皆未開扇前立於欄檻之內,及扇開,便侍立於御前。 書,欲減削禁軍衣糧馬草料。 射、門下侍郎、平章事崔珙,銀青光祿大夫、中書侍郎、同平章事李紳, 相,況未施行,公等安得此言?」士良惶恐謝之。是日晴霽。 司徒、兼太子太保牛僧孺等上章,請加尊號日仁聖文武至神大孝皇帝。戊寅,御宣政殿受 請開 是月九日雨,至十四日轉甚,乃改用二十三日。 四月乙丑朔,光祿大夫、守司空、兼門下侍郎、平章事李德裕,銀青光祿大夫、守右僕 延英訴其事。 帝曰:「奸人之詞也。」召兩軍中尉諭之曰:「赦書出自朕意, 士良怒曰:「必若有此,軍人須至樓前作鬧。」宰相李德裕等知 時有纖入告中尉仇士良,言宰相作赦 中書奏:「元日 金紫光祿大夫、檢校 三朝大慶,萬邦 御含元殿,百官 不由宰

奏,迴紇族帳侵擾部內。 爽,宰相、兩省官鬭班於香案前,俟扇開,通事贊兩省官再拜,拜訖,升殿侍立。」從之。 稱賀,唯宰相侍臣同介胄武夫,竟不拜至尊而退,酌於禮意,事未得中。 敕:「勸課種桑,比有敕命, 如能增數,每歲申聞。 臣等請御殿日味 比知並無遵行,

恣加翦伐,列於**鄭**市,賣作薪蒸。 五月,敕慶陽節百官率醵外,別賜錢三百貫,以備素食合宴,仍令京兆府供帳,不用追 自今州縣所由,切宜禁斷。

中人齎詔慰勞之。 集坊市樂人公。 天德軍使田牟奏:迴紇大將嗢沒斯與多覽將軍將吏二千六百人請降,遣 宰相李德裕兼守司徒。 太子太師致仕鄭覃卒。

受耶勿爲歸義軍副使、檢校右散騎常侍,賜姓名曰李弘順。 師。制以嗢沒斯檢校工部尙書,充歸義軍使,封懷化郡王,仍賜姓名曰李思忠;以迴紇宰相 六月甲子朔,火星犯木。丙寅,太白犯東井。 迴紇降將嗢沒斯將吏二千六百餘人至京

七月、嵐州人田滿川據郡飯、劉沔誅之。

開。 防,何其可擊則用兵。 於理何安?令少師牛僧孺、陳夷行與公卿集議可否以聞。僧孺曰:「今百僚議狀,以固守關 迴紇首領屈武降幽州(公),授左武衞將軍同正。詔以迴紇犯邊,漸侵內地,或攻或守, 八月,迴紇烏介可汗過天德,至杷頭烽北至,俘掠雲、朔北川,韶劉沔出師守鴈門諸 。」宰相李德裕議:「以迴紇所恃者嗢沒、赤心耳,今已離叛,其強弱之勢

使; 主 首 退。 可見。 岐爲克王 南 「領督熱論等十五人。太原奏迴紇移帳近南四十里,索叛將嗢沒斯,昨至橫水俘虜,兼公 面 一表言食盡,乞賜牛羊事。 以李思忠爲河西党項都將,迴紇西南面招討使:皆會軍於太原。 擊之爲便。」天子以爲然。乃徵發許、蔡、汴、滑等六鎭之師,以太原節度使劉沔爲迴紇 招討使;以張仲武爲幽州盧龍節度使、檢校工部尚書,封蘭陵郡王,充迴紇東面招討 戎人獷悍,不顧成敗,以失二將,乘忿入侵,出師急擊,破之必矣。 ,皇長女爲昌樂公主,第二女爲壽春公主,第三女永寧公主。 賜烏介詔曰: 上御麟德殿,見室章 制以皇子峴爲益王 守險示弱,虜 無由

Ē

告邊 或 近塞,未議 知 所 **姻好之情;每覩蹤由,實爲馳突之計。況到橫水栅下,殺戮至多。 黁、渾牛羊,豈吝馳** (劫奪羌、)渾諸部,未知 昨數使迴來,皆言可汗只待馬價,及令付之次, 其 [破〔4〕,來投邊境,已歷歲年,撫納之間,無所不至。 將。 破傷,盡還馬價。 股自 豈有 臨寰區,爲人父母,唯以好生爲德,不願黷武爲名。 還蕃。朝廷大臣,四方節鎭,皆懷疑忿, 後來忽往,遷徙不常。 前後遣使勞問, 、此意,終欲如何? 若以未交馬價,須近塞垣,行止之間 雖云 交馳道途。 隨逐水草, 盡請興師,雖朕切務含弘 小小侵擾,亦盡不計。 又聞所止屢遷, 動皆逼 初則念其饑歉,給以糧儲 近城栅。 故自彼國不幸爲點憂斯 或侵掠雲、 遙揣深意 一,亦所 今可汗尙此 朔等州 ,亦宜先 未諭。 似恃 旋 則

掠 ; 背大義。」咸願因此翦逐,以雪殂謝之冤。然朕志在懷柔,情深屈己,寧可汗之負德,終 未忍於幸災。石戒直久在京城,備知人實憤惋,發於誠懇,固請自行。 黎庶何罪,皆被傷夷。 所以中朝大臣皆云:「迴紇近塞,已是違盟; 更戮邊人,實 嘉其深見事機,

不能違阻。可汗審自問途,速擇良圖,無至不悛,以貽後悔。

太原起室章沙陀三部落、吐渾諸部,委石雄爲前鋒。易定兵千人守大同軍,契苾通、何淸

朝領沙陀、吐渾六千騎趨天德,李思忠率迴紇、党項之師屯保大栅。

歸,方今用兵,且宜停止。」上優勞之。諫官出,謂宰相曰:「諫官甚要,朕時聞其言, 白鹿原。 十月,吐蕃贊普卒,遣使論普熱入朝告哀,詔將作少監李璟入蕃弔祭。帝幸涇陽,校獵 諫議大夫高少逸、鄭朗等於閣內論:「陛下校獵太頻,出城稍遠,萬機廢弛,星出夜

减過。」

可檢校太子賓客、左龍武大將軍,令分領沙陀、吐渾、党項之衆赴振武,取劉沔處分。 三年春正月,以宿師于野,罷元會。 敕新授銀州刺史、本州押蕃落、銀川監牧使何淸朝

依舊置。 二月,先詔百官之家不得於京城置私廟者,其皇城南向六坊不得置,其閒僻坊曲卽許 太原劉沔奏:「昨率諸道之師至大同軍, 造石雄襲迴鶻牙帳,雄大敗迴鶻於殺胡

本

紀第

十八八

上

武宗

山,烏介可汗被創而走。 已迎得太和公主至雲州。」是日,御宣政殿,百僚稱賀。 制日:

物等,並委功德使與御史臺及京兆府各差官點檢收抽,不得容諸色人影占。 處極法,錢物納官。 應在京外宅及東都修功德迴紇,並勒冠帶,各配諸道收管。 滅,義在翦除,宜令諸道兵馬使同進討。 闕,上以攄宗廟之宿憤,次以慰太皇太后之深慈,永言歸寧,良用欣感。 黃鵠之歌,失位自傷,寧兎綠衣之歎。念其羈苦,常軫朕心。 飛,衆纔一旅,儲備已竭,計日可擒。 胡貉之騎以爲前鋒,搴翎侯之旗伐彼在穴。 皆自率兵,首爲寇盜,不恥破敗,莫顧姻親。 之意,有困獸猶鬭之心。去歲潛入朔川,大掠牛馬;今春掩襲振武,逼近城池。 念其衰殘,尋加脈卹。 盡膏於原野,區落遂至於荆榛。今可汗逃走失國,竊號自立,遠踰沙漠,寄命邊陲。 迴鶻比者自恃兵強,久爲桀驁,淩虐諸部,結怨近鄰。點戞斯潛師彗掃,穹居瓦解,種族 夫天之所廢,難施繼絕之恩;<br />
人之所棄,當用侮亡之道。<br />
股每思前訓,豈**忘格**言。 摩尼寺僧委中書門下條疏聞奏。 每陳章表,多詐諛之詞,接我使臣,如全盛之日。無傷禽哀鳴 太和公主居處不同,情義久絕。 河東立功將士已下,優厚賞給,續條疏處分。 短兵鏖於帳下,元惡抶於彀中。 河東節度使劉沔料敵伐謀,乘機制勝,發 其迴紇及摩尼寺莊宅、錢 今已脫於豺狼,再見宮 懷土多思, 其迴紇旣以破 況乘匪大 如犯者並 **亟**聞 可汗

射, 以 充豐州 國,差人送公主入朝,愁迴鶻殘衆奪之於路。 蘇州 餘並 刺史、天德行營副使石雄爲銀青光祿大夫、檢校左散騎常侍、 西城中城都防禦、 如故。 點戞斯使注吾合素入朝,獻名馬二匹,言可汗已破迴鶻 本管押蕃落等使。 帝遂遣中使送注吾合素往太原迎公主。 劉沔檢校尚書左僕射, 豐州刺史、御史大夫, 張仲武檢校尚書右僕 ,迎得太和公主歸 時鳥

介可汗中箭,走投黑車子,詔點憂斯出兵攻之。 三月,太和公主至京師,百官班于章敬寺迎謁,仍令所司告憲宗、穆宗二室。

三品已上,會議劉旗可誅可宥之狀以聞。 韶潞府,令旗護從諫之喪歸洛陽。 四月,昭義節度使劉從諫卒,三軍以從諫姪橫爲兵馬留後,上表請授節鉞。 **植**拒朝旨。 韶中書門下兩省尙書御史臺四品已上、武官 尋遣 使齎

請以親王遙領,令種權知兵馬事,以俟邊上罷兵。」獨李德裕以爲澤潞內地,前時從諫許襲, 曰:「吾與德裕同之,保無後悔。」自是諫官上疏言不可用兵相繼。 已是失斷,自後跋扈難制,規脅朝廷。以櫃豎子,不可復踐前車,討之必殄。武宗性雄俊, 十人。築望仙觀於禁中。 宰臣百僚進議狀:「以昆戎未殄,塞上用兵,不宜中原生事,潞府 五月,敕諸道節度使置隨身不得過六十人,觀察使不得過四十人,經略、都護不得過三

六月,西內

·神龍寺災。

左軍中尉楚國公仇士良卒。

本

紀第十

上

武

宗

**鄓鄭涯久爲征鎭判官,情甚精敏,雖無詞辯,言事分明,官重事閒,最似相稱。」上曰:「不如** 濟有才,甚諳軍中體勢,然性剛負氣,盧不安和,不如且命李回。若以臺綱闞人,卽兵部侍 遺使論旨,兼偵三鎭軍情。今日延英面奉聖旨(10),欲遣張賈充使。 秋七月戊子,宰相奏:「秋色已至,將議進軍,幽州須早平迴鶻,鎭、魏須速誅劉稹,各須 臣等續更商量,張賈幹

憂斯使諦德伊斯難珠入朝。以右僕射、平章事陳夷行檢校司空,<br/>
東河中尹、御史大夫,充河 八月壬戌,火星自七月蒼赤色,動搖井中,至是月十六日犯興鬼。萬年縣東市火。

力月

中節度、晉絳慈隰觀察等使。

令李回去。」卽遣回奉使三鎭。

漢之韓、黥,身爲佐命。至于干亂紀律,罔不梟夷,禁暴除殘,古今大義。 定天下者,致風俗於大同,安生人者,齊法度於畫一。雖晉之變、趙,家有舊勳,

致死士,固護一方,迨于末年,已虧臣節。 離心,乘此危機,遂能歸命。 故昭義節度劉悟,頃居海岱,嘗列爪牙。 憲宗嘉其誠款,授以南燕,穆宗待以腹心,委之上黨。 劉從諫生稟戾氣,幼習亂風。因跋扈之資,以 屬師道阻兵,王師問罪,三面開網,一境

專封壤;恃紀綱之力,以襲兵符。暫展執珪之儀,終無上綬之請。

**豫駒爲喻,魏豹姑務** 

壘門。 魂,恣行邪僻之志,罔或奮拔,自樹狡童。中使授醫,莫覩其朝服;近臣銜命,不入於 **壞戎帥,屢奏陰謀,顧髫齔之所矜,豈淵魚之是祭。 洎乎沈痼,曾靡哀鳴,猶駐將盡之** 於絕河; 博軍頃以大旆涉河,竟殲師道。 建十二郡之旗鼓,以列降人;削六十年之属階,盡歸 軍嘗以梟騎橫陣,首破朱滔。戰氣方酣,再迴魯陽之日;鼓音不息,三周不注之山。 德軍節度使王元逵、魏博節度使何弘敬,或姻連王室,或任重藩維,懇陳一至之誠,願 锡九伐之命 (II)。 吳漢任職,受詔而初無辦嚴;卜式朴忠,未戰而義形於色。 況成德 逆節甚明,人神共棄。其贈官及先所授官爵、幷劉稹在身官爵,宜並削奪。 士傳餘勇,軍有雄名,必能稟酇侯之指縱,成葛亮之心伐。咨爾二帥,朕所注 井蛙自居,孫述頗聞于恃險。誘受亡命,妄作妖言,中罔朝廷,潛圖左道。

思改悔。 賞。 實調 將士及百姓等,如保初心,並赦而 如能 可封之俗,久爲仁壽之鄉。 爨者列祖在藩,先天啓聖。 協送劉稹者,別授土地,以報勳庸。 如能感喻劉稹,束身歸朝,必當待之如初,特與洗雪。 寇難以來,頗著誠節,必非同惡,咸許自新。 其昭義舊 符瑞昭晰,彩繪煥於泗亭, 鑾輅巡遊,金石刻於代邸。 不問。 如能捨逆效順,以州郡兵衆歸降者,必厚加封 頃隨劉悟鄆州舊將校子孫,既有義心,宜 爾等舊校,亦並酬勞。

懷,元逵可本官充北面招討澤潞使,弘敬充東面招討澤潞使。

本紀

笰

十八八

上

武

五九八

仍委夷行、劉沔、王茂元各進兵同力攻討。 **其諸道進軍**, 並不得焚燒廬舍, 發掘墳墓,

擒執百姓以爲俘囚。 桑麻田苗,各許本戶爲主。 罪止元惡,務拯生 靈

族;刑賞之柄,所以正萬邦。宜用甲兵,陳於原野。 於戲! 蕃維大臣,抗疏於外,耄俊舊老,昌言於朝。 雖股以恩不聽,而羣臣以義固爭, 戒股以祖宗之法, 不可私一

詢自僉謀,諒非獲已。布告中外,明體朕懷。

州刺史。 下後踰月未出師,朝廷疑其持重,乃以天德軍石雄爲彦佐之副。 仍以徐泗節度使李彦佐爲澤潞西南面招討使。 以陳許節度使王宰充澤潞南面招討使。 河陽節度使王茂元以本軍屯萬善。 河陽節度使王茂元卒, 劉稹牙將李丕降, 贈司徒。 用爲忻 彦佐制

茂元總萬善之師。

賜 校司空、平章 史大夫,充義成軍節度、鄭滑濮觀察等使。 沒有差。 十月,宰相監修國史李紳、兵部郎中史館修撰判館事鄭亞進重修憲宗實錄四十卷,頒 晉絳行營副招討石雄奏收賊砦五。 事,兼太原尹、北都留守,充河東節度、管內觀察等使。 以荆南節度使、檢校右僕射、同平章事李石可檢 以河東節度使劉沔檢校司空,兼滑州刺史、御

十一月, 敕:「中外官員, 過爲繁冗, 量宜減省, 以便軍民。 宜令吏部條疏合減員數

以聞。」

無絹。 逢。 初劉沔破迴鶻,留三千人戍橫水, 是月二十八日,橫水軍至太原,請出軍優給。 十二月,王宰奏收天井關。 石以已絹益之,方可人給一疋,便催上路。 檢社行營都將王逢奏兵少,乞濟師,詔太原軍二千人赴之· 至是,李石以太原無兵,抽橫水戍卒一千五百人以赴王 舊例每一軍絹二疋,時劉沔交代後,軍庫 軍人以歲將除,欲候過歲,期旣速,軍情

都頭楊弁乘士卒流怨,激之爲亂。

稱賀。 受請求。 各斷三日,餘月不禁。」壬子,河東監軍使呂義忠收復太原,生擒楊弁,盡斬其亂卒, 斷屠,出於釋氏,國家創業,猶近梁、隋,卿相大臣,或沿茲弊。 四年春正月乙酉朔,以澤潞用兵, 正月以萬物生植之初,宜斷三日。列聖忌斷一日。 罷元會。 其日, 楊弁逐太原節度使李石。 仍准開元二十二年敕,三元日 鼓刀者旣獲厚利,糾察者潛 敕:「齋月 百僚

北都 四人來獻,斬於狗脊嶺 河中尹、御史大夫、上柱國、博陵縣開國男、食邑三百戶崔元式可檢校禮部尙書,兼太原尹、 留守,充河東節度觀察等使。 一月甲寅朔。丁巳,制河中晉絳慈隰等州節度觀察等使、中散大夫、檢校左散騎常侍、 戊午夜,太白犯鎭星。辛酉,太原送楊弁與其同惡五十

本

紀第十八上

武宗

右街道門教授先生。 三月,以晉絳副招討石雄爲澤潞西面招討,以汾州刺史李丕爲副。 時帝志學神仙,師歸眞。 歸眞乘籠,每對,排毀釋氏,言非中國之教, 以道士趙 歸眞爲左

四月,王宰進軍攻澤州。

蠹

「耗生靈,盡宜除去,帝頗信之。

五月,以司農卿薛元賞爲京兆尹。

|士良 院鹽鐵九十萬 刺史、上柱國、安平郡開國公、食邑二千戶崔珙再貶恩州司馬員外置,以珙領鹽鐵時欠宋滑 丑,敕:「諫官論事,所見不同,連狀署名,事同糾率。 此後凡論公事,各隨已見,不得連署姓 死後,中人於其家得兵仗數千件,兼發士良宿罪故也。 如有大政奏論,即可連署。」制追削故左軍中尉仇士良先授官及贈官,其家財並籍沒。 六月,金紫光祿大夫、尚書右僕射、中書侍郎、同平章事、判度支崔珙貶澧州刺史。 貫。 帝令度支、鹽鐵、轉運合爲一使。 敕責授官銀青光祿大夫、澧州

副 L 充鹽鐵轉運等使。 一大使、知節度事。 |柱國、趙郡開國公、食邑二千戶|李紳可檢校司空、平章事、 七月,以淮南節度使、檢校司空杜悰守尚書右僕射、兼門下侍郎、同平章事,仍判度支, 又制銀青光祿 吏部條奏中外合減官員一千一百一十四員。 :大夫、守尙書右僕射、兼門下侍郎、同平章 揚州 大都督府長史、 王元逵奏邢州刺史裴問 事、 監 准南: 修 國

別將高元武以城降。洺州刺史王釗、磁州刺史安玉以城降何弘敬。山東三州平。 、張谷、陳揚廷遣人至王宰軍, 請殺[稹以自贖]。 王宰以聞, 乃韶石雄率軍七千入潞州 潞州大將

**誼斬劉稹首以迎雄,澤、潞等五州平。** 

邑二千戶。 僚樓前稱賀。以魏博節度使、檢校尚書右僕射、同平章事何弘敬進封廬江郡開國公,食邑 崔鉉爲中書侍郞、同平章事。 二千戶,以成德軍節度使王元逵檢校司空、兼太子太師、同平章事,進封太原郡開國公,食 八月戊戌,王宰傳櫃首與大將郭誼等一百五十人,露布獻於京師,上御安福門受俘,百 宰相李德裕守太尉,進封衞國公,加食邑一千戶。 河東節度使陳夷行卒。 以兵部侍郎、翰林學士承旨

等,狐 **德反義,掩賊藏姦,積其怙亂之謀,無非親吏之計。** 戶王宰檢校司空、太原尹、北都留守,充河東節度、管內觀察處置等使。制曰:「逆賊郭誼 軍 義軍節度使、澤潞邢洛觀祭等使。以忠武軍節度、陳許察等州觀察處置等使、河陽行營諸 **絳**慈隰等州節度使。 ·招討使、金紫光祿大夫、檢校尙書右僕射、兼御史大夫、上柱國、太原郡開國公、食邑二千 九月,以天德軍使、晉絳行營招討使石雄檢校兵部尚書、河中尹、兼御史大夫、河中晉 (鼠之妖,依丘穴而作固;牛羊之力,得水草而逾兇。 久從叛臣,皆負逆氣。 以前山南東道節度使盧鈞檢校尚書左僕射、潞州大都督府長史,充昭 劉公直、安全慶等各憑地險,屢抗王師, 劉從諫背

本紀第

十八上

武宗

毎肆悖 直 柳。 伎術 洪 丽 卵 請 、王協、安全慶、李道德、李佐堯、劉稹 漢卿 敕 命。 X 、郭諗蔣黨、李訓兄仲京、王涯姪孫羽、韓約男茂章茂寶、王璠男珪等, 言, 以 周 昔伍被詣吏,不免就誅; 河陽三城鎭遏使爲孟州, 罔懐 卿魯卿匡堯、張谷男涯、解愁、陳揚廷弟宣、男醜奴、張溢男歡郎三寶、門客甄戈 革 面 **況郭**誼 延岑出降,終亦夷族。 王協聞邢、 割澤州隸焉,與懷、孟、澤爲節度, 、種母阿斐、種弟曹九滿郎君 養旅覆巢, 致之大 辟 , 無所 郎、妹四娘 號河陽。 愧 懷。」郭誼 圖 並 制以皇子們 五娘、 處 返斬于獨 據 從兄 堅城 劉

爲開 卿兄弟朋比貴勢,妨平人道路。 來貢 結 榜 正 、寒門, 府儀 舉 後 及 十二月,敕:「郊 十一月, + 户 了,更呈 艱 兩 難 度 旧 同三司、夏州刺史、朔方軍節度大使,時党項叛,命親王以制之。 車 ^; 放 取 翻 宰 幸雲陽 - 駕幸 案 實 柏 人 |藝耳 伏款者, 郭縣 絕 取 可否。 少 禮 。」李德裕 7,恐非 日 :近,獄囚數多,案款已成,多有翻覆。 並令先 後 弘 人數不多, 訪之道。」帝 對曰:「鄭肅、封敖有好 昨楊知至、鄭朴之徒,並令落下, 事結斷訖申。」時左僕射王起頻年 宰相 日:「貢院不會我意。 延英論言:「主司 子弟 不敢 ·試藝,不合取宰相與奪。 其兩京天下州府見繫囚 不 抑其太甚耳。」德裕曰:「臣 應舉。」 · 知 ·放子 行軍舉, 帝 弟, 日:「我比 每貢 刨 太過,無論 、院考試 聞 楊 一,已 比

舉業,自熟朝廷間事,臺閣儀範,班行准則,不教而自成。 私家置文選,蓋惡其祖尙浮華,不根藝實。 無名第,不合言進士之非。 然臣祖天寶末以仕進無他伎, 然朝廷顯官, 須是公卿子弟。 寒士縱有出人之才,登第之後,始 勉強隨計,一 舉登第。 何者?自小便習 自後不於

得

一班一級,固不能熟習也。

則子弟成名,不可輕矣。」

延英。 祥,二十五日大祥,二十七日釋服。 畢 常卿孫簡等率文武百僚上徽號日仁聖文武章天成功神德明道皇帝。 山道士劉玄靖及歸眞膠固,排毀釋氏,而拆寺之請行焉。 不能相惑。」歸眞 與之言,滌煩爾。 復親近之。」帝曰:「我爾時已識此道人,不知名歸眞,只呼趙鍊 話耳。」李德裕對曰:「臣不敢言前代得失,只緣歸眞於敬宗朝出入宮掖,以此人情不願陛下 御承天門,大赦天下。 五. 帝謂宰臣曰:「諫官論趙歸眞,此意要卿等知。朕宮中無事,屏去聲技, 一年春正月己酉朔,敕造望僊臺於南郊壇。時道士趙歸眞特承恩禮,諫官上疏, 自以涉物論,途舉羅浮道士鄧元起有長年之術,帝遣中使迎之。 至於軍國政事,唯卿等與次對官論,何須問道士。 庚申,義安太后崩,敬宗之母也。 兵部尚書歸融奏:「事貴得中,禮從順變, 宰臣李德裕杜悰李讓夷 遺令皇帝三日聽政,十三日小 師。 非直一 在敬宗時亦無甚過。我 辛亥,有事 歸眞,百歸眞亦 配附之禮,宜 但要此 於郊廟,禮 由 崔鉉、 是與衡 人道 論之

本紀

第十八

上

武宗

降殺。」從之。 有等差。 請降服期,以日易月,十二日釋服。<br />
內外臣僚,亦請以其日釋服。 以前太原節度使、檢校司空李石以本官充東都留守。 陵園制度,請無

七人。 論以爲請託,令翰林學士白敏中覆試,落張瀆、李玗、薛忱、張覿、崔凛、王諶 二月戊寅朔,太白掩昴之北側。諫議大夫、權知禮部貢舉陳商選士三十七人中第,物 劉伯獨等

部崔元式同平章事 大凡寺四千六百,蘭若四萬,僧尼二十六萬五百。宰相杜悰罷知政事。以戶部侍郎、判戶 夏四月,皇第四女封延慶公主,第五女封靖樂公主。敕祠部檢括天下寺及僧尼 三月,崔鉉罷知政事,出爲陝虢觀察使。以御史中丞、兼兵部侍郎李回本官同平章事。 人數,

即擢授遷改以獎之。 獄,亦先令法官詳議,然後申刑部參覆。如郎官、御史有能駁難,或據經史故事,議論精當, 有經,人皆向道。 六月丙子,敕:「漢、魏已來,朝廷大政,必下公卿詳議,博求理道,以盡羣情。 此後事關禮法,羣情有疑者,令本司申尚書都省,下禮官參議。 如言涉浮華,都無經據,不在申聞。」神策奏修望僊樓及廊舍五百三十 所以 如是刑 政必

秋 (七月庚子,敕倂省天下佛寺。 中書門下條疏聞奏:「據令式,諸上州國忌日官吏行香 九

功

祠部 納官,如違,委鹽鐵使依禁銅法處分。其土、木、石等像合留寺內依舊。」又奏:「僧尼不合隸 爲農器,金、銀、鍮石等像銷付度支。衣冠士庶之家所有金、銀、銅、鐵之像,敕出後限一月 福,右街留西明、莊嚴。」中書又奏:「天下廢寺,銅像、鐘磬委鹽鐵使鑄錢,其鐵像委本州鑄 行香日,官吏宜於道觀。其上都、下都每街留寺兩所,寺留僧三十人。上都左街留慈恩、薦 街請留十寺,寺僧十人。」敕曰:「上州合留寺,工作精妙者留之; 如破落, 亦宜廢毁。 其 於寺,其上州望各留寺一所,有列聖尊容,便令移於寺內;其下州寺並廢。其上都、東都兩 1,請隸鴻臚寺。其大秦穆護等祠,釋教旣已釐革,邪法不可獨存。其人並勒還俗,遞

八月,制:

歸本貫充稅戶。如外國人,送還本處收管。」

之際, 蠶,有受其寒者。 京城闕,僧徒日廣,佛寺日崇。勞人力於土木之功,奪人利於金寶之飾,遺君親於師資 極,皆雲構藻飾,僭擬宮居。晉、宋、齊、梁,物力凋瘵,風俗澆詐,莫不由是而致也。況 習,蔓衍滋多。以至於蠹耗國 股聞三代已前,未嘗言佛, 漢、魏之後, 像教蹇興。是由季時, 傳此異俗, 因緣染 遠配偶於戒律之間。壞法害人,無逾此道。且一夫不田,有受其飢者,**一婦不** 今天下僧尼,不可勝數,皆待農而食,待蠶而衣。寺宇招提,莫知紀 「風,而漸不覺;誘惑人意,而衆益迷。洎於九州山原,兩

紀

第

十八

上

武

之義,取其賤稱;家人之禮,卽宜區別。臣等商量,公主上表,請如長公主之例,並云『某邑 制第六女封樂温公主,第七女封長寧公主。中書奏:「伏見公主上表稱『妾某者』,伏以臣妾 中華之風。於戲!前古未行,似將有待;及今盡去,豈謂無時。驅游惰不業之徒,已 與我抗衡哉!貞觀、開元,亦嘗釐革、剗除不盡,流衍轉滋。 股博覽前言,旁求興議,弊 我高祖、太宗,以武定禍亂,以文理華夏,執此二柄,足以經邦,豈可以區區西方之教, 俗之功。將使六合黔黎,同歸皇化。倘以革弊之始,日用不知,下制明廷,宜體予意。 踰十萬,廢丹雘無用之室,何啻億千。 自此清淨訓人,慕無爲之理;簡易齊政,成一 十五萬人。隸僧尼屬主客,顯明外國之敎。勒大秦穆護、祆三千餘人還俗至,不雜 五百人,收充兩稅戶,拆招提、蘭若四萬餘所,收膏腴上田數千萬頃,收奴婢爲兩稅戶 百王之典法,濟人利衆,予何讓焉。其天下所拆寺四千六百餘所,還俗僧尼二十六萬 之可革,斷在不疑。而中外誠臣,協予至意,條疏至當,宜在必行。懲千古之蠹源,成

公主幾女上表」,郡、縣主亦望依此例稱謂。」從之。

九月,火星犯上將。

答,在一堂之內。伏以山河如舊,城壘猶存,威靈皆盛於軒臺,風雲疑還於豐沛。 誠宜百代 十月乙亥,中書奏:「氾水縣武牢關是太宗擒王世充、竇建德之地,關城東峯有二聖塑

功日,望令東都差分司官一員薦告。」從之。 **孟節度使差判官一人勾當。** 寺中大殿材木,於東峯以造 嚴奉,萬邦式瞻。 西漢故事,祖宗嘗行幸處,皆令邦國立廟。今緣定覺寺例合毀拆。 一殿,四面置宮牆,伏望名爲昭武廟,以昭聖祖武功之盛。 緣聖像年代已久,望令李石於東都揀好畫手,就增嚴飾。 委懷 初興

月甲辰,敕:「悲田養病坊,緣僧尼還俗,無人主持,恐殘疾無以取給,兩京量給寺

田賑濟。 諸州府七頃至十頃,各於本管選耆壽一人勾當,以充粥料。」

十二月,車駕幸咸陽。 給事中韋弘質上疏,論中書權重,三司錢穀不合相府兼領。 宰

相奏論之日:

於行令。君人之理,本莫要于出令。故曰:虧令者死,益令者死,不行令者死,不從令 子云:「凡國之重器,莫重於令。 令重則君尊,君尊則國安。 故國安在於尊君,尊君在 者死。又曰:令行于上,而下論可不可,是上失其威,下繫於人也。」自大和已來,其風 大弊,令出于上,非之於下。此弊不除,無以理國也。 臣等昨於延英對,恭聞聖旨常欲朝廷尊,臣下肅,此是陛下深究理本也。 臣按管

國家之股肱,萬姓所瞻仰,明王所愼擇。」[傳曰:「下輕其上,賤人圖柄,則國家搖動,而 昨韋弘質所論宰相不合兼領錢穀,臣等輒以事體陳聞。 昔匡衡所以云:「大臣者,

本

紀

第十八上

武宗

勝感憤之至 事 賤人,豈得以非所宜言上瀆明主,此是輕宰相撓時政也。 置職業, 高。」亦由將相重則君尊公司,其勢然也。 觀中,監察御史陳師合上書云:「人之思慮有限,一人不可兼總數職。」太宗曰:「此人妄 大夫,奏云:「今首歲日月少光,罪在臣等。」上以望之意輕丞相,乃下侍中御史詰問。貞 有毀謗, 人不靜。」弘質受人敎導,輒獻封章,是則賤人圖柄矣。 少起,此 `固是人主之柄,非小人所得干議。 事 欲離間我君臣。」流師合於嶺外。 深要懲絕。 伏望陛下詳其姦詐,去其朋徒,則朝廷安靜,制令肅然。 如宰相姦謀隱匿,則人人皆得上論。 古者朝廷之上,各守其官,思不出位。 賈誼云:「人主如堂, 蕭望之漢朝名儒重德, 昔東漢處土 羣臣如陛, 陛高 一横議, 遂有黨錮 爲御史 臣等不 至於制 弘質 則 堂

可否, 弘質 靇 後除機密公事 白艱 相後,中貴人上前言德裕太專,上意不悅,而白敏中之徒,教弘質論之,故有此奏。 難 坐貶官。 臣等議而奏聞。」從之。 《已來,務從權便,政頗去於臺閣,事多繫於軍期,決遣萬機,不暇 ,外,諸侯表疏、百僚奏事 又奏曰:「天寶已前,中書除機密遷授之外,其他政事皆與中書舍人同商量。 李德裕在相位日久, r、錢穀刑獄等事,望令中書舍人六人,依故事先參詳 朝臣爲其所抑者皆怨之。 傾議。 自崔鉉、杜悰 臣等商量,今 而德

裕結怨之深,由此言也。

室韋、渤海、牂柯、昆明等國遣使入朝,對于麟德殿。兵部侍郎、判度支盧商奏:「諸道兵討伐 察元壽奏前彭州刺史李鈇買本州龍興寺婢爲乳母,違法,貶隨州長 入朝。 党項,今差度支郎官一人往所在有糧料州郡,先計度支給。」從之。己丑,渤海王子大之萼 **六年春正月癸卯朔。丁巳,左散騎常侍致仕馮定卒,贈工部尙書。** 東都太微宮修成玄元皇帝、玄宗、肅宗三聖容,遣右散騎常侍裴章往東都薦獻。 史。 己未,南韶、契丹、

以 林學士、起居與孫瀔爲兵部員外郎充職。以旱,停上已曲江賜宴。 夜,月色少光,至一更一點,犯熒惑,相去四寸。後良久,其光燭地,在軫七度。 合。」從之。乙酉,前太子少保劉沔可太子太保致仕。 遺王龜以父興元節度使起年高,乞休官侍養,從之。是夜,月犯畢大星,相去三寸。 惡外,餘罪遞減一等,犯輕罪者並釋放三。在党項行營兵士,不得濫有殺傷。」丁丑,左拾 左衞兵曹蕭敏,生二男。開成三年,敏心疾乖忤,因而離婚。今敏日愈,却乞與臣姪女配 、轉困,今新加鼓鑄,必在流行,通變救時, 莫切於此。 夏州節度使米暨充東北道招討党項使。壬午,右庶子呂讓進狀:「亡兄温女,大和七年嫁 一月壬申朔。 癸酉,以時雨愆候,詔:「京城天下繫囚,除官典犯贓、持仗劫殺、忤逆十 前壽州刺史王鎭貶潞州 宜申先甲之令,以儆居貨之徒。 敕:「比緣錢重幣輕,生 長史。 壬辰, 以翰 ' 庚辰,

本紀

第十八上

武宗

錫錢 以邪寧節度使高承恭充西南面招討党項使。丙申夜,月掩牛南星,又犯歲星。丁酉,新羅 滌爲連州刺史。滌字宗閱黨,前自給事中爲德裕所斥,累年郡守,至是李紳言其無政故也。 武百僚俸料,起三月一日,並給見錢一半。先給疋段,對估時價,皆給見錢。」貶舒州刺史蘇 城諸道,宜起來年正月已後,公私行用,並取新錢。 使金國連入朝。 【例科斷。其舊錢並沒納。」又敕:「諸道鑄錢,已有次第,須令舊錢流布,絹價値稍增。 辛丑夜,東北流星如桃,色赤,其光燭地,尾迹入大角,西流穿紫微垣。 **共舊錢權停三數年。** 如有違犯,同用鉛

號武宗,其年八月,葬于端陵,德妃王氏祔焉。 十三日, ,疾旣篤,旬日不能言。宰相李德裕等騎見,不許。中外莫知安否,人情危懼。 三月壬寅,上不豫,制改御名谈。帝重方士,頗服食修攝,親受法籙。至是藥躁,喜怒 宣遺 一韶以皇太叔光王柩前卽位。 是日崩,時年三十三。諡日至道昭肅孝皇帝,廟 是月二

當壁。 之迹,繼元和戡亂之功。 不惑盈庭之言,獨納大臣之計。戎車旣駕,亂略底寧,紀律再張,聲名復振,足以蹈章武出師 史臣日 而能雄謀 …開成中,王室寖卑,政由閣寺。 及綴衣將變,儲位遽移。 昭肅以孤立維城,副茲 ,勇斷,振已去之威權;運策勵精,拔非常之俊傑。 然後迂訪道之車,築禮神之館,棲心玄牝,物色幽人,將致俗於大 屬 天廟 失國 潞 孽阻兵,

姚興之謬學,不悟秦王、漢武之非求,蓋惑於左道之言,偏斥異方之說。況身毒西來之教,向 庭,欲希蹤於姑射。於是削浮圖之法,懲游惰之民,志欲矯步丹梯,求珠赤水。徒見蕭衍、 融、何充之佞,代不乏人,非荀卿、孟子之賢,誰興正論。 欲千祀,蚩蚩之民,習以成俗,畏其教甚於國法,樂其徒不異登仙。 而莫知其醜,以吐火吞刀之戲,乍觀而便以爲神。安可正之以爲韶,律之以章甫。加以作 一朝隳残金狄,燔棄胡書,結怨於 '如文身祝髮之鄉,久習

以俟河清,昭肅明照,聽斯弊矣。 膜拜之流,犯怒於鄙夫之口。哲王之舉,不駭物情,前代存而勿論,實爲中道。

欲革斯弊,

(1) 崔稜 從四品上 通鑑卷二四六考異引舊書史文及賈緯唐年譜錄皆作「崔鄲」。 本書卷四三職官志作「從四品下,今正五品上」。

以雄武軍使張絳檢校左散騎常侍兼幽州左司馬知兩使留後仍賜名仲武 武傳、新書卷二一二張仲武傳、通鑑卷二四六所記,張絳與張仲武係兩人,此處記載有誤。 案本書卷一八〇張仲

及時支遣 「遺」字各本原作「還」,據唐會要卷九二、冊府卷五〇八改。

金 戶部各借兩 十八八 月加 給料錢 校 勘 記 「借」字各本原作「備」,據唐會要卷九二、冊府卷五〇八改。

本 紀 第

上

- (公) 不用追集坊市樂人 「不」字各本原無,據冊府卷二補。
- (七) 杷頭烽 六作「杷頭烽」,考異引實錄亦作「杷頭烽」,據改。 聞本原作「杞賴烽」,殿本、懼盈齋本、廣本作「杞賴峯」,局本作「杞頭烽」。 通鑑卷二四

<del>是</del> 幽州 各本原作「幽王」,據冊府卷九九四改。

(北) 黠戞斯 各本原作「溫沒斯」,本卷上文有云:「本國為點憂斯所攻」,本書卷一九五迴紇傳作「點

戞斯」,據改。

8 面奉聖旨 「奉」字各本原作「奏」,據冊府卷一三六改。

願揚 ;九伐之命 「命」字各本原作「戰」,據冊府卷一二三、唐大韶令集卷一二○改。

罔懷革面 「罔」字各本原作「常」,據唐大韶令集卷一二七改。

音 祇 各本原作「祓」,據唐會要卷四七、通鑑卷二四八改。

亦由將相重則君尊 「則君尊」,各本原作「君臣尊」,據李文饒文集卷一〇、全唐文卷七〇六改。

金 餘罪遞減一 等犯輕罪者並釋放 「餘」、「犯輕罪者」,各本原無,據冊府卷九一補。

## 舊唐書卷十八下

## 本紀第十八下

宣

宗

和、會昌朝,愈事韜晦,羣居游處,未嘗有言。文宗、武宗幸十六宅宴集,強誘其言,以爲戲 劇,謂之「光叔」。武宗氣豪,尤不爲禮。及監國之日,哀毀滿容,接待羣僚,決斷庶務,人方 玉如意、御馬、金帶。常夢乘龍昇天,言之於鄭后,乃曰:「此不宜人知者,幸勿復言。」歷大 正身拱揖,如對臣僚。乳鰛以爲心疾,穆宗視之,撫其背曰:「此吾家英物,非心憊也。」賜以 寡言,視膽特異。幼時宮中以爲不慧。十餘歲時,遇重疾沈綴,忽有光輝燭身,蹶然而興, 皇太叔,權勾當軍國政事。翌日,柩前卽帝位,改今名,時年三十七。帝外晦而內朗,嚴重 日,生於大明宮。長慶元年三月,封光王,名怡。會昌六年三月一日,武宗疾篤,遺詔立爲 宣宗聖武獻文孝皇帝諱忱,憲宗第十三子,母日孝明皇后鄭氏。元和五年六月二十二

本紀第十八下

宜宗

見其隱德焉

訖(I)。 僕射 部侍 檢校 禄山 微宮寓主,祔廢寺之新廟,而知禮者非之。 失。 書門下平章事 然不宜置主於廟,主宜依禮瘞於廟之北墉下。」事未行而武宗崩。 事,無兩 年,留守李石因太微宮正殿圮陊,以廢弘敬寺爲太廟,迎神 司 空空 陷洛陽 鄓 (重修太廟,以迎 賊平,東京留守盧正己又募得之,廟已焚毁,乃寄主於太微宮。 魏 太尉、同平章事、江陵尹、荆南節度使;以中散大夫、大理卿馬植爲金紫光祿大夫、刑 几 同中 東都 月 博節度使何弘敬、 都俱置之禮,唯禮部侍郎陳商議云:「周之文、武,有鎬、洛二廟, 充諸 辛 ·書門下平章事並 太廟者,本武后家廟,神龍中中宗反正,廢武氏 以廟爲馬 道鹽鐵等使。 ; 釋服,尊母鄭氏日皇太后。 以特進、守太尉、門下侍郎、同平章事、上柱國、衞國公、食邑二千戶李德裕 沙神主。 廐 如故。 淮南節度使李紳並檢校司空,劍南西川節度使崔鄲檢校尚書右 棄其神主, 韶百官參議,紛然不定,禮儀使顏眞卿堅請歸附,不從。 以成 |徳軍節度使||王元逵檢校太保, 東都留守李石奏修奉太廟畢,所司 而協律 制皇長男温可封鄆王,二男涇可封雅王,第三男 以兵部侍郎、翰林學士承旨白敏中守本官、同中 郎嚴郢收而藏之。 主袝之。 廟主, 山南西道節度使王起檢校 立太祖 史思明 宣宗卽位,因詔有 叉下 大曆十四年, 迎奉太微 已下神主耐之。 再陷洛陽, 令兩都異廟 百僚議, 宮神主 皆言准故 留守路嗣 會昌 司迎太 尋叉散 可也。 耐 廟

滋可封蘄王,第四男沂可封慶王。

以爲業。以劍南東川節度使、檢校禮部尙書盧商爲兵部侍郎、同平章事。 逃亡至七百戶,罷後三年內不得任使。又徒流人在天德、振武者,管中量借糧種,俾令耕田 之士,聞薦試用。又觀察使、刺史交代之時,册書所交戶口如能增添至千戶,即與超遷,如 也。 寺,奉恩寺改爲興福寺。」敕旨依奏。誅道士劉玄靖等十二人,以其說惑武宗,排毁釋氏故 寺。右街添置八所。西明寺改爲福壽寺,莊嚴寺改爲聖壽寺,舊留寺。二所舊名,千福寺改爲 興元寺(智)。 護國寺,菩提寺改爲保唐寺,清禪寺改爲安國寺,法雲尼寺改爲唐安寺,崇敬尼寺改爲唐昌 所三。 今月五日赦書節文,吏部三銓選士,祇憑資考,多匪實才,許觀察使、刺史有奇才異政 五月, 兩所依舊名興唐寺(三)、保壽寺。六所請改舊名,寶應寺改爲資聖寺,靑龍寺改爲 左右街功德使奏:「准今月五日赦書節文,上都兩街舊留四寺外, 化度寺改爲崇福寺,永泰寺改爲萬壽寺,温國寺改爲崇聖寺,經行寺改爲龍 更添置八 興

六月,以戶部侍郎、充諸道鹽鐵轉運使馬植本官同平章事。

七月,以兵部尚書李讓夷爲劍南東川節度使。

十月,敕:「太廟船享,合以功臣配。其憲宗廟,以裴度、杜黃裳、李愬、高崇文等配享。」

以荆南節度使李德裕爲東都留守。

親親。 使、鄭滑觀察等使。 三年例,許人戶自送納京師,所冀州縣無得欺隱。」從之。以江西觀察使周墀爲義成軍節度 十一月,有司享太廟,其穆宗室文曰「皇兄」。太常博士閱慶之奏:「夫禮有 祝文稱弟未當,請改爲『嗣皇帝』。」從之。 京兆府奏:「京師百司職田斛斗,請准會昌 尊尊,而 不敍

官搜索狹小機杼,令焚毀。其已納到次弱疋段,具數以聞。」上從之。 不得織造。臣欲與鹽鐵戶部三司同條疏,先勘左藏庫,令分析出次弱疋段州府,即牒本道 十二月,刑部尚書、判度支崖元式奏:「准七月二日敕,綾紗絹等次弱疋段,並同禁斷,

得也。 諫議大夫、給事中、中書舍人未曾任刺史、縣令,或在任有臟累者,宰臣不得擬 此道稍消,頡頗淸途,便臻顯貴。 赦,改元,制條曰:「古者郎官出宰,卿相治郡,所以重親人之官,急爲政之本。 人,職當撫字,三載考績,著在格言。 鑰匙進內。候車駕還宮,則請領。」從之。戊申,皇帝有事於郊廟,禮畢,御丹鳳門,大 大中元年春正月戊戌朔,宮苑使奏:「皇帝致齋行事,內諸宮苑門共九十四所,並令鎖 爲政之始,思厚儒風,軒墀近臣,蓋備顧問,如其不知人疾苦,何以膺朕眷求?今後 。治人之術,未嘗經心,欲使究百姓艱危,通天下利病,不可 貞元年中,屢下明詔,縣令五考,方得改移。 自澆風久扇, 議。 守宰親 近者因

循,都不遵守,諸州或得三考(H),畿府罕及二年。以此字人,若爲成政?道塗郡吏有迎送

之勞,鄉里庶民無蘇息之望。自今須滿三十六箇月,永爲常式。」

依舊宴集,有司不得禁制。」武宗好巡遊,故曲江亭禁人宴聚故也。 得令中選。」詔令翰林學士承旨、戶部侍郎韋宗重考覆,敕曰:「彥卿等所試文字,並合度程, 疏,即燒香盥手而覽之。當時以大中之政有貞觀之風焉。又敕:「自今進士放牓後,杏園任 士詩什屬和,公卿出鎭,亦賦詩餞行。凡對臣僚,肅然拱揖,鮮有輕易之言。大臣或獻章 聞。」帝雅好儒士,留心貢舉。有時微行人間,採聽輿論,以觀選士之得失。每山池曲宴,學 可放及第。 進士三十三人,其封彥卿、崔琢、鄭延休等三人,實有詞藝,爲時所稱,皆以父兄見居重位,不 鄭亞爲桂州刺史、御史中丞、桂管防禦觀察等使。二月丁酉,禮部侍郎魏扶奏:「臣今年所放 子潤爲鄂王。敕修百福殿。以檢校太尉、東都留守李德裕爲太子少保,分司東都;以給事中 二月丁卯,制憲宗第十七子惕封彭王,第十八子惴爲棣王,皇第五子澤爲濮王,第六 有司考試,祇在至公,如涉請託,自有朝典。今後但依常例放牓,不得別有奏

道,釐革過當,事體未弘。其靈山勝境、天下州府,應會昌五年四月所廢寺宇,有宿舊名僧, 閏三月,敕:「會昌季年,倂省寺宇。 雖云異方之教,無損致理之源。中國之人,久行其

復能修創,一任住持,所司不得禁止。」

四月,積慶太后蕭氏崩,諡曰貞獻,文宗母也。

尚書考功郎中、知制誥、上柱國崔璵爲中書舍人,以中散大夫、前湖州刺史、彭陽縣開國男、 千戶李彥佐爲太子太保,並依前分司。以左諫議大夫庾簡休爲號州刺史, 邑二千戶牛僧孺守太子太師,銀靑光祿大夫、行太子賓客、上柱國、隴西郡開國公、食邑二 鴻 食邑三百戶令狐綯行尚書考功郎中、知制誥。 臚 卿李業入蕃册拜。 六月,以義成軍節度使周墀爲兵部侍郎、判度支。 以金紫光祿大夫、守太子少保分司東都、上柱國、奇章郡開國公、食 册點戞斯王子爲英武誠明可汗, 以正議大夫、行

以本官同中書門下平章事。 員外置同正員。 秋七月,制以正議大夫、尚書戶部侍郎、知制誥、翰林學士承旨、柱國、賜紫金魚袋章宗 以太子少保分司東都、 衛國公李德裕爲人所訟, 貶潮州司馬

殿日雍和殿,樓日親親樓,凡廊舍屋宇七百間,以會諸王子孫。 八月,工部尙書、中書侍郎、平章事盧商出爲鄂岳觀察使。 神策軍奏修百福殿成,名其

|神誣奏||湘贓罪,宰相||李德裕曲情附||神,斷臣弟||湘致死。」詔下御史臺鞫按。 九月,前永寧縣尉吳汝納詣闕稱冤,言:「弟湘會昌四年任揚州江都縣尉,被節度使李

一年春 正月壬戌, 宰臣率文武百僚上徽號日聖敬文思和武光孝皇帝 御宣 一政殿

宣德音。 神策軍修左銀臺門樓、屋宇及南面城牆 ,至睿武樓

州 開國公、食邑二千戶李回責授湖南觀察使,桂州刺史、御史中丞、桂管防禦觀察使鄭亞貶循 刺 史,前淮南觀察判官魏鉶貶吉州司戶,陸渾縣令元壽貶韶州司戶,殿中侍御史蔡京貶 二月,制劍南西川節度、光祿大夫、檢校吏部尙書、同平章事、成都尹、上柱國、隴 西 郡

遭州司馬。御史臺奏:

要阿顏 長縣 月十四日,於阿顏家喫酒,與阿顏母阿焦同坐,羣自擬收阿顏爲妻,妄稱監軍使處分, 高 崔 不 獄 劉羣與押軍牙官李克勳即時遮欄不得, 至死。李德裕黨附李紳, "; 計 利 完 令張 錢倚 藻 據三司推勘吳湘獄,謹具逐人罪狀如後:揚州都虞候盧行立、 贓 進奉,不得嫁人,兼擅令人監守。 及淮南元推判官魏鉶幷關連 處死。 黃嵩 弘思 典張洙淸陳週、右廂子巡李行璠、典臣金弘舉、送吳湘妻女至澧州取受 具獄奏聞。 江 都縣 於典沈頒 乃貶元藻嶺南,取淮南元申文案,斷湘處死。 朝廷疑其冤, 陳幸、 人款狀, 節度押牙白沙鎭遏使傅義、 差御史崔 乃令江都 其阿焦遂與江都縣尉吳湘密約,嫁阿顏與湘。 准南 都虞候 |元藻往揚州按問,據湘雖有取受,罪 百 姓論 劉 湘取受, |羣、元推判官魏鉶、典孫貞 左都虞候 劉羣,於會昌二年五 節度使李紳追湘下 今據三司使追 盧行立、天

本

紀

鄭

十八下

黨宗

錢物人潘宰、前揚府錄事多軍李公佐、元推官元壽吳珙翁恭、太子少保分司李德裕、西

川節度使李回、桂管觀察使鄭亞等,伏候敕旨。

其月, 敕:

無恨歎 貶,合從洗雪之條,委中書門下商量處分。 |李公佐卑吏守官,制不由己,不能守正,曲附權臣,各削兩任官。 嗣,並釋放。 加刑。粗塞衆情,量行削奪,宜追奪三任官告,送刑部注毀。其子孫稽於經義,罰不及 李回、鄭亞、元壽、魏鉶已從別敕處分。李紳起此冤訴,本由不眞,今旣身歿,無以 (! 昨以李威所訴,已經遠貶,俯全事體,特爲從寬,宜準去年敕令處分。張弘思、 李德裕先朝委以重權,不務絕其黨庇,致使冤苦,直到于今,職爾之由,能 李恪詳驗款狀,蠹害最深,以其多時, 崔元藻曾受無辜之 劉

|羣據其款狀,合議痛刑,曾効職官,不欲決脊,決臀杖五十,配流岳州。 其盧行立及諸典 吏,委三司使量罪科放訖聞奏。 減等,委京兆府決脊杖十五,配流天德。 李克勳欲收阿顏,決脊杖二十,配流俠州

三月己酉,兵部侍郎、判度支周墀本官平章事。 日本國王子入朝貢方物,王子善碁,帝令待詔顧師言與之對手。 以禮部尙書、鹽鐵轉運使馬植本官同

五月己未,日有蝕之。

剕 以求放冤。今後凡隱盜欠負,請如官典犯贓例處分。縱逢恩赦,不在冤限。」從之。 《度支崔龜從奏:「應諸司場院官請却官本錢後,或有欺隱欠負,徵理須足,不得苟從恩蕩, 六月己丑,太皇太后郭氏崩,諡曰懿安,憲宗妃,穆宗之母也。戶部侍郎,兼御史大夫、

七月戊午,以前山南西道節度使高元裕爲吏部尚書。

八月戊子,朝散大夫、中書舍人、充翰林學士、上柱國、平陰縣開國男、食實封三百戶、

賜紫金魚袋畢諴爲刑部侍郎。

此後所由切加捉搦,如獲此色,便仰焚瘞,不得上聞。」 九月,敕:「比有無良之人,於街市投匿名文書,及於箭上或旗幡上縱爲奸言,以亂國

府嚴加搜捕。」以戶部侍郎、判度支崔龜從本官同平章事。銀青光祿大夫、門下侍郎,兼禮部 舊本,却仰施行。其會昌新修者,仰並進納。 仍與長史通判,至交代時具數申奏。如無懸欠,量與減選注擬。」敕:「路隨等所修憲宗實錄 十一月,兵部侍郎、判戶部事魏扶奏:「天下州府錢物、斛斗、文簿,並委錄事參軍專判, 如有鈔錄得,敕到並納史館,不得輒留,委州

三年春正月丙寅,涇原節度使康季榮奏,吐蕃宰相論恐熱以秦、原、安樂三州及石門等 第十八下 宜

各出本道兵馬應接其來。 七關之兵民歸國。 韶太僕卿陸耽往喻旨,仍令靈武節度使朱叔明、邪寧節度使張君緒(代), 以太常卿封敖檢校兵部尚書,爲興元尹、山南 西道節 度使。

監修國史、上柱國、汝南縣開國子、食邑五百戶周墀檢校刑部尚書、梓州刺史,充劍南東川 三月乙卯,敕待詔官宜令與刑法官、諫官次對。銀青光祿大夫、中書侍郎、同平章事

節度使 崔鉉可中書侍郎、平章事;正議大夫、行兵部侍郎、判戶部事、上柱國、鉅鹿縣開國男、食邑 客,分司東都;以正議大夫、守御史大夫、上柱國、博陵縣開國子、食邑五百戶、賜紫金魚袋 五百戶、賜紫金魚袋魏扶可本官、平章事 四 月, 以正議大夫、守中書侍郎、同平章事、集賢殿大學士、賜紫金魚袋馬植爲太子賓

六月癸未,五色雲見于京師。敕:先經流貶罪人,不幸歿於貶所,有情非惡逆,任經 五月,幽州節度使、檢校司徒、平章事張仲武卒,三軍以其子直方知留後事。 刑部

懷眞坊侵街造屋九間,已令毁拆訖。 石峽等六關訖。 **邠寧張君緒奏,今月十三日收復蕭關。** 敕於蕭關置武州,改長樂爲威州 御史臺奏,義成軍節度使韋讓於 陳牒,許令歸葬,絕遠之處,仍量事官給棺櫝。

康季榮奏收復原州、石門驛藏木峽制勝六盤

七月、三州七關軍人百姓、皆河、隴遺黎、數千人見於闕下。 上御延喜門撫慰,令其解

辮,賜之冠帶,共賜絹十五萬疋。

八月,鳳翔節度使李玭奏收復秦州,制曰:

新封,莫大之休,指期而就。 衡妙算,將帥雄稜,副<u>玄元</u>不爭之文,絕<u>漢</u>武遠征之悔。 甌脫頓空於內地,斥堠全據於 復無由。今者天地儲祥,祖宗垂佑,左衽轍款,邊壘連降,刷恥建功,所謀必克。實樞 策;朝廷下議,皆亦聽其直詞。盡以不生邊事爲永圖,且守舊地爲明理,荏苒於是,收 多難,無力禦姦,遂縱腥羶,不遠京邑。事更十葉,時近百年。 圖,思弘景運,憂勤庶政,四載于茲。、每念河、湟土疆,縣亙遐闊。自天寶末,大戎乘我 自昔皇王之有國也,曷嘗不文以守成,武以集事,參諸二柄,歸乎大寧。 股猥荷丕 進士試能,靡不竭其長

四道立功將士,各具名銜聞奏,當議甄酬。其秦、威、原三州及七關側近,訪聞田土肥 萬疋,並以戶部產業物色充,仍待季榮、叔明、李玭、君緒各迴戈到鎮,度支差脚支送。 意,古無與京,念此誠勤,宜加寵賞。 涇原宜賜絹六萬疋,靈武五萬疋,鳳翔、邠寧各四 水草豐美,如百姓能耕墾種蒔,五年內不加稅賦。五年已後重定戶籍,便任爲永 沉將士等櫛沐風雨,暴露郊原,披荆棘而刁斗夜嚴,逐豺狼而穹廬曉破。動皆如 鹽利,可贍邊陲,委度支制置聞奏。 鳳翔、邠寧、靈武、涇原守鎭將士,如能於

本

紀

十八八

下

宜宗

換。 州七關鎮守官健,每人給衣糧兩分,一分依常年例支給,一分度支加給, 本戍處耕墾營田,即度支給賜牛糧子種,每年量得斛斗,便充軍糧,亦不限約定數。 其家口委長吏切加安存。官健有莊田戶籍者,仰州縣放免差役。

來訓 商 宜接借。 旅 更處分。 ·練捍防有効能者,並與超序官爵。 劍南西川沿邊沒蕃州郡,如力能收復,本道亦 《往來,官健父兄子弟通傳家信,關司並不得邀詰阻滯。 秦州至隴州已來道路,要置堡栅,與秦州應接,委李玭與劉阜即便計度聞奏。 三州七關創置戍卒, 且要務靜。如審人求市, 切不得通; 三州七關刺史、關使,將 ,有來投降者,申取 如

興嗟。 必使足食足兵,有備無患,載洽亭育之道,永致生靈之安。中外臣僚,宜體股意 嗚呼! 夫取不在廣,貴保其金湯;得必有時,**詎計於遲速。今則便務修築**,不進干戈, 七關要害,三郡膏腴,候館之殘趾可尋,唐人之遺風尙在。追懷往事,良用

宗,深苞禍心,盜弄國柄。雖已行譴斥之典,而未塞億兆之言, 守潮州司馬員外置同正員李德裕, **股祗荷丕業,思平泰階,將分邪正之源,冀使華夷胥悅。** 早藉門地, 叨踐淸華, 累居將相之榮,唯以姦 是議再舉朝章,式遵彝 其有常登元輔,久奉武 九月辛亥,

西川節度使杜悰奏收復維州。

制日:

忠。 爲臣若斯,於法何逭。 窮。載闚罔上之由,益驗無君之意。使天下之人,重足一迹,皆聾懼奉面,而慢易在心。 吳湘之冤獄。凡彼簪纓之士,遏其取捨之途。驕居自夸,狡蠹無對,擢爾之髮,數罪未 書行,擅敢改張,罔有畏忌。奪他人之懿績,爲私門之令猷。又附李紳之曲情,斷成 肆讒構生加諸之釁。計有踰於指鹿,罪實見其欺天。屬者方處鈞衡,曾無嫌避,委國 知予意。可崖州司戶參軍,所在馳驛發遣,縱逢恩赦,不在量移之限。 而睥睨未已,兢惕無聞,積惡旣彰,公議難抑。是宜移投荒服,以謝萬邦。 史於愛壻之手,寵秘文於弱子之身,洎參信書,亦引親昵。 傾爲業。 動多詭異之謀,潛懷僭越之志。秉直者必棄,向善者盡排。 當會昌之際,極公台之榮,騁諛佞而得君,遂恣橫而持政,專權生事,妬賢害 。於戲!朕務全大體,久爲含容,雖黜降其官榮,尙蓋藏其醜狀。 恭惟元和實錄乃不刊之 誣貞良造朋黨之名, 中外臣僚、當

以起居郎庾道蔚、禮部員外郎李文儒並充翰林學士。

十月辛巳,京師地震,河西、天德、靈夏尤甚,戍卒壓死者數千人。

外郎鄭處誨兼御 韶褒美。經年爲雨所壞,又令封敖修斜谷舊路。以刑部侍郎章有翼爲御史中丞,以職方員 十一月,東川節度使鄭涯、鳳翔節度使李玭奏修文川谷路,自靈泉至白雲置十一驛,下 史知雜。 幽州軍亂,逐其留後張直方,軍人推其衙將周綝爲留後。

紀第

十八下

宜

宗

收復,百僚請加徽號,帝曰:「河、湟收復,繼成先志,朕欲追尊祖宗,以昭功烈。」白敏中等對 軍李德裕卒於貶所。 曰:「非臣愚昧所能及。」至是,上御宣政殿行事,及册出,俯僂目送,流涕嗚咽。 十二月, 追諡順宗日至德大聖大安孝皇帝,憲宗曰昭文章武大聖孝皇帝。 崖州司戶參 初以河、湟

給。 關,先准格徒流人,亦量與立限,止於七年,如要住者,亦聽。諸州府縣官如請工假,一月已 恩, 下,權差諸廳判官;一月已上,卽准勾當例,其課料等據數每貫刻二百文,與見判案官添 例減三載。 有故意殺人者,雖已傷未死、已死更生,意欲殺傷,偶然得免,並同已殺人條處分。 ЛИ |年春正月,以追尊二聖,御正殿,大赦天下。 徒流比在|天德者,以十年爲限,旣遇鴻 但使循環添換,邊不闞人,次第放歸,人無怨苦。其〉、原、威、武諸州、諸

二月,皇女萬壽公主出降右拾遺鄭顥,以顥爲銀靑光祿大夫、行起居郎、駙馬都尉。

車 <sup>2</sup>知别當主掌所由有犯贓, 三月己卯,刑部奏:「監臨主守,應將官物私 並同犯入己贓, 不在原赦之限。」從之。 !自貸使丼貸借人,及以已物中納官司者,丼 以幽州節度副大使、

檢校工部尚書張直方爲左金吾衞 將軍

四月,敕:「法司用刑,或持巧詐,分律兩端,遂成其罪。 旣奸吏得計,則黎庶何安?自

今後應書罪定刑,宜直指其事,不得舞文,妄有援引。」又刑部奏:「准今年正月一日敕節文, 校,並請准建中三年三月二十四日敕,竊盜贓滿三疋已上決殺,如贓數不充,量請科放。」 據會昌元年三月二十六日敕,竊盜贓至一貫文處死,宜委所司重詳定條目奏聞。臣等檢

從之。

下諸道,令刻石置於會食之所,使官吏起坐觀省,記憶條目,庶令案牘周詳。」從之。 軍食堂,每申奏罪人,須依前件節目。歲月滋久,文字湮淪,州縣推案,多違漏節目。今後請 大和二年十月二十六日刑部侍郎高武條疏,准勘節目一十一件,下諸州府粉壁書於錄事參 七月丙子,大理卿劉濛奏:「古者懸法示人,欲使人從善遠罪,至於不犯,以致刑措。准

州縣,先請差度支、戶部、鹽鐵院官帶憲銜者推劾。又各得三司使申稱,院官人數不多,例 專掌院務,課績不辦。今諸道觀察使幕中判官,少不下五六人,請於其中帶憲衡者委令推 如累推有勞,能雪冤滯,御史臺闕官,便令奏用。」從之。 八月,刑部侍郎、御史中丞魏謇奏:「諸道州府百姓詣臺訴事,多差御史推劾,臣恐煩勞

河東節度等使。 九月,以朝請大夫、檢校禮部尙書、孟州刺史、河陽三城節度使李拭爲太原尹、北都留 幽州節度使周綝卒,軍人立其牙將張允伸爲留後。

十月,中書侍郎、平章事魏扶罷知政事。

六二八

宜准康、原、威、武等州流例,七年放還。」以戶部侍郎、判本司事令狐綯爲兵部侍郎、同 十一月已亥,敕:「收復成、維、扶等三州,建立已定,條令制置,一切合同。 其已配到流

平章事。

十二月,以華州刺史周敬復爲光祿大夫、檢校左散騎常侍,兼洪州刺史、江南西道團練

觀察使,賜金紫。

天下州府,起大中五年正月一日已後,三年內不得殺牛。 五年春正月甲戌,制皇第七子恰封懷王,第八子汭爲昭王,第九子汝爲康王。 如郊廟享祀合用者,即以諸畜代。 敕兩京

二月,戶部侍郎裴休充諸道鹽鐵轉運等使。

六百四十六門,二千一百六十五條,議輕重,名曰大中刑法統類,欲行用之。 四月癸卯, ,刑部侍郞劉豫奏:據今年四月十三日已前,凡二百二十四年(4),雜制敕計

章事、邠州刺史,充邠寧節度觀察、東面招討党項等使;以戶部侍郎、判戶部事魏譽本官同 充河東節度使;守司空、門下侍郎、太原郡開國伯、食邑一千戶白敏中檢校司徒、同平 五月,以太原尹、河東節度使李拭爲鳳翔節度使;李業檢校戶部尚書、太原尹、北都留

七月,宰相監修國史崔龜從續柳芳唐曆二十二卷上之。

義澤 令邑司行文書牒府縣,如緣公事,令邑司申宗正寺,與酌事體施行。」沙州刺史張義潮遣兄 以瓜、沙、伊、肅等十一州戶口來獻,自河、隴陷審百餘年,至是悉復隴右故地。 八月,敕:「公主邑司,擅行文牒,恐多影庇,有紊條章。 今後公主除緣徵封外云,不得 以義潮

爲瓜沙伊等州節度使。

若 子裴休守禮部尚書, 物,但不率斂官吏,不科配百姓,一任各守州縣舊例色目支給。如無公廨,不在資送之限。 明敕處分,多被無良人吏致使恐嚇,或致言訟。起今後應刺史下擔什物,及除替後資送錢 只禁科率官吏抑配人戶,至於使州公廨及雜利潤,天下州府皆有規制,不敢違越。緣未有 輒有率配, 九月,敕:「條疏刺史交代,須一一交割公事與知州官,方得離任。准會昌元年敕,刺史 以入己贓論。」以正議大夫、兵部侍郎、諸道鹽鐵轉運使、上柱國、河東縣開國 進階金紫;以前宣歙觀察使、太中大夫、檢校左散騎常侍裴諗權知兵

請准會昌三年十二月敕,諸軍使不得強奪百姓入軍。」從之。 十月己亥,京兆尹韋博奏:「京畿富戶爲諸軍影占, 苟免府縣色役,或有追訴,軍府紛 部侍郎。

+ 一月,中書侍郎,兼吏部尚書、平章崔龜從檢校尚書左僕射、汴州刺史,充宣武軍節

六二九

本紀第

十八下

宜宗

度使。 百卷,上自開闢,下盡隋朝,帝王美政、詔令、制置、銅鹽錢穀損益、用兵利害,下至僧道是 沙州置歸義軍,以張義潮爲節度使。太子詹事姚康獻帝王政纂十卷,又撰統史三

非,無不備載,編年爲之。 國子祭酒馮審奏:「文宣王廟,始太宗立之,睿宗書額,武后竊政

之日,改篆題『大周』二字,請削之。」從之。 十二月,盜斫景陵神門戟,京兆尹韋博罰兩月俸,貶宗正卿李文舉睦州刺史,陵令吳閱

岳州司馬,奉先令裴讓隋州司馬。

是歲,湖南大饑。

六年春正月戊辰,以隴州防禦使薛逵爲秦州刺史、天雄軍使,兼秦、成兩州經略使 1100。

也,冤稅無以勸蒸民。」敕曰:「一依人戶例供稅。」 二月,右衞大將軍鄭光以賜田請冤租稅。 。宰相魏謇奏曰:鄭光以國舅之親, 賜田可

三月,隴州刺史薛逵奏修築定成關工畢口己。

貧下戶,富戶不在支給之限。」以禮部尚書、諸道鹽鐵轉運等使裴休可本官同平章事 四月丁酉,敕:「常平義倉斛斗,每年檢勘,實水旱災處,錄事參軍先勘人戶多少,支給先

五月,敕:「天下軍府有兵馬處,宜選會兵法能弓馬等人充教練使,每年合教習時,常令

仍於其時申兵部。」御史臺奏:「諸色刑獄有關連朝官者,尙書省四品已上、諸司三品

已上官,宜先奏取進止。 如取諸色官狀,即申中書取裁。」從之。

御史大夫、上柱國、贊皇郡開國公、食邑一千五百戶李珏卒,贈司空。敕犯贓人平贓,據律 以當時物價上旬估。請取所犯之處,其月內上旬時估平之。從之。 上柱國、范陽郡開國公、食邑二千戶盧鈞可太原尹、北都留守、河東節度使。 秋七月丙辰,前淮南節度使、金紫光祿大夫、檢校尚書左僕射、兼揚州大都督府長史、 檢校司空、太子少師、

七年春正月壬辰, 金紫光祿大夫、守太子少傅分司、上柱國、晉陵郡開國公、食邑二千

九月,敕起居郞轉官月限,宜以二十箇月。

歸融卒,贈右僕射。 宗正卿李文舉貶睦州刺史公司。

戶

四月,以御史大夫鄭朗爲中書侍郎、同平章事。

五月,左衞率府倉曹張戣集律令格式條件相類一千二百五十條,分一百二十一門,號

日刑法統類,上之。

本紀第十

八八下

宣宗

行兵部侍郎、知制誥、充翰林學士蘇滌爲尚書左丞,權知戶部侍郎崔興可權知兵部侍郎。 七月,以正議大夫、尚書左丞、上柱國、賜紫金魚袋崔璪爲刑部尚書,以銀青光祿大夫、

十月,尚書左僕射、門下侍郎、平章事、太清宮使、弘文館大學士崔鉉進續會要四十卷,

修撰官楊紹復、崔豫、薛逢、鄭言等,賜物有差。

八年春正月,陝州黃河清。

二月,南蠻進犀牛,韶還之。

南東道節度使、檢校戶部尙書、襄州刺史、上柱國、酒泉縣開國子、食邑三百戶李景讓爲吏 給事中盧耽、太常少卿蔣偕、司勳員外郎王渢、右補闕盧吉, 三月,敕以旱詔使疏決繫囚。 宰相監修國史魏謇修成文宗實錄四十卷上之,修史官 頒賜銀器、錦綵有差。 以山

功縣開國子、食邑三百戶蘇滌檢校兵部尙書,兼江陵尹、御史大夫,充荆南節度管內觀察處 五月,以中書舍人、翰林學士韋澳爲京兆尹;以戶部侍郎、翰林學士承旨、上柱國、武

直等使。

部尚書。

七月,銀靑光祿大夫、守門下侍郎、同平章事魏謇兼戶部尙書。

男、食邑三百戶、夏綏銀宥等州節度營田觀察處置押蕃落安撫平夏党項等使。 八月,以司 農卿鄭助爲檢校左散騎常侍,兼夏州刺史、御史大夫、上柱國、榮陽縣開國

九年春正月辛巳,銀青光祿大夫、秘書監、許昌縣開國男陳商卒,贈工部尙書。

二月,中書侍郎,兼禮部尙書、同平章事裴休檢校吏部尙書,兼汴州刺史、御史大夫,充

許錢未會入手,便事敗。奉敕並准法處死。主司以自獲姦人,並放。 黃續之、趙弘成、全質等三人僞造堂印、堂帖,兼黃續之僞著緋衫,將僞帖入貢院,令與舉 下。其吏部東銓委右丞盧懿權判。以吏部侍郎鄭涯檢校禮部尚書,兼定州刺史、御史大 月俸料,考試官刑部郎中唐枝出爲處州刺史,監察御史馮顓罰一月俸料。其登科十人並落 宣武軍節度使、汴宋亳潁觀祭處置等使。 人虞蒸、胡簡、党贊等三人及第,許得錢一千六百貫文。據勘黃續之等罪款,具招造僞,所 夫,充義武軍節度、易定州觀察處置、北平軍等使。 三月,試宏詞舉人,漏泄題目,爲御史臺所劾,侍郎裴諗改國子祭酒,郎中周敬復罰兩 御史臺據正月八日禮部貢院捉到明經

七月,以河東節度使、檢校司空、太原尹、北都留守、上柱國、范陽郡開國公、食邑二千

戶盧鈞守尚書右僕射。

本

紀第

十八下

宜宗

空、同平章事,兼揚州大都督府長史,充淮南節度副大使、知節度使事。宣宗宴餞,賦詩以 八月,以門下侍郎、守尙書右僕射、監修國史、博陵縣開國伯、食邑一千戶崔鉉檢校司

**八三四** 

賜之。

袋鄭涓檢校刑部尚書、太原尹、北都留守、御史大夫,充河東節度、管內觀察處置等使。 九月,昭義節度使、檢校禮部尙書,兼潞州大都督府長史、御史大夫、上柱國、賜紫金魚

十一月,以河南尹劉豫檢校工部尚書、汴州刺史、兼御史大夫,充宣武軍節度、宋亳汴

潁觀察處置等使。以中書舍人鄭顥爲禮部侍郎。

男、食邑三百戶、賜紫金魚袋李訥檢校左散騎常侍,兼越州刺史、御史大夫、浙江東道都團 十年春正月乙巳,以正議大夫、華州刺史、潼關防禦、鎭國軍等使、上柱國、隴西縣開國

子近日諸道所薦送者,多年齒已過,僞稱童子,考其所業,又是常流。起今日後,望令天 算、童子等九科,近年取人頗濫,曾無實藝可採,徒添入仕之門。須議條疏,俾精事業。 臣已 朝廷顧問,卽作等第進名,候敕處分。如有事業荒蕪,不合送名數者,考官卽議朝責。其童 滿後,至時赴科試者,令有司據所舉人先進名,令中書舍人重覆問過。 如有本業稍通,堪備 於延英面論,伏奉聖旨,將文字來者。其前件九科,臣等商量,望起大中十年,權停三年日司, 練觀祭等使。 三月,中書門下奏:「據禮部貢院見置科目,關元禮、三禮、三傳、三史、學究、道舉、明

下州府薦送童子,並須實年十一、十二已下,仍須精熟一經,問皆全通,兼自能書寫者。 如

**違制條,本道長吏亦議懲法。」從之。** 

四月癸丑,以刑部郎中盧搏爲廬州刺史,以給事中、渤海郡開國公、食邑二千戶高少逸

檢校禮部尙書、華州刺史、潼關防禦、鎭國軍等使。

六月,以兵部郎中裴夷直爲蘇州刺史。

九月,以中書舍人杜審權知禮部貢舉。

部尙書、潞州大都督府長史、御史大夫,充昭義節度副大使、知節度使、潞邢洺等州觀察使。 桂管觀察使令狐定卒,贈禮部尚書。 十月,以邪寧慶節度使、檢校禮部尙書、邪州刺史、上柱國、賜紫金魚袋畢誠爲檢校兵

袋章澳檢校工部尚書、孟州刺史、御史大夫,充河陽三城節度、孟懷澤觀察處置等使。 部侍郎、判戶部事;以朝散大夫、守京兆尹、上柱國、扶風縣開國男、食邑三百戶、賜紫金魚 景讓爲御史大夫,以朝請大夫、守御史中丞,兼尙書右丞、上柱國、賜紫金魚袋夏侯孜爲戶 十一年春正月,以銀青光祿大夫、守吏部尚書、上柱國、酒泉縣開國男、食邑三百戶李

是,車駕將幸華淸宮,兩省官進狀論奏,詔曰:「朕以驪山近宮,眞聖廟貌,未嘗修謁,自謂國

本紀

十八下

宜宗

敕命 太原郡開國公、食邑二千戶白敏中以本官兼江陵尹,充荆南節度、管內觀察處置等 界諸蠻及 今屬 兼慮勞人。 一西山八國雲南安撫等使、特進、檢校司徒、同中書門下平章 陽 九來請 和 氣 ,所奏咸 卿 中外 、等職備禁闈,志勤奉上,援據前古,列狀上章,載 知句。」以劍 事 簡,聽政之暇,或議一行。 南 西川節度 副 大使、知節 蓋崇禮敬之心, 渡事 大管內 事、兼 陳懇到 非以逸游爲事 成都 . 觀察處置統 马之詞, 三 尹 、上柱國 深覩 使。 押近 雖 虚 申 忠

部尚 校戶 滎陽 |鼎爲銀青光祿大夫、檢校尚書右僕射、餘官如故。 管內營田 田 減 在 |等使、起復 書、上柱 ,部尙書、同平章事, 卿。 [賓檢校右散騎常侍,兼夏州刺史,代鄭助爲夏綏銀宥節度等使。 「縣開國男、食邑三百戶、賜紫金魚袋鄭助爲檢校工部尚書、別州刺史,充別寧慶節 大夫、檢校兵部尚書、兼江陵尹、御史大夫、上柱國、武功郡開國男、食邑三百戶蘇滌 二月,以夏綏銀宥節度使、通議大夫、檢校左散騎常侍、夏州刺史、御史大夫、上柱 I.觀察處置,兼充慶州南路救援、鹽州及當道沿路鎭寨糧料等使; 以銀青光祿大夫、守門下侍郎、兼戶部尙書、同平章 一國、賜紫金魚袋崔 雲塵將軍、守左金 兼成都尹, 充劍南西川節度副大使、知節度事。 愼 吾衞 由 爲 <sup>然</sup>中書侍 大將軍 同正、檢校兵部尙書、鎭州大都 郎、同平章事 以通議大夫、守中書門下侍郎、兼禮 ò 以成德軍節度、鎭冀深趙觀察 事 、監修國史、上柱國魏謇 以荆南節度使、銀青 以太中大夫、守工 以右金吾衞將軍 肾府長 文史王紹 國、 檢

書、同平章事、集賢殿大學士、上柱國、賜紫金魚袋鄭朗可監修國史。 太中大夫、守工部尚

書、同平章事、上柱國、賜紫金魚袋崔愼由可集賢院大學士。

使。 侍、鎭府左司馬、知府事,充成德軍節度副使,兼充都知兵馬使。 紹孚,鎭州王紹鼎之弟也。景胤,紹鼎子也。以朝請大夫、檢校刑部尚書、華州刺史、上柱 青光祿大夫、檢校太子賓客、兼監祭御史、上柱國王景胤可本官、深州刺史、本州團練守捉 檢校左散騎常侍、右神武大將軍知軍事王紹孚可落起復,依前右神武大將軍。 三月,起復朝請大夫、深州刺史、御史大夫,兼成德軍節度判官王紹懿可檢校左散騎常 以成德軍中軍兵馬使、銀 紹懿、

國、酇縣開國男、食邑三百戶、賜紫金魚袋蕭俶爲太子賓客,分司東都。

軍宋涯爲安南都護、御史中丞、本管經略招討處置等使。以幽州節度使張允伸弟允中爲荆 御史中丞、江南西道都團練觀察處置等使,仍賜紫金魚袋。以安南宣慰使、右千牛衞大將 盧懿檢校工部尚書,兼鳳翔尹、御史大夫、鳳翔隴右節度使,以中書舍人鄭憲爲洪州刺史、 爲京兆尹。以鳳翔節度使、正議大夫、檢校戶部尙書,兼鳳翔尹、上柱國、襲晉國公、食邑三 千戶、襲實封一百五十戶裴識可許州刺史,充忠武軍節度、陳許蔡觀察等使;以吏部侍郎 司東都, JU 一月,以職方郎中、知制誥裴坦爲中書舍人。以朝議大夫、權知京兆尹崔郢爲濮王傅,分 以決殺府吏也;以江西觀察使、洪州刺史、御史中丞、上柱國、賜紫金魚袋張毅夫

本

紀 第 十 八 下

宜 宗

六三八

使、 州 刺 朝議 史台 大 夫、 允千檀州 檢校工 刺史,允辛安塞 部尙書、 那州刺史、 軍使, 上柱國、 允舉納降軍使, 並兼御史中丞。 賜紫金魚袋柳憙 可檢校禮部尙書、 以前邪寧節度 河

五月,以職方郎中李玄爲壽州刺史。

南

省、兼御史大夫,充東都留守、東畿汝都防禦使。 檢校司空、兼太子太傅分司東都、上柱國、扶風郡開國公、食邑二千戶杜悰本官判東都尚書 官同平章事、判度支。 爲容州刺史、容管經略招討處置 大夫、守尙書兵部侍郎、判度支、上柱 E 柱 |國、賜紫金魚袋|劉潼爲鄭州刺 **六**月, 以朔方靈武定遠等城節 以右監門將軍、 學使。 史, 度使、 國、 馳驛赴任,以給邊兵糧 制皇第三男權封衛王 知內府省事、淸河公崔巨淙爲淮南監軍。 朝散大夫、檢校左散騎常侍、 彭城縣開國男、食邑三百戶、賜紫金魚袋蕭鄴本 一,第十一男滩 不及時 也。 靈州大都督府長 封廣王。 以安南 都護宋涯 以特進、 以 朝

七月,以飛龍使、宮闈局令王歸長守內侍省內常侍,知省事,充內樞密使。 責授那州

外司馬張直方爲右聽衞大將軍。

**汭爲開府儀同三司、守鎭州大都督府長史、成德軍節度、鎭冀深趙觀察等大使;以成德軍** 八月,成德 軍節度使、檢校尚書右僕射王紹鼎卒,贈司空,賻布帛三百段。 以皇子昭王

朝散 節 請立 檢校 使; 易定 度、易定 銓 大夫、上柱 事 部 度 (副使、 右 礼觀察、 尙 德 以 大夫、中書舍人、賜紫金魚袋曹確權知 以 散 四 政 銀銀 觀 碑頌 鎭 騎常侍、鹽州 、青光祿大夫、守散騎常侍、上柱國、 北平軍等使公方 國 | 察等使、檢校禮部尙書、定州刺史、上柱 都知兵馬使、左司馬、知府事、御史中丞王紹懿爲成德軍副使留後。 北庭行軍、涇原潤武節度使、銀青光祿大夫、檢校右散騎常侍、涇州刺 、范陽縣開國男、食邑三百戶盧簡求可檢校工部尚書、定州刺史、義武節度使、 刺 緒以弟 史、 上柱國, 刺史、上柱 綯 在 中書, 以鹽州防禦押蕃落諸軍防秋都知兵馬使、度支烏池権 充宣武軍節度副大使、知節度事、宋亳觀察、亳州太淸宮等 國、賜紫金魚袋陸耽代簡求爲涇原節度使。 上 表乞寢,從之。 河南尹 渤海郡開國伯、食邑七百戶封敖爲 |國、滎陽縣開國男、食邑三百戶鄭涯 汝州 以太常卿蘇滌爲兵部尚書、權 防禦使令狐緒有善政, 以 以義武軍節 翰林學士、 太常卿。是 郡 史、 稅 知吏部 人詣闕 等使、 御史 檢校

節 夫、檢校司空、 魚袋杜 度等使; 九 審 月,以秦州 權 爲 以禮部 兼太子太師、上柱國、范陽郡開國公、食邑二千戶盧鈞爲檢校司空、 刺 鄓 大 史李承勛爲朝散大夫、 都 中楊 督府長 知温 | 充翰林學士; 史、兼御史大夫、陝虢都 、檢校工 以中散大夫、 一部尚書、涇州 防 禦觀祭處置等使; 尙書禮 刺 部 史,充四 i 侍郎、 | 鎭北庭涇原渭 上柱 以銀青 國、 同中書門 光祿大 賜紫金

月,熒惑犯

東

并

本

紀

第

-|-

入

下

宜宗

善能 惑,常以之爲誠。 遣中使往 告,三章求免。 於諫官,雖少翁、欒大復生,不能相惑。 - 平章 **|攝生,年齡亦壽,乃遣使迎之,或冀有少保理也。 股每觀前史,見秦皇、漢武爲方士所** 、興元尹,充山南西道節度等使。右補闕陳嘏、左拾遺王譜、右拾遺薛廷傑上疏諫 羅浮山迎軒轅先生。 是月乙未,彗出於房初度,長三尺。 卿等位當論列,職在諫司,閱示來章,深納誠意。」仍謂崔愼由曰:「爲吾言 韶曰:「朕以萬機事繁, 如聞軒轅生高士,欲與之一言耳。」宰相鄭朗累月請 躬親庶務,訪聞羅浮山處士軒轅集,

/禮/記 鄭朗 史、御史大夫,充成德軍節度、鎭冀深趙觀察等使。 故也。以成德軍觀察留後、御史中丞、賜紫金魚袋王紹懿檢校 使,以太常少卿崔鈞爲蘇州刺史。 士。以華州刺史高少逸爲左散騎常侍,以蘇州刺史裴夷直爲華州刺史、潼關防禦、鎮 元尹 ]博士李潯爲郴州司馬,判官河南府士曹李寂永州 十月, 可檢校尙書右僕射,兼太子少師口也。以山南西道節度使、中散大夫、檢校禮部尙書、興 上柱 國、賜紫金魚袋蔣係權知刑部尚書,宰相崔愼由兼修國 制通議大夫、守中書侍郎、禮部尙書、同平章事、監修國史、上柱國、賜紫金魚袋 入迴鶻册禮使、衞尉少卿王端章貶賀州 以中書舍人李藩權知禮部貢 司 馬。 端章等出塞,黑車子阻 工部 尙書,兼鎭州 史, 蕭鄴兼集賢殿大學 司馬、副 大都督府長 院院 使國 路 國軍等 m 迴

十一月,太子少師鄭朗卒,贈司空。

銀青光祿大夫、檢校尚書左僕射、兼太子太保、充

令百官奉慰,上之元舅也。 右羽林統軍、御史大夫、上柱國、滎陽縣開國男、食邑三百戶鄭光卒,輟朝三日,贈司徒,仍 如故。 宰相崔愼由爲中書侍郞兼禮部尙書,尙書蕭鄴兼工部尙書,餘

等使。 尙書、上柱國、賜紫金魚袋蔣係檢校戶部尙書、鳳翔尹、御史大夫、鳳翔隴右節度觀察處置 府左司馬、知府事、御史中丞張簡眞檢校右散騎常侍,允伸之子也。以中散大夫、權知刑部 以正議大夫、檢校戶部尙書、兼太子賓客、上柱國、賜紫金魚袋孔温業本官分司東都,以病 保分司東都、上柱國、河東縣開國男、食邑五百戶裴休檢校戶部尚書 銀潞州大都督府長 請告故也。 國、河東縣開國男、食邑三百戶、賜紫金魚袋柳仲郢本官兼御史大夫,充諸道鹽鐵轉運使。 史、昭義軍節度副大使、知節度事、潞磁邢洛觀祭等使。以正議大夫、行尙書兵部侍郎、上柱 部侍郎、知制誥、上護軍、賜紫金魚袋蔣伸爲兵部侍郎,充職。以金紫光祿大夫、守太子少 上柱國、賜紫金魚袋劉豫爲尙書戶部侍郎、判度支。以翰林學士承旨、通議大夫、守尙書戶 戶舉藏爲太原尹、北都留守、河東節度使;朝議大夫、檢校禮部尙書、兼太原尹、北都留守、 十二月,以昭義軍節度使、朝議大夫、檢校工部尙書、上柱國、平陰縣開國男、食邑三百 。禮部郎中楊知温本官知制誥,充翰林學士。以幽州中軍使、檢校國子祭酒、幽

是歲 又有鳥人面綠毛,爪喙皆紺色,其聲曰「甘」,人呼爲「甘蟲」。 舒州吳塘堰有衆禽成巢,闊七尺,高七丈,而水禽、山鳥、鷹隼、燕雀之類,無不馴

街使、上柱國、襲太原郡開國公、食邑二千戶、賜紫金魚袋王鎭爲檢校左散騎常侍、使持節 戶、賜紫金魚袋蕭俶守太子少保分司。 經略招討處置等使。 使、朝散 廣州刺史、御史大夫,充嶺南東道節度觀察處置等使。 練觀察使。以太中大夫、福州刺史、御史中丞、上柱國、賜紫金魚袋楊發檢校右散騎常侍、 郎,尋尙皇女廣德公主,改銀青光祿大夫、守右拾遺、駙馬都尉。以安南本管經略招討處置 德,日月齊明,何必別求長生也。」留之月餘,堅求還山。以前鄉貢進士于琮爲秘書省校書 大夫、守京兆尹、上柱國、賜紫金魚袋張毅夫爲鄂州刺史、御史大夫、鄂岳廝黃申等州 曰:「先生遐壽而長生可致乎?」曰:「徹聲色,去滋味,哀樂如一,德施周給,自然與天地合 、襲魏郡開國公、食邑二千戶、賜紫金魚袋王式爲安南都護、 十二年春正月,以晉陽令鄭液爲通州刺史。羅浮山人軒轅集至京師,上召入禁中,謂 ·大夫、檢校左散騎常侍、安南都護、御史大夫、賜紫金魚袋李弘甫爲宗正卿。 以朝請大夫、前守太子賓客分司東都、上柱 以朝請大夫、檢校左 。以朝散大夫、守康王傅分司東都、上 一散騎常侍、右金吾大將 一國、酇縣開國男、食邑三百 **兼**御史中丞, 充安南本管 軍、充右 都團 以中

柱國、賜紫金魚袋崔愼由檢校禮部尙書、梓州刺史、御史大夫、劍南東川節度副大使、知節 官同平章事 正源守大內皇城留守。 朝議郎、守尙書司勳郎中、知制誥、賜緋魚袋孔温裕爲中書舍人,充職。 都督 福州諸軍事,兼福州刺史、御史大夫,充福建等州都團練觀察處置等使。 了依前判度支。 以朝議大夫、守尙書戶部侍郎、判度支、上柱國、賜紫金魚袋劉瑑本 以太中大夫、守中書侍郎、兼禮部尙書、同平章事、監修國史、上 以右驍衛 以翰林學士、 上將軍李

度事

丁,代韋有翼;

以有翼爲吏部侍郎。

光祿大夫、檢校秘書監、忽汗州都督, 判度支、上柱國、賜紫金魚袋劉瑑可充集賢院學士。 開國男、食邑三百戶、賜紫金魚袋蕭鄴爲監修國 爲尙書戶部侍郎。 鐵 朝叢大夫、守尙書戶部侍郎、判戶部事、上柱國、賜紫金魚袋夏侯政爲兵部侍 昭武校尉、右金吾衞將軍; 大夫、守左領軍衞大將軍分司東都、上柱國、會稽縣開國公、食邑一千五百戶康季榮可檢校 【轉運使;以朝請大夫、權知刑部侍郎、賜紫金魚袋杜勝爲戶部侍郎、判戶部事 二月,以前邕管經略招討處置使、朝議郎、邕州刺史、御史中丞、賜紫金魚袋段文楚爲 以朝散大夫、守工部尙書、同平章事、充集賢殿大學士、上柱國、彭城縣 以朝議郎、守中書舍人、權知禮部貢舉、上柱國、賜緋魚袋李藩 册爲渤海國王。 史。 以渤海國王弟權知國務大虔晃爲銀青 以朝議大夫、守戶部侍郎、 以兵部侍郎柳仲郢爲刑部尙書。 郎, 同平章事 充諸道鹽 以光祿 以

本

第十八下

宜

前右金吾衞將軍鄭漢璋,前鴻臚少卿鄭漢卿, 馬。以工部與中、知制誥于德孫,庫部與中、知制誥苗恪,並可中書舍人,依前翰林學士。 尚書右僕射 外郎、史館修撰李渙爲長安令。 大夫、行給事中、駙馬都尉衞洙爲工部侍郎,前濮王傅分司皇甫權爲康王傅分司。以庫部員 兼左衞上將軍分司。 貶前利州刺史杜倉爲賀州司戶 並起復授本官, 國舅光之子也。 , |蔡||州 刺 史李叢邵州 以銀青光祿 以

候段威爲朔州刺史,充天寧軍使,兼興唐軍沙陀三部落防遏都知兵馬使。 閏二月,以司農少卿盧籍爲代州刺史,前江陵少尹杜惲爲司農少卿。 以河東馬步都虞

五月 ,以兵部侍郎、鹽鐵轉運使夏侯孜本官同平章事

六月,南蠻攻安南府。

八月,洪州賊毛合、宣州賊康全大攻掠郡縣,詔兩浙兵討平之。

十二月,太子少保魏謇卒,贈司徒。

十三年春正月,以號陝觀察使杜審權爲戶部侍郎、判戶部事

三月,宰相蕭鄴罷知政事,守吏部尙書。

四月,以翰林學士承旨、兵部侍郎、知制誥蔣伸本官同平章事。

五月,上不豫,月餘不能視朝。

下侍郎、平章事令狐綯攝冢宰。羣臣上諡曰聖武獻文孝皇帝,廟號宣宗。十四年二月,葬 八月七日,宣遺韶立鄆王爲皇太子,勾當軍國事。 是日,崩于大明宮,聖壽五十。 韶門

乎?股有天下,竟得幾年?」集取筆寫「四十」字,而十字挑上,乃十四年也。興替有數,其若 之,誠曰:「勿令敕使知,謂予私於侍者。」其恭儉好善如此。 時人主所行,黃門先以龍腦、鬱金藉地,上悉命去之。宮人有疾,醫視之,旣瘳,卽袖金賜 雖左右近習,未嘗見怠惰之容。與羣臣言,儼然煦接,如待賓僚,或有所陳聞,虛襟聽納。舊 聲載路。上宮中衣澣濯之衣,常膳不過數器,非母后侑膳,輒不舉樂,歲或小饑,憂形於色。 曆已來,中人擅權,事多假借,京師豪右,大擾窮民。洎大中臨馭,一之日權豪斂迹,二之日 上曰:「先生少留一年,候於羅浮山別創一道館。」集無留意,上曰:「先生捨我亟去,國有災 訪以治國治身之要,其伎術詭異之道,未嘗措言。 史臣曰:臣嘗聞黎老言大中故事,獻文皇帝器識深遠,久歷艱難,備知人間疾苦。自寶 集亦有道之士也。十三年春,堅求還山。 季年風毒,召羅浮山人軒轅集,

本紀第十八下

宜宗

校勘記

揮翰,有所慊然。

!而帝道皇猷,始終無缺,雖漢文、景不足過也。 **惜乎簡籍遺落,舊事十無三四,吮墨** 

歌詠明君。 贊曰:李之英主,實惟獻文。 粃粺盡去,淑慝斯分。河、隴歸地,朔漠消氛。 到今遺老,

## 校勘記

- 〔1〕所司迎奉 「司」字各本原無,據冊府卷三一補。
- (三) 更添置八所 通鑑卷二四八作上京兩街「更各增置八寺」。「更」字下疑脫「各」字。
- 兩所依舊名 「右街添置八所」,此處當有「左街」爲宜。 據唐會要卷四八、通鑑卷二四八胡注,「兩所」上疑脫「左街」兩字。 本卷下文云
- (日) 千福寺改爲興元寺 作興聖寺)乃尼寺,爲新添八寺中之二寺,均「依舊名」。又下文「興福寺」下,兩書均有「尼寺一 所,萬善寺改爲延唐寺」之文,正合添置八寺之數。 據唐會要卷四八、通鑑卷二四八胡注,此處之千福寺爲僧寺,興元寺(通鑑 疑此處「改爲」兩字爲衍文。
- (五) 諸州或得三考 「三」字各本原作「五」,據冊府卷六三六、英華卷四三〇改
- (六) 張君緒 「君」字各本原作「景」,據本卷下文及通鑑卷二四八改。

(中) 元和實錄 「實」字各本原作「寶」,據唐大韶令集卷五八改。

(元) 二百二十四年 各本原作「三百四十四年」,據本書卷五〇刑法志、唐會要卷三九、殘床本冊府

卷六一三改。

(九) 今後公主除緣徵封外 「緣」字各本原作「錄」,據唐會要卷六改。

8

**兼秦成兩州經略**使

(11) 定成關 新書卷三七地理志隴州 汧源縣下云: 「西有安戎關,在隴山,本大震關,大中六年防禦

「秦成」下各本原有「階」字,據新書卷六七方鎮表刪。

使薛逵徙築更名。」疑此「定成關」爲「安戎關」之誤

 $\stackrel{\triangle}{=}$ 宗正卿李文舉貶睦州刺史 此事已見本卷上文,此處複出。

權停三年 「停」字各本原無,據唐會要卷七七、冊府卷六四一補。

所奏咸知 「咸知」二字各本原無,據冊府卷一〇一、全唐文卷八〇補。

물 以幽州節度使張允伸弟允中爲荆州刺史 校勘記卷九云:「以幽州所轄考之, 或當爲膩, 斷非

公古 北平軍等使 各本原作「北都天平軍等使」,據本書卷一六三盧簡辭傳刪。

<del>2</del>

傳改。

制也。」

兼太子少師 「師」字各本原作「保」,據本卷下文、本書卷一七三鄭覃傳、新書卷一六五鄭珣瑜

第 + · 八 下 校 勘 記.

本

紀

